

УДК 821.512.122
ББК 84 Қаз 7-44
Б 78

*Қазақстан Республикасы Мәдениет жөнне ақпарат министрлігі
Ақпарат жөнне мұрагат комитеті
«Әдебиеттің ғлеуметтік маңызды түрлерін басып шыгару»
багдарламасы бойынша шыгарылды*

Бекей Оралхан.

Б 78 ШЫГАРМАЛАРЫ. Роман, повестер. / Оралхан Бекей. – Алматы:
«Ел-шежіре», – 2013.
Т. 2. –384 б.

ISBN 978-601-7317-48-5

Жазушының көптөмдүк «Шығармаларының» қолыңыздағы 2-томына «Атау-кере» романы және «Бәрі де майдан», «Күм мінезі» (Бархан) атты екі повесі енді. Романда Алтай тауындағы омарташылар өмір-тіршілігі қамтылған. Бас кейіпкер Еріктің, оның шешесі Нюраның, жұбайы Айнаның арасындағы окига психологиялық ауанда өрбиді. Сондай-ақ бас тұлғаның бірі Таған атты атпал жастың талантын таптаған маскүнемдік дөртке душар болу себептері де сезімталдықпен суреттеледі. Автор сонымен бірге сонау ашаршылық, жеке басқа табынушылық кезіндегі ел ішіндегі нәубетті дөл көрсетіп, көнілге қозғау салады.

Жинақтағы екі повест те тіл көркемдігімен, ой тереңдігімен, образ кесектігімен ерекшеленеді.

**УДК 821.512.122
ББК 84 Қаз 7-44**

**ISBN 978-601-7317-48-5
ISBN 978-601-7317-46-1**

© Исаканова Г., 2013
© «Ел-шежіре» КҚ., 2013



АТАУ-КЕРЕ (ҚАУІПТІ БУДАН)

Роман

*Ара жасаған қогамдық өмірдің
деңгейіне жету үшін адам баласының
алдында әлі талай ұзақ жол жатыр.*

Матерлинк

*Көптен кеткен көмусіз қалар.
Халық нақылынан*

1

Ол Бек-Алқага жылына бір рет міндettі түрде қатынайтын. Туған ауыл, ел-жұрттын емешегі үзіліп сағынғандықтан емес (қайбір екі туып, бір қалғаны бар), жыл бойғы табан ет, маңдай тердің құнын шығарып, ұшы-қыры таусылмас шаруасының шалғайын қайыру үшін етектегі елге – Үлкен Жерге асығатын. Ал шаруа, басқаны қайдам, Ерік үшін қайта айналып орнына келе берер күн мен түн секілді мәңгілік қозғалыстағы, мәңгілік айналымдағы дүбірлі дүние, таусылмас қазына.

Сонау Таулы Алтай өлкесімен қолтықтасып жатқан «Қатын сүйнің» дәл кемеріндегі омаргадан мынау Бұқтырма өзенін мінбелей орналасқан Бек-Алқага дейін атпен жүрсөң – күншілік жол. Онда да танғын алғашқы хабаршы сәулелері тарап, елең-алаң шақ туда атқа мінбесең, қонаға жете алмай қаласың. Ерік бүгін тым ерте шыққан. Түнге қалсан, тау арасындағы шөп көмкеріп тастаған жалғыз аяқ соқпақтан адасып, соқырандап сорың қайнайды, тек – астындағы атыңың жершілдігіне сенер едің. «Шашты» деп аталар асудың үстіне шыққанда, мұқым ойпат: соная Алтайдың күміс шашбауындей ирелендей аққан Бұқтырма өзені; сол ерке өзенді еміп, екі жағалауына өнірдегі түймедей қаз-қатар орналасқан үлкенді-кішілі ауыл; сол ауыл-

дың ара-арасын құр жіптей шуатыла жалғап жатқан жіңішке жол; сол жолдың үстінде шаңнан шашу шаша құйғытқан замана көлігі – машиналар – бәр-бәрінің үстінен тас лактырсаң, тұтып қалардай тұнып тұрған қою мұнар омарташы жігіттің көз алдына әлдекандай бір сиқырлы сұлулықты елестеткен. Бірақ ол осынау көк мұнар қабыздаған көркем көрініске терең тебіреніспен сүйсіне қойған жоқ. Тіпті сол сыландаған сұлулықты әдібін ашып түсіне де қоймапты; жоқ іздегендей қанағатсыз қөңілмен ұзак қарап тұрды да, аспанмен таласқан занғар асуды бауыздай бауырлап кетер қолдың тамырындай сан ирек, сан тарау соқпақты қуалап құлдай бастаған; құлдаған сайын жайлаудың әлгіндейі жанынды жаннатқа бастап аймалаған салқын самалы биіктे қалып, тамыздың таңдай кептірер аптабы алдынан анталай ұмтылады. Ол етектеген сайын өрмекшінің торындей көзге көріне шымырлап қайнап тұрған ыстық леп ындының қансыта бастаған; ат тұяғы тиғен сайын сырт-сырт етіп ыршып түсер шегірткенің миынды тербел зәрезап қылар шырылы құлақ тұндырады; ойдың шебі пісіп қалған – мұрынға ерменнің кермек иісі келеді, ал басы сарғайынқы тартып, қаулап өскен ақ ерменді кешіп өткениңде басынан тозаны ұшып, тиғен жерін сап-сары ала тоңғақтап тастайды.

«Ауыл биыл ыстық екен» деп ойлады. Басындағы қалпағын шешіп, мандайындағы моншақтаған терді алақанымен сыпырып тастады. Кеудесіндегі тері жарғақты да шешіп, ердің алдындағы қанжығасына байлады. Астындағы жол жорғасы бар көкбестінің алғашында құлағының тубі ғана жіпсіп еді, енді тоқымының шетінен ылжырап көбік шығып, күннің ыстығы мен еңіске қарай тарбаяқтаған лоқылдақ жүріс қарадай қинап, қан сорпасын шыгарды. Көкбестінің арқасындағы тепсе темір үзетін төртбақ жігіт қана салмақ болып келе жатқан жоқтын; көкбестінің белінде әрқайсысы елу килограмм тартар екі сүйретпе бал бар еді. Ал дүниеде балдан тәтті әрі ауыр нәрсе жоқ. Жылқының терісінен мұнтаздал илеп, әдемілеп тіккен тері қоржынды жергілікті кержақ-орыстар «сума» деп атайдын. Сұйықтың кай түрін құйсаң да бір тамшы ақпайтын, не жыртылып, тозбайтын тері қоржынды Еріктің әкесінің әкесі ұстап, атадан балаға мирас боп келе жатқан киелі мұлік еді. Еріктің әкесі Қандауыр жарықтық тері қоржынның игілігін

онша көре қоймаған, тек анда-санда ерігіп аңға шыққанда, ердің артқы қасына іле салатын. Қанжығасы қанданып, олжалы оралған күнді Ерікке көруге жазбапты. Тура жүріп, тұра сөйлейтін Қандауырдың тым-тым қара қылды қақ жарған әділдігі түкүм қуалап, Ерікке жұға қойған жоқ-ты; әкесін көзі тірісінде көрмей, мұнын қызылشاқа кезінде күні бүгінге дейін түсініп болmas белгісіз сапарға аттанып кетуі тәлім-тәрбиесіне әсерін тигізгендей; сондықтан да әү бастан тек өзі ғана таңдал алған жолға түсті. Қазір де сол – өзі таңдал, өзі сайлап алған жолымен келеді...

Ауыл биыл ыстық екенін вертолетші жігіт Андрейден естіген. Шілде бойы шіліңгір ыстық басып, күнгей-күнгейдің шөбін күйдіріп, жаялықтай саргайтып жіберіпті. Енді, міне, бедірейген аспанның омырауы семіп, тамыз басталғалы да бір тамбай, жер-көктің апшысын қуырып тұр. Етекке түскен соң, көкбесті жол жорғасына салды. Баар жерге тезірек апарып тастанап, арқасындағы зілбатпан жүктен құтылғысы келгендей көсіле жортақтап, ауыздығын сүзе соза тарта жөнелген. Жас мал болғанда жүріске мықты, астынан ит өтіп жатса да, жымыраң қақпайтын мінезді жылқыны Ерік жан жолдасындей жақсы көретін. Құлын кезінен құндаққа орагандай мәпелеп өсірді, шошаң етер жерге шоқырақтатпай, осындаі азамат тақымы, аргымак арқасы сыналар ұзақ та еңқу-енқу сапарға сақтайдын. Әзірге екеуі де сыр алдырған жоқ. Мандай мен сауырдан сорғалаған бір күнгі тер деген не тәйірі, ертең-ак жайлайға қайтып оралған соң, екеуі қарға аунаған түлкідей тұрленіп шыға келмей ме?!

Кемері тастақтанып басталар қара суға жеткенде, көкбесті тізгінді жұлқа тартып су ішкісі келгенін білдірді. Тізеден келетін өзенді күрпілдете кешіп, шымырлаган майда толқындарды тұмсығымен жара, суды тартып-тартып ішетін әдетімен жүре сиңғытты. Ерік еңкейіп барып ауыздығын алды. Өзі де сол аттың бауырына түсे еңкейген қалпымен, алақанымен көсіп-көсіп уысына ілінген суды ұрттап шөлін қандырған. Оқыс келген зұлматтан үріккен майда шабактар тым-тырақай жосыла жөнелді. Күннің аттабы Алтайдың бұлақ суларын жылыта алмас еді. Әр шақырым сайын таудың құзар басынан сарқырай құлап, Бұқтырмага құяр бұлақ бастауын қардан алатындықтан да, жаздың жуан ортасында тісімізді зыр еткізер сұықтығын

сақтап қалатын. Омарташы жігіт мұздай сумен ыстықтан барбия бастаған бетін сипап, дәреттегендей қайта-қайта қуаттана жуды. Қара судың ортасында рақаттанған көкбесті мен иесі жолсокты ұзак жүрістен соң, қалжаланғандай тәтті бір әсерге еніп еді. Жаз тұа, шыжбындан тыным таппайтын жылқының құйрығы суға малынып тұрса да, сауырын жағаттан көк бас сонаны тынымсыз сабалайды. Қылқұйрықтан шашыраған су Еріктің бет-аузын бұлғады, бірақ омарташы ожар мінез танытпады. Көкбестінің қаз мойнына қонған сонаны қамшысымен қағып түсірді де, «шу, жануар» деген емеуірінмен тебініп қалды. Арғы жағалауға шыққан соң, аттан түсіп, бел жазып дем алды. Тоғай іші гуілдеген қанбазар тіршілік: жігіттің білер- білмес жәндіктері сайран салуда. Әлдебір талдың жапырағына ара келіп қонды. «Бал арасы еken. Бұл маңда кімнің омартасы бар еді» деп, есіне түсіріп еді, ешкімнің есімі есіне орала қоймады. Әлгі бал арасы ендігі сәтте көкбестінің белін мықшытып тұрган тері қоржынды айналсоқтай бастады. «Пәтшағардың иісшілін» деп, бар шаршауын арадан алғысы келгендей қамшысымен тартып жіберіп еді, мұндан дәлшіл болар ма, сеспей қатқаны. Қара жолдың үстіне ат тұяғы ойған шұңқыршада түк-түк аяғы дірілдеп біраз жатты да, жантәсілімін берді.

«Есектің еті арам, күші адад» дейді еken қазактар, ендеше, ара жазғанның «тартқаны – бал, шаққаны – у» деп, осына ойдың санасына орала кеткеніне насаттанғандай атқа қонды. Тоғай арасындағы сұыртпақ жол ауылдың шетіне алып шықты. Бұл кезде күн екіндіге таяп, бағанағы ыстықтың беті қайта бастаған.

Еріктің былтырдан бері ауылға келгені осы. Өзгермен. Өзгергені өзі ғана секілді, көшеде көрген жұрттың бәрі бұған үркे қарайтындағы сезікті сезінді. Бұрынғыдай емес, бұл ауылдың адамдары бұлдана есендесетіндей, бейне бір кісікік көргендей көздерінің астымен сүзе қарайды, не болмаса байқамағансып, байырқаламай асығыс өте шығады. Соңғы кезде адамдар мінезіне санамен кіріп, сыздата бұлдіріп жүрген осына тоңмойындық ауылдастарының баяғы жайсаң жаны қай жылдардан бастап қасаңдай бастағанын, зейін қойып, зерттер зерде Ерікте бар-жоғын білмейміз; біздің билетініміз: замана көші байсалданып, баянды ғұмыр кешкен сайын өмір сұру женілденіп, сауық-сайран көбейген сайын санамыз

сарабдал тартып, таңғажайып оқиғаның күәсі болған сайын құлқынымызға күм түскендей қатал да қайрымсыз; ешкімге де, еш нәрсеге де сенбейтін сезімсіз «сергектік» жайлағандай еді бойымызды. Тек алға, алға ғана тұра тартқан: жасықтың пен жалтақтықтан ада, асав батылдық балталасаң да қынқ етпес батырлық сықылды болғанымен, көсегемізді қөгерпес қөбеттікке бой алдырап кісәпірліктің көрігін көбірек басып жүрген жоқпыз ба деген құнәлі ой түрткілеп мазаны алар еді. Еріктің туған ауылынан кеткенине, сонда да мүлдемге емес, үш-ақ жыл болса да өзін осыншалық жат, өзгеше бір өгейлікпен қарсы алады деген ой үш үйіктаса түсіне кірген жок.

Бұл ауылдан қара үзіп, қарада бой, қарда ізін қалдырмай ауып кеткен ешкім жок, өзі жылына бір рет қатынап, хабар-шарын алып-ақ түрады. Бұлар Алтайдың басындағы омартаға қошкенде, қөздері құлімдеп, қөсегесі қөгерердей хош қөңілмен куанған да осы – Бек-Алқалықтар болатын. Енді, міне, әне: есік-терезелерінен сығалап, «апыр-ау, қайта қөшіп келе ме» деген қауіпті ой түртпектеген ауылдың қатын-қалашы (еркектері шөпте) Еріктің сонынан жыртиыса қарап қалған. Біздің жігіт байқамағансызы, олар қөрмегенсіді. Ол қөбестіңің басын есік-терезесі айқыш-үйқыш тақтаймен шегеленген өз үйіне тіреді, аулалары биік еді. Ауласын тақтаймен биік етіп қоршап, ішінде атан сойып жатсаң да тірі пенде көре алмайтын үйлер бұл ауылда жеke дара емес. Ағаш қақпасы қанқ етіп жабылған соң жабығынан да сығалай алмайсың. Білгенінді істе. Еріктің үйі баяғыда әкесі кержак-орыстардан сатып алған екі қабатты ағаш үй. Бірінші қабаты жартылай жерге кіріп тұратын бұл үйлердің өзгеге ұқсамас ерекшелігі бар. Бөлмелері тар, бірақ биік. Екінші қабатына іштен де, сырттан да кіретін есігі бар. Терезелерінің сыртқы жактауы самырсын тақтайдан оюолап әшекейленген, маңдайшасында қос тұмсық самұрық құстың суреті оюолап салынған. Патша заманынан қалған осы бір жалғыз белгі әлі қунғе тұр, ешкім мән беріп, тиісті орынға хабарлап тиісе қойған жок, небір тарихи айтыс-тартыс, құбылмалы құбылыстардан есен-аман өтті. Құн жеп тозған, ептеп жарықшақтана сызат түскені болмаса, сол қалпы, тағы да бір ғасырдың айғай-шуына төтеп беріп шыдайтын секілді. Еріктің әкесі ер мінезді, аққөніл, адад да атпал азamat болғанымен, үй шаруасына салақ, дүни-

боқты парық қылмайтын арсыл-гүрсіл, ашуының алды бар, арты жок адам еді; оның енгезердей бойы, гүрілдең сөйлейтін даусы менмұндалап, ауылдың бір шетінде отыrsa, екінші шетінде үні тарап, дабырлап, өзін-өзі әшкерелеп коятын ғажап адам еді; ауылдастары «вейлка» деп атап кеткен Қандауырдан төрт құбыласы сай мұра қалмаған, тек Ерік ер жеткенде ғана бұл шаңырактың шашылып кеткен шаруашылығы жинақталып, берекесі кіріп еді. Шешесі айтып отырады: «Ұлым менің әкеме тартқан пысық, қолы месекерлі. Бірақ...» Сол «бірақтың...» ақыры элі құнге айтыла қойған жок.

Кос қабатты ағаш үйдің бірінші қабатына кіретін есіктің жұдырықтай құлбыны ашты. Темір топсасы тоттана бастаған есіктің жан дауысы әдептегіден де қатты шыға ойбайлай ашылды. Ішке кірген Еріктің бетіне өрмекшінің торы жабысып, мұрнына сыз тартқан жер иісі келді. Терезенің алдындағы баяғыда өліп курап қалған қара шыбын, бұл кіргенде тырагайлап қашқан қара тышқан, шаң басқан әртүрлі мұліктер, бұрыш-бұрышқа ау секілді тұтылған өрмекшінің торы – бар-барлығы азынаған иесіздіктің, бақсының моласындай өгейліктің жүдеу кейпін елестетеді. Ерік алғашында жан-жағына жалтақтап қарап, тұла бойын қорқыныш па, әлде жан сыздатар жалғыздық па – өзі де біліп, сезе бермес өзгеше бір мұңды хал тұтқындан, өз үйінен өзі жерігендей жиіркене менірептің тұрып қалған. Ол екінші қабатқа көтерілер сатымен өрлең барып, есігін көтеріп еді, қас қылғандай оның да мөніреп қоя бергені.

Еріктің үйі дөннің үстінде еді. Терезеден қарағанда анау ауылдың қора-қосысы, мал-жаны, әсіресе үйіне кімнің кіріп-шыққаны алақандағыдай көрінетін. Дөннің үстінде Бек-Алқаның қарауылындағы қасқайып тұрган бұл үйдің иесінен осы ауылдың жасырын қалар сыры болмайтын. Екінші қабаттағы бөлмеге көтеріліп, тактай қақпалы терезені ашып, әйнектен сонау ойда ордадай болып жатқан ел-жұрттына көз салды. «Моп-момақан, – деп күбірледі, – ішіне кірші, ордалы жылан секілді». «Кіндік қаның тамып, тұсауынды кескен, балалығыңың бал дәурені өткен атақонысыңа атаңың құны бардай неге өшігесің?» деп, жер-жебіріне жетіп, тәубеге келтірер адам жок болған соң, күпір ойға бара береді де...

«Бекзат менің келгенімді білді ме екен?» Терезенің қақпағын айқара ашып қойды. Бұл – Еріктің тұскенін сатушы әйел Бекзатқа сездіреп белгісі еді.

Ол қайтадан далаға шықты. Бір аяғының салмағын бір аяғына салып, терден сatalақ-сatalақ болып жуас тұрган көкбестінің шап айылын босатып қойды. Алыс жолдан шаршап келген аттың ер-тоқымын бірден алмайды, арқасына ыстық шығып кетеді. Тері қоржындағы балды үйге кіргізген жоқ, біреу-міреу құйып әкетпеді ме дегендей, етігінің ұшымен тұртіп-тұртіп қалды. Бал құйылған тері қоржын сиырдың жас өкпесіндегі былқ етіп барып тынышталды. Ағаш үйдің айналасын, қорақопсысын ине жоғалтқандай тінткілеп, тексеріп шықты. Бәрі орнында секілді. Тек кана қыста сиыр қамайтын бітеу қораның есігі ашылып қалған, «жұмыртқа іздеген балалар-ау» деп күбір етті де, сым темірмен шандып тұрып байлап таставды. Бұдан соң екінші қабатқа қайта көтерілді. Ауыл жым-жырт, әлдеқандай ұлы апатқа ұшырап, ауа қөшіп кеткендей... Дүкеннің алдында өз құйрығымен өзін сабалап салт ат байлаулы тұр. Бірақ дүкенге кіріп-шығып сабылысқан ешкімді көзі шалған жоқ. «Бекзат үйінде-ау деймін. Магазин жабық қой... Онда анау ат неге байлаулы тұр?..» Арашы жігіттің жүргегін қызғаныштың асыранды ала мысығы тырнап алды. «Перінің қызы Бекторы» деп бекер айтпаған-ау сен сайқалды». «Жо-жоқ, ол ондай емес. Адал, бірақ кісіден жем жеп үрентген» деп өз ойына өзі қарсы шықты. Неге екені белгісіз, бұдан бес жыл бұрын қойып кеткен темекі есіне тұсіп, кеңсірігі кебе қатты аңсағаны... Қалталарын сипалап, қаңсыған көнілде ашудың зілсіздеу, шалқып та, шаршып та кетпейтін оты бір тұтанып, бір сөніп мазасын алған. «Үйінде болу керек...»

- «Апыр-ау, сонда анау аттың иесі қайда? Жер жүттү ма?»
- «Басқа бір үйде шай ішіп отырған шығар?..»
- «Почему басқа бір үйде?..»
- «Не болса да жетіп барсам қайтеді?»
- «Түнде де тұндігін желпілдетуге болар».

Бұл шақта батыста барыстай болып сұлап жатқан таудың жон арқасына иегі ілінген күннің шатағы әр үйдің шатыршатырларын жалынымен жалап, тұра Ерік үңіліп отырған терезеге тұскен. Батар күннің бояуы қандай қою болады дейсің, ал қызыл сәулениң алауына оранған Бек-Алқа мұлдем

көрінбей қалды. Дүкеннің бұрышында соқа басыған байлаулы тұрған ат жалқындана жаңып, оттан шыққандай қып-қызыл жылқыға айналған. Терезенің шынысына түскен шапақ Еріктің жанарына қайта құйылып, ол да маздала жанғандай еді. «Қой, болмас» деп кері бұрыла бергенінде оның құлағына «Дүние, қудым сені сегізімнен...» деп, барқырап әндектен әлдекімнің масаң даусы естілді. Пенде дегеннің көңілі қызық қой; әлгі әлдекімнің шатты-бұтты бастаған әуенін «Жақсыны тани болар негізінен...» деп, дауыстай қайталап, қағып әкеткенін өзі де байқамай қалды да, артынша оқыс қылығына мырс етіп құліп жіберді. Құн салып қанша қараганымен, батар күннің нұрында адастып жүрген, ауылды басына көтеріп барқыраған «әншіні» табанда тани алмады. Әлгіндегі батысты өртеген жез табақ таудың тасасына сусып түсіп кеткенде, ұлken бір пәледен құтылғандай Ерік «үһ» деген. Эне, ауыл жазған, масатының үстіне төге салған асықтай моп-момақан үйіріліп жатыр. «Монтансуын...» Тыныштық бұзылды. Тыныш екіндінің шырқын бұзған өрістен қайтқан сиырлар еді: азан-қазан мөніреп, үй-үйге тарай бастаған. Кейбір қанғыбас қарасанды қолдарында шошайған шыбықтары бар балалар қораға айдаған кіргізіп жүр. Еріктің есіне қазақтың шегір көз баласы елестеді. Ол да қасқа сиырдың құйрығынан ұстап, желінің салпылдата, тышқақтата қуып келе жатар еді. Шешесі: «Куалама сиырды, исініп кетеді» деп ұрсар еді. Одан бері не заман...

Эне, Бекзаттың моншасынан будақ-будақ тұтін шықты.

«Менің келгенімді білген екен! Сен қолденең өткен көк аттыны сиқырлап шақырып, тізгініне оралып үйіне түсіріп алар перінің қызы Бекторы емессің. Сен – Бекзатсың! Менің Бекзатымсың!»

Ес-акылдан айырыла куанған Ерік дүкеннің алдында әлі байлаулы тұрған атқа көзі қайта түсіп, тасыған көңілін су сепкендей басты. «Тәнірім-ая, қайда анау қасқыр жегірдің иесі?»

Бекзаттың монша жағып күтіп отырганы рас еді.

Тамылжып тамыз айы туған күннен бастап, таудың бұрымы іспепті қырдан ойға құлап түскен бұралаң жолға қарап ұзакты құн телміру – Бекзаттың екі-үш жылдан бергі ауруға айналған айнымас әдеті еді. Бүгін де дүкеннен ауық-ауық шығып, сонау Шашты деп аталар асудың құзар басынан құлдилар сыйбай

атты жолаушы көрінбей ме еken деп, алаңы мол көңілмен елеңдеп мазасызданған. Қайдан сап ете қалғанын кім білсін, дүкенге бір маскунем кіріп кетіп, зықын шығарған. Еріктің таудан түскенін байқай алмай қалды. Анау текшедегі үйінің үстінгі терезесі айқара ашылғанын көзі шалғанда ғана барып, «басым ауырып тұр» деген сылтаумен дүкенді асығыс жауып, үйіне қарай құстай ұшқан-ды. Екі иіні талып мойынағашпен жанталаса су тасыды, отын жарып, моншанын көмекейі – тас пешін толтырды, тұтінге қақалып жүріп от жақты. Екі жылдан бері дәмдес, сырлас, төсектес болып жүрсе де, Ерік ауылға қатынаған сайын ұрын түсуге келгендей, жүргөгі өрекпіп, сабырсыз санамен сасқалақтап қалатын. Бәлкім, жылында жалғыз-ақ рет қана сағына көрісіүнен бе, мүмкін, осы бір шегір көз, ак сұр жігітті бар ділімен елжірей жақсы көре ме, әйтеуір, Ерікпен жолығар күн Бекзат үшін қадір тұні – торғын шымылдықты толқыта ашып кірер махабbat тұні секілді еді. Қазір де әз жанында әмір жоқ, тағат таппай ұшып-қонып жур; не істеп, не қойғанын өзі де білмейді. Зар еніреп тілері: «эттең-ай, үйге арақ сұрап ешкім келмесе еken; эттең-ай осы ауылдың «радиосы» атанған қайзы қара келіншектің сумақайлығынан сақтаса еken...»

Осындайда Бек-Алқаның жұрт көзінен оңаша, жанына жан жуытпай істер оңаша тірлігіне тіреніш болары – дизель моторының куатымен үш-төрт сағат қана жанар электр шамы керек кезінде сөніп қалатыны-ай. Бекзаттың ендігі бір тәнірге жалынары – көрші үйлердің әйнегінен самаладай боп жарқырап, өз үйіне кімнің кіріп, кімнің шыққанын саусақпен санап беретін электрдің жанбауы, моторы қақалып от алмай қалуы. Бағана Еріктің келгенін сезісімен-ақ, алдын-ала қам жасап, мотористің қойнына бір жарты арақ тығып жіберген. Соғыстан контузия алып оралған майдандердің «Дүние, кудым сені сегізімнен...» деген әнін Ерік те естіген. Демек, бүгін әр тұстан сайтанның отындағы жылтылдаған шам болмаса, бұл ауылды көрдей қараңғылық басады. Қай үйдің шайы бұрын қайнаса, содан іше салатын және де кәсібі жеті күн елден, жеті күн жерден болып келетін қайсыбір сатушының әдетінше Бекзат та ошағының тұтінін анда-санда ғана шығаратын. Салт басты, сабау қамшылы әйелдің бұл еркелігін Бек-Алқалықтар көтерер еді! Сынапша сусып, қолға қоныс таба бермейтін

тиын-тебен таусылып қалса, Бекзат та ауылдастарының әжетін ашып, көңілін қайтарған емес. Енді, міне, сол бір жылдан бері иесін жоқ иен үйдей – қайқайып кара басы тұрар бір бөлмелі ағаш баспананың ауласынан аспандап тутін шықты. Ерігіп отырған ел-жүргітты елең еткізіп, ұрыны ұстап берер де осы – будактаған бұйра тутін. Бірақ Бекзат жасқанған жоқ, өз рақатынан өзі бас тартпас өжет мінез, өр серпін қылықпен есік алдындағы жерошакқа кеше бригадирдің қатыны әкеліп берген етті асты. Өле алмай жүр дейсіз бе, мұндайда оның қулығына сыралғы ауылдастары аттап баспайтын; тек Бекзат білдірмегенсіп, көрші-қоландары байқамағанситын. Мұның өзі сырттай бақылаған кісіге жетесіз режиссер қойған нашар да сенімсіздеу спектакльге өте-мөте ұқсайтын. Басты рольде – Бекзат, көпшілік сахнада – ауыл адамдары... Күн батып, қас қарайды.

Моншаның әлі жанып біте қоймаған отты шалаларын «сирағынан» ұстап далага бір-бірлеп лактырды. Қорым ғып үйген қап-қара ыс басқан тастандарың үстіндегі қазанда ысыған суға тау аршасының бір-екі талын таstadtы. Шомылатын, сабаланатын сөрелерді ақ жоңқасын шығара жуып-шайды. Үшқаттың қабығынан жасалған ықсышпен қайың сыйыртқы, хош иісті сабын, сандығынан жаңа ғана суырып алған әдемі гүлі бар қытайлық сұлғі әкеліп қойды. Ондық шамның білтесін басыңқырап еді, онсыз да қара моншаның іші қаракөленкеленіп, еркінен тыс маужыратып, балқытар сиқырлы үнгірге айналған. Сосын өзі ышқырына қайыра қыстыра салған етегін түсіріп, қос мықынын таянып тұрып күрсінді. Іле-шала жылады.

Бұл кезде жер жарықтықтың алып тұндігі іспетті қара көк аспанның түбі тесіліп, самсам жұлдыздар шықкан. Ауылдың кешкі қарбаласы сабасына түсіп, саябыр тауып, енді не істесендер де еріктерінде дегендей тұншыққан тұн басталған-ды. Тамыздың алғашқы аптасы өтіп, жаңа туған ай екінші жұманың аяғында ортасынан қақ тілген қауындај жартыкештене семіріп келе жатқан: қазір сонау қарабарқын таудың үстінде дәл, алдында арыстанша аузын ашқан, қарабауыр бұлттың өнешіне жым-жырт жылжыған еді. Анда-санда иесіне жарамсақтана шәү етіп еріншектене үрген иттің үні, ашқарақ па, балажан ба, ку мүйіз сиырдың озандаған мөніренісі, үйіне кештетіп оралған ұры машинаның гүрлі, енесінен ажырап

қалды ма екен – шырқырап кісінеген құлын, ойда жоқ олжаға батқан мотористің өз ықтиярымен ессіз шырқап салған әні – бар-барлығы Алтай қойнауында момақан жатқан Бек-Алқаның тіршілік тынысын, жүрек соғысын білдіргені-ай. Ендігі сәтте жартыкеш ай әлгі арыстан-бұлттың арандай аузына кірген. Төңіректің жұқалтаң жарығы жоғалып, түңлігін жапқан киң үйдей қоп-қою қомағай қараңғылық мендеген.

Осы мезетте жотадағы үйден ептеп басып, байырқалап тыңтыңдаш омарташы жігіт те, монша жағып, зарыға күтіп отырған әйелге мысықтабандай беттеп келе жатыр еді.

– Аманбысын, азаматым! – Міне... осы екі-ак, екі ғана сөз ғой Ерікті жер түбінен жеткізетін... «Аманбысын, азаматым!» – деген ах ұрган ақ тілеуді естіген еркектің аман жүрмеуі мүмкін бе?! Өзекті жанға тіршілігіңнен мән-мазмұны тірнектеп жиған дүниен ғана емес, жаныңды жарылқар имандай сөз, тілеуқор көңілден ниет, өзінді өзгеден әлдеқайда жоғары қойып – төбесіне қойып бағалар әйелдің маздал жанған махаббаты екен-ау. Рас, рас, Ерік «аманбысын, азаматым!» деген демімен бетінді шарпыр шапақты лебізді тек қана Бекзаттан естітін. Ал ол осы сөзді тек қана Ерікке айтатынына көзі жете ме...

«Баган дүкеннің бұрышында байлаулы тұрған ат кімдікі екен?»

– Терезенің пердесін жауып қой, сырттан қараған елге аквариумдағы балықтай көрінерміз, – деді де, Бекзаттың мойнына оралған білегінен босанды. Пердені жауып келген Бекзат жігітті тағы қатты қыса құшақтады да, оның түктенген бетіне өз бетін құшырлана үйкеп-үйкеп жіберді.

– Сағындым ғой, сағындырын ғой, ара баққан арыстан.

– Сағынбасам іздел келер ме едім алыстан! – Осы бір екіжақты есендерсүдің барысында өз-өзінен туып қалған болымсыз үйқасқа жарыса құліп, мауықтарын баса алмай тұрып қалды.

– Есіктің ілгегін салдың ба? – деді өзімсінген Ерік.

– Жоқ. Әлі ерте... моншаға түсіп ал.

– Баста, ендеши...

Екеуі құшақтасқан күйі тас моншаға кірді. Есікті ашқанда, қамалып тұрған құп-құргақ ыстықтың аптабы бетті шарпи сыртқа ұмтылған.

– Өртеп-ак жаққан екенсің.

– Сенен немді аяйын. Сагыныштан шығар...

– Ыстыққа күйіп өлсін дегенің бе? – деп Ерік әзілдеген болды. Бірақ басқа-басқа, бұл жігітке әзіл айту жараспайтын. Балшықтан төртбұрыштап қолапайсыз соға салған секілді, төртбақ денесі селкілдең рақаттана күлгенін естіген, сұықта сұсты ақ сұр бетінің жайсандаған жадырағанын көрген пенде жоқ-аяу, әй, жоқ. Қытықсыз, қылаусыз жартастай болып жаратыла салған Ерік, өзге өзекті жан ішек-сілесі қатып күліп жатқанда, миығынан ғана сәл жымып тұрып жүре беретін.

Асықпай шешіне бастады.

– Мен дастарқан жасай берейін, – деп шегіншектене шыға берген Бекзаттың иығынан ұстап, өзіне тартты.

– Қалсаңшы.

– Түү, қолыңың қаттысы-ай. Әуелі сен жуынып шық, содан соң...монашаның табына қайта келерміз, қазір тым ыстық қой. – Есікті жауып, ептеп басып шығып кетті.

«Мұның перінің қызы екені рас, – деп ойлады өне бойынан тер сорғалап, рақаттанып отырған омарташы. – Сұлулығы Айнаның ширегіне де келмейді, бірақ өзіне магнитше тартар сиқырлы ма екен. Егер ондай құдірет қолынан келсе, біржола өзіне басыбайлы байлап алмас па еді. Бәлкім, «қызы қылығымен» деген сөз рас шығар. Не алыстамайды, не тымтым жақыннатпайды. Бұл не сонда...»

– Мениң сенен басқа ешкімім жоқ. Қазақтың «көзімді ашып

көргенім, аузымды ашып өпкенім» дейтіні осы шығар. Екі көзім

төрт болып бір жыл бойы күтемін. Тәңірім-аяу, неге ғана екі-үш рет келмейді екенсің жылына...

– Жер шалғай, әйтпесе аптасына ат сабылтар едім. – Тыныштық. Сыбырласып, сырласқан төсектегілерден басқа күллі әлемнің жүрегі тоқтап қалғандай тым-тырыс. Моторист-майдандердің әләулайы таусылған ба, әлдебір бұрышта ұйықтап қалды ма екен – әйтеуір байғұс сап болған.

– Жасым ұлғайған сайын саған деген құштарлық құлпыра түскені несі екен?..

– Махаббат жас талғамайды, бақ бас талғамайды деген...

– Бұл өзің шығарған мақал ма? – Еркелей күліп Еріктің мұрнынан шымшыды.

– Мен шығарған мақал көп, әттең, жинап жүрер адам жоқ.
– Есінде ме, Ерік, мен сені алғаш көргенде «көзің неге шегір, біз секілді көре аласың ба, әлде саған көгеріп көріне мей» дегенім.

– Иә, сөйтіп катырғансың. Ол кезде сен қыз едің...
– Кәрі қыз де... – Жігіттің кеудесіне басын қойды.
– Жүргегің аспай-саспай соғады, ал менікі тарсылдан аузынан атып кеткелі тұр. Мениң бір байқағаным: сен қатты қуана да, қатты қорқа да алмайтын секілдісің. Қанша құмар қандыра аймаласаң да, тұла бойынан салқындық сезем. Кез келген уақта бастап кез келген уақта аяқтай алатын...

– Мүмкін, – деді ендігі сәтті есінеп, көзіне үйқы тығылып, маужырай бастаган Ерік. – Биыл бал сұраушылар көп пе?

Бекзат әңгіменің ауанынан ауа жайыла сұық сұрақ қойған «арысына» сәл өкпелеп қалды, үндеғен жоқ, мұрны пысылдан сұлық жата берді.

– Екі сума бал әкелдім – екі фляга шығатын шығар. Таза әрі мөлдір. Майский деп килограмын бес сомнан айда. Кім тексеріп, біліп жатыр.

– Тым болмаса жалғыз түніңді есеп-қисапар аластырмай қисаң еді. Дүниеде балдан да тәтті, балдан да қымбат нәрселер бар емес пе... Бал дегеніміз – араның боғы емес пе? – Жылады. Долылық қысып емес, нәзік өкпемен егіле булығып жым-жырт жылады. Оның жасқа толы жанарын аюдықіндей алақанымен сипап сұртіп, тамағынан иіскең мекіренген болды, бәрібір алғашқы сәттегідей күйіп-жанған жоқ, уату ырымы үшін жасалған жасанды да жарамсақ әрекет екенін Бекзат та сезген. Дегенмен, бұдан ары тон-торыс болып, іргесін аулақ салуға дәті құрғыр шыдамаған, әйелдік әлсіздік жеңіп, өксіген күйі құшагына кіре берген. Еркегінен айырылып қалу – Бекзат үшін өліммен бірдей еді. Ал Ерік болса, әдеттегі салқын сабырымен асықпай, арпалысып, аптықпай, бүйірінде бұлқілден жатқан әйелді өзіне икемдеді.

Ертеңінде ерте тұрып кетуге ыңғайланған омарташы кеше кештен бері сары масадай ызыңдал, миын шаққан сұрағын қойды:

– Кеше дүкеннің алдында байлаулы тұрган шабдар аттың иесі кім?

– Білмеймін, – деді жиылмаған төсектің үстінде шашы

дудырап, үйқылы-ояу, мен-зең отырған сатушы. – Аузыбасынан арақ сасыған біреу мініп келді де, менен бір шөлмек «Портвейн» сұрады. Бейшараның 45 тиыны жетпей қалды. Үсті-басы адам қарағысыз кір және жағымсыз иіс шығып тұрды. Тезірек құтылайын деп, акшасы жетпесе де бере салдым. Ат байлаулы қалды. Өзі жоқ болып кетті. Қылышына қарағанда көрші ауылдан міне қашып келген-ay.

- Қисынды айттың.
- Сенбегенің бе?
- Не нәрсеге де күмәнмен қараша – әдетім.
- Сен баяғыдан осындай едің, ешкімге сенбейтінсің.
- Баяғымды баянда беретіндей, төсек стажың толған жоқ еді гой. Келгениңе үшінші жаз.
- Білем деген кісіге ол аз уақыт емес... Неге сондай екенбіз?
- Қандай?
- Тойғаннан соң тоқтының еті топырақ татитынын айтамын да...
- Жә, тәжікелесіп қалармыз, үйіңе не сатып аласың, соны айт, – деп, орнынан тұрып киіне бастады. Осы шағын гана алласалау үйдің дәл ортасында тіреуі секілді тұрған Ерік Бекзаттың жұмыр денесін жаңа көргендей қадала қарады.
- Немене, бір тұннің ішінде арықтатып таstadtым деп тұрсың ба?
- Ей, осы жалт-жұлт мінезің, орып түсер тілің-ay менің дегбірімді алатын.
- Екеуі екі босағаға сүйеніп, бір-біріне телміре тесіліп тұрып қалды.
- Мен енді сені қайтып көре алмайтын секілдімін. Бұл – ақырғы жолығуымыз ба деп қорқамын.
- Тұрмысқа шықпақсың ба? Әлде бұл ауылдан қашқалы жүрсің бе?
- Мен күйеуге тиген күні Бұқтырма теріс ағар. Ал қашу жағына келсек... мен өзіңнен сұрайын деп едім: осыншалық мол ақшаның керегі не, мүмкін, сен қашқалы жүрген шығарсың.
- Бекзаттың сұрауы түйеден түскендей болды ма, Ерік жауап берместен түйіле ойланып тұрды. Тұрды да: «Ақша мен әйел ер азamatқа ешқашанда артықтық жасаған емес», – деп есікті оқыс ашып шыға жөнелді.

* * *

Ерік ауылдағы барлық шаруаларын тындырып, керек-жарагын түгендеп болған сон, тұнде тоғай арасына арқандап қойған қөкбестіңі жетектеп өз үйіне келді. Қараса, қақпасы ашық қалған екен. Қайран қала, атын жетектеген күйі аулаға кірді. Қөкбесті құлағын тіге қорс ете түсті. Тура есік алдында бүк түсіп ұйықтап жатқан алба-жұлба адамды енді ғана байқаған Ерік те сескене тұрып қалды. Қөкбестіңі байырқалата арқасынан қағып діңгекке байлады да, жетім балаша қол-аяғын бауырына ала бүрісіп жатқан маскүнемнің жаңына жақындағы. Үсті-басы адам көргісіз кір-қожалақ, ұзын болып өсіп кеткен шашы құйын ұрғандай дудырап білтеленген, кір басқан аяғына әбден тозығы жеткен бәтенкені шұлышсыз сұға салған және өмірбаки шешпейтін болуы керек, бауы шиеленген, ауының, өнірінің бірде-бір түймесі салынбаған. Ен сұмдығы сол – жатқан жері, жамбасы су, астына жіберіп қойғанын сезбеген-ау, жазған. Қөгеріп, көзінің асты қолқілдеп кеткен беті кісі танығысыз. Ерік тосырқап, әрі жиіркене қарап біраз тұрды да, аяғымен тұрткілеп: «Ей, тұр, давай; әкенінің төрінде жатқан жоқсың», – деді. Маскүнем оянған жоқ. Еңкейіп барып алқам-салқам жағасынан жұлқылады – былқ етер емес. «Мына нәлlettің түрі таныс» деп ойлады. Әсіресе, құс қанатында иіле біткен қап-қара қасын көрген секілді. Үңіле жақындаған еді, тұла бойынан мұңқіген жағымсыз іістен тыжырына шегініп кетті. «Қайдан көрдім?» Маскүнемнің оянар түрі жоқ. Үстіне сар еткізіп құя салатын маңайда су жоқ, амалсыз тағы да тепкілеп еді, болар-болмас ыңырысыды. «Е, әйтеуір, бойында жаны бар екен, әйтпесе мен өлтірді деп, пәле жабар еді».

Әрен дегенде басын қалқайтып отырғызды. Белгісіз адам әуелі «қайда жатырмын» дегендей жан-жағына кіржие қарады, содан соң ғана желкесін есіней қасып, жанарын Ерікке қадады.

– Құдай берді! – деп орнынан қуана тұрды. – Іздегенім сен едің! «Өлмегенге өлі балық» деген осы, Ерік. Аманбысың, кластасым?

Өзін құшақтағалы ұмтылған маскүнемнің кеудесінен жақтырмай итеріп қалғанда, ол тәлтіректеп барып тыраң ете түсті.

Көтерем сиырдай орнынан әрең көтерілген. Көтерілген соң буынын мықтап тұрып бекіте алды да:

— Танымай тұрмысын, Қарабауыр. Баяғы кезім болса, аяғынды аспаннан келтірер едім, — деді. Оның әбден арақ өтіп лайланған көзі кең ашылып, қанталанып кеткен қарашығынан болар-болмас от — әлі де мұлдем сене қоймаған ашу ұшқыны, бәлкім, намыс шоғы жылтырады. Қара нардай кайқайып тұрган омарташының жұлдыздары дір етіп, бір түрлі сескеніп қалды. Осы сескеніс он шақты жылды араға салып барып, іздең тауып алғанына қайран қалудан туған-ды. Қайран қалмасқа амалы жоқ еді, өйткені ол «Қарабауыр» деген намысын шабақтар сөзді жалғыз-ақ адамнан естітін және кек қайтаруға шамасы жетпей, бейамал күй кешіп іштей кектенетін және де анау илген құс қанат қастың астындағы аялы қара көзде әмбе жылт еткен ұшқынды да бір-ақ жігіттен көрген, көрген сәтте ғана бас бермес асаяу мінезі пәс тартып, мысы басылатын. «Сол, — деп дауыстап жіберді. — Соның өзі. Таған гой мынау!» Иә, оның алдында адамдық сиықтан айырылып, ербіп тұрган маскүнем мектепте он жыл бойы бір партада отырған, Алматыда бес жыл қатар оқыған, аспирантураны таусықсан, ешкім жауырынын жерге тигізіп көрмеген жігіттің сұлтаны, қызы-келіншектің сырттаны Таған еді! «Құдай-ау, бұл қайдан жүр? Өлмелеп пе еді?».

— Иә, мен әлі тірімін, Қарабауыр! — деген сөзден селк етіп, сасқалақтап ойын жинап алды.

— Мықты екенсің онда. — Басқа еш нәрсе аузына түсеп қойған жоқ.

— Менің мықты екенімді білмеуші ме едің. Өлмегеніме қуансаң, басымды жаз, — деді ыржалақтап. Еріктің ес-ақылын жинаған осы сөз болды.

«Е, бәсе, негып қүшнейіп кетті десем».

— Басынды жазбақ түгіл, астауға құйып шомылдырайын. Тек айтқанымды істейсің, айдағаным жүресің, айтактағаным үресің.

— Көк есегің болайын, көкетай. — Шөге түсіп аяғынан құшақтады. — Зекетіңмін. Құлышың.

«Әбден біткен екенсің, Қарабура» (Бұл Тағанның бір кездегі лақап аты еді. Бүгінде оны ешкім де бұлай атап, әспенсітпейді). Адамдықтан кері азып, маймылға айналып-ақ кеткен екенсің.

Қолы-басы дірілдеп, аш аруақ секілді еңбектеп жүрген мұскін, расында да, орангутанға өте-мөте ұқсап кеткен.

– Жә, түр енді.– Тері қоржынды ақтарып, вертолетпен оқта-текте ұшып келіп тұрар бастықтарға арнап ала салған көкмойын шөлмектің бірін күнгешағылыстыра сурып алғанда, мойын тамыры білеудей маскунем тобықтай жұтқыншағы бүлкілдеп, көзі бағжаң ете қалды. Кеберсіген быт-шыт ернін жалап, жараның орнында үдірейген ұясына кіріп кеткен көзі жыптылық қағып еніреп жіберген.

– Құлыш болайын, Ерікжан.

Сұқ саусағымен бір нұқып қаңылтыр тығынды ішіне кіргізе ашып лақтырып жіберіп Тағанға: – Аш аузынды, – деді. Анау бөбежігі көрінгенше адырайта аузын ашты. Жуылмай, аттың тісінше түбі қарайып кеткен тісін ақсита, қып-қызыл болып үнірейте ырситқан өңешіне бүлк-бүлк құйып еді, ашырқанған да, шашалған да жоқ. Ерік таң қалды.

– Тағы да, – деді Таған тамсана ұмтылып. – Тағы да бірер тамыз. Ағынан гөрі қызылы тәуір еді.

«Иттің ішіне сары май жақпайды» деген-ау. Дегенмен, осы Қарабураны өзі айтқандай көк есек ретінде пайдалансам қайтер еді». Омарташы өз ойына өзі қуанды. «Бич! Иә, иә, кез келген бичті жұмысқа бишіксіз-ақ салар күш – арақ-шарап. Анамның ағаш күбісіне бал сыра ашытып, күніне бір литр жұтқызып қойса, бар жұмысты осы атқармай ма? Табылған ақыл».

– Ей, Қарабура, сен маған еріп жүр. Аузыннан арак, алдыңнан тاماқ кетпейді.

– Рес айтасың ба, алдамайсың ба? – деді екі көзімен Еріктің қолындағы шөлмекті ішіп-жей. – Иен таудың басында арак заводың бар ма?

– Арақ заводы жоқ болса да, сыра заводы бар. Шырмауық салып қайнатқан Алтайдың бал сырасы грузиндердің виносынан кем деп кім айтты.

– Да, да, – деп тамсанды. – Медеуха... ішкенмін... Айда, ердім соңынан, милициясы, дружиннігі, он бес тәулігі жоқ бостандыққа аттанайық. Тек анауындан тағы бір жұтқыз.

– Жұтасың, осының бері сенікі, мен ішіп жатқам жоқ. Ол аз десен, мына сумканың іші толған сенің горюочиң...

– Құлдығың болайын, Ерікжан. Білемін, сен бала кезінен ішпейтінсің. Мен дайынмын, бірақ... Көрші ауылдан мініп кеткен атты иесіне қайтару керек еді...

«Құлым болатының рас, – деп ойлады көкбестіні шығарып, қақпаны мықтап жауып тұрган Ерік. – Сасық сары сырамен суара берсем, Қатын сұына көпір салып берерсің».

– Ауыл арасы жақын, атты өздері-ак ізден тауып алады, сайтан алады дейсің бе, сойып жейтін сорпалығы да жок. Кеттік, – деді. Шөлмектегі аштыдан тағы бір ұрттатты да, ауызын тығындаپ, қоржынына салды. Атқа қонды. «Шашты» деп аталатын асуға қарай желе-жорта жөнелгенде, масқунем жігіт аңшының соңынан ерген тазы иттей жаяу сүмендеп еді. Ол қалжырап қалыңқырап қойғанда, басын шұлғи аяңдаған көкбестінің тізгінің тартып аялдатады да, енді-енді құйрық тістесті-ау деген кезде тақымын қыса сау желе жөнелтеді. Асудың дәл алқымына тақалғанда, аттан түсіп, жан тері шыға ентіккен бала кезгі досына, қазіргі «құлыша» арақтан молырақ ішкізді.

– Сені аттың артына мінгестіре алмаймын. Жол ұзак, тау биік, жас мал еңгезердей екі жігітті көтере алмай қызылмай болып, өкпесі қүйіп кетеді. Біздер қайбір қаңбақтай жеңіл едік. Екеуіміз де бұрынғы палуанбыз. Қазақша күрестен... – деп мысқылдады. Оның жатыптар әжуасын ұғар шама Тағанда жоқ еді. Көз алдында көлбендерген арақ-сайқал ғана ежелден қалмай келе жатқан көңілдесіндей қылмындаپ, көзін қысып жымындаپ жетелейді-ай, дедектетті-ай. Әлсін-әлі өз-өзінен шөлдеп, құрғап, өз-өзінен жыбырлап жоқтан өзгені дәметіп тұрар өңеш, құлағына «іш-іш» деп сыйырлап тұрар азғырынды «ақсайтан», тамырынан қан емес, әбден ішімдікке айналып кеткен ап-аңы бір нәрсе жүріп, шаршаған, жүдеген, тозған жүрек – бар-барлығы кейде істеп, кейде іstemей қалар милау бастың басқаруымен екі аяқты сорлатып келе жатыр еді; Тағанның он екі мүшесі, бүкіл адамдық ағзасы азып, басшысы есалан да есерсоқ шашылып кеткен шаруашылық сынды кетеуі кете, әбден шамасынан айрыла шалдықкан еді; бұл шақтағы оның организмі Гитлер тұсындағы Германия секілді зобалаң зорлықтан, орынсыз шабуылдан, жындысурей қатығез жүрістен титықтаған еді; егер аттың құйрығына бір шөлмек арақ байлап артыңан ертіп отырсан, Таған сияқты масқунемдердің етпеттеп түсіп, жер тырмалап қалғанша салпақтары сөзсіз еді...

Көкбестінің төс айылын тартып, өмілдірігін тарылтып болған соң, Ерік атқа қайта қонды. Жағасы жайлауда, мойны сорайып, эрозияга ұшыраған даладай сортанданған бетінен айғыз-айғыз тер сорғалаған Қарабура да ербиіп орнынан тұрды.

- Менен көз жазып қалма, – деді артына бүрүлшіп Ерік.
- Қап тауын асып кетсең де, іздеп табамын, – деді Таған.
- Сенің иішіл ит екенінді баяғыдан білемін, – деді Ерік.
- Сенің атақты аңқос екенінді мен де білемін... Бірақ екеуіміз де жетісіп келе жатқан жоқпыз. Бірдейміз.
- Неге? – деп таңырқай сұрады ерге бір жамbastай артына қарап отырған омарташы.

– Былтыр ЛТП-да әмделгенім бар еді. Сонда деймін-ау... Сонда қоршауда жүрген маскүнемдер де, сол маскүнемдерді сырттай бакылап күзететіндер де қашып та, ешқайды ұзап та кете алмайтын. Айырмасы біреу – іште, екіншісі – сыртта.

Ерік ләм деп жауап берген жоқ. «Мына иттің ақылы азбаған ба, – деп ойлады. – Оны омартаға барғанда тексеріп көрерміз. Дегенмен, намысын орынсыз найзalamай, алда жұмсау керек-ау. Мұндайлар артына қарамай кекшіл келеді. Ашуланған күні үйімді өртеп кетіп жүрер» Арттан: – Өзегім өртеніп барады, – деп курайға қақалғандай қарлықкан үн естілді.

– Асудың үстіне шыққан соң, тاماқ жібітеміз. Шыда, – деді де, атын сипай қамшылады.

Шаштының үстіне алдымен шыққан Ерік сонау етекке таман бір отырып, бір жүріп, әйтеуір, жансебілділікпен өрге қарай ілbi тырмысқан мұсәпірге қарап басын шайқады: «Қандай сор екен айдап келе жатқан. Биік мансап, ұлы мақсатқа өрлең келе жатқандай жанталасуын бейшараның...»

Таудың үстінде желеңік бар. Осы өнірдің «Үстіне шапқан жолдың шыға келсем, алдыннан самал салқын соғады-ай жел» деп, өлеңге қосар сабырлы самалы осы. Бұдан былай жасыл түсті жайлаудың шыбынсыз жазы басталады: не дірілдеп жаурамайсың, не пысынап ыстықтамайсың, «ойхой, дүние – серуен, адам бір көшкен – керуен» деп, қымызға қызған казактардың мұңсыз-қамсыз, қарқ-карқ күліп, малдас құрып, кенес ашып отырап жұмағы да осы; әзірше техниканың иісі тимей, қүйқасы тың, ағашы асқақ, шалғыны жайқалып, хош иісті гүлі бұрқырап, бұлактары сарқылмай сарқырап тұрған да

– осынау кең қонысты, бейбіт өрісті Шабанбай жайлауы еді. Омарташы жігітті алтыны қалғандай асықтыратын, алыстау ұзап кеткенде, үзілмес сағынышпен өзіне шақыратын да анау көкке шоқтығы тиіп, үстінен қарға ұшырмай жатқан көкмұнар таулар, көз қытықтар көркем көріністер еді. Туган жерінің қайталанбас әдемілігі, бейне бір, ән салып тұргандай жаңынды жаңғыртар әулиелігі әсте жалықтырган емес, қайта мың жылда да тізгін үзіп кетпес ынтызар сиқырмен байлап-матап тастағандай еді. Еріктің табиги қалпын сактап, жараған аттай жайсан қуат берген Алтайдың тылсым тыныштығында қаздай қалқып, үйректей жүзіп жүрген жайы бар.

Оның маужырап кеткен мамыра ойын Тағанның ырс-ырс еткен ентікпе үні бұзды. Аяқ жағына қеудесі әбден титықтап сирыйлдаган аш аруақ келіп құлады.

– Үрттат анауынды... өлтірмесен!

2

Атақты «Мұзтау» деп аталағын шың Алтайдың мәнгі жығылмас, шаңырағы шайқалмас ақ отауы сынды еді. Міне, осынау шілденің ми қайнатар ыстығында пұшпағы шетінемей жататын, мұз құрсаулы шыңың алқымынан бұлақ болып басталып, арыны қатты арқыраған өзенге айналатын суды жергілікті қазақтар «Қатын сұзы» деп атағалы қа-а-а-ша-ан, одан бері де мың жыл өткен шығар-ау. Сол, әсіресе, бас жағы ақ айран болып басталып, Таулы Алтай өлкесіне жақындағанда, тау-таудың омырауынан сандаган бұлақ саулап қосылып мөлдірленіп барып Обықа құятын ағынды өзеннің солтүстігін алтайлықтар, онтүстігін қазақтар жайлайтын. Қатын-Қарагай ауданы мен оған іргелес Үлкен-Нарын ауданының үйір-үйір жылқысы, қора-қора қойы, табын-табын сиыры жаз бойы емін-еркін шүйгіндеп, тау басына алғашқы қар түскенде ғана етекке мамырлай көшуші еді. Міне, сол Қатын сұына Тихой (Тихая) өзені келіп құятын. Осы бір шағын өзеннің ерекшелігі сол, Алтайдан мұқым өзен күнбатысқа бет алса, «Тихой» керісінше терең сайды қуалап күншығысқа ағатын. Өрге қарай аққан өзен тоқтап тұрган су секілді толқынсыз, айфай-шусыз, жым-жырт жатар еді. Бәлкім, сондықтан да «Момақан» деп атап кеткен секілді. Қатынға құйған Момақанның мөлдір сұы біразға дейін ашулы өзеннің аққула сұына қосылмай, түсін бұзбастан

қатарласа – жағаласа ағып барып, күштінің ырқына қөнгендей өз бояуынан, өз келбетінен, өз тағдырынан айырылатын жарықтық. Дәл осы үлкенді-кішілі екі өзеннің құйылысындағы алақандай жазықта ағаштан қиып салған керіскедей үй тұр. Арпалысқан әлемнің әлегінен, даңгaza да мазасыз тіршілігінен қашып келіп немесе ұлы шерулі көштен адасып қалып, жападан-жалғыз қалған бұл үйдің иесі – біз жоғарыда әңгіме еткен, Ерік есімді омарташы жігіт. Алматыдағы дene тәрбиесі институтын бітірген, күрестен спорт шебері Еріктің жалпақ дүниенің барлық қызығынан жеріп, атты адам араға бір қонып, (онда да жаз айында, қыста жан баласы қатынай алмайды) әрен жетер ит өлген жерге кетуінің сырын ешкім де білмейді. Бұл үйдің ала жаздай анда-санда келіп тұrap жалғыз-ақ қонағы бар. Ол – орманды өрттен қорғаушы, вертолетші жігіт Прохор Александрович Лаптев. Омарташы мемлекетке тапсырар балды осы кісіден беріп жіберетін және Улкен Жермен арадағы байланыс тек Лаптев арқылы жасалар еді.

Қазір мұнда бұрынғыдан ары тыныштық. Қатын суының гүрлі осы өнірдің ешқашан толастамас музыкасы секілді еді. Зейін қоймай тындаған адамға тек жалғыз-ақ әуенмен құлақты тұндыра шуылдағанымен, сан түрлі ғажап үн шығаратын; айталақ, көктем туып, ақ жал толқындарын аспанға лақтыра тасығандағы арқыраған даусын қазіргі тамылжыған тамыздағы орташа екпінмен аққан сырлына ұқсатуға бола ма; ол, күз туда, жуасып қоңыр әуенге басса, қыс айында қысыла қыңылаған күбір-сыбырға көшетін. Бұл өзен қандай қатты аязда қатып көрген жоқ, тек жағалауындағы суға тағым ете бас иіп, тамырына ілініп малынып жататын ағаштар мен жардың жиегіғана мұз моншақ тағынып, жылт етіп күннің көзі шықса, қыз өніріндегі маржандай жылтырайтын. Қатын суының ағыс-үніне үйренген адам басқа жерге барса, түн баласында өзеннің гүрліне үйреніп алғаны сонша, көз ілмеуші еді. Ал бөтеннен келген кісі бұл үйде ұйыктай алмайтын. Табиғат иеміз бар байлығын үйіп-төге салған түкпірдің өз қызығы, өз азығы өзінде, қоғамдасқан өмірдің занынсыз-ақ өгейсімей ғұмыр кешіп жатар еді. Дегенмен, осы «сен тимесен, мен тимен» оңаша да, бейбіт тірлік те, жұмыр басты пенде екені рас болса, жанын жеп, жалықтырады-ай; жүрек сыйздатар сағыныштың, дабырласып сөйлесер, айғайласып ұрсысар көршінің мінез-

құлқын, қол беріп амандасар қошеметін, қарасы бар, ағы бар адамдардың сан түрлі бет-жүзін көксеп мұнға батырады-ай... Бәрінен де бұрын ес біліп, етек жапқалы, барлық ғұмырын қадірлі халқы, жағалай жүрттымен өткізіп, «көппен көрген ұлы той» деген ұлағатты сөзі имандай тұтып келген Еріктің шешесі Нюра Фадеевнаға да қыын тиді. Ал Еріктің жары Айнаға Қап тауын асып кетсе де бәрібір, қүйеуі қайда – бұл сонда, қосағымен қоса ағарудан өзге арман да, мақсат та жок. Тау қойнауындағы жалғыз үйдің күйбің-күйбің шаруасы жалықтырған емес, белі талып шаршаған да емес. Қүйеуі әр жылдың осы мезгілінде ауылға аттанып, ұшқан құстың қанаты талып әрен җетер құзар таудың басында енесі екеуі ғана қалатын. Енесі жасы ұлғайған адам, оның үстіне, міне, жарты жыл болды саржамбас қүй кешіп, төсек тартқан сал ауру, екі аяғын баса алмайды, оның асты-үстін тазалап, тамағын әзірлеп, сусын жұтқызып отыру да Айнаның мойнында. Ара бағу – колы білген адамға әуресі жоқ таза жұмыс: өздері жайылады, өздері еңбектенеді, өзін ғана емес өзгені де асырайды, тек уағында тексеріп, дер кезінде балын жинап, ауру-сырқаудан сактасан, шаш-етекten байлыққа батырап берекелі шаруа. Бірақ бұл үйде ара өсіруден басқа да тіршіліктің көзі мол. Тайынша, торпағын қоса есептегенде, оннан аса сиыр малы, бес-алты жылқы, елу шакты қойдың қыскы азығын дайындаудың өзі-ақ ерлі-зайыптыларды сүріндіріп жығатын. Әсіреле, бірер күн ғана ашылып, қалған мезгілде төпелеп жаңбыры құйып тұрап өлкениң шөбін шірітпей, қораға үйіп алушдан азапты жұмыс жоқ. Қоғадай болып бойлап өсе беретін балдырлы шалғынның малға жұғымы аз қырдың бір түп күреңсесіне бір шөмелесі татымайтын қурайлы келеді, сондықтан да мая-мая пішен дайында масқа лажың жоқ. Әуелі кос тігіп, шабылған пішенді соның үстіне үйгенде ғана, шірітпей кептіріп алар еді. Екі-ұш күннен бері ғана қабағы ашылған күннің әр сағатын пайдаланып қалу үшін жалғыз өзі жанталасқан Айна ертеңнен қара кешке дейін тыным таппай шөп үйеді. Оның ара-арасында үш биенің алты-жеті уақ сауымы бар. Қас қылғандай күннің дәл Ерік кеткенде шайдай ашылғанына налыды. Ал енесінен қайран жоқ, қайта-қайта үйге жүгіріп несебін тазалап, тамағын беріп, әуре-сарсанға түсіп жүр. Талай жылдан бері шындал шаршағаны да осы шығар. Екі іні талып, арқасы удай ашып,

екі алақаны меп табаны күйіп, тұні бойы ұйықтай алмады. Бір жағынан кемпірдің де абылап-ұхилегені, өз-өзімен қубірлеп сойлегені, «құдай-ая, неге алмайсың» деп зарлағаны бұған да запыран болып тиіп, көрер таңды көзімен атқызыар еді. Отыздан асса да өнін бермеген сұнғак бойлы, үлкен қара көзді, ақ құба, дөңгелек жүзді Айнаның келбеті екі-ақ күнде кеспірсізденіп, соғыс кезіндегі әйелдердің кебін киген-ді.

Таудың күні тез батады, жай шығады. Бүгін де күнгей жалаңаштанып, теріс қарап ұйықтап жатқан алып аюдай дөңкіген таудың ар жағынан ыңырана көтеріліп, ең әуелі қарағай, самырсындардың қыл үшін жалап, қарсы таудың беткейін қыздырып барып, айлақтағы жалғыз үйдің терезесін тілгілеген.

Айна әдеттегіден де ерте тұрды. Есік алдындағы үстін шатырлап, қолдан қалап қойған пешке от жақты, пештің үстіндегі шойын қазанға су құйды. Беті-қолын жуып, тілер-сегіне түсетін шашын тарап, төбесіне түйді. Табиғат сыйга тартқан көл-көсір мол шаштың ұйысқанын жазып, тарап өруден киын нәрсе жоқ-ты. Ыза болған күні кесіп тастамаққа сан рет оқталса да, енесі: «Қайшынды жалақтатпа, мен өлген күні қиясың», – деп келісімін бермейтін. Енесінің сөзін екі етпейтін Айна лажы таусылып, «қойдым, апа, қойдым» деп бетінен сүйетін. Ене мен келін арасындағы сыйластыққа толы қарым-қатынас әншейін үлкенді-кішінің ізет тұтуы ғана емес, жо-жоқ, одан гөрі терең де телегей шын жақсы көрге ұласқан сүйіспеншілік еді: сондықтан да абысындардай сырласатын, шешесі мен қызындаі сыйласатын. «Құдайға күнәлі болсам да, ұлымнан гөрі сені жақсы көрем, келінжан» деп, Нюра кемпір айналып-толғанатын.

Айнаның құлагы Қатын сұнының күркіріне, анау қаз-катар тізілген ағаш жәшікте дамыл таппай бір кіріп, бір шығып гүлдеген араның ызыңына әбден үйренген. Қора жақта әтеш шақырып, тауық қыт-қыттап жүр. Нарын ауданындағы құс фермасынан вертолетші жігіт әкеліп берген бройлер текті он балапан бүгінде ұрық шашып, отыздан асып кеткен ақарлы-шақарлы «семья». Тайганың арасындағы ақ тауықтардың көбейіп кеткені сонша, адам ауқатынан асып, өз жұмыртқасын өзіне беретін. Жапандағы жалғыз үйде ішіп-жеудің небір тұртүрі ырғын, ас та төк – ит басына іркіт төгіліп жататын. Тіпті

тауда өмір бақи өспейтін көкөніс, жеміс-жидекке дейін Прохор Александрович Зырянь қаласынан қап-қап қылып жеткізіп тастайтын.

Пештің үстіндегі қазандағы су жылышан соң, жez құманға құйып Нұркे кемпірге (ауылдастары Нюраны Нұркес деп атап кеткен) апарды. Ол ояу еді. Кәріліктен бе, әлде екі аяғы сырқырап тынышын ала ма, әтеш алғаш шақырганнан-ақ, қыбырлап, жөткірініп ояу жататын. Темір төсегінің аяқ жағына байлап қойған қайыс белдеуден тартып басын көтерді. Айна да жастығынан демеп, арқасын тиянақтап қойды.

– Шүкір, күн бүгін де ашық екен, – деді Нұркес кемпір келіні құйған шым-шым сумен беті-қолын жуып.

– Иә, шайдай ашық, апа.

– Жалғыз өзіне қыын болды-ау. Мениң түрім болса мынау, тобанаяқ болып ас ішіп, аяқ босатқан.

– О не дегеніңіз, апа, осы күніңізге зар болып қиналмасақ. Ерік бүгін келер.

Нұркес кемпір сау кезінде дәрет алып, намаз оқып әдеттенгендейдіктен бе, ұзақ жуынатын. Бір қолымен жez легенді, екінші қолымен жez құманды ұстап тұрған Айна енесінің осына туасы біткен кірпияз тазалығына таң қалатын әрі сүйсінетін. Қазір де сәл жымып, асықпай су құйып тұр.

– Ракмет, Айнаш! – деді қос білегін, бет-аузын асықпай сырбаздай сүрткен Нұркес. – Дүниеде өз аяғынмен барып дүзге отырғаннан артық арман бар ма екен. Жас балаша астыңа жаялық төсетіп, артық-ауысты саған тасытып...

– Ештеңе етпес, апа, – деп енесінің сөзін бөлді. – Жұғып қалар дейсіз бе? Осында жұмысты арамсынбай-ақ атқарып, жанын сақтайтын адамдар бар емес пе. Әлі-ақ жазылып кетесіз... маган шөп жиысасыз...

– Енді қайтып тұрмасымды білемін...

Шай жасалды. Ене мен келін бабымен сораптап ұзақ ішті. Екі иінінен дем алып, қарағайдың қызулы шоғына қайнаған самаурынның оттығы жылтырап, бұлк-бұлк қайнап тұр. – Прохорга мың да бір ракмет, – деді Нұркес, – үнді шайын үзген жоқ.

– Расында да, дәндеп алышты. Дегенмен, осы «ұндінің» өзі қымбатқа түсіп жүр-ау деймін.

Шалқалай ашық тұрған есіктен Қатын сұнының ақ жал

толқыны көрінеді. Оның ар жағында беткейіне арша аралас бұта-караған өскен тау, таудың қыр желкесінен жалдана өскен орманның ұштары шалынады. Қаңғылектеген ара кірді үйге. Әуелі айнала ұшып барлау жасап, тіміскілеп жемтік іздеді, содан соң стол үстіндегі мөлдірекен балды төңіректеді. Шай ішіп отырғандар осынау үйреншікті «тұліктері» шығады-ау деп сескенбеді, жасқап үркіткен де жоқ. Ара өз қалдығын жана көргендей ұшқалактана ұшып келді де, бал сауыттың ішіне қона қалған. Қонғаны бар болсын қоймалжың тәттіге белшесінен батып, тырбандағы дерсін. Айна еттеп қана қанатынан көтеріп алып, тиместен есік алдына шығарып тастады.

— Араның адамнан айырмасы болсайшы, — деді осы көріністі мұқият мұғдарлап отырған кемпір. — Жиган байлығың да бал секілді. Құндердің күні малтығып өлесін.

— Айырмасы көп, апа, — деді ыдыс-аяқты самаурында қалған ыстық сумен жуып отырған Айна. — Араның байлығы адамдар үшін, ал біздікі... біздікі өзіміз үшін ғана.

— Тек түбі тыныш болсын де... Күні erteң жиган-тергеніңе ие болар ұрпағың жоқ болған соң, дүние-боктың керегі не? Шыр еткенге зар қылған тәңірдің тәлкегіне не дауа...

Айқара ашылған есіктен анау жап-жасыл тауга қарап отырған көк көз кемпірдің қоламтана бастаған тозыңқы жанарында кісі аяйтын арманға толы мұнбар еді. Күн шалмай қағаздай ағарған, әбден әжім айғызыдаған жүзі сазара қатып, ерні дірілдеді. Келіні апасының аузынан шыққан осы бір өкінішке, өкпеге толы алғашқы сөзді тосырқай тыңдал отырды да, дастарқанды толық жинамастан асығыс шыға жөнелді. «Албасты басып, алжып отырмын ба, қайдан ғана айттып едім», — деп өзіне-өзі ұрысты Нұрке кемпір.

— Жас балаша мәпелеп баққан келінімді ренжітіп алдым-ау. Бала деген немене... итте де, құста да бар. «Жақсыдан жаман туар — бір аяқ асқа алғысыз, жаманнан жақсы туар — адам айтса нанғысыз» деген емес пе бұрынғылар. Ол жылбысық кім білсін кім боп туарын. Экесінің сақалына жармасқандарды да талай көргенбіз. Апыр-ай, Айнашжан өкпелеп қалды-ау...»

Айнашжан енесіне тіпті де өкпелеген жоқ еді. Сол жүгіре шыққан қалпы қазықтың басында ілулі тұрған ноқтаны білегіне іле салып, таңғы салқынмен жайылып жүрген жылқыларға барды. Жануарлар жатырқаған жоқ. Енесінен туа

салып, Айнашқа үйренген құлышындар да тырағайлап қашпай, нокталауына көнген. Екеуін бірдей енелеріне қосақтады да, арқан бойы көтеріліп қалған күнге көзін қарықтыра бір қарап пішендікке беттеді. Тобықтан түскен шық алғашқы жылумен жылтылдай ағып, кербездене кешіп келе жатқан келіншектің балтырын сулады. Шөп әлі кебе қойған жоқ, енді бірер сағаттан соң ғана жилюға жарайды. Айна асығыс аққан өзеннің жағасына жақыннады. Жардың жиегінде Ерік орнатқан тақтай орындық бар еді, оның бетін де шық басып дымданып түр екен, алақанымен бір сипады да, отыра кетті. Бұл – Айнаның үйреншікті жері. Рас, енесіне реніш білдірмеді. Бірақ қөнілінде көптен бері қөлеңкелі тартқан уайым бар, көбенсіп жатқан құдік бар, жалғыз-ак ыргақпен өтіп бара жатқан өмірінің өткенді қойып, жыл өткен сайын өрши түскен өксігі бар. Бар! Одан құтылудың жолын таба алмаған. Таба алмаған соң, істеген сайын таусылмай балалай беретін жұмысты алданыш етер еді; одан да жалыққандай, анда-санда жар жағасына келіп, өзеннің асау ағысына қарап түпсіз терең ойға батар еді; түпсіз терең ой мұны Алтайдан алысқа, студенттік шағы өткен Алматыға алып кетер еді.

Түпсіз ойдың тұңғиығына тұншыққан Айна қайтадан бетіне қалқып шыға алмай ұзак отырды. Көзден де, қөнілден де баяғыша қашандап кеткен жастық дәурен – қыз кезі, бірге есіп, біте қайнасқан достары, туған-туысқандары есіне түсті. Қыздар институтының жаратылыстану факультетінде оқып жүрген шакта, қолаң шашын қос бұрымдап өріп, жанынан өткен адамды жалт қаратар сұлтулығымен талайды таң қалдырмап па еді... Құрбылары шашын қылп күзеген байталдай болып жүргенде, хас мандайдан қақ жарып тарап, бір талын шашау шыгармай өрген шашын жалау ғып жайнап, жігіт біткеннің аузының суын құртқан. Жас жігіттерді қойып, анау жағрапия пәнінен сабак беретін бурыл шашты ағайды айтсаңшы... Сұғын қадап қырындал, сабактың артынан алып қалып, зачет қоймай қиғылық салды емес пе. Қазақ мұғалімдерінің осы бір сүйеккесінді сүйкімсіз әдеті, әсіресе, Айнаның жынына тиетін. Әлгі бурыл шаш қыр сонынан қалмаған соң, институтты тастауға мәжбүр болған. АХБК-га жұмысқа орналасты. Сөйтіп жүріп оқуға өте кеш түскен өзінен ересек Ерікпен танысты. Айтып-айтпай не керек, Ерік әдемі еді ғой: қара торы, сұңғақ, бәрінен

де көзі – азиалық әлпетіне ойда-жоқта орналасқан европалық көгілдір тартқан көзі мен қара бұйра шашы... Екеуі колтықтасып қатар келе жатқанда, қолде жүзген аққудай аса жарасатын, дос-жарандарының бері қызыға да қызғана қарайтын. Ерік күресті қойған соң ғана, төртпақтанып толып кетті ғой... Оқу бітірген жылы үйленді. Ерік аудан орталығындағы спорт мектебіне орналасқанда, дипломы жоқ Айна интернатта тәрбиеші болды. Осылайша он жыл өмірлері онды-солды, мән-мағынасыз ете шыққан екен. Мамандықтарын тастап ара бағып кеткендеріне де осы жазда бес жыл толған. Тәнірім-ау, сонда не қызық көрді? Көрер қызығымыз алда дейін десе, өзі отыздан асып, Ерік қырыққа толыпты. Баяғыда бір шал кемпіріне «кешке берген айраныңды ұрайын» деген екен ендеше, ғұмырының аяулы шағы ертенге ауып, сарықарын тартар шақтағы қонған бақтың, қонсыған байлықтың керегі бар ма өзі...

Айна артына бұрылып еді. Момақан өзеннің жағалауында бірігіп жайылып жүрген жылқы, сиыр, қойларды көрді. Таңғы салқынмен шық сүни малынған шөпті сонылап кәперсіз оттайды. «Әй, осы малдан айырмам шамалы-ау менің» деп ойлады. Өзіне бүгін төтеден ұялаған азғырыңды ойдан арылғысы келді ме, Қатын сүни тізеге дейін кешіп барып, мұздай суды бетіне шашты. Алыстан, биіктеу тұстан қараған адамға жалаң аяғымен етегін туре су кешкен келіншек, қынарын қалың қайың, тал, толан-топшы, шырша-самырсын көмкерген өзен, анау кәперсіз жайылған төрт түлік, тұтіні будактаған ағаш үй, жыпырлаған араның ұясы – бері-бері ертектегідей ересен әдемі еді. Қатын сүни қаншалықты қазымырлана бұлқынғанмен, соншалықты сұлу еді. Сайқал... Жек көре тұрып, есінен жаңылып еріксіз ғашық боласың... жақындасаң ажал бүріккен ақ жал толқыннан шошынасың әрі құмарпаз құштарлықпен жақсы көресің. Сұп-сұық сүниан тісінің сырқыраганына қарамай қомағайлана жұтасың. Әлгінде ғана үнді шайина қанғанына қарамастан, Айна да уысын толтыра жұтып-жұтып жіберген. Эйелінің осы бір әдетін Ерік қойдыра алмай-ақ қойды. Не ішіп, не жесе де, өзенге қарай тұра жүгірер еді, өзен сүниан бір ұрттамай, шөлі де, құмары да қанбас-ты. Иә, бұл жерде бері таза барлығына бостандық, тек торға қамалған тауықтар ғана қыт-қыттап кең дүниенің еркіндігін сағынатын тәрізді, бірақ «ой-хой, дүниеде бостандықты сағынғандар тым көп еді. Бұл

жалғандағы ең сорлы нәрсе – өзінді өзін тұтқындау, өзінен өзің қашып құтыла алмау, бұған дейінгі жиіркенішті әрі жаныңды жарылқамай жарапайтын ойсыз қылықтарың мен опасыз әрекеттерінен құлан-таза арыла алмау немесе тазалықтың нарқын бағамдай отырып, рухына, болмысыңа, тіпті, тәнірім-ау, табиғатыңа жат оғаштықтың ортасында сұңгілесіп жүру емес пе? Рес, Айнаның жан сарайы азанда жауған қардай таза, тұманың суындаі мөлдір, балиғатқа толмаған баладай аңқау да адал, жақсы мен жаманың, сұлутық пен сұмдықтың аражігін ажыратып, өмір екеш өмірдің өміршендігі мен өшпенделілігін де саналай алатын зейін бар; өзіндік көзқарас пен пайымы да жетерлік; олай болса неге ғана арқандаулы аттай өзімшілдігі басым өгей өмірді таңдады екен; неге ғана бұйыры тірліктің бүйдасын үзіп, мынау бәрі бар, бірақ еш нәрсе жоқ шынырауда шыңғыра бермей, шырқау биікке ұмтылмайды екен; неге ғана... неге ғана... Пенде дегеніміз – жалғыз-ақ адамның, мысалы, Еріктің жалауын көтеріп, көнтері ғұмыр кешсе айып па? Қайда-а-аан білейін...

Үлкен ойдың жетегінде жүріп құлындарды ноқталады; үлкен ойдың жетегінде жүріп сиыр сауды; үлкен ойдың жетегінде жүріп самаурынға су құйып, шоқ салды; үлкен ойдың жетегінде жүріп барлық шаруаны тындырыды... күн қыза, дестедегі шөпті жинай бастады. Әуелі әр дестені бір жерге шүйкелеп үйді. Содан соң биыл қара басып қысыр қалған кер биені жегіп, әлгі пішенді сүйретпеге салды. Кеше төбесі шықпай, жапырайып қалған шөмелеге тасымалдай бастаған. Шық суынан әлі де арыла алмай дымқыл тартқан пішен тырма мен айырдың илеуіне түсіп, ары-бері аударыстыра келгенде өз-өзінен дегдіп қалған. Осы қарекетпен түске дейін жан дәрмен қимылдаған Айна шаруасын іркіп, үтеге барды. Енесі мұны жайдары қарсы алды. Таңертең шай үстінде оқыстан айтып қалған сөзінің артын жуып-шайғаны емес, мәймөңкесі жоқ көнілімен шынайы жақсы көруі еді.

– Шаршадың-ау, Айнажан. Таудың шөбі ашы ішектей шуатылған қандай ұзын, әрі ауыр болады. Білем ғой мен, білемін, айырлағамыз, арпалысып үйгенбіз.

– Шөлдеген шығарсыз, апа, қайыңың нәрін ішесіз бе, әлде қымыздың әкелейін бе?

– Қайыңың суын қайтем, қымызды болса...

– Жалғыз өзім көтере алмаймын, сізді далаға шығарып құншуақтатсам деп едім... Егер ара болсам ғой... Салмағы он-ақ грамм, бірақ өзінен жиырма есе ауыр жүк көтере алатын құштілігіне таң қаламын.

– Рахмет, Айнаш. Жалғаның терезеден түскен жарығына жарылқансам да жетер. Демінді алып, тамагынды іш.

– Балық қуырайын ба, апа.

– Керек емес. Ерік тұзын көп салып жіберген бе, ашы екен, шөлдете береді.

– Ендеше, бастаңымыз болсын, ет асайын.

– Өзің біл, қалқам. – Айна шоланнан ет алып, тазалап жуып қазанға салды.

Таудың құні қызық: арқанды қыздырып, алдынды җауаратады. Далада жүріп-жүріп үйге кірсөн, мұздан жасалған үңгірге енгендей қалтыратып жібереді. Қарағай дөңбектен қып, мүктеп салған үйдің ерекшелігі сол – жазда салқын, қыста жылы болушы еді. Қазір бұл жерде не ыстық, не сұық емес, моншаның табы секілді жайма-шуақ маужыратып үйкінды келтірер жылылық ұялаған. Аラлар әлемі толассыз жұмыс қамында. Қаз-қатар тізілген қораптардың танадай тесігінен дамылсыз кіріп-шығып, мәңгілік қозғалыстың үсісіна айналған. Осыны алты аяғы, төрт қанаты бар шыбынның жұмбакты тірлігі Айнаны біржола өзіне баурап, сиқырлап алғандай еді. Қанша білдім, үйрендім, кітаптан оқып, көзіммен көрдім дегенімен әйтеуір, бір түйінін шеше алмай, өмірінің сырына қаныға алмай, семьясының заңдылығын түпкілікті ұға алмай қайран қалатын. Міне, қазір де быжынаган араның арасында тұрып та, ақылды жәндіктің асқан ерлігіне қайран қала сүйсінеді. «Өмір сүруді арадан үйренуіміз керек шығар» деп ойлады.

Биенің сауыны болып қалған екен, ағаш күбіні білегіне іліп, самырсының түбінде үйездеп тұрған жылқыларға беттеді. Әуелі торқаска биенің қосағын ағытты. Байлас отырган екі биенің екеуі де жуас, Айнаның жалғыз өзінеге-ақ сауғыза беретін. Атбүршағы аралас тау шалғынына ыңырана тоятын биeler сүтті, әрі арқандап қойғандай осы маңнан ұзап шығандап жайылмайтын. Борбайна жабысып бір тізелеп, тізесіне шелек қондырып, қос емшегін созғылаған әйелдің әдемі, бірақ қатқыл тартқан саусақтарына сүйсінгендей иіп,

жатырқаған емес. Шелекке тызактаған саумал ақкөбіктеніп, ісі бұрқырап мұрын жарады-ай. Бие сауыны аяқталған соң, күбідегі сүтті сабага құйып, толқыта пісті, қазандағы еттің көбігін алып қақпағын ашынқырап қойды, айырын арқалап тағы да пішендікке аяндады.

Іргеде тыныш тұрған орманнан шауқарғаның тоқылы, күшігеннің кісінегені естіледі. «Күшіген көп кісінесе, күн жауады деуші еді, өзіне көрінсін».

Елік әупілдеді. Анау бір самырсынның бұтағында қолында аппақ қып аршып алған балқарагайы бар тиін жүр, ал түбіндегі сала-сала боп адырайған тамырдың қуысынан барша тышқан жылтындаиды. Екі ұрты томпайған, тегі, балқарагай дәнін толтырып алып, ініне асығыс тасып жүр-аяу. «Барлығымыз да – жан-жануардың толайымы қыстың қамына дайындалудамыз», – деп жыымиды Айна, тер басқан бетінде жабысқан шөптің қоқымын жаулығымен сүртіп тұрып. – Шұқылап зерттеген адамға осы көріністің қай-қайсысы да ғажап-аяу. «Табиғат ешқашанда өз құпиясын ашпайды» дегенді оқығаны бар еді, алайда тым-тым ашып тастасаң, тағы пәле. Пәле болатын себебі – табиғат-ана абыройдан айырылады, содан соң ашуланады. Айтальық, қазір жер бетінде табиғат апаты тым көбейіп кетті, түбі неге апарып соғарын кім білсін; бекерден-бекер мөңкитіндей не көрінді. Ашуланады фой жарықтык...

Иен таудың ішінде пішен үйіп жүрген келіншек екі колы жұмыста болғанымен, ойы алыста, бәлкім, біз түсіне бермейтін басқа-басқа, тек бір өзі ғана байыбына баратын өзге-өзгеше әлемі бар шығар-аяу. Рас, жалғыз жүргенде кісінің ойына оралмайтын дүние жоқ, армандамайтын, қиял құсын құшырлана ұшырмайтын биік жоқ. Сыңарынан айырылған аккүдай, жаулығы ағараңдап, шөп жинап жүрген келіншек көбінесе өткениң, қайтып қайырылмастай қош-қошын әлдекашан айтқан қызы кезін – қырмызы шағын есіне алар еді. Сол қызығы мол қызы кезі көлбендей, кей-кейде көз алдынан өтіп бара жатар еді; жалқы сәт, аялдамашы, ежелгіні еске алып сырласайықшы дегендей ұмтылғысы, ұстағысы келер еді; боталаған жанарын жұмыстан мүйізденген қолымен уқалап қалғанында буалдырсағым, бұрқыраған Қатын суын ғана көрер еді. Айнаның жалғыз-ақ алданышы бар еді, ол – еңбек.

«Мен Ана ара емеспін, – деп ойлайтын ол. – Мен – жұмыс арасының. Өмір бакида ұйқы дегенді білмейтін, сеспей қатқанынша шырын жинап, ызыңдан өтер байғұс аралар сол толассыз еңбегін өзгелер жеп жатқанын қайдан сезінсін. Ал адамның айырмашылығы еңбек – егіннің жемісін теріп жеуінде, ертеңгі мұрат-мақсаттарға талпынушы емес пе? Олай болса.. мен кім үшін жан ұшыра жанталасамын. Орысша айтқанда: «во имя чего?»

Осы бір азғынды ой соңғы кезде Айнаның миын шіркейдегі айналдырып алды.

«Сонда не істей керек?»

Білмейді, білсе өстіп өгей өмір кешіп жүрер ме еді. Тағы да бие сауымы болды.

Күн сабалақ-сабалақ самырсын бөктерген таудың ар жағына түсіп кетті. Көз байланып, кас қарайды. Жынысты орманның салқын кеші басталысымен, аралар да арпалысқан тірлігін байырқалатып, жым-жырт ұсына кіріп кеткен. Тек Айна ғана дамыл табар емес. «Көресінді көрмей, көрге кірмейсін» деген сөзді дәлелдегісі келгендегі, міне, таң бозынан аяқ сұбытып, дамылдаған жоқ. Даладағы шаруаны тәмамдап тастаған соң, енесінің асты-үстін тазалады, арқасынан демеп отырғызды. Ұн илеп, кеспе жасады. Нұрке кемпір әсіресе ұсақ кескен созылмалы кеспе көжені ұнатушы еді. Табаққа ет түсіріп әкеліп, оны бипаздап турады, тау сарымсағын қосып тұздық жасады. Дәмі келіскең асты енесінің алдына қойып, шыға берген келініне: – Өзің де отырсаңшы, Айнаш, – деді кемпір.

– Қазір, апа, жей беріңіз, мен кеспе көжені пісіріп әкеле қояйын, – деді.

Ене мен келін керосин шамның жарығымен ауқаттанып отырган қоңыр тыныштықты аламойнақ иттің үргені бұзды. Күні бойы тышқан аулап қаңғып кеткен ит шабаланып қатты үрген соң, Айна тысқа шыққан. «Аламойнақ, жат!» – деп еді, бәрібір тынышталмай, орманға қарап арсылдады-ай. Ай әлі тау қойған жоқ, таудың қалқасында қамалып жатыр, онтүстік шығыста жұқалақ жарық бар. Сап түзеген самырсындар тұңғылық ойда, мылқау мұлгиді. Қатын сұнының бұлқынғанмен арнасын бұзып кете алмасын сезе ме екен, әсіресе, тұн баласында күркіреп-сарқырап қатты ашууланатындей үні өктем естілетін. Басқышта тұрып байқағанмен, көзге еш нәрсе көріне

қойған жоқ. Алғашында ауылдан оралған Ерік пе екен деген дәмесінен қайтты, ит иесін күншілік жерден сезеді, сондықтан да өңешін жыртып үрмейтін.

«Кой, аламойнақ, мазамызды алма».

Кора жақтан жүгіріп келген ит Айнаға бірер еркелеп алды да, тағы да қарауытқан теріске қарап саңқылдады.

«Мынаған бірдене көрінген шығар».

Сиыр мөніреді. Жылқылар осқырынды. Малдың тынышы бұзылған секілді. Келіншек жүрексінейін деді. Үйге қайта кірді.

– Апа, маңайда бір нәрсе жүрген тәрізді.

– Әнегүні қонжығын ерткен аю көрдім деп едің, сол шығар омартаны торып жүрген, шықпай-ақ қой.

– Араның ұясын қиратып кетеді ғой, – деп, күпәйкесін киіп, қосауыз мылтықты қолына алды.

– Қиратпақ түгіл, түк қалдырмай жеп кетсе екен, аманымызда ауылға қайтатын, – деп қүнқілдеді енесі.

– Өзімізді де асап қойса қайтеміз, апа, – деп күлді.

– Бүйтіп тобанаяқ болып жатқанша, аюдың корегіне жарасам арман жоқ. Алтайдың аюы кісі жеп дәндемеген.

Айна сайланып далаға қайта шыққанда, ағаш-жалды алып таудың артындағы ай шапшаң көтеріліп қалған екен, маңай сүттене бастапты. Бір шетін әлдекім кесіп алған секілді кетіңкі. Қолында қосауыз мылтығы бар келіншек жасқаншақтана басып үйдің сыртын айналды. Аламойнақ та етегіне оратыла үріп, Айнаға демеу беріп келе жатыр. Оған да жан керек-ау, алдына түсіп арсылдамайды және бір елі соңда қалмайды да. Араның ұялары ағараңдап орнында тұр, кора жақта тыныштық. Жайшылықта алаңқайда жусап жатар сиыр, тұнгі салқында күрт-күрт шайнап, барлық шөпті жеп тауысып қоярдай, қомағайлана жайылатын жылқылар да үрке қашып, үйдің іргесіне жиналып тұр. «Аюдың келгені анық» деп ойлады Айна. Жүрегі кеудесін балғалай жөнелді. Қаттырақ дем алса, аузынан ыршып шығып кетердей, іштей тынып алға жылжыды. Тас байлап алғандай табаны әрен көтеріледі. «Қолымда қос оғы бар мылтық, несіне корқам» деп, өз-өзіне қайрат берді де, ұзаңқырап шығып, баспалап төніректі шолды. Жартысы жоқ айдың сәулесі титтей заттың нобайын дабырайтып, үнірейтіп, абажадай үлкейтіп, албастыдай әжуалап, құбыжықтай құ-

былтып көрсетеді. Қимылдап, қыбырлап өзіңе жақындаған сияқтанады немесе атып тұрып бас салатындей. Айнаның түн ішінде далаға жалғыз шығуы бір бұл емес болса да, осы жолғыдай осқырына қорықпаған. Тіпті бұл қорқыныш та емес, осындайда қорған болар азаматыңды сағыну шығар... «Өзі берген жанды өзі алар, не көрінді соншама» деп дауыстай адымдап, қаранғылыққа мелдеген орманға беттеді. Адамның айдынын сезген Аламойнақ та алдына түсіп, саңқылдай үріп енді ғана ұзай беріп еді, күндіз үйездеген жылқылар тұратын бай самырсының, тубінен қыңсылай шәңкілдеп кері қашты. Сол самырсының түбінен екі аяғына тік тұрып, ақырған ауды көргенде, Айнаның, мылтығы қолынан түсіп-ақ кеткені. Аю мен Адам есік пен төрдей қашықтықта бетпе-бет келіп қалған. Эйелдің, өне бойы ток соғып өткендей, жұлынын куалап ып-ыстық бір нәрсе ағып өтті. Құдіретті күш бір секундта қара жерге қаға салғандай сілейтіп, кірпік қақпастан мелшип тұр. Эрине, аю сасқан жоқ, неге екені белгісіз, ол да қозгалмаған. Айнаның пыр етіп ұшып кеткен жаны қайта айналып қонған сәтте, еңкейіп мылтықты алғысы келді-ақ, амал не, сіресіп қалған денесі бағынбайды. Аю ақылды болып шықты. Жанында шоқайып-шоқайып, енесі не істесе соны қайталаған екі конжығын томпаңдата ертіп, бұрылып жүре берді.

«Uh, зәрем қалмады-ау, – деп күліп жіберді Айна. – Мені кісіге санап менсінбей кетті-ау». Қысылтаяң шақта түкке аспай қалған мылтықты жерден көтеріп алғып, мүлдем кәперсіз әрі асықпай борсандаپ бара жатқан ауды көздеді; шуріппені бармағымен басып-ақ қалғысы келді; батылы жетпеді білем, батылы жеткен, тіпті оқтың дәл тиіоі де мүмкін еді, атпады, бәлкім, аяды, ол мақұлық та бұған тиіскен жоқ қой; «ендеши, қашқан жауға қатын да батырдың керін істеп қайтем» деп, кері бұрылған. Ал Аламойнақ өршелене жер тырнап, «мен де қарап қалғам жоқ» деген бопсамен ұзак үрген. Иесіне итінің бұл ынжықтығы ұнамады білем: «Жаман ит үрумен жағады» деп, «кетші ары құлағымды сарсытпай» деп, мылтығымен жасқап зекіген-ді. Айнадан алғаш естіген ұрысына қайран қалған Аламойнақ құйрығын бұлғақтата ырбандаپ, жағын қарыстырды.

– Ол не екен, Айнаш? – Үйге кіріп, құпәйкесін шешіп тұрған келіні: «Аю екен» деген сөзді, «сиыр екен» дегендей аса жайбарақат айтты.

- Айттым ғой, Алтайдың аюы адамға шаппайды.
- Рас айтасыз, апа, біз тиіспесек, олар тиіспейді екен... Түү, тамағымыз сүйп қалды-ая.
- Баяғыда Қандауыр жарықтық айтып отырушы еді,— деп Нұрке кемпір бір әнгіменің ұшығын шығарды, — осы Шаштының асуындағы жыланша ирелендеген жалғыз аяқ сүрлеумен түнделетіп келе жатқанында, алдынан екі аю қарсы шығады. Астындағы аты бір орнынан қозғалмай арбалғандай осқырып, қаққан қазықтай қатып қалған да, жануар шошығанынан тыздактата сиіп жіберген екен...
- Менде ондай болған жоқ, апа,— деп келіні сықылықтай құлді.
- Содан не істерін білмеген Қандауыр етірік тебінген болып атын шу-шулейді. Бұрыла қашатын жер жоқ: ар жағы ит тұмсығы өтпейтін жыныс орман, аяқ жағы терең құз... Аюлар мұрнын шүйіре марқайып қарапты да, «ендеше, жолды біз берейік» дегендей, бұрылып орманға кіріп кеткен екен. Аюдан ақылды хайуан жоқ деп сүйсініп отырушы еді жарықтық.
- Сіз ол кісіні шын жақсы көріп қосылдыныз ба?— деп Айна оқыстау сұрақ қойған.
- Ой, ол бір таусылмас хикая, — деді енесі жастығына жайғаса жантайып.
- Айтып берінізші, апатай. Сіздердің өмір тарихтарынызды мен білмеймін. Еріктен қанша рет қадалып сұрасам да... айтпай қойды. Түрініз болмаса сізді орыстың қызы деуге кісінің сенгісі келмейді. Мен осы үйге келін болып түскеннен бастап, өз тілінізде ләм деп сөйлегеніңізді естіген емеспін, әлде ұмытып қалдыныз ба?
- Соны өзім де білмеймін, — деп жымыған кемпір әдемі де әсерлі әлдене есіне түскендей жадырап сала берді. Нюра, ягни қазактар Фадейдің қызы Нұрке деп атап кеткен бұл кісі жас кезінде сұлу да сұнғақ болғаны осылай оқта-текте көңілденіп көзінде ұшқын ұялаганда, әйгіленіп қалатын. Әсіресе, үлкен де ұялы көк көзі қартаймай, жалт етіп қараганда, жанарынан нұр төгіліп, жанынды шуаққа бөлейтін. Сөйлеген сөзі орнықты әрі байсалды. Жүріс-тұрысынан да бескаттық пен абзал аналық сезілуші еді. Алғаш осы үйдің табалдырығын аттаған күні Айна жерге кірердей ұялып еді. Оған кінәлі – Ерік, анасының ұлты орыс екенін айтпаған. Оны жаңа түскен келін қайдан

білсін алдынан шыққан орыс әйеліне «здравствуйте» деп, сәлем берген. Сонда енесі таза қазак тілінде: «Қадамың құтты болсын, қарағым! Қосағыңмен қоса ағарып, бақытты ғұмыр кешіндер» – деп, алақаның жайып заулатып бата беріп, құшақтап бетінен сүйіп еді. Одан бері де он жыл уақыт өткен екен-ау... уақытты уысына үстап тұrap кім бар.

– Мен Еріктің әкесі Қандауырга тұрмысқа шыққан жылы, жарықтық атамыз, атын атау әдепсіз болар, қайын атамды айтамын, – деп пысықтай түсіндірді, – Меккеден оралып, қажы атанаып қайтқан. Үркердей үш келінін бірдей, оның ішінде мен де бар, мұсылманша оқытып, хат танытты. Мен сол күннен бастап бес уақ намаз оқып, шаригаттың шәлісін жамылдым. Оны өзің де білсің, Айнажан, екі аяқтан айырылғанша ораза-намазды қаза қылғаным жоқ. Қайын атамыздың іслем діні жайында, пайғамбарлар мен сақабалар туралы әңгімесі бізді ешқашан жалықтырмайтын және біз күмән-күдіксіз сенетінбіз. Алғашында мен қазақ тілін жарытып білмейтінмін, мұқым ауыл балалары шүлдірлегенімді қызық көріп, сөйлете беруге әуес еді... Иә, ол да бір дәурен, қимас шақ еді-ау.

...Әке-шешем және бүкіл Фадеевтер әулеті қазаққа тұрмысқа шығатынды естігенде үзілді-кесілді қарсы болды, әкем мен ағайым тіпті өлтіреміз деп те қорқытты. Біздің кержактар орыстың ішіндегі төменгі жақтан ауып келген аса діншілі. Естуімше, патша ағзамның өзі ішкөрі жаққа жер аударыпты, неге екенин білмеймін, «кержактар» атанғанбыз.

– Үйінен су бермейді екен, ал алда-жалда су сұрап іше қалсаң, сол ыдысты қайтып пайдаланбайды екен, бөтен біреу ұстаған есіктің тұтқасын ыстық сумен жуады екен деуші еді, рас па? – деп сұрады енесінің әңгімесін ұйып тыңдаған Айна.

– Баяғыда одан да сорақы әдептері бар еді, қазір оның жүрнағы да қалмай, жергілікті елмен сіңісп кетті гой... Әкемнен ғөрі шешем қатал болды. Мені Қандауыр бір-ақ күннің ішінде алып қашып ауылына алып барған күннің ертеңінде, артымыздан шешемнің өзі бастаған құғыншылар келді, түрлерінен адам шошырлық ашулы, бәрінің қолында мылтық. Төбелес, барымта десе қолы қышып, ереуілдеп кетер қазақтар қарап қалсын ба, барында шіті мылтық, жоғында шоқпар, сойылдарын қоқайтып олар да «мен атайын, сен тұр» деп қаптады. Сонымен не керек, екі жақ бітімге келісе алмай «тұрысатын жерін» белгілеп, Бек-

Алқаның ағаштан ада беткейіне қарай бет алған. Кержақтардың оқтаулы мылтығына қарсы төтеп берер қару қазақтарда жоқ еді, тек бірен-саран аңшылары ғана қолдарына шиті мылтығын ұстап, намыстың айдауымен қиқулап жөнелген. Екі ауыл қанды шайқасқа қас-қағым сәтте әзір болды. Құлышында бие беріп сатып алған бесатарын мойнына асып Қандауырда аттанып кетті. Торғын шымылдықтың ар жағында толған айдай толысып мен отырмын. «Қанды аяқ болды-ау, шоқынды» деп, мені қарғап-сілеп абысын-ажындарым жүр. Шымылдықты ашпаған күйі атам тіл қатты:

— «Келінжан, өзің бәтуаға келтірмесең, екі елдің арасы ашылып, азamatымыздан айрылығалы тұрмыз. Сені ықылассыз алып кетті деп, күш бермей тұр... Менің қазақша сөзімді түсіндің бе?»

— «Үқтym, ата, өзім барайын» деп, шымылдықты сыйыра атып шыққаным. Бұл оқыс қымылдан шошына шалқалап, «астапыраллалап» шегіншектеген атама қараған қайда, кермендегі кербестіге міне шаптym. Устімдегі қазақша кигізген бүрмелі етек көйлек желбіреп, басымдағы үкілі тақияны жел ұшырып әкетті. Екі жақтың жігіттері сақадай-сай, бетпе-бет келіп тұр екен, тұра орталарына ағызып шықтym. Өз тұғандарыма: «Мен – өз еркіммен келген адаммын. Мен Қандауырды сүйемін! Тоқтатындар шайқасты!» – деп, орысша да, қазақша да үш рет қайталап, дәл орталарында атымды ойнатып тұрып алдым. Не істерлерін білмеді. Атыса жөнелейін десе – оқ маган тиуі мүмкін. Осы кезде шешем келді жаныма: «Ақымақ қызы, қайт үйге! Дінімізді қорлама!» – деді мені қамшымен тартып жіберуге ынғайланаңып. «Айналайын, анашым, бер батанды, амалым жоқ, екіқабатпын» дегенімде ғана, жібіп, зар еніреп жылады-ай. Ал мен бұл сөзді өтірік айтып едім. «Қор болғаның осы... қызым... енді қайтып сениң қара жүзінді, қазақ жалаған бетінді көрмеймін, лағнет, лағнет» деп, аттарын ойнақшытып, көздері қанталаған туыстарымды ертіп, кері шаба жөнелді. Ат шаптырып той жасады, қазақтардың барлық ырымымен Қандауыр екеуміздің некемізді қиды. Құдай-ау, әлі есімде: басымда кимешек, шылауыш киіп, ақ шатырдай боп бие саууга шыққанымда, бұқіл ауыл мәз-мейрам боп қарап еді-ау. Әсірессе, бір тізелеп, биенің борбайына жабыса қалғанымды кержақ қызынан мұндай өнер күтпеген атам: «Көресіндер әлі, бұл

келінім барлығыңан озады» деп масаттанған. Ал Қандауыр екеуіміз қосылмай тұрып-ақ, қазактардың бүкіл тұрмыс-тіршілігіне жасырын дайындалғанбыз, ана тілін үйреткен де Қандауыр.

– Қандауыр деген не сөз? – деді Айна енесін қымтаңқырап қойып.

– Тек, о несі-ай, атасының атын атағаны несі...

– Кешіріңіз, – деді қызара ұялған келіні. – Байқамай қалдым, әншейін сөз төркінін білгім келіп еді...

– Қандауыр деген ұстараның бір түрі, кіп-кішкене айбалта секілді, асыл темірден соғады. Басының қаны тасығанда, төбе шашты дөңгелете қырып, қандауырмен шетіп, лонқа төңкеретін. Ішінде ауасы жоқ стакан артық қанды сорып, өзіне жинап алады. Бізде көрші Сарқыт деген кемпір болды, төбені қойып маңдайдан, мұрынның ұшынан қан ала беретін, жарықтық жақсы адам еді, жатқан жерін жаннат болсын (Нұркес бетін сипады). Сол кісі айтатын, бұл қан алудың ең қыындығы – емші кісінің қандауырды тамырга көлденең салмай, жарып салуында деп. Ол кемпір бұл дүниеден аттанған соң, басының қаны тасыған талай адам аттанып кетті соңынан... Иә, ол кісі бетімдегі жараны да жазып еді, сондықтан да есімнен, бес уақ намазымнан қалдырмай атап отыратынмын. Алғашында маған бала тоқтамады, не түсік тастаймын, не болмаса қырқынан шыққан соң, қызылша шығып өліп қалады, не керек, бұл корлықтан өз анам қайтыс болған соң ғана көзім ашылды... қатал кісі еді-ая, жарықтық. Қатал еді... оның да топырағы торқа болсын, ғайбаттап қайтейін аруақты, емшек сүтін емізген шешем ғой...

Енесінің бұл жұмбақты сөзіне түсіне алмаған Айна сұрақ қоймаққа оқталды да, көптен бері ашыла айтқан әңгімесінің арқауын үзем бе деп үндемеді. Оны Нұркес кемпір де сез-гендей.

– Шешем марқұм, күйеуі Фадей өлген соң, бүкіл шаруашылықты өз қолына алған өжет те өркөкірек кісі еді. Қазіргі қазактар Бек-Алқа, орыстар Фадиха деп аттайтын село сол менің шешемнің иелігінде болатын. Кержақтардың ішіндегі ең шонжарлысы, мыңдап марал өсіріп, пантысын Қытайга сататын. Жас кезімнен мен де тағы маралды тау-тастан қуып, ат құлагында ойнап өстім. Шіркін-ай, омартаңыз қандай

көп еді... Еріктің анау ербиген отыз шақты ұясы ширегіне де келмейді. Бүкіл орыстар, тіпті қоңылас қазактар да шешемнен зәресі қалмай қорқатын. Қандауыр екеуіміз ғана айбынынан жасқанбаған (кемпір құлімсіреді). Қорқатын себебі: Анна Филомоновнаның кісіні жадылайтын сұнғыла өнері бар-тын. Сен, Айнашжан, сенбе, алла атынан айтайын, оқып-оқып қара суды теріс ағызытын. Талайға қас қылып қан қақсатты-ау, жарықтық. Сол сиқыршылық өнерін маган үйретемін деп жүргенде, қазаққа қатындыққа қашып, айырылып қалдым, сырын ешкімге ашпаған күйінде көз жұмды. Үйренбегеніме өкінбеймін де, бұл жалғанда адам баласына, мейлі ол жақсы, мейлі жаман болсын, қастандық жасағаннан қасіретті не бар, дүшпанындан кек алам деп күнәға бату, күпіршілік жасау қайсыбір дінде де иманды жол емес қой.

– Сіз, апа, анаңызға тартпаған екенсіз...

«Бір биеден ала да, құла да туады» демей ме қазақ, туыста-рым әжесіне тартқан дессетін. Қандауырмен қосылғанымызға бір жыл толып, аузы-мұрнынан шығып екіқабат болып отырған шағымда, шешемнен сәлемдеме келді. «Нюра кешірсін мені, өзім үйнің есігін ашпауға бекіндім, мойныма қарыз болар, жасауын алсын» деп, төсек-орын, көрпе-жастығымды беріп жіберген екен. «Айналайын, анашым!» деп есім шыға қатты қуандым. Өзің білесін, келін, жасаусыз қыздың қазақтар үшін қадірі болмайтынын, әсіреле, абысындарым бетін шымшып сақымазақ қылып жүрген. Құс жастығымды жастанып, құс көрпемді жамылып, өсек-аяңнан құтылған күні бір түшіркеніп ұйықтады-ау. Ертеңінде... ертеңінде бүкіл бетім, тамағым, омырауым – барлығы көнектей боп ісіп шыға келді. Артынша ірінде, тесіле бастады. Міне, осылайша өмір мен өлімнің екі ортасында жатып, шешеме ат шаптырып, кісі жіберіп «ішім сезеді, жадылағанын қайтарсын» деп, зар еніреп, зар жұтып Қандауырды да жібердім. «Мен емес жадығөйлеген, қайын атасы қажыға барған молла фой, ұшкіріп жазсын діні мықты болса» – деп міз бақпаған. Атамың ондай құдіреті жоқ, аллаға жалбарынғанға жазыла ма... Сиқыршылық та және одан науқастанған адамды емдеу де ешбір құдайдың ісі емес, дәрі-дәрмектің ғана күші келерін Сарқыт кемпір дәлелдеді. Халық емімен-ақ асқынған аурудың бетін қайтарды. Мынау тамағымдағы дақ содан қалған, карағым, әйтпесе екі аяқтының аруы едім. Енесі өз сөзіне өзі құлді.

– Сіз қазір де сұлусыз, апа. – Айна енесінің бетінен сүйді.

– Сұлулық бізден қалғалы қа-ша-а-ан. – Кемпір үйдің босағасына қарап әлдебір ойға берілгендей, әлдене ойына оралғандай үнсіз жатты. – Әйел адамның әдемі болғаны жақсы ғой, – деді бұдан соң, – бірақ ақыл мен көрік анда-санда токайласып, жұптасып өмір сүре алады. Мениң шешем де келбетті кісі еді, амал не, мінез-құлқы қатты болатын. Байлар тәркіге ұшырап, жер аударыла бастағанда, барлық бұғыларды сатыдан шығарып, өз үйін өзі өртеп, аргы бетке қашты. Пахомов дегеннің партизан отрядымен болған арадағы атыста ағайым Александр окқа ұшады, қызылдардың қолына түспеуге бекінген анам улы шөп қайнатып ішіп өлген екен. Сөйтіп, бергі бетте бір әүлеттен жалғыз қалдым, ал ауылдың аты Фадиха атанып кетті.

Жарықтық күйеуім балажанды кісі еді ғой... амал не! Еріктің ер жеткенін көре алмады... Көзі тірі кезіндегі сәбидің бірде-біреуі тоқтамады. Айтып-айтпай не керек, не көрмедік, неге көнбедік!.. Ерігім біртоға, тұйық, сенер кісіци болмаған соң, шаруақой болып өсті. Мектеп бітірген соң да, мені жалғыз тастап кетуге қимай, оқуға кешеуілдеп барды ғой. Алматыда жүргенде, көп қынышылық көрген секілді. Өйткені, колхоз совхозға ауысып, апалас-төпелеске ұшыраган кезеңде, мен пенсиясыз қалдым, кейін ғой кемпір бас сайын 28 сом «айлық» тағайындағаны, әйтеуір, елде бардыңерні кимылдаған жұтамадық, халықтан айналайын, қарнымызды ашырмады. Жалғыз бала қатты болады деуші еді, содан ба, Ерігім өсе келе жүртқа жұғымы жоқ, даланың тағысы секілді тәқаппарлау болып кетті. Саган да обал, келін шырақ, ішім сезеді, құсалық бар, қайтейін, Алтайдың аңғарына қамап ұстайтын аң емессің...

– Қойыңызышы, апа, мен тіпті де жалғызырап жүргенім жоқ. Тағдырымды Ерікке тапсырганмын, Мұзтауды асамын десе де, қалармын ба соңынан.

– Ракмет, айнам, Еріктен артық көрмесем, кем көрмейтінім бір құдайға хақ. Екеуінің жамандықтарынды көрмей, бір күрек топырақ бұйырып, алдарында кеткеннен озық мұрат бар ма мен үшін.

– Сіз... апа, сіз орыс та, қазақ та емессіз... сіз басқа бір... үлтсыз... жер бетінде жоқ үлттың өкілісіз. Ол үлттың аты – аяулы ана. Әттең, сіздей адам жалғыз-ақ па деп қорқамын...

Айнаның шамның сәулесімен боталаған жанары жасаурай, енесін қатты қысып құшактады. Неге екенін өзі де білмеді, екі иығы селкілдеп, ағыл-тегіл жылаған. Байтақ ел, бақытты құндерін аңсады ма, өз анасының жұпар іісін сағынып, кең кеудесіне басын қойғысы келген шығар, бәлкім, бұған дейін көкірегінде бұғып жатып, әбден қысылып, әбден сыздаган мұңның ененің еміренісінен кейін иіп, бұлақ боп, көздің жасы боп, сарқырапт аққаны ма екен... Кім білсін, кімнің ішіне кім кіріп шыққан... бәрімізде де ашылмаған сыр, айтылмаған сөз бар-ая...

3

Казактар Бек-Алқа, орыстар Фадиха деп атап кеткен ауылдан шыққан қос жолаушының жүрістері мандымады: астында елпек аты бар Еріктің бір өзі ғана болса ба-я-ғы-да-а-ақ сау желіп, соза тартып ұзап кетер еді.

Әттең... не керек, сонында ілбіген «сапарласы» бар, жүруінен отыруы көп, әрен-ақ еріп келеді байғұс. Қазактар «Мың жолдыны бір сорлы байлайды» деп бекер айтпаған. Тастанап-ақ кетейін десе, даяр тұрған «құлдан» аяқ астынан айырылып қалғысы жоқ, ал атының артына мінгестіріп алайын десе – көкбестіні аяды. Сондықтан да асықпай, асқан шыдамдылыққа басып, өғіз аяңмен келе жатқан. Әлгі бір әзірде бір шөлмек арақтың ақырын сарқып тұрып ішіп алған Таған жүргуге шамасы әбден келмеген соң, таудың құлын жоғалып кетер шалғынына етпетінен түсіп, тырп етпей жатып алған. Тәлтіректеп келе жатқан шығар деген оймен омарташы көпке дейін артына бұрылмап еді, жалт қарағанында – жоқ болып шықты. Алғашында, қашып кетті ме деп, сасып-ақ қалғаны. Көкбестіге қамшы басып, келген жолымен кері құйын-перен шапқылай жөнелді: зым-зия, жер жұтқандай... «Сайтан ба, сағым ба? Атаңа нәлет, пияншік, басыма бәле болып тимесін... Әй, бірақ осы күйс қурайды іздеуші, сұраушысы жоқ та шығар-аяу» деген оймен ойқастап ары да шапқылады, бері де шапқылады. Таудың бұта-қараған, қалың ағаш, жайқалған шалғынына адам түгіл түйе жоғалса табуың екіталай. Үзенгісін шөптің басы қағып, бойлап өскен шалғынды қақ жара көп іздеді, амалы таусылған соң: «Таған, әй, Қарабура, қайдасың?» – деп дауыстады. Тура алдына алып самолеттей ауыр көтеріліп, дүрілдеп ұшқан ұлардан астындағы

көкбесті көрс етіп үркे жөнелгенде, Ерік ердің қасынан ұстап әрең қалды. «Қап, әкенді...» деп, тақымына қысқан мылтықты алып оқтағанша, таудың алып құсы көзден таса ұзап кеткен. Ашу қысқан омарташы сонда да ентігін баса алмай, ұлар ұшқан жақты көздел, шүріппені басып қалған. Мылтық үнінен әбден үйренген ат мыңқ еткен жоқ, тек қамшылар жақ қанталдағы шөптің арасынан «ой-бай» деп, бажылдай атып тұрған маскүнемнің үнінен ғана көкбесті және жалт ете түскен – Ерік бұл жолы да ердің қасынан ұстап құламай қалды. «Алла, әкен-ай...» деп барып, ербіген Тағанның жонарқасынан ала қамшысымен осып етті... Шынжырдай болып өрілген қамшы құн жеп, кір жеп онсыз да әбден тозған помази көйлекті қақ айырды, бірақ Таған өзіне емес тулаққа тигендей, ауырсынған да жоқ, тіпті кірпігін де қақпады. Әлі де болса әлінжоғалта қоймаған ұзын кірпіктерін көтере, сүзіле қарап тұра берген. Ол Ерікті мұлдем көріп тұрмадандай, меніреу күйде еді. Омарташы таң қалды, алайда таң қалғанын білдірмеді. «Жүр, кетейік» деп, атын тебініп алға түсе берді. Таған жақ ашпаған қалпы сонынан ерген.

Екі жігіт алдарында бір шынтақтай сұлап жатқан белден асып, жалғыз аяқ жолмен қабырғалай құлдағанда, сонау етектен ымырт-айдардың жалғыз көзіндей от жылтырады. Жүрістерін жеделдетіп, тезірек жетпесе сол үміт жұлдызындей болып елестеген жарық тұра қашатындей-ақ, шаршағандарын ұмытып асыға түсті. Еріктің астындағы көкбесті де құлағын қайшылай елпек аяңдады. Ең әуелі сай табанындағы үйдің иті үрді де, көп ұзамай арсылап алдарынан шықты. Ат үстіндегі Ерікке ештеңе емес-ау, сонында ербендер жаяу келе жатқан Тағанның дал-дұлын шығаруы мүмкін еді. Қосамжарлана үрген қос ит алдымен атты кісінің алды-артын орап байқастап көрді де, одан еш нәрсе шықпасын сезгендей Тағанға ұмтылған. Қайқы күйрық екі иттің екіні асап қоятындей-ақ қорқынышты еді, бойында жаны бар адам шыдап тұра алмас аянышты оқиға басталуы мүмкін еді, қанша қатығез десек те Еріктің өзі сескене, көкбестіні кері бұрған. Тағанға көмекке ұмтылған. Жағаласа жарысқан иттер ойқастаған күйі Тағанға жетті де, алба-жұлба алbastыдан ала түсуге жасқанғандай, жалтарып тайсақтады. Маскүнем сасар емес. Тіпті бұрылып қарамады да. «Мені қауып жарымассындар» дегендей. Екі ит үруін пышак

кескендей тыыйып, шоқиып екеуі екі жерде отырып қалған. Бұл гажап көрініс Ерікті және бір қайран қалдырған. «Мынаның сиқыры бар шығар» деп ойлады да, атын қайта бұрып, борт-борт желе жөнелді.

Сайға жасырына орналасқан жалғыз үйге Таған жеткенде, Ерік атын байлап кіріп кеткен еken. Неге екені белгісіз, Таған үйге бірден кіріп бармай; қашага сүйеніп тұрып қалды. Күндізгі қарбалас тіршілік тырапай асып, інірмен бірге іріп, таусылғандай тыныштық. Аспан ашық еді. Самсап жұлдыздар туа бастаған. Алғашқы болып қарсы алған иттер де желе-жортып келді де, қашага сүйеніп құр сұлдері тұрган бейбакты аяғандай искелеп, біраз айналсоқтады: жігіт міз баққан жоқ, біреу өлтіріп сүйеп кеткендей, қыбырысыз. Сығырайынқы терезеден түскең болымсыз жарық қана тау ішіндегі өмірдің жалқы шырақшысындай-тын. Мен-зен, дел-сал бейуақтың құнә, пәле-жала, айқай-шудан таза мұнтаздай мұны бар еді. Таудың тұнгі салқыны да ептең сыз татып, «и-щ-ай» дегізіп жауратады. Күні бойғы сүргіннен аяқ-қолы сал болып шаршаған Таған ес-акылын енді ғана жинағандай, өз-өзіне келе бастады, өз-өзінен есеп ала бастады. Қаншага ұзарын кім білсін, әйтепеір, қайдан келіп, қайда тұрганын ажыратар халдің қалтқысы дір еткендей болған.

Сайдың іші салқын, өзекті қуалай сылдырап бұлак ағады. Жас баланың тіліндегі былдырлаған үні қазіргі қаймақшыған тыныштықты бұзбай, қайта әдемі бір жарасыммен жуастау қыздың шашбауындай сылдырлайды. Арақтан аузы құрғамаған соңғы он жылында басы зенгіп, ауырмаған, не болмаса жүрегі айнып лоқсып көрмеген Тағанның алғаш рет ақсазаны астаң-кестеңі шықты. Бәлкім, бұл ауру бұрыннан-ақ бар шығар; сол қыжылды сезуге мұршасы жетпей, ақыл-естен айырылып қалатын шығар; мүмкін, таңғы тәбетін өңкей бір «барматухамен» ашып, сол «жарықтыққа» үйреніп кеткен ағзасы қуні бойы үздіксіз ішкен ақ аракты жатырқап, ауырсынып тұр ма еken? Қалай десек те Тағанның бұған дейінгі өлексе өміріне зәude «зауалдың» сыналап кіргені – сынай кіргені рас еді. Ол оған таңғалған жоқ. Оның қайран қалып тұрганы: ішімдік шіркіннің жақпаганын, немесе жақпайтынын өзгенің үгітімен емес, тұңғыш рет өзінің – өзекті жанының сезінуі әрі «осының түбі немен аяқталар еken» деп сескене сезіктенуі-

тін. «Ішпесе қайтер еді?» – Он жылдан соң ойына оралған осы сөз аракпен арадағы айқастың тұңғыш жеңісін әпергендей... «Ішсөңші, бірақ ақылынды ішпе» дейтіндерді иттің етінен ары жек көретін Таған: «Лажы, мұлдем ішпеу керек екен-ау» деген түйсігін түйінде бергенде және осы тұжырымына айды аспанға шығара қуана берген кезінде, ағаш үйдің есігі арс етіп ашылған. Ашылғанда: «Ей, қайдасың, кірсөңші үйге!» – деген Еріктің өгіздей өкірген даусы кул-паршасын шығарды, шығарды да мұлдемге ұмыттырыды.

Ол сыңып ашылатын тақтай есіктің тұтқасын ұстап түрмеге кіретіндей сүмдик қорқынышпен состиып тұрып қалған. Өздері әзірде ғана асып түскен жотаның ар жағынан жартыкеш айдың беті қылтиды. «Ай әлі бар екен-ау». Он жылдан бері айдың жоғалып кетпей әлі қүнге аспанда жүзіп жүргеніне таңырқағандай бағжырая қараган.

Үй ұядай жылы екен. Табада қуырылып жатқан балықтың ісі мұрынды жарып барады. Таған жұтынып, қарны ашқанын сезді. Үйдің иесі өзін Захар, әйелін Марфа деп таныстырыды. Ерік етігін шешіп тастап, пеш түбіндегі орындықта арқасын қыздырып маужырап отыр. Көзі тас жұмулы, рақатқа батқан сыңайы байқалады. Жасқаншақтана кіріп, босағада ебедейсіз тұрып қалған Тағанға әйел: «Проходите, садитесь», – деді. Бір аттап барып тақтай орындыққа жайғасты. Дастанқан жасады. Захар темекісін бұрқыратып шұлбық тоқып отыр. Көрден жаңа ғана шыққандай, мыж-мыж боп тұрган бөтен жігітке көзінің астымен қарап қояды. Еріктің екі беті, бал-бұл жанып, жып-жылы үйдің шуағына масайғандай қалғи бастады.

– Дастанқанға келіндер, – деген әйелдің оқыс даусынан селк етіп, салбырап, енді болмаса иығынан домалап түсіп кетердей болған басын жүлқа көтеріп алды. Дастанқанға мөп-мөлдір бал, қолдан пісірген нан, таудың сарымсағы қойылған. Осы тағамдардың дәл ортасындағы табада әлі де шыжғырылғаны басылмаған балық былқып жатыр. Көзі ақиған ақ шабақтың бірін енді ала берген Тағанға алая қараган Ерік:

– Қолынды жусаңшы, бес баттам қылмай, – деп құңқ етті. Таған сасып қалды. Әкесі зекіген жас балаша жаутаңдап кейін шегінді де, ләм деместен шыға женелді:

– Ұят болды-ау, – деді Марфа. – Дардай жігітке даусынды кетергенің не?

— Бал сырадан бір стақан берсең, атасының құнын кешеді, — деді Ерік балықтың ең үлкенін өзіне қарай мысықша сүйреген күйі.

— Мұны қайдан қазып тауып алдың? — деді Захар. — Өзінің есі дұрыс па?

— Есі дұрыс болса, осынау ит арқасы қиянға аттыға еріп таңы айырылар ма еді? Маскүнем деген рудың елшісі. Қолбала ретінде ұстауга ертіп келемін. Қыстай бағып-қағып, егер жақпай жатса, келесі жылы жазда тауып алған жеріме апарып тастармын.

— Азып-тозып кеткені болмаса, түбі жаман кісіге ұқсамайды. Кірпітері қандай ұзын, еркектердің көзі осыншалық әдемі боларын бірінші көруім, — деді Марфа. Әйелінің сезімталдығы Захарға ұнамады білем, қызбалықсыз қызганышпен:

— Біздің қатынның қолына түссе, жуып-шайып, қарағайдай азамат қылып алар еді. Мені де түрмеде отырғанымда ғашық болып, кісі жасаган...

— Эй, сені қайдам (есік жақты нұскап), анау алпыс әйел бақса да, адам болмас. Қаны араққа айналып кеткен, винокровье мен ауырады.

— Рас, ісі жаман екен, — деді Марфа. Онысы екі омарташының қытымыр сезімінен құтылғысы келгені сияқтанды. Осы кезде Таған қайта кірді. Бағанағы өзі ұстаган балық сол қалпында жатыр екен, құйрығынан тартып алдындағы тарел-кага түсіріп алды. Марфаның екі көзі Тағанның тottтанып кеткен кір-кір дірілдеген қолына түсті, жүргегі сазып аяды да, женіл күрсінді. Орнынан тұрган Захар пештің үстіндегі ашуы жетіп, тығынын атқылаған сырадан құманға құйып әкелді. Иісі мұрынды жарады. Төрт стақан қойып, толтыра құйды. Таған аузына енді апара берген балықтың бір кесегін тастай салып, сыраға ұмтылған. Көз ілеспейтін шапшаңдықпен қылғып салды да, бос стақанды Захарға қайта ұсынды. Келесісін де жалғыз-ақ деммен жұтып жіберіп:

— Уh, жанымды бойыма әрең шақырдым-ау, күні бойы сасық арақ ішіп, ішім күйіп қалып еді, — деді бітеу жарасының аузы ашылғандай, қырыстары жазыла жайрандал.

— Ал енді бұл тегін концертін бастайды, — деді Ерік жақтырмай. — Көбірек беріп сілейтіп тастағаннан басқа лаж жок.

– Ендеше, енді бірді құй, – деді Таған ыдысын тосып. Захар пеш үстіндегі ағаш күбіде ақырып тұрган отыз литр сырасын аясын ба, ықыластана құйды. Таған да тартынған жоқ, тағы ішті.

– Тамак жесенізші, – деді Марфа жалынғандай. – Аш қарынға қалай ішे бересіз.

– Мастығым тарқап кетеді, – деді ырсия күліп, – Сыра да тамақ. Әйтпесе баяғыда аштан өліп қалмас па едім. Сыраңыз зәмзәм екен.

– Сен... енді доғар, Қарабура. Ертең ере алмай қаласын, – деді Ерік.

– Маған осы үй де жетеді. Кімнің жұмысын істесем де бәрібір, құтырган бурадай бұрқыраған бал сырасы ашып тұrsa болды емес пе.

– Біз жалшы ұстамаймыз, – деді Марфа. – Жалғыз сиыр, жалғыз атты өзіміз-ақ бағып-қағып аламыз.

– Еркектердің сөзіне араласып нең бар, ыдыс-аяғынды жина, – деді Захар езуінен тек ұйықтарда ғана түсетін темекісін қайта тұтатып. Ерік пеш түбіндегі орындыққа қайта жайғасты. Стол басында жалғыз қалған Таған өз қолымен сырадан құйып алды.

– Мен осы бір нәрсеге таң қаламын, – деді сұқ саусағын шошайта. – Неге біз осы өтірік сөйлейміз, өтірік күлеміз, қысқасы – өтірік өмір сүреміз, а? Неге біз осы өзіміздің бұл әлемге артық, түкке де керегіміз жоқ бейшара мұскін екенімізді мойындармаймыз? Қазір жоқ болып кеттік делік. Сен де, ей, орыс, сен де, ей, казак... Жоқпыз... дүниенің қылшығы қисая ма? Қайта ұлы мәртебелі табиғат-ананың организмі тазарап еді, кек жөтелден сауығар еді... Білем-білем, «сен неге тірі жүрсің?» деп сұрагалы отырсындар. Мен... мен... осы қарапайым ғана қағиданы сендерге түсіндіру үшін журмін... Осы күйкі тірлікке душар қылған мына мені атарға октары жоқ сендер, мен... сендерге ерегесіп, ыза болған соң амалсыз ішем...

– Мына философқа жатар орын тауып беріндер, – деген Ерік орнынан шапшаң тұрып далаға шығып кетті. Таған сырадан тағы бір стақан сылқитып алды. Темекісін бықсытқан Захар Тағанның арқасына қағып:

– Дегенмен, сөзіңнің жаны бар. Жүр, братан, ұйықтар орнынды көрсетейін, – деді.

— Маған төсек салып әуре болмай-ақ қойындар. Қай тұсқа құлаймын – сол төсек... Анаңда – қара жер, атанда – қара жер... ла-лау...

Тұра беріп тәлтіректеген жігіттің қолтығынан демеген Захар тысқа беттеді.

«НЕГЕ БІЗ ОСЫ ҚАТЫГЕЗ ДЕ ҚАСИЕТСІЗ БОЛЫП КЕТТИК... НЕГЕ БІЗ ОСЫ...»

Тағанның әлдекімге ашулы, әлдекімге наразы да азалы үні бәсендемеген қалпы, есік жабылғанша Марфанаң құлағын жаңғырта сарсытып еді.

— Адамды осыншама аздыратыны бар, неге ғана шығарады еken арақты, — деді өз-өзінен сөйлеген әйел нәумез үнмен.

— Бәлкім, қалай ішуді білмейтін шығармыз... Эйтпесе, шет елдегілер мен кавказдықтар баяғыда маскүнем болып кетпес пе еді...

Есік алдына шыққан соң, Таған жаңа танысқан орыс досының мойнынан тас қылып құшақтап алды:

— Мен орыс халқын шексіз сүйем, Захар. Өйткені, олар қазақ мінездес, әрі тағдырлас – ашуының алды бар, арты жок, аңқау да адад. Әрі еңбекқор. Әйтсе де, Россияда – орыстар, Қазақстанда – қазақтар нашар тұрады. Саудаласуды да, жауласуды да, дауласуды да білмейді. Құшақтары кен, кімді болсын аймалай береді... бірақ сол құшағында тұрғанның пышағын байқамайды... Бірақ, Захарчик, сен мені тым жақсы көрмейсің-ау... біле-білсөн екеуміз бір ұлтпыш, өйткені, екеуіміз де ішеміз. Ал анау Ерік басқа. Басқа ол... оның ұлты жоқ. Сонда деймін-ау, қайсымыз қауіптіміз... Мәселе осында... Баяғы откен заманда біреу айтқан еken: «Заман-заман, заман-ай, жылдан-жылға заманы жұмбақ болған заман-ай; сарқыраған өзені бұлақ болған за-ман-ай... ақылы азып сенері пышақ болған заман-ай...». Захаржан, салқын сырандан тағы бір стақан жұтқызып жіберші, сиңық сүйем жетпей түр.

— Бүгінге жетер... жоқ-жоқ, сен ойлап қалма, сырасын аяды деп, шомылам десен де құйып берер едім. Әй, қазағым-ай, неге осыншама жаңынды жарапап іshedі екенсің. Несін жасырайын, ішу жағынан саған қулер түрім жоқ, әйткенмен «аядың жаңында шошқа жылмақтай» деген емес пе... Жүр, жатқызайын...

— Екеуіміз бірге құшақтасып тұрып ұйықтайық.

– Кешір, досым, әйелімнің білегі кеудемде жатпаса, көз іле алмаймын. Сен батқан батпаққа мен де батқанмын, жуыпшайып адам қатарына қосқан – Марфа.

– Ал менің әйелім, – деді Таған Захардың мойнынан қыса түсіп, – құй, батпаққа итеріп жіберген. Содан бері әлі шыға алмай тырбанып жүрмін.

Тұрғын үйдің аяқ жағындағы сарайға қолтықтап апарды. Мұнда қыстығұні бал арасының ұясын қоятын да, жаз шыға қанарап бос тұратын. Әлі де ауылға алып кете қоймаған төртбес флягі балдың аузы тас бекітулі. Сарайға кірген соң, Захар сірінке тұтатып, шынысы жоқ жайдақ шамды жақты. Мұрынды балдың іісі жарады. Кіреберіс ірге жақта ағаш нар бар екен, үстінде жүні шыққан ескілеу көрпе мен жағасы жоқ көнетоз тон жатыр.

– Сен, братан, ренжіме, өзің де көрдің, үй жалғыз, бөлме тар, бізben бірге пысынағанша, ауасы таза кең сарайда жалғыз демалғаның дұрыс болар. Кейде өзім де әйелімнен қашып осында ұйықтаймын. Рақат.

– Мұнда сыра жоқ па? – деді нарға сұлай кеткен Таған.

– Бүгіндікке жетер. Ертең де күн бар гой.

– Салынып ішетіндердің ептеп қана тататындардан жалғыз-ақ айырмашылығы бар, ағайын. Олар ешқашан да ертең де күн бар-ау деп ойламайды. Ақырзаман орнайтындей барлығын бүгін сарқа ішіп тауысып тастағысы келеді.

– Білем-білем, – деді Захар, – баяғыда мен де солай ойлайтынмын. Ал енді жақсы жатып жайлы тұр.

– Дегенмен, бір стакан әкеліп берсең қайтеді... Ақырғысы болсын, құдай үшін, ертеңнің есебінен.

– Макұл, – деген Захар шығып кетті де, аз-кем уақыттан соң бір стакан сыра әкеліп берді. Орнынан қарғып тұрған Таған қолы қалтақтап сіміріп жіберді де, нарға жалғып етіп құлап түсті. Жатқан қалпында сұқ саусағын шошайтты: – Неге біз осы... жанымызда жанып тұрған отты не су құйып өшіреміз, не болмаса май құйып лаулата өртеп жібереміз. НЕГЕ БІЗ ОСЫ бұл дүниенің барлық мұлкін арғы дүниеге арқалап кетердей, мұрнымыздан қан аққанша дүние-боқжиямыз, а? Айтындаршы, ағайын, салт басым, сабау қамшымнан басқа түгім жоқ мениң сендерден қай жерім кем? Кімнің тұнығын шайқаппышын, кімдердің ырысын ішіп тауысыптын? Соншалықты неге жек

көресіндер? Мен – таланттын. Менің білетінімнің, тәнірім-ау, бес процентін игерсендер, әлдекашан данышпан болып әлемнің билігін қолдарыңа алмайсыңдар ма? Ей, Захар, сен жақсы орыссың, түрің таныс, бір жерден көрген сияқтымын. Қайдан? Мұмкін, айықтырыштан, бәлкім, ЛТП-дан...

Бұл кезде Захар жоқ еді, Тағанның «НЕГЕ БІЗ ОСЫ...» деп басталар лекциясы тұтана бергенде-ақ, сарайдың есігін нығыздап жауып, ептең басып шығып кеткен. Тағанға бәрібір еді. Соңғы он жылда жағы сембей айтып келе жатқан жалғыз ауыз өлеңін бастап жіберді. Қарлықкан даусы – тек өзіне ғана сүйкімді естілер үні алакөленеке сәулемен менірейіп тұрган ағаш беренелерге тарс-тарс соғылып, кейін шегініп жатты. Бұл сарайда жалғыз тесік – есік болмаса, саңылаусыз бітеш еді, сондықтан да Тағанның әні құмығып, ешкімнің мазасын алмай іште өліп, іште тыптыраған.

Жігітінде мін жоқ,
Қалтасында дым жоқ,
Ішейін деп ішпеймін
Ерегесіп ішемін, хала-лау, әлау-лау...

Мені маскүнем қылған сендер... НЕГЕ БІЗ ОСЫ...

Тау ішінде бозғылт сәуле бар. Әр заттың ажарын анық танытпаса да, нобайын болжататын. Айдың шығуы қандай тез болса, омырауын жұлдыздар көп нүктелеп, тастаған аспанға өрледі де соншалық шапшаң шабыспен зытып барады. Күндізгі қолқылдақ жүрістен шалдықкан көкбестінің ер-тоқымын алып, қақтанған арқасын шапалақтаған Ерік балта мен қазық алып қырға жетелеп кетті. Айрандай ұйыған тыныштық қазық қаққанда дір-дір етіп, түн баласында шаңқылдан қатты естіледі еken. Захар омарташының қасқыр алатындай қақсан тыным таппайтын кос иті шәү етіп үрудің ырымын жасады да, қайтып үн шығарған жоқ. Қыр жайлап, шет қонып жүретін шопан, омарташы атаулының иттері адамдай ақылды болушы еді, үйге келерінде аттан аударып алардай арпылдайды да, иесіне бөтен емес екенін сезген соң, қайтып жақ ашпайтын. Қанжығасынан өмір бақида тастамайтын қыл арқанмен көкбестінің аяғын қазық бау шалып арқандады. Әлгінде бұлақ сұынан сыңғыта ішкен жануар таудың бұршақты отына бас қойды. Балтаны білемдей ұстап кері оралған Еріктің есіне Қатын сұының ар жағынан аптасына жалғыз рет, тек жұма күні ғана көрінер

қызыл орамалды Қыз түсті. Міне, осынау Алтайдың қызы көктемінен бері көз алдынан көлендеп, бейне бір кол жетпес армандай, күндіз-түні қиялынан, не түсінен шықпай қойды. Ол күні бүгінге дейін оның кім екенін, нендей кәсіп-пен шұғылданатынын білмейді, тым болмағанда жалғыз рет тілдесіп, аты-жөндерін де сұраған емес. Ал Қатын сұын қақ жарып өте шығар қауқар Еріктे жоқ, тіпті Ерік қана емес, әзірге бірде-бір адамның күш-қуаты мен тас жұтар тәуекелі жете қоймаған. Тек қоңыр күздің аяғында ғана ашуы қайтып, сабасына түскенде, жогары сағасынан кеудесі мықты атпен өтуге болатын. Әйтпесе өткел жоқ. Ерік ақ боз атқа мініп арғы жағаға жақындаған Қызға өнеш жырта айқайладап, сан рет атын сұраған. Әлде мұның даусын өзеннің күркірі бұзып естіртпейді, әлде жұмбақты Қыз қырсығып айтпайды, неге екені белгісіз, ала жаздай атын сұрап біле алмады. Біржола түніліп, аптаның аяғында барғысы келмей қасарысқанымен, дәт шіркін шыдамай солай қарай – жағаға қарай жетелейтін. Қызыл жаулықты Қызда келуін қоймайды, намазы қаза болатындей, тау асып асығыс құлдайды, өзеннің жиегінде жарты сағаттай аялдайды, содан соң атына қарғып мініп, тау асып ғайып болады. «Алystan қарағанда әдемі, әттең, жақыннан көрер ме еді» деген ой біртебірте қекіректің қексеуіне айналып, бұған дейінгі жайма-шуак тірлігінің айдынына тас лактырған; осыған дейін әйел атаулыға шын ғашық болып, aһ ұрар арманмен құлай сүйіп көрмеген касаң да қатығез жаны қазан түбіндегі майдай еріп, тоны жібіген, тіпті шымырлап қайнағандай ма-ау. Бұл не сонда? Бәлкім, кітаптан оқып, кинодан көретін махабbat осы шығар; бұған дейін сенгенді қойып, өзгелер өзеуруеп дәлелдегендеге, селкілдеп қүлетін басы енді сол махабbat машақатына байланып, әңкі-тәңкі. «Жоқ, бұл ғашықтық емес», – деп өз-өзін жұбататын. – Өткел бермес өзеннен өте алмаған соң, пайда болған әншайін әуестік қой; пенде дегениң не нәрсеге қолы жетпесе, соған құштар келмей ме; әйтпесе сол қыздың қойнына бір түн жатайынши, ертеңінде айнып шыға келмесіме бәс тігемін. «Ол сенің ғана түсінігің» деп іштей бір үн бас көтеретін. Қалай десек те сол қызды жақыннан бір көру – бұл жалғандағы жалғыз арманы. Біздің жігітте бәрі бар. Бірақ түк жоқ екен, иә, ең керектісін таба алмай жүрруі мүмкін ғой. Сонда маскүнем Тағаннан айырмасы бар ма, бар болса ол не?

Баспанасы, байлығы, ішпейтіні, жары... Жары демекші, оны да жас кезінде жақсы көріп үйленген-ді... Алайда жас шағында кісі қателікке көп ұрынады; тегінде, адамға ақыл қартайғанда керек-ая, алжымас үшін, алжаспас үшін... Ендеше, сол жасқа тән көп-көп қателіктің бірі – Айнаға қосылуы шығар. Шын махаббат қырықтың қырқасына шықканда оянары ойымызға келмей жүр ме?

Қашаға, бағана Таған сүйеніп тұрган қашаға екі білегін артып ойға батқан Ерік алғаш рет: «ОСЫ МЕНИҢ БАЛАМ НЕГЕ ЖОҚ?» – деп күбірлеп қалды. Өз үнінен өзі шошыды да, бұл сұрақты тезірек ұмытуға тырысқандай үйге бетtedі.

Ертеңінде Тағанды әрен тұрғызып алды. Өмір бақида көз алдынан кетпейтін, әсіресе, ес-ақылдан айырыла ішкенде, жыйылған жүздеген адамға айналып кетераудитория, яғни бұдан лекция тыңдауға жиналған елестерге дәрісін беріп, аузынан ақ көбік аға сөйлеп, түсіндіріп, әбден талықкандаған барып, көз шырымын алған. Әсіресе, бұгін «студенттері» көп болды. Ерте дүние тарихынан қойылған барлық сұрақтарға жауап беріп болған соң, бүгінгі заманың қекейкесті мәселелеріне көшкен. Халықаралық жағдайдың шиеленісіп тұрғанын, әсіресе, адамзат басына ядролық апаттың төніп тұрғанын, ал адамзат бұл қауіпті жағдайға тек қана тым-тым мильтылығынан душар болғанын, ақылдан азап шегіп отырғанын шегелей ұғындырыды. Бірақ ол осыншалық ақ тер, қара тері шып-шып шыға айтқан сөзін бірде-бір аяқты тыңдай алмағанын сезген жок-ты, жазған-ай. Егер әлем саясаткерлері мен тарихшылары Тағанға ізгілік, ақиқат, болашак туралы болжамдар мен өмірлік проблемалардан емтихан тапсырса, ешқайсысы да зачет ала алмас еді. Ондай атты құн қа-й-да-а... «НЕГЕ БІЗ ОСЫ...»

Жұлқылаганға оянбайтынын билетін Ерік жарты шелек су әкеліп басына құя салды.

– Төсек-орнымды сулайсың, – деп Захар ара түсіп еді, «кептіріп аласың» деп, оның сөзін тыңдаған жоқ. Орнынан атып тұрап куат Тағанда жоқ еді. Алғашында не болғанын білмей, нар үстінде мең-зен отырып қалған. Ауыр түстен айыға алмаған адамша сәл қозғалса жарылып кетейін деп тұрган басын қос қолдан сығымдаған күй: «Өлтірмесендер бір стакан сыра беріндер», – деп ышқынды. Захардың бұл бас «мәселесі» жөнінен тәжірибесі бұрыннан бар еді, «салқын сыраны» ұсына берді. Бір деммен қағып салған Таған:

– Бұл дүниеде бас жазғаннан рақат не бар, – деп орнынан тұрды.

– Беті-қолыңды жу, аттанамыз, – деді екі қолын қусырынып, талтайып тұрган Ерік.

– Мен сені гестапо екен деп қалдым, – деп қыршақыланды Таған. – Бетімді бір шелек сумен өзің жуып бердің емес пе.

Захар мырс етіп күлді. Күлді де: – Мынаның тілі удай екен, – деді.

Ерік ашуланған жоқ. Сол салмақты қалпын сақтаған күйі: – Тілінен басқа не қалды дейсің. Бүйте берсе одан да айырылар, – деп, сарайдың тақтай еденін сарт-сарт басып шығып кеткен.

– Иә, – деді Таған. – Иә, эс-эс-тің офицерлері біздің ортамызыда да бар, киімі басқа болған соң, байқамаймыз. – Захар бұл жолы күлгеген жоқ.

– Сен онымен тәжікелесе берме, жым-жырт болып кетуің ғажап емес.

– Мен қазір де жым-жыртпыш, жоқпыш, сондықтан да еш нәрсе қорқыныш емес... Тамыр, одан да андағы сыраңнан қайталап жібер.

Күн бүгін де ашық еді. Қараңғыдан шыққан Таған көзі жыптылықтап, жарықты жатырқағандай күн көзіне қарай алмады. Басқыштан тәлтіректей түсіп омарта жәшіктеп қойылған түсқа беттей беріп еді, оның қолтығынан Захар ұстай алды.

– Ол жаққа барма, ара шағып алады.

– Патшалар жаяу баратын үй қайда?

– Жүр көрсетейін, – деп ерте жөнелді. – Көрінген бұтанаң түбіне сари салмай, әжетхана іздегеніце қарағанда, кезінде мәдениетті жігіт болғансың-ау, тегі...

– Үлкені келіп қалды... Кішісіне дәретхана іздемеймін, шалбарым барой...

– Мен саған таң қаламын, Тағанщик, – деді Захар. – Ойыңмен сөзің керемет-ақ секілді, ал іс-әрекетің... нағыз маскүнемдікі. Сонда деймін-ау, ішпей қоюға неужели ақылың жетпейді.

– Егер мен секілді адамдар аракты қойса, онда біраз бастықтар тағын тапсырып, жан сақтай алмай қалар еді. Қазір, тамыр, жетесіздер жетіскең заман, олар біз секілді ішпейді, сауықсаннан сактұлкідей айлалы, қасқырдай қорқау. Егер ОЛАР ішсе, ақымақтығы ашылып қалады, сондықтан да өзінен

гөрі ақылды әрі қауіпті басы істейтіндерді есебін тауып іштіріп жібереді. Мен СОЛАРДЫҢ құрбанымын.

– Да-а-а, – деді ойланғандай Захар. – Сөзіңің жаны бар. Дегенмен, адам өз кемшілігін өзгеден көруі қате.

Көкбестіні ертеп тұрған Ерік:

– Захар, өү, Захар, – деді дауыстап. – Бал жоспары қалай болып тұр. Орындай аласың ба?

– Әрек-әрең. Сенікі секілді асыл тұқымды араларым жок...

– Қант алдырған шығарсың... Қысқа дайындық бар ма?

– Қыста араның өз балын өзіне беремін-ау деймін.

– Нағыз большевик екенсің, қант жесе ішіне жақпай ма?

– Ара да адам ғой, өз еңбегін өзінен аяғым келмейді.

– Жөн-жөн, – деді Ерік. – Ендеше, бала-шаганды да тек балмен асыра, ақшаны не қыласың.

– Ақша мен ақылдың артығы бар ма, коллега. Тек арам болмаса жарады ма...

Шай ішкен соң, жолға шықты: Ерік – атта, Таған – жаяу. Олардың артынан қарап қалған Марфа күйеуінің әдетіне салып, даусын соза: – Да-а-а-а, – деді, – Анау жігітке обал-ақ... кірпігі қандай үзын...

– Ұзын кірпікті үлкен көз жасты болады дейді қазактар, – деді Захар. Содан соң қалай ғана есінде қалып қойғаны белгісіз, маскүнем жігіт – Тағанның «Неге біз осы...» деген сөзін өз-өзінен қайталған.

Алдарындағы белеске шыққанда, аумақты жазық көрінді. Сол жазықты сары жұрттап тастаған қалың жылқы жан-жағынан бұлак саулап шалшықтаған саздауды омыраулад кешіп, сонылап жайылады. Шұрқыраған жануарлардың да өз дүрдараздығы бар: оқта-текте кісінеп, шабысып қалған айғырлардың үні шығады. Әрқайсысы өз үйірін құлағын жымыра, басын жерге сала қайырарда, байқаусызда маңайлап қалған сәуріктердің сауырынан тістеп, жаралап, тыркыратада қуып тастайды. Бұл – Жалпақсаз деп аталар жайлау, жылқылы ауыл ала жаздай осынау мыңғырған мал жайылса да, ырық бермес жаннаты жерді жайлап, совхоз орталығына саба-саба қымыз сауып жөнелтетін. Биіктен қарағанда анау Жалпақсаздың жағасына қадалған қос танадай екі киіз үй, оның алдында ойнап жүрген балалар, кермеде байлаулы тұрған жылқышының аты, жерошақтың басында көк түтінді көлбей ұшырып, ас қамымен

күйбендең жүрген ақ жаулықты әйел – бәр-бәрі көз қуантып, көңілінді қытықтар бояуы қанық әдемі сурет секілді еді. Мынау жалпақ жаһанда атом бомбасы бар-ау, жұлдызды соғыс деген жалмауыз пайда болыпты-ау деген сияқты миынды құрт қылар мазасыз сұрақтардан ада, ата-бабасының ерте-ерте ертедегі мәнгі бейбіт әрі берекелі де баянды қәсібінің қордасын үзбей, қорғап-коршап отырган өркені өскір жылқышылар бейбіт өмір, тыныш өнірдің ендігі қалғызы жана шырындардың қәперсіз тірліктің түтінін шығарады-ай. Бәлкім, біз – технократияның өкілдері, осынау жылқының жусаганында мамыражай тіршіліктен тым-тым ертерек қол үзіп, албасты ажалымызға қарай асығып бара жатқан шығармыз; бәлкім, осы бейбіт ғұмырдың бейқүнә адамдарының обалына қаларымызды ойламайтын шығармыз; бәлкім, адамдар да азамат соғысының аттарында арбада ажал бүркіп, пулемет сүйреп келе жатқанын сезбей, мақсатты жорықтың жол ортасында қанға бөгіп, үрпаксыз-ұрансыз қалар... Жер бетінде откен соғыстан соң да жетіліп кеткен адамзат болашағы өздері байыбына бара қоймаган айқастың құрбаны боларын аспансығандар сезе ме – сезеді, бірақ өлермендікпен өшігеді өмірге. Неге? Бұл сұрақтың жауабын мал баққан қаймана ел бере алмақ емес. Сондықтан да аяйсың әрі осы бір әз жанында әмір жоқ бейнеткорлардың қәперсіз қәсібіне қызығасың. Ең бастысы – олар – қару жасамайды екен.

«НЕГЕ БІЗ ОСЫ?..»

Жылқылы ауылдан таудан құлдилаған қос жолаушыға қарай үш бірдей ит өкітей зулаган. Санқылдай үріп жандарына келді, бірі ат үстіндегі Ерікті аударып тастандардай қатты өршеленеді, ал қалған екеуі Тағанды ііскелей еріп келеді. «Ит қаптайтын кісі болады деген, тегі, рас екен» деп ойлаган Ерік құлак етін жеп, алды-артын ораған аламойнаққа қамшы сілтеп еді, ит одан ары жінікті. Осы кезде жаяу салпақтаған Таған: «Кой енді!» – деп еді, жағы семді. Енді ол үш иттің қоршауында ежелгі таныстарында тайрандай басып келе жатты. Үйлеріне өре шыға, осы көріністі бақылап тұрған жұрт қайран қалып еді. Әсіресе, балалар мәз.

– Тамақ берген шығар, – деді бірі.

– Кет әрі, біздің ит ешқашан тамаққа алданбайды, – деді екіншісі.

- Дуалайтыны бар шыгар, – деді үшіншісі.
- Атама да ит үрмейді, – деді төртіншісі.
- Ондайлар ұры болады, – деді бесіншісі:
- Сонда... атам ұры ма? – деді алтыншысы.
- Атамды білмеймін, ал анау келе жатқан – ұры, – деді жетіншісі. Қалған ұшбалалар әңгімеге араласа қойған жоқ, ал бесікте жатқан және тәй-тәй басып журген сәбилерді қоспағандагы он екі бала да Жалпақсазда отырган жылқышының кіндігінен еди. Байлық басы бала дейтініміз – осы шығар-ау...

«НЕГЕ БІЗ ОСЫ?..»

Таудан төмен қарай домалаңдап келе жатқан адамның ұры да, қары да емес, әншейін диуанаға айналып кеткен маскунем Таған екенін жас балаларды қойып, жылқышылардың өздері қайдан білсін. Үш итті бірдей еркелете соңынан ертіп, киіз үйдің іргесіне тақалғанда, көп баланың бірі: «Ой, мынау қайыршы ғой!», – деп дауыстап жіберген. Бұл сөз әбден шаршаған Тағанның болар-болмас қана істеп тұрган миына шаншудай қадалды, қапелімде селк ете түскені соншалық, бір орнында қатты да қалды. Жо-жоқ, алаңғасар баланың аузынан асығыс шыққан сөзді намыс көргенінен емес, қашшалықты қажып, тілім-тілімі шығып тентіреп жүргенде де, ешқашан, ешкімнен естімеген соң тосылғаны, я жасығанынан да емес шығар; бұл сөзді сонау бір «гүлдену шағым» деп есептейтін үйлі-баранды мәре-сәре кезеңінде, әйелі ғайбаттаған сәтте, шапалақпен тартып жіберіп, «ой, қайыршының» қарымтасын қайтарғаны есіне түскеннен-ау. Тентек ұлды әкесі үйге қуып тықты да, баласы үшін кешірім өтінгендей, қос қолын ұсынып қауқалақтай амандасты. Жылқышының жылы-жылы сөзі, ықыласқа толы дидарласуы Тағанға әсер етпеді білем, өз қолын суықтау ұсынды да, әлгіндегі бір он жылдан соң кең жайлаудың төсінде алдынан шыққан сөзді ұмыта алмай, дел-сал күй кешкен. Ол ұзақ үйықтап қалып, қатты айқайдан шошып оянғандай әсерде еді, баяғыда оқыстан орнынан қозғалып кетіп, енді орнына қайта түскен санасы, мұның алдына өмір сүрудің көп сұрақтарын көлденең тартқандай, шақшадай басы шарадай бола бастағаны рас еді. Үйге кіріп, сол жақ босаға жақтағы ердің үстіне отыра кеткенде де, үй иесі алдына қымыз ұсынып бәйек болғанда да, «қайыршыдан» қашып құтыла алмады. Бұл адамдық ар-ұяттың оянғаны болса – аксарбас, ал

ескі жараның орны сыйдал қана басылса... онда ақылынан азған жігітпен мұлдем қоштасқанымыз. Оны өмір көрсетер, әзірше қымыз ішे тұралық. Ақ баласын көрсө жүргегі айнып тұра Таган пісіу жеткен салқын қымыздың бір тостағанын жұтып жіберіп, жеңін ііскеді. «Ауру қалса да әдет қалмайды» деген, отыргандар, әсіресе, Ерік басын шайқап мырс-мырс құлді, тек жылқышы ғана көзінің киғымен қарап сыр берген жоқ.

– Бұл жігітті танымадық қой, – деді тостағанға қымыз толтырып.

– Жолдасым, – деді Ерік арқасын керегеге тірей шіреніп. – Ауылдың ыстығында қаңсып жүргенше, жайлауға шығып, аунап-қунап дем алып қайт деп, ертіп келемін.

– Ертіп жүргенше, мінгесіп жүргендерің жолдастыққа жараспаушы ма еді?..

– Өзі ғой, аяғым ұйыды, қанын тарқатам деп жаяу жүрген. Бұлар үшін тауға шығу – күльтпоход, тасқа өрмелеймін деп арқан сұрауы да мүмкін.

Таған үнсіз. Өз қолына таянып бір шынтақтай жатқан күйі көзін жұмды. Үй иесі «жолдастардың» арасындағы жігі аашылып кеткен бір жайсыздықты іші сезді ме, әңгімені әрі қарай қаузамады. Сәл тыныштық орнады. Даладан балалардың асыр салып ойнағаны естіледі. Кий үйдің есігі айқара ашық еді, сол айқара ашық есіктен Жалпақсазда шұрқыраған үйрүйір жылқылар шыбынсыз жайлаудың жұмағында жүзгендей бейбіт жайылады; саздаудың аргы жағалауында сарала қаз көлбендейді. Осынау апшысы құырылған монтанақтай жер шарының әлі де болса кеуде кере кен тыныстар, алансыз аяқ көсілер көрікті бір пұшпағы аман сақталғанына тәубе айттар едің. Бірақ көзінді қытықтар мұндай макпал көрініс барған сайын базары тарқап, келмеске кетіп бара жатқанын осы отыргандар ойлаған емес. Лапылдан жанған өрт өз ауыльның, өз ошағының шетіне келіп етегі жанғанша көперсіз, айрандай аптақұбідей пісіп отыра берер казакы мінезден кашан құтыла алар; жүздеген жыл қанына тарап, сүйегіне сіңіп кеткен бейғамдық, даласындаі кеңдік кесірін де аз тигізген жоқ; неге екені белгісіз, өздері сыйыспай журсе де өзгелерге сый көрсетуге, жер бөліп, жеңін кесіп беруге келгенде алдына жан салмайтын елдің көп еншісі жатжұрттық болып кеткен. Калғанының қайырымын, береке-бірлігін тілеген ағайынның

алдында төрт түлік малы маңғыстап жатса, одан артық бакыт сұрамаушы еді. Кейінгі жылдары одан да айырылып, бірыңғай тірлікке – тузыған жерді туырлықтай тілуге көшкен. Ойдағы ұлтарақтай құйқалы жердің жонарқасын жыртып тастап егін салмақ болып еді, әпербақан «тыңгерлердің» бұл әрекетінен түк шықпады. Арқаның апай төс даласы болса бірсәрі, қысы мен жазын айырып болмас Алтайдың алақандай алаңқайы игеруге көнбей шамданып қалды ма, әлгі жыртылған жердің бәріне алаботамен кендір өсіп, күзде қурайға айналып, үп етіп жел соқса болды, сай-сүйегінді сырқыратар азалы үн шығарар еді; жарықтық өр Алтайдың арқасы мыңғырған майдың тұяғын сағынып, қышуын басар дүбірді аңсап іштен тынар еді, ішін тартып өксір еді.

Жолаушылардың екеуі де қалғып кеткен секілді. Жылқышы орнынан тұрып, бие саусысуға шықты. Ересек ұлы саздағы жылқыларды қиқаулай қайырып жур, енесіне қосақталған құлыштар айдағанға көнгісі келмегендей тартыншаш тартады. Қолын артына ұстап желі басында тұрган жылқышы ұлына:

– Катты айдама, биелерді исіндіресің, – деп айғай салды. Осы айғайдан атып тұрган Таған ербіп есік алдына шықты. Аспан ойылып жерге түсіп кетпегеніне көзі жеткендей «үн» деп, өз-өзінен ауыр дем алып ыңыршаққа құйрық тіреп керегеге арқасын сүйей отыра кеткен: анау танаулары пырылдап, керме желі басына жосыла жөнкілген жылқыларды алғаш та ақырғы рет көргендей көзін тайдырмай ұзак қарады. Өзіне беттей қантап келе жатқан қалың хайуан тапап өтердей... «ШІРКІН-АЙ, АТТАН ҚҰЛАП ӨЛСЕМ НЕ АРМАН» деген ой иектеді; «ШІРКІН-АЙ, АЙҒЫРҒА АЙНАЛЫП КЕТСЕМШІ» деген тағы бір ой жылтылдады. «Енді мен ешқашан да айғыр бола алмаспын, қан сиіп зорықкан атпын мен, иә-иә, арқасынан ер түспейтін, жауыры өмір бақи жазылмайтын жұмыс көлігімін. Өмірде жұмыс көліктері көп-ақ, бірақ солардың ішінде де сорлылары бар». Тамағы кеберсіп, асқазаны ашқылтым бірдеме іздеді. «Жылқышылар сыра ашытпайды, ол – белгілі, алқымыз, тандайдағы жабысқақ шөлді баспай тұр. Не істей керек? Кенезем кеүіп тұрганы-ай... Шөлім басылмай-ақ өтетін шығармын-ау бұл жалғаннан».

Киіз үйдің іргесінде иі қанбаған терідей былбырап отырган Таған жылқылы ауылдың жайма-шуақ тірлігіне құр бекер

бажырайып қарағаны болмаса, көңілі селт еткен жоқ, дүниенің толайым қызығынан жеріндегі жиіркенішпен немкеттілеу ойда еді. Кең әлемнің осыншалық тарылып, жалғыз жұтым шарапқа зар қылып қоюын кешірмейді және өзінің қазіргі халін түсінбейтіндерге аяушылығы да жоқ; бір ұрттам арақ үшін танкіден де тайсалмай барада еді, несі бар, Ұлы Отан соғысында солдаттар да сөйткен... Қызып алып қызылшеke ұрыс ашқаннан артық не бар бұл жалғанда; Сырдың суы сирағынан келер ме еді... Кермеде өз салмағын бір аяғынан ауыстырып, келесі аяғына салып тұрган көкбестіге қарады мөлиіп. Көкбестіге емес-ау, аттың артында бөктерілген тери қоржынға тесілген. Сол қоржынның ішінде сөз жоқ, арақ бар. Амал не, «қауіпті зона», рұқсатсыз алуға дәрмен жоқ. Еріктен сұрап көрсө қайтер еді... Тағанның жымсыма ойын оқып қойғандай үйден Ерік шықты. Әуелі есіней керілді, содан соң қос тізесін қапсыра құшақтап бүкшиіп отырған Тағанға: – Аттанайық, Қарабура, – деді.

– Анауыңнан бір жұтқызбасаң, қозгалатын шамам жоқ, – деді міз бақпай.

– Нешауда, шыдай тұр, үйге барған соң бір астau сыра құйып беремін, беті-қолынды жусаң да жетеді.

– Сол молшылыққа тұмсығым тигенше өліп қалармын.

– Өлсөң жайлаудың топырағы жұмсақ, таза жерге көмеміз.

– Өзінің осы жаққа үйірсектеп жүргенің содан екен гой...

Сауын аяқталып, қарына ағаш шелек ілген әйел мен қолында ноктасы бар жылқышы бұларға қарай беттеді. Итаяқ жастанып жатқан үш ит бірдей «ау-у-у» деп, басын басып кеткендей атып тұрды да, он жақтағы таз шоқыға қарай атыла жөнелді. Қыбырлаган жанұяның бәрі солай қарады. Күнгейі тақыр таудан төмен жалғыз салт атты шоқытып келеді. Оның да сонына ерткен тазы иті бар. «Ой, қазір иттер таласады-ау» деп, қанды шайқас көруге құмартқан Ерік елегізіп қалып еді, ол үміті ақталмады, өзіне арсыладай ұмтылған үшеуіне салт аттының, жалғыз тазысы «пішту» деп қараған да жоқ, менсінбеген қалпы бұлкегінен жаңылмай иесіне ере берді. Аналар асығыс іс жасағанына ұялғандай бет алды лағып кетті.

Аншының иті біздің Тағанға ұқсайды екен. Қарашы, қалай-қалай жасқанбай жортады.

– Бұл тауып айтқаның емес, – деді орнынан көтерем сиыр-дай созалаңдап тұрган Таған кіржиіп. – Қауып айтқандық.

- Бабынды бір саптыаяқ сырамен-ақ табармын, шешенім.
- Сол күнге жетсек...

Орта жастан асып кеткен, сақал-мұрты ақшулан жолаушы аттан түсіп, жағалай қол беріп амандастып шықты. Кезек Ерікке келгенде:

– Ө, сен бе едің, тау миллионері, – деп кекетті. Омарташы шамданған жоқ. Жайдары қалпын бұзбастан:

– Қалай, ақсақал, бомбаубежищенің құрылышы аяқталды ма? – деді, темекісін тұтатып:

– Оның ішінде саған орын жоқ, дәметпей-ақ қой.

– Керек болса, өзім де қазып аламын және сенікінен гөрі қауіпсіз...

– Өзің сыйсаң да ақшаң сыймас.

– Сенің сандығына ұрлыққа түскен жоқ едім ғой.

Бұл екеуінің арасындағы шәлкем-шалысты бұрыннан билетін жылқышы кермалдастыра бермей, пәтуасыз сөздің түбіне төзірек су құйысы келген сыйаймен: – Бала-шагаң аман-есен бе?.. Жүрініздер, үйге кіріп қымыз ішейік, – деді ергенегі шалқалай ашылған есікті нұқсан.

– Осы фронтовиктерге таң қаламын, – деді әлі әптігі басылмаған Ерік. – Жастарға сүйкенбесе, оқ атқандарын бұлда-маса, ішкен астары батпайтын секілді.

– Сен секілді кергіген кесірлерді көргенде, жауды женғеніме өкінем... Жайлауда жүрген жалғызы мынандай, қаладағы қағынғандары қандай екен, тәубе... – Етігінің қонышын қамшысымен салып қалды. Енді бір сөз айтса, қолындағы қамшысымен Ерікті қақ шекеден осып өтетіндегі долданып айтты.

– Майдангерлердің бәрі бірдей батыр емесі секілді, біздің де ішімізде ала-құламыз бар, ағасы, – деді зымиян жымысыспен.

– Басқа жерді қайдам, ауылымыздығы екі ардагердің бірі – молда, екіншісі, есі ауысып тышқаншылап кетті...

– Тышқан терісіне сен құнықпай жүрген шығарсың. Суырға құрган он қақпанымды қапқа салып, қақшып кеткенінді екі дүниеде де кешпеймін.

– Осы сендерге не жетпейді? – деді жылқышы қабағын түйе қыржып. – Алтайға сыймай жүрсіндер ме? Аңшы ағаның жөні бір басқа, саған не жорық, ей, Ерік... Әкендей адаммен айттысып.

– Сақалдан қадір қашқалы қа-а-ш-ан?! – деді Ерік мырс етіп.

– Байқаймын, осы екеуі де көмусіз қалады, – деген сөзге жалт қарасып еді, бұл «ұлағатты» ойдың иесі – жағасы жайлауда, алқам-салқам менирейіп тұрган Таған екен.

– Былжырапсың, үшеуіміз де... Эйда, кеттік! – деді Ерік атына беттей. – Алтай аман болса, бұл қырқылжың шалмен талай кездесерміз.

– Пәшес ала алмаған жанды сен алсаң, тостым артын. Тұрысатын жерінді айт, кімнің мерген екенін сонда сынармыз... жастығымды ала жығылатын қауқар әлі де бар, шырақ.

– Таусылманың, ақсақал, жоқтан өзгеге шаршаманың, жүріңіз, қымызы ішейік. Жан торсығынызды ұмытқан жоқсыз ба? Балаларға қымызы құйып берейік.– Жылқышы Аңшының колтығынан демей киіз үйге қарай ынғайлады.

Омарташы жігіт қекбестіге қарғып мінді де, сау желе жөнелді. Осы салпақтаған жүріске кешелі бері үйреніп қалған Таған да иесіне адал иттей артына жалтақ-жалтақ қарап сүмендеп еді. Табалдырықтан аттай беріп жалт бұрылған аңшы шал:

– Анау қасындағысы кім? Тазыны адамнан ұстайтын болған ба... Шығады одан, шығады... – деді зығырданы қайнап.

– Бірге оқыған жолдасы-ау деймін, қазып сұраған жоқпыз.

– Неге екенін білмеймін, осыны көрсем, көз алдымға пәшес елестейді.

Киіз үйден толқыта піскен сабаның күрпілі естіліп, саумалдың іісі мұрнынды жарады. Жалпақсазға қайтадан мелдеген жылқылар әлемнің әлегін түсінбейтін мақұлық тірлігіне мәз қалыпта бейқам оттайды.Аттылы-жаяулы қос жолаушы шыршалардан көкке найза шаншыған сайға түсіп көрінбей кетті.

4

Тал түс шалқар түске ойысып, екі тәуліктен бері төбеден төңкеріле қараған күннің шуағына масайраған тау табиаты таңғажайып қуанышпен жарқырай жайнап, қуана құлпышырып тұр еді. Өмір нұрын сепкен айналайын күннің «ата-анадай» елжіреуі, әсіресе, ара атты бейнетқор «халықтын» асығын алушысынан түсірген-ді. Серейіп қатып қалғанынша қанаты талмай, мәңгілік тынымсызыдықпен болар АРАЛАР мұқым Катын суы өнірін құлақ тұндыра ызыңға бөлеп, жиын-терін

шаруашылығының көп дауысты хорын шырқап, әр гүлдің басына тұмсығын тығып, батпанқұйрық байлықты ұясына тасып таусыса алмай жүр. Өз ғұмырында ұйықтауды білмейтін, «бел жазып» дем алуды білмейтін шыбын руынан шыққан осынау құйтакандай ғана АРАНЫҢ сана-сезімі, түйсігітүсінігі болмаса да, табиғат жаратқан, біздер үшін беймәлім әрекеті әрқашанда адамдар ақыл-ойынан асып кетер еді; өмір сүру, ұрпақ қалдыру ұранына, «конструкциясына» қылау түсірмей, өндеп-өзгертпей, қатып қалған заңын бұзакыланып бұзбай, ғасырдан-ғасырга ұластирыу қайран қалдырап еді; ата-бабасынан бермен қимыл-әрекет, «ой-сана, салт-дәстүрін» бір жұп-жалғыз арнаға түсіріп алған АРАЛАР мемлекетінен адамдардың үйренері ұлан-ғайыр еді; бірақ болмыстың ен бір есті де естияр өкілі ЕКІ АЯҚТЫЛАР сүйегіне сіңіп қалған менмендігі басып, үлгі-өнеге, тәлім-тәрбие алғанды қойып, ара жазғандардың аузындағысын жырып жер еді; тірнектеп жинаған шырынды шыр қалдырмай өздерінің қажетіне жаратып, ал ол араға қант беріп қан қақсататын; ал қант жеген бейшаралардың тұқымы барған сайын кетеуі кete, азып-тозып барады-ай; ең ғажабы – араның араны еңбексіз табылған табысқа ашылған соң, бұрынғыдай емес еріншек тартып, үй айналасындағы қоқыстан қоректенуге үйреніп алар еді; казақтың «қолдан жем жеген құс алысқа ұшпайды» деуінде терең пәлсапа жатыр-ау, өздері берген қантты өздеріне қайтадан саңғытып беріп, бал емес әп-сәтте қоймалжың тартып, көпке бармай беріш болып қатып қалар езілген қант жеген кісілерге миығынан «құліп» қарар еді; әлемдегі әрі ақылды, әрі аңқау адамзаттың жанжануар, құрт-құмырсқаға жасаған аярлығы күндердің күні болғанда қайта айналып өздерін табарын парықтамайтын және жер жаһандагы барлық тіршілік иелерінің ішінде тек АДАМЗАТ қана алданып отырганын пайымдаған емес; сондықтан да «ара жасаған қоғамдық өмірдің деңгейіне жету үшін, адам баласының алдында әлі де тым ұзақ жол жатыр» деп баға берген Метерлинктің сөзіне иланбасқа шарасы жок.

Қатын суы айлағына орналасқан Еріктің омарласына да АРАЛАР мемлекеті өздерінің антикалық заңымен ғұмыр кешуде. Мемлекеттің ішкі құрылышына, еңбек бөлісіне өзгеріс кірмеген, тек ұяның сыртқы түрі ғана цивилизацияланған, демек, бұрынғыдай шіріген ағаштың ішіне мекенденмей,

тақтайдан қызып жасаған ұя-үйшіктерде орналасқан. Сол ұя-үйшіктің танадай ғана тесігі арқылы сыртқы дүниемен байланыс жасайды. Бағыздан бергі қоғамдық құрылыштың интуициялық ережелері сол қалпында қалса да, жалпы ара психологиясындағы ерекшеліктердің етептеге бастағанын аңғаруға болушы еді. Айталық, анау таудың арғы бетіндегі Захар бағымындағы аралардан гөрі Еріктің аралары екі-үш жылдан бері жалқау тартқан секілді, бұрынғыдай кен өріс іздел алышқа самғамай, көбінесе үй маңайын айналсоқтап, беті ашық қалған тамақ, көзге шалынар даяр тәттілерді торуылдайтын әдет тапты. Кеше осындағы оңайға әуес араның бірі дастарқан үстіндегі балға малтығып қалғанына күә болғанбыз. Осынау үйкүшік қылышқа көлденең көзге байқалмаганымен, тәжірибелі омарташыға ой салмай қоя алмас. Бірақ тек қана сан қуған, көлем көздеген Ерік оз омартасындағы қанаттылардың тектілігі, енбеккорлығы жоғалып, қабілет-мұмкіндіктері күн өткен сайын кеміп бара жатқанын бағамдайтын. Жалғызақ секундта, яғни қас-қағымда қанатын үш жүз рет қағып үлгеретін қағылез жәндіктің қоғамдық болмысындағы алғы шарт жұмыскерлік десек, осы бір ұлы қасиетінен айырудың аз-ақ алдында тұрмыз. Адамзат өз жаратылышында, алғашқы қауымдық құрылышта дейінші, бүгінгі ғылыми-техникалық замандағыдан әлдекайда көп еңбек етіп, күш жұмсайтын, тек кейін еңбекті женілдетеміз деген сылтаумен әр түрлі құралжабдық, айла-тәсілдер ойлап тауып, енбеккорлық қабілетін жоғалта бастады. Тіпті ең қарапайым қажеттілік – тамақ істеп ішудің өзін автоматтандырылған... Қазір біз неғұрлым тұяқ серпіп қимылдамай-ақ, шалқамыздан түсіп жатып шалқар байлықта кенелтер құрал жасалған сайын жанымыз жарылқана түседі. «Көрші үйдегі әжейді шайға шақырып келші» деп, өз балаңызды жұмсаңызшы «Телефон соға салмаймысың» деп, өзінді жазғырап. Ал сол бала әжейдің үйіне бару жолында және әжейдің үйінде қаншама өзі білмес тосын оқиғалармен танысада еді. Қазір біз қайнаған өмірді шай ішіп отырып-ақ телевизордан көре аламыз. Тәнірім-ау, телевизорлық өмір – өмір емес кой. Жүргізушиңің сөзін естіп, сене алмай, өзің барып араласып, көзбен көргенге, құлағынмен естігенге, денеңмен сезінгенге не жетер. Қазір-ақ біз жатыпшер жалқаулықтың бұрынғы соңғы болып көрмеген жаңа дәүірін кешудеміз. Өзіміз ойлап

тапқан жеңілдіктер бойкуйездіктің бесігінде әлдилеген сайын маужырап, бойымыз балқып, апиын ішіп алжасқандай, дел-сал, үйқылы-ояу хал мендеп барады-ау. Рас, миымыз жұмыс істейді, біліміміз мұхиттайдай, бірақ бұқіл ағзамыз құмылсыз, қозғалыссыз, тұйық су секілді борсып, бірте-бірте өле бастамағанына кім кепіл. Біз танертең ерте тұрып, қайшыласқан машинамен жағаласа тыртындал жүгіреп бірер шақырымдық ит бүлкегіміз арқылы, адамзат деген алыштың тау қопарып, тас бұзар алапат күшін сактап қала аламыз ба? Жо-жоқ, адамзатты жұмаққа жеткізер ақыл-ойы ғана емес, төрт аяқтап хайуандармен бірге жайылып жүрген жерінен алып шығып, сананың сандал көгіне мінгізген қара күші де... Неге біз қол еңбегінен қашқанда, сол қол еңбегі – мұқым еңбек атаулының анасы екенін ұмытып, күрек пен кетпенді, балта мен балғаны музейге қоюға асығамыз. Бәлкім, қой үстінде бозторғай жұмыртқалаған тыныш өмір, бейбіт ғұмырдың бойтұмары сол қарапайым еңбек құралдары шығар. Еңсөні езер еңбек ләззатынан, қол-аяғың салдырап шаршап келіп етігінді шешуге де шамаң келмей ұйықтаудан рақат не бар бұл жалғанда. Бәлкім, адам факторы – ең бір әлсіреген, техникага иек сүйеп, еріншек тартқан... Бәлкім, дәл қазірге «Асқан ақылдылықпен» миымызды шағып жасаған, адам баласын жаппай қыратын кару-жаракты ертерек ойладап тапқанда, жер бетіндегі тіршілік атаулы сахарага айналып кетер ме еді. Бәлкім, миллиардтаған жылдар бойы гармониялық шынжыр тізбегін сактап, бір-бірімен селбескен табиғат иеміздің көлденеңнен қосылған артық бөлшегіндей АДАМ сол біте қайнасқан тізбекті бытырлатып үзуге жасар әрекетін тоқтату әлі де кеш емес шығар...

Аралар қоғамының манифесінде әркімнің қабілетіне қарай, әркімнің еңбегіне қарай, еңбек етпеген ішіп-жемейді деген тарау жоқ-ты. Олар жұмыс іstemеген ұяластарының белінен екіге бөліп тастанды, тіпті шағылыс үшін ғана қажет ерекк араның өзін сұық түсे ұсынан тепкілеп шығарып, еңбексіз табылған олжага ортақтастырмас еді. Эрине, бұл қатал зан, бірақ аса қажетті зан әрі ғасырлар бойы өзін-өзі актаған зан. Алайда, оларда биліктің барлығын омарташыға беріп, солардың құлақkestі құлыша айналғанын ұғар зерде жоқ еді; алайда дүниенің кілтін өз қолына алған адамзат төбесінен бақылап, басқарып тұрган бір тылсым күш барын сезбей жүр мекен... мүмкін, мүмкін емес нәрсе жоқ.

Жер жер болып жаралған күнді ешкім білмек емес, демек, тіпті адамзат өзінің қашан және қалай жаратылғанын тек топшылап айтқаны болмаса, анық-қанығына жете алмады. Бірақ адамзаттың, ұлы да ұятын қателігі жалғыз бұл ғана емес, емес... Атынан айналайын АДАМНЫН ең сүмдүк қатесі сол – ол, асығыс аттаганы соншама, қайда бара жатқанын және жер бетінен қашан жойылып кетерін білмеуі еді...

Күн бүгін де ашық болды. Қанаттары қайырылып, тіршіліктен айырылғанша мәңгілік қозгалысын толастатпайтын аралар ғарасат майданын кешуде. Ашық күннің әр сәтін, тіпті адамзаттың өзінен де артық пайдаланып қалғысы келгендей, омартадан ұзап ұшып, шырын сорып, нәр тартып ертеден қара кешке дейін дамыл таппайды-ай. Әсіресе, осы өнірге екі жылдан бері қоныстанған «қауіпті будан», яғни ғылыми тілде «жаяуз ара» деп аталар араның жаңа тұқымы алапат енбеккор еді. Жұмысын жергілікті шыбындардан гөрі тым ерте бастайды да, күн батқан соң да, екі сағат нәр таситын. Араның осы бір бұл елде жоқ түрін алғаш рет вертолетші жігіттен естігенде, Ерік жанын қоярга жер таппай аса қызықкан және «не алсан да маған тауып бер» деп, ұшқыш жолдасына қолқа салған. «Наука и жизнь» журналынан «Қауіпті гибрид» деген мақаланы оқып шыққан соң, аңсары одан ары ауып, қалай да қолға тұсірудін жолын іздеді. Ал бұл араның қысқаша өмірбаяны былай еді: 1956 жылы генетик-селекционер У. Керр африкалық бал арасын алып келеді де, жергілікті тұқыммен будандастырады. Африканың аралары шапшаң әрі алысқа ұшады, анасы балалағыш. Буданнан пайда болған африкаландырылған араның сыртқы пішінінде пәлендей айырмашылық болмағанымен, енбеккор және қауіп төнсе, тобымен шабуыл жасайтын өте агрессивті болып қалыптасқан. «Жаяуз ара» атануы да содан. Айтальық, осы Африка мен Европа арасының арасынан пайда болған буданың шағуынан 1969 жылы Бразилияда 200 адам өліп, мындаған адам жарақат алған. Кісілер үшін жергілікті, яғни өз арамыздан гөрі африкаландырылғандардың уы әлдекайда қауіпті. Тез ройлап, тым алысқа ұша беретіндіктен, европалық аралармен шағылысып үлгерген. Табиғат қупиясы қызық қой, неге екені белгісіз, жергілікті араның Аналары осы «жаяуз араның» еркегімен шағылысуға тым құмар. Сондықтан да өз арамыздың кейінгі балаларының мінез-кулқы

өзгеріп, африкалана бастаған. Мұның өзі байқап, салыстыра зерделегенде, адамдардың бойындағы шет елге деген қызығушылық психологиясын еске салушы еді. Африкалансан жаңа тұқымды шыбын-шіркейді қойып, адамдарымыздың арасында да ондайлардың барын көзіміз көріп жүр...

Міне, осы «жауыз араны» шет елге ұшатын самолетте істейтін әріптерестері арқылы жен ұшынан жалғасып әкеліп бергенде, Ерік бөркін аспанға атып, вертолетші Прохор Александровичтің бетінің сау-тамтығын қалдырмай сүйіп еді-ау. Мұхиттың арғы бетінен даңғарадай магнитофон алып өтетін пысық жігіттерге сірінкенің қорабына салған шыбын бұйым ғұрлы ма екен. Алталақ алыс жол, мындаған шақырымдық қашықтықты аттап өтіп Алтайға қоныс аударған «қауіпті гибрид» бүгінде қаулап өсіп, жеке бір ұяны мекендеген. Тегінде, тентек жаратылған жәндік мұндағы тіршілігін шапшан құрап, тез дамытты. Алтайлақ женілтектеу ана аралардың біразы шағылысып та ұлгерді. Енді, міне, кейбір ұялардан африкаландырылған араның сойқан ұрпақтары бас көтере бастады. Сөйтіп, Алтай – Америка – Африка тұқымдас жаңа, мұлдемтаңсық, мінез-құлқын, ата-тегін ешбір омарташы ажыратып та, ұғып та болмайтын «жастар» жаратылды.

Өз бағымындағы аралар ішінде жүріп жатқан жұмбакты процестен Айна хабарсыз-тын. Жаңа тұқымды «импорт» араның ұясынғана біледі, онда да Ерік көп жолатпайтын, балын өзі ғана ағызып алатын. Тіпті осы бір шет елдік шыбынмен көп әуестенуге зауқы да соқпайтын. Күн бата өз аралары жым-жырт қалғанда, қас қарайғанша, зу-зу ұшып, тыным таппайтын мазасыздығына қайран қалар еді. Осы бір жайды енесіне айтқанда, енесі Нұрке кемпір: «Жатжұрттық ешқашан жарытқан да, жерсінген де емес, бүгін балын берсе, ертең уын ұсынады. Тұбі тыныш болғай», – деп ауыр күрсініп еді.

Түстен кейін қолы қалт еткенде, қаз-қатар орналасқан ұяларды қарап, кейбірінің қакпағын ашып, балдың корын тексеріп келе жатқан Айна «жауыз араның» үйінен айналып өтті. Сырттай қарағанда ешбір бөтендігі жоқ будандар да көздей тесіктен бірі кіріп, бірі шығып дамыл таппай жүр. Моп-момақан бірақ өз-өзіңнен сесскенесің. Алтай тауының ауы мен қасқырынан шайлықпаған келіншек анау арпалысқан бөтендерден расында да жүрексінер еді. Арадай анталап

шығып, алар деген қауіptен туган жүрексінү емес, басқа-басқа, өзі де байыбына барып бағамына жетпеген беймәлім корқыныш мендей беретін. Бәлкім, бұл шыбын мен шыбын жаны арасындағы ешкімге білінбес, білінбегендіктен де жанынды жегідей жеттін мәңгілік шайқас шығар-ау...

Екі-үш күннен бері үйген шөмеленің саны қебейіп, алыстан қарағанда тау арасына орналасқан ағаш үйді қаумалап қоршаған шөп қос секілді. Немесе анасын жағаттаған қаздың балапандарына ұқастығынан ба, көзге көркем көріністенеді. Ендігі жұмыс осы шүпірлеген балапан шөмелерді атпен қорага тасымалдап, маялап үю болатын. Онда да жалпайтпай, су өтіп шіріместей ғып, үшкірлеп тәбесін шығара, нығыздап таптап жинау керек. Оған жалғыз Айнаның шамасы жетпейтін еді. Шабылған жердің дестесін түгелдей жинап біткен келіншектің көnlіндегі алаң бар. Жылда ары дегенде бір жарым тәуліктен аспай қайтып оралатын Еріктің, қас қылғанда, дәл күн ашықта осыншалықты кешігуі етпеп елеңдеткен әрі қалып бара жатқан шаруаның қамы қинап қарадай қамыққан, сұыртпақ жолға қарай-қарай көз талдырған. Егер Ерік өртең де кешіксе, кер биеге қамыт салып, амал жоқ, жалғыз өзі тасуға бел буганды. Тұс ауа жұмыссыз қалғандай, омартаңың ішін аралап, ұсақ-түйек істің басын қайырып жүргені де содан еді. Биенің сауымы келіп, ағаш күбіні білегіне іліп тұрып та орманың ішінен сұыртпақталар жалғыз аяқ сүрлеуге қарағыштады-ай.

Бұл ой мен жонды жалғап жатар соқпақтың, кісі аяғы көп таптамағандықтан, қайта-қайта шалғын басып қалар нобайы, тек Тихой өзеншесінен өтер өткел тұсы ғана актаңдақтанып анық көрінетін. Қалың жынысты орманның ішінен қылт етіп шыққан жолаушы лық етіп осы өткелге түскенде ғана, анық ажары танылып, омарта орналасқан жазаңға лекіте аяндан шыға келетін. Енді, міне, сол өткел үшінші күн жым-жырт жатыр. Осы жым-жырттық еді Айнаның жанын жалғыздықтың аралына апарып тастайтын, содан сон қыл бұрау салғандай қинайтын, жазықсыз жапа шектіретін.... дені сау, төрт құбыласы тең пенде шіркін үшін бұдан артық азап бар ма, бұдан артық тозақ бар ма, тәнірім! Жоқ еді, жоқ еді... аурудың ең бір асқынған түрі де осы – жалғызық атты жалмауыз...

Айна дәл бүгінгідей көnlі азынап жалғызырап та, санамен сарғайып сансырап та көрген жоқ. Неге екенін білмейді, биелер-

ді сауып болған соң, алғаш рет өз үйіне өзі кіргісі келмей, жоқтан өзгені сылтаураатып сыртта журіп алды. Ертенді кара кеш ермек етер енесінің әңгімесі де жалықтыргандай ма. Жо-жоқ, ол ондай құнәлі ойға барған жоқ, тек, әншейін, жалғыздықтан жерінген сайын оңаша күйді аңсайтын дел-сал халдін илеуіне қөніп, ырқына бағынуы шығар. Тағы да Қатын суының жағасындағы өзінің меншікті мекеніне барды. Ендігі қалған дәтке қуат, жанға суат осы – арқыраған асая өзен ғана. Берекесі жоқ бей-берекет дүниеде бір нәрседен зәрезеп болмаса, осы Қатын суы аталар өзен еді. Кейде-кейде өз қөніліне, өз өміріне ұқсастық тауып, не себептен «Қатын суы» аталуы тарихын білгісі келетін. Ал өзен тарихын Нұркө кемпір де, Ерік де білмейді. «Бәлкім, мен секілді жалғыздықтан жаны жанған әйел, өрт болып лаулаған жалынын басар шипа ізден суға секіріп, ағып өлген шығар...» Оқыстан туған осы ойына өзі қуанып қалды; қуанып қалғаны бар болсын, іле-шала: «Мен де секіріп кетsem қайтеді?» деген азғырынды ой және иектеген. Алдымен жай әуестік үшін ғана болып басталып еді, санасынан тіпті қуаласа шықпайтында, жабысқаны соншалық, жүрегі өрекпіп, өзен жағасына бірте-бірте тым жақындаған байқамады. Бетін судың салқын лебі шарпығанда ғана, есін жигандай сескене шегініп кеткен. Өзен мың жылғы қалпында, өгіздей өкіріп, толқынан толқын балалап, бар даусымен бастырмалата ән шырқайды. Өзіне қадала қараған қаршадай келіншекті тылсым күшпен қойнына тартып, қақшып алғып қақпақылдата жөнелмек... Әлгі бір сайтандай сап ете түскен әзәзіл ойдан құтқарған, ту сыртынан күмбірлей кісінеген жылқының үні болды. Артына жалт қараганда, Тихойдың өткелінен салып ұрып ете берген Ерікті көрді. Көрді де: «Тәңірім-ай, келдің бе?» – деп, екі бетін алаканымен басқан күйі шөге түсіп, еніреп жылап жіберген. Әйел затына тән босаңдық немесе долылықтан емес, адам төзгісіз ауыр азаптан құтқарушысын оқыстан көріп, көбік ата шалқып-тасыған қуанышынан жылаған... Жыласын... жыласын...

«Неге біз осы оқта-текте жылап алмаймыз? Неге?» Ерік көкбестісін лекілдете аяндал аяулы жарының қасына келді. Айна белі кеткендей отырған орнынан тұра алмады. «Ой, саған не көрінді?» – деген ерінің сөзін естімеген секілді, қос жанарынан сорғалаған жас жүзін жуып, мен-зен отыр. Шошына

аттан секіріп түсіп, қолтығынан демегенде фана, Айна мойнына асылып, бетін күйеуінің тер сасыған кен кеудесіне басып, өксіп-өкспі енреген.

– Не болды, Айнаш? – Күн іісі анқыған қолаң шашынан іскеп, арқасынан сипап өзіне тартты. – Амансындар ма?

– Аманбыз, – деді өксігін баса алмаған Айна.

– Тәтеме бір нәрсе болып қалған еken деп... Апыр-ай, мұндаіын жоқ еді, не көрінді. Қой, жаман ырым бастама.

– Қойдым, – деді келіншегі көзінің жасын балаша

алақанымен сұрткілеп, мұрнын тартып. – Мұншалықты кешікпеуші едің...

Екеуі көкбестіні жетекке алып, үйге қарай қатарласа аяңдай берген кезде:

«Ay, ағайын, мен қалай өтем судан?» – деп барқыраған дауыс оқыс токтатты. Тихойдын ар жақ жиегінде дедиіп тұрған самтыр-самтыр кісіні көргенде, Айна шошына таң қалып: «Мұнысы кім?» – деп Еріктің бетіне қарады.

– Жолдасым ғой, – деді самарқау шықты. – Эй, Қарабура, кіндігінен де келмейді, кешіп өт! – деп айқайлады.

– Шалбарымды қайтем, ойбай, су болып қалады ғой.

– Суланбай жүрген шалбар ма... Ештеңе етпес, шешіп қолыңа ұстап ал. Ұялатын нең қалып еді...

– Көлік апарайық, – деген әйелінің сөзін тыңдаған да жоқ, қыпша белінен құшақтаған қалпы үйге қарай икемдей ертіп кеткен. Таған да қырсықты білем, бергі бетке өтетін ниет білдірмей, өзеннің жағасына жайғасып тұрып жантайып жатып қалды.

Орманның арасынан Аламойнақ шықты арсаланадап. Барша тышқан қуамын деп жүріп иесінің келгенін кеш байқап қалғанына кешірім тілегендей, құйрығын бұлғаңдатып, Еріктің кеудесіне шапшыды, иттің алдыңғы екі аяғынан ұстап алған. Ерік жас балаша тәй-тәй бастырып жетелеп барды да, құлағының түбінен қасып, арқасынан сипап қоя берді. Арғы жағалауда қалған бөтен кісінің іісін енді сезген иісшіл Аламойнақ ендігі мезетте солай қарай үре ұмтылған-ды.

– Үйбай-ay, ұстайық, – деп оқталған Айнаны Ерік тоқтатты.

– Ой, ол сүмелекті ит қаппайды еken.

Абалап жүгірген Аламойнақ Тихойдың жағасына зымырап жеткенимен, су кешіп өте шығуға жасқанды ма, әлде Тағанның табиғи мысы басты ма, шоқайып отырып қалған. Таған жатқан орнынан қозғалған жоқ, жан тапсырғандай қымылсыз.

Жалғыз ұлы есіктен еңсеріле кіріп келгенде, сал болып жатқан шешесі құшағын аша ұмсынып: – Құлышым-ау, есенсау келдің бе? – деп, аналық абзалдықпен аңырап еді. Айшылық алыс жолдан оралғандай-ақ, Ерігін бауырына басып, екі бетінен кезек шөпілдете сүйді-ай. Осыншалық мол мейірім күтпеді ме, Ерік ыңғайсыздана күліп жіберген.

– Ауғанға барып келгендей-ақ, қарсы алдыңдар-ау.

– Енді қайтейік, бір үйдегі бір азаматтан айдың-күннің аманында айырылып қалсақ... Ел аман, жүрт тыныш па еken, әйттеуір.

– Еліңіз орнында, ештеңе ете қояр түрі жоқ. Желдей есіп, желпініп отыр. Бір тоқсанға бөлінген арақты бір айда ішіп тауысып, жоспарын асыра орындаңты.

– Апыр-ай, баяғыдан сондай еді, – деді Нұрке кемпір басын шайқап. – Ауылдағы арақ таусылмайынша, бірде-біреуі шошаң етіп жұмысқа шықпайтын. Радиодан арақ сатылмайды, енді ішпейміз деп күнде қақсайды, сол тәртіп жете қоймаган екен-ау. Қай-да-ан жетсін, жер шалғай ғой. Таудың қуысына тығылып алып білгендерін істейді. Өстіп жүріп азып-тозып кетпейік, атау-керелерін ішіп жатқанын сезбейді-ау жасаган ием...

– Ол күнге де алыс емес, тәте... – деп екі ұштылау пікір білдірді Ерік.

– Қандай күн? – деп сұрады бопсаға түсінбеген Айна.

– Арақ сатылмайтын күнді айтамын. Ең соңғы маскүнемді мен ертіп келдім.

– Үйбай-ау, ұят болды-ау, жолдасынды өткізіп алайық, – деген Айна орнынан тұра беріп еді, оның білегінен басып қайта отыргызған Ерік:

– Өзі-ақөтеді. Омыраудан келмейтін суға ағып өлер деймісін. Қайта таза су кір-қонын шайып, иіс-қонысын кетіреді.

– Ол кім еді тағы?..

– Ол менің бірге оқыған досым, тәте. Сіз білесіз. Біздің елдікі. Қекеннің ұлы – Таған Мақажанов.

Нұрке басын оқыс көтеріп алды:

– Тәнірім-ау, не айтып отырсың... Өзіміздің Мақаңның – алты алашты аузына қаратқан Мақажан ақынның немересі

ме? Көкен жарықтың ұлы ма? Апыр-ай, шешесі марқұм болғаннан бері бетін көрген жоқ едім. Ол қайдан жүр, бұл ит өлген жерде! Жеткізіндер! – Кемпірдің даусы шаңқ етіп қатты шыққаны соншалық, Айна селк ете тұсті...

– Оттап, су ішіп отырған жерінізді «ит өлген» деп тіл тигізбеніз, тәте, – деді Ерік шешесінің, ашуына арзымайтын нәрсеге дірілдеп-қалшылдаپ кеткенін жақтырмай. – Бар жазығым астына жіберіп, өлейін деп жатқан жерінен жетелеп келгенім болса, онда кері қайтарайын.

– Бет-жүзін көреінші өзінің. Текті тұқымның тұяғы той...

– Ендеше, көрімдігіңізді дайындаңыз, – деп, Ерік қамдана бергенінде, ашық түрган есіктен пұшпак-пұшпағынан су сорғалаған Тағанның сұлбасы көрінді. Аяғы тайып сүрініп жығылды ма, әлде өзенге әдейі өзі шомылып алды ма, әйтеуір, сутышқандай үсті-басы сұнгілескен, киімін де сықпаған қалпында ербиіп тұр.

– Ей, Қарабура, кел мұнда, тәтем шақырады. Асылдың сынығы едің той... нұр дидарынды жарқыратшы, – деді Ерік санқылдай.

– Кел, шырағым, кел, – деп бәйек болды кемпір. Аяғын тұсап қойғандай бір басып, екі басып жыбырлай жылжыған азаматтың ажары Айнага ұнаған жоқ. «Қайдан гана қазып тауып алды екен» дегендегер еріне ренжи қарады. Табалдырықтың ар жағынан:

– Амансыз ба, апа? – деді Таған түрган орнынан қозғалмай. Бұдан соң Нюра Фадеевнаның ак сары жүзін, көк көзін жана гана байқады ма, – Зздравствуйте! – дегенді қосып қойды. Нүркес кемпір күлді. Айна да жұмсақ жымыған.

– Еркек адам есіктен енселеі кірер болар... Ұры иттей жан-жағыңа жалтақтап жанарынды түсірме, ұлым. Ерді кебенек ішінен таны деген, ханның сарайына кірсөн де қадірінді қашырмай, кеуденді жоғары ұста!

Төсек үстінде отырған орыс кемпірден мұндаи торғындей судыраған қазақшаны күтпеді білем, жанарының жапсары жыптылықтаған Таған әлі де болса үйге кіруге жүрексінгендей.

– Төрге шығатын тұр жоқ, шеше.

– Әкең жарықтың жұрттың бермесін тартып алар аусар еді, тартпаған екенсін.

– Кірсөнші кергімей! – деп, Ерік гүр ете тұсті. Таған адымын санаған қалпын бұзбай тақалды да, жарасы жарылып кетердей

сақтықпен табалдырықтан аттады. Босаға тұстағы ағаш орындықты соқыр адамдай сипалап жүріп тауып алды да, отыра кетті. Еріне еріп келген қонақтың осыншалық ынжықтығы Айнаның жүйкесін тоздырды ма, самаурынды көтеріп шыға жөнелді. Айқара ашық есіктен басын қылтындастып сыйалаған Аламойнақ қазан-ошақ жаққа шай қамымен беттеген Айнаның сонынан еркелей еріп кетті.

— Қарағым, үстіндегі киімінді сығып кептіріп қой, — деді Тағанның ұнжыргасы түскен ұсқынына жаны аши қараған Нұркө кемпір: — Жол соғып шаршаган шыгарсың, ес-ақылыңды жиып, демінді ал. Істық шай іш. Ерікжан, осында ит жемей жатқан көдедей көп киіміңдің бірін бер мұна жігітке, ауыстырып кие тұрсын.

— Айнаға айтайын, тауып берсін.

— Рақмет, шеше, күн көзіне әрі-бері қыздырынсам, дегдіп қалар. — Сүйретіле орнынан түрді. Тұрғанымен бір нәрсесін ұмытқандай қипактап Ерікке жаутандап қарай берді. Ол байқамағансызы.

— Әй, Қарабауыр, жүр далаға, әңгіме бар, — деді.

— «Тамагың жыбырлап тұр-ау», — деп Тағанды қолтықтай сыртқа шыққан Ерік көкбестінің арқасындағы жүқ әлі де алынбағаны есіне түсіп, солай қарай беттеген.

Кіші бесіннен құлдаған күн қатын бесінге ойысқан екен. Айналаны қаумалаған қалың самырсынның қыл ұшында ілініп қалғандай: қазандыққа от жағып, шай қамымен жүрген Айна қанжығаны шешіп, тері қоржынды түсіріп тұрған күйеүіне әйелдік әуестікпен «не әкелдің» деп жақындаған жоқ. Кәперсіз, өз ісімен болды. Кенезесі кепкен Тағанғана жарамсақтана көмектескен еді, Ерік: «Ары тұршы-ей, аяққа оралмай» — деп зекіп тастады. «Қойдым, батыреке, қойдым», — деген Таған шегіншектеп барды да, томарға шалынып шалқасынан тұсті.

Ойда-жоқтапайдаболған «қонақтың» мұнаусықпты, осыншалық қорлықты тірлігі ойлантып еді келіншекті. Өзін бір жерде, бір кезде көрген секілді. Таныс-байтаныс жүзі әбден титықтап, тозаңы шыға тозғанынан ба екен, анық ажарын ажырату киын.

«Ерік те еріккен шығар, несіне ертіп келді екен?..»

Еріктің ертіп келген жолдасы сүрініп құлдаған жерінде жүрелеп әлі отыр. Оның осы жүрелеген қалпында үш-төрт сағат

отыра беруге шыдамы жетер еді. Шыдамы жетер себебі: сауықтырғыш лагерінде жүргенде, осылай журелеген қалпы күні бойы темекі тартып, қақырынып-түкірініп отыра беруге үйренген-ді. Бұл әдет маскүнемдерді қойып, мұқым түрмешілердің таңба басты ерекшелігіне саятын. Олар бір-бірін жалғыз ауыз сөзден ғана емес, осы отырыс-тұрыстарынан-ақ жазбай танитын. Өңешін ашқылтым сумен шаймаса бұлықтырып, қыса жөнелер көк жөтел, тамам әріптестері секілді, Тағанда да бар-тын. Аттың ерін алып, алақанымен шаптатап, ішпегін қаспақтанған арқасына қайта жауып, ыбылжыған Еріктің маскара саспастығы жынын келтіріп, шыдамы таусылған Таған қылғынып өлердей күркілдеген жөтелін бастады-ай. Бөтен дыбыстан құлаққашты болып қалған Айна шошына қарады, ал Аламойнақ болса жатқан жерінен секіріп тұрып, шәу ете қалды.

— Өлтірмесен өнешімді жібіт, — деді жөтелдің арасынан саңылау тауып, тілге келген Таған. — Әйеліңнің әдемілігін көрсетуге әкелмеген шығарсың... Берерінді бер де, жек арбана!

«Апыр-ай, тілінің аңызын-ай мына кісінің, — деп ойлады Айна, — менде несі бар екен».

— Жаңың шығып кетсе де, тұра тұр, — деді тері қоржынды арқалап үйге аяңдаған Ерік. — Айтқаным — айтқан. Салқын сыраға шомылдырамын. Әй, Айнаш, әлгі Прохорға арнап ашытқан бал сырадан бір саптыаяқ әкеліп берші анаған, жыланының басы қайтсын.

Самауырға шоқ салып тұрған шымшуырын тастай салып тұра жүгірді. Қөп айналған жоқ, сыйымдылығы бір литрге жуық қайыңның безінен ойып жасаған саптыаяқпен меймілдете сыра әкелді. Қолы дірілдеп, өзін жұтып қоярдай ұмтылған жігітке жақындауға сескеніп тұрып қалып еді, анау еңбектеп өзі жетті. Сілекейі шұбырған жүзіне қарауға дәті жетпеген келіншек тез теріс қарап кетті. «Уң» деген дауыс естілді, саптыаяқ бос төңкеріліп жатыр. Таң қалды. Төгіп алған секілді. «Кой, бұл кісі емес шығар» деп ойлады.

— Шайың қайнады ма, менің де шөлімді бас, — деді ендігі сэтте сонау қаз-катар тізілген шөмелелерге көз салып тұрған Ерік. Әйеліңнің екі-ақ күнде апта бойы шапқан шөпті жалғыздан-жалғыз жүріп, қалай ғана жинап, үйіп тастағанына іштей

қайран, бірақ бұл танданысын сыртқа тіс жарып шығармады. Әрине, өз еңбегін бұлдамаса да, өзекті жан болып жаратылған соң, «мықты екенсін, Айнаш» деген сықылды жылы сөзді ерінің аузынан әйелі күткен еді.

Өзі үйген шөмелелерді жана көргендей бұл да жанар жарыстыра қараған. Амал не, Ерік ләм демеді. Ләм демеген қалпы, бұрылып үйге кіріп кетті. Әйелдің жүрегі сыздады-ақ, бірақ өкпесін ол да білдірген жоқ, екі иінінен дем алған самаурынды көтеріп ерінің артынан ерді.

Күрьстырган теріге ій жаққандай, Тағанның жаны жадырап, көбенсіген көңлі қолдей шалқып сала берді. Ашуы әбден жеткен бал сыра атты кісіні аударып түсірер күшті еді. Бір саптыаяғының өзи-ақ мықтымынған немені алып үрді. Тау асып бекер келмегеніне көзі енді ғана жеткендей, тырайып жатқан Таған самсаған ағаштың басына қарап: «Неге біз осы?» – деп он қолын көтерді. Үйден: «Басталды Қазақстан фестивалі», – деген Еріктің даусы қоса естілді. «Фестивальдің» басталғаны рас еді... Қашан аяқталады, кім біліпті...

Дастарқан басында үшеуі ғана. Былтырғы, одан арғы жылдардағы үшеуі, тек қана үшеуі... Төтеден пайда болған «төртінші» далада қалды. Шешесі сан рет «шақырындар, обал болады, карны ашқан шығар» деп еді, Ерік: «Текке әуре болмаңыз, барқырап тынышымызды алады» – деп міз бақпады. Айна үндеген жоқ, көзінің астымен күйеуіне білдірмей қарап, шай құйып отыр. Сораптап шай ұрттаған дыбыстын өзге бөтен сыйыр-күбір жоқ ежелгі ерке тыныштық жайлаған. Ауылдан жаңа ғана келген Еріктен әңгіме дәметкендей еді, ол күн ұзақ жүрістен шаршады ма, біреу қуып келе жатқандай шайды ыстығына қарамай жеделдете ұрттап, шөлін басудың әлегінен шыға алмады. Нюра Фадеевна бір кеседен кейін ішкен жоқ, баласынан ойдағы елдің хал-ахуалын такуалап сұрады да. Көңілінде бір қолдененін пайда болған алаң бар-ау, өкпелеген адамдай; ашық есіктен өзеннің арғы бетіндегі алып тауларға, осы әзірде ғана көргендей көз тайдырмай қадала қарады. Мүмкін, ұлының анау ауылдан алып келген жігітті шакыр деген сөзін аяқсыз қалдырыған тілазарлығына ренжіді ме, әлде сонау жылдарда өз басынан кешкен оқиға ойына оралды ма екен, әйтеуір, әншнейіндегі сөз құмарлығы жоқ, айналдырыған үшеуі отырып, тоңторыс күй кешуі онсыз да сыздауы жеткен

жеке-дара тірліктің тілін матап-ақ таstadtы. Әркім өз ойының оты оңаша маздауын қанша тілесе де, пенде болып жаратылған соң, күбір-күбір сөйлесіп, сыйыр-сыбыр сұхбат құрып, күле жарқылдақсанға не жетсін: адамның ішкі сыры да арақ секілді, анда-санда сыртқа шығарып тұрмаса, запыранға айналып, көнілінді лоблытып, жүргегінді сыйздатып азаптайтыны рас. Ауыр мұң қабыздап, жаңыңың жасаң жайлауын жаңбырдың бұлты басқандай құсаланастың, дүниедегі ең керекті затынды жоғалтып алғандай алағызысың. Самаурынның ызындаған үні осынау тымпи ойнаған тыныштықтаң жаназасын шығарған заржақ молдадай онсыз да омырылайын деп, сынайын деп сыйзаттанған ләм-мим отырыстың қуыс-қуысын кеулеп алды. Тіпті тым-тырыстыққа осы Фадей жарықтықтан қалған жез самаурын шақырып тұрғандай... Десек те, оттығынан шок жылтырап, буы будақтаған әнсалар самаурын Нұрке кемпірдің жарты ғасырлық ермегі, ескіден қалған жалғыз абысыны, жақсы сырласындей еді. Төркін жұртынан қалған мұра осығана. Басқасы жоқ та, бар болғанның өзінде жылдар жылымы жүтып қойған. Ниора Фадеевнада жалғыз-ақ арман бар еді, өзі құрбылас кемпірлермен өткен-кеткенді айыз қандыра айтып, құмарынан шыға әңгімелесіп барып жан тапсыру, туған жерден бір күрек топырақ бұйырса... Ол арманды орындастырын мандағайа басқан ұлы – Ерік болса ыңғай білдірмей жур. Ұлардың қаймақшыған тыныштығын қаусатқан – тәлтіректеп басып, босағаны тырмалаған Тағанның үні болды.

– Неге біз осы... – деп, ежелгі әдетінше сұқ саусағын шошайтты. – Неге біз осы?.. Ұл шакта екінді туып, Нұрке кемпір намазға қамдана бастаған.

– Жүр-ей, – деді Тағанның қолтығынан нығарлай ұстаған Ерік. – Тәтем намаз оқиды. Мазасын алма.

– Орыс намаз оқиды... хи-хи-хи... – Таған шиқылдай күлді. Кластасының бейпіл ауыздығы жаңына тиді білем; онсыз да бастерісі келіспей жүрген Ерік желкесінен бүріп теріс қаратты да, құйрығынан бір теуіп етпетінен түсірді. Қүйеуінің тым артық кеткендігі шыдамын шарт сындырды білем, самаурынның күлін қағып тұрған Айна:

– Қойсаңшы, обал емес пе? – деп, Ерік келгелі алғаш рет дауыс шығарды.

— Е-е, тілің бар екен гой, — деп кекетті ері. — Тобық жұтқандай томпиып қалып ен...

— Сол тілді өзің де жұтып қойды ма деп едім...

Ерік әйеліне бажырая қарады. Шынымен-ақ Айнаның аузынан шықты ма дегендей, аң-таң. Он жыл отасқаннан бері тұнғыш рет тік сойлеген жарының қас-қабағы баяғыдай емес екенін енді ғана аңлап, абдырап қалған. Айна бұған бұрылып та қарамай қарекетін жалғастыра берді. «Ой, саған не көрінді?» — деп жанына барды. Татулықка шакыргандай білегінен ұстап өзіне тақап алды да. Жақсы көргенде жасайтын әдетімен шашынан сипап, құлағының түбінен іскеді. «Шынында да, маған не болды өзі» деп, өксіген Айна басын қүйеуінің қеудесіне қойып, тағы да жылап жіберді. Тәлтіректеп орнынан қайта көтерілген Таған, фашистің жауын ала алмай азаптанған партизанындей-ақ өзін өр ұстап: «Ей, Қарабауыр, бір тепкениң – бір саптыаяқ сыра», – деді. Жолдасы оның тілегін екі саптыаяқ бал сырамен қанагаттандырыды да, оны-мұны саймандар тұратын қорага сүйрелеп апарып таstadtы. «Таудың тұні салқын, тоңады гой». Айна мазасын ала берген соң, әкесінің есқі ішігін ұстіне жапты. Маскүнем бірден үйкітап кетпейтін әдетімен малдасын құрып отырып алды да: «Неге біз осы...» деген тақырыптағы лекциясын бастаған.

5

Тамыздың тамылжыған шағында апта бойы ашық тұрган күн Қатын суы жағасында отырған жалғыз үйге ырыс болып кірді. Биыл бұрынды-сонды болып көрмелеген пішен үйіп алды. Айнаның бір өзі-ақ шөмелеп тастаған шөпті қөкбестіге сүйретіп мал қорага тасыды. Алтай қазактарының пішен дайындаудағы айла-тәсілі жалпақ елдің ешқайсысына ұқсамайды. Айтальқ, қол тартпамен, яғни шалғымен шабылған шалғын дестесін ат тарта алатындей мөлшерде шөмеледітін. Сол шөмеледегі шөпті ұзында ұзынша етіп жонып қатырған қайың құрықша байлаған арқанды қамытқа жалғайтын. Құрықшаны шөмеленің арт жақ түбінен сұңғите сұғып, арқанды екінші жағынан түптеір орап әкеліп қамытқа байлаپ тарта жөнелесіп. Бұл жұмыс Таған үшін таңсық емес. Ертелең салқын сырамен басын жазып алған соң енбек етпей ішіп-жемейтінін білген соң, жанын сала кірсетін.

Алғашқы күні мұндай қабағат жұмысқа көндікпеген көңілі бұзылып, қиқаңдалап көріп еді, Ерік сырадан татырмайтынын білді ме, амал жок, айтқанына көніп, айдағанына жүретін болды. Ішімдікке салынып, сандалып кеткені болмаса, Тағанның денсаулығы сыр бере коймаған, қара жұмысқа мықты, көмпіс қаражігіт екен. Асқазан ашқылтым су қыздырып жатпаса, табанынан сауып, қия баспайтын қиямпұрыстығын көрғана түзетер. Ара-тұра үйге бас сұға қалғанында, Нұркө кемпір ақыл айтып басын ауыртқан соң, табанынан сауып олай қарай аттап баспайтын болды. Осы «ішпей-ақ қойсаң қайтеді» деген Таған үшін әлемдегі ен ауыр да азапты сөзді тек Айнағана айтқан жок. Ауылдан келгеннен бергі аптадан астам уақытың ішінде: «Неге тамақ ішпейсіз?» деген жалғыз-жарым тілдесуден басқа әңгіме болған емес. Туасы көп сөзділікті суқаны сүймейтін келіншек, жігіт ағасы жасқа келген шағында ақылынан адасып, алжасып жүрген келімекті жақтырмадан рас-ты. Жақтырмадан себебі: тепсе темір үзетін азаматтың әбден настанып кеткен намыс-сыздығы, ішімдік үшін сонау... түү-ү-ү өзі үшін арманға айналған етектен итше еріп келгені, басында үй, бауырында бала жоқ, қанғырып кешер бекер ғұмыры, ку өңешті қышқылдану үшін құл болып жүрген өксік өмірі еді. Сан рет бетіне басып, жер-жебіріне жетіп ұрыскысы келді-ақ, айтып-айтпай не керек, сөз төркінін ұғар кіслікten айырылғанын сезген-ді. Сезген соң, сен тимесең, мен тименге көшкен. Қазір де көкбестінің үстінде мыжырайып отырган мұскініне қараган сайын, қарны ашады. Айна арқандап берген шөмелені астындағы атын шу-шулей тепендей қораға жеткізеді. Ерік шөпті сыптырып алып қалған соң, кері Айнаға қарай тырагайлайды. Ертеден қас қарайғанша созылған осына әбігерлі жұмыс әбден титықтатты білем, үшеуі бірдей тамақ ішуге шамалары жетпей тырапай асты. Әсіресе, ақ саусақ болып, арамтамақтыққа үйреніп алған Таған бүгіндікке соңғы саптыаяқ сыраны салып алған соң, тұяқ серпуге, «лекция окуға» дәрмені таусылып, мұрттай ұшкан.

Нұркө кемпірге балаларының арпалысып, күш күрескен мазасыз тірлігі тіпті де ұнаған жоқ... Ұнамаганын ашық айтуға жасқанды. Өзі де шаршап жүргенде, жүйкесін жұқартпайын дегені шығар. Әйтпесе теріс қарап жатып: «Осыншалық бал мен мал жинап, қай бала-шагасын асырай алмай жанталасады екен»,— деп күбірлеген. Әсіресе, келінін аяйды. Оның үстінен

анау Көкеннің сүмірейген ұлы қосылды. Екі жастың біріне келмей қор болған Таған тағдырын да уайымдап, жүргегі сыздайды. «Обал фой. Текті тұқымның азып-тозып, шілдің боғындай пышырап біткені фой. Қайра-ан Көкен, әйелі Аналық қандай еді... Макажан шал ше? Алтайды аузына қаратқан ақын, жан баласына басын имеген кісінің сұлтаны еді. Үн, тәнірімай, не болып барамыз осы», – деп, күрсіне құбірлеп жіберді.

Жым-жырт тұннің ортасына дейін кірпігі айқаспай, әрі аунап, бері аунап ұйықтай алмайтын әдет тапты. Нұрке кемпірдің ұйқысын бұзған Таған екенін өзінен басқа ешкім білмейді. Жанарын жапса болды, Аналықпен бірге өткізген баяғы – тұрлаусыз өткен тұтам-тұтам өмірі көз алдында көлендеп тұрып алады-ай. «Құдай-ау, сол Аналық жазғаның жақсылығын өтеді ме? Жоқ, өтей алмапты. Мойнына қарыз, ұрпағыма парыз күйінде қара жер қойнына кірем бе, жасаған ием. Не істей керек? Қадір-қасиетінен жұрдай тоналған ұлын қалай ғана құтқарам бұл қорлықтан, қайтып қана арашалаймын арағы түскірден... Әл-куатым жетер ме? Тым болмағанда Еріктің мазағынан...».

Бұл тұні Айна да көз ілген жоқ. Күні бойы салпылдақ жүріс, толассыз жұмыс бойын алып, әлдекім алып ұрып сабап-сабап талғақ қылып тастағандай дел-сал күй кешсе де, әз жанына әмір таба алмады. Екі табаны мен алақаны күйіп, салқын жер, саумал ауа іздегендей аунақшыған. Қашшама қашса да, Қатын суының жазға салымғы мұзындай іркес-тіркес ой қамалып, көз алдында иін тіресіп бірін-бірі мүйізделеп тұрып алады. Қыз күніндегі әдетімен жузге, тіпті мыңға дейін санап та көрді. Өзін-өзі шаршатқаны болмаса, бәрібір жанары талып, ұйқы шақырмаған. Кең төсектің екінші шетінде көсіле түсіп, кәперсіз қорылдап жатқан күйеуінің өзінен де, өзгелерден де көш ілгері қасиеті бар еді: тәуліктің қалаған уақытында басы жастыққа тисе болғаны, кенірдегінен пышақ тақасаң да, пыс етіп ұйықтап кететін және діттеген кез келген сәтінде оянып, солдаттардай қарғып тұрып, шапшаң киініп кете берер еді. Бұқіл адамзатқа бітер денсаулықты бір басына жиып бергендей, осы қырықтан асқан жасына жеткенше, басы ауырып, балтыры сыздағанды білмей келген тоқжарau әрі кәперсіз, жаны қасаң жігіт. Қазір де жау түсіріп келгендей алшая түсіп, табиғат тек өзіне ғана мол етіп сыйға тартқан ұйқының рақатына бөленуде. Терезенің

жартылай жабылмай қалған саңылауынан сығалаған ай сәүлесі бірте-бірте өрлеп, Айнаның бетіне жақындады. Жер бетіндегі миллиардтаған адамның ешқайсысын бөле-жара жатырқамай нұрымен аймалайтын айналайын айды Айна кішкентай кезінен өзіне серік жасап, жақсы көретін. Өліара шақ туғанда немесе бұлттың арасында жасырынып қалғанда, алабөтен сағынышпен зарыға тосар еді; дүниедегі ең асылын жогалтқандай мазасы кетіп, не жайрандап күле алмай, не жарқылдап жүре алмай, іштей жүдер еді. Әсіресе, осы Алтайдың құзар басына көшіп келгені бері, жаһандағы ең жақыны – ет жақынындай болып кеткен Ай жарықтықты ауылдағыдай емес, тым сирек көретіні қөніліне қаяу түсіретін. Алты ай бойына көбесі сөгілмей, көн терісі жібімей жатып алатын қар, көктем шыға сылбырап, берекенді қашыrap жаңбыр аспанды айлап бүркеп тастайтын қорғасындай ауыр бұлт – осының бәрі-бәрі Айнаның ай жарықтықка деген махаббатын мазақ еткісі келгендей, бұл жалғандағы жалғыз қуаныш, жалқы жұбанышын жұлмалап, қызықты құндерін қызгана қыттымырланатын. Алтайдың биылғы мінезі жайдары. Жанынды жақұтқа бөлер күні мен айы, шүкір, қанша сімірсең де сарандық жасамай, жайсан нұрын мұқым жайлауга шашып тастады. Әне, перденің екі арасынан, ерлі-зайыптылардың тұнгі ләzzатын бұзбайын дегендей, жұқалан қәулесін ұяла төгеді. Ерлі-зайыптылардың тұнгі ләzzаты адыра қалғаны қаш-а-ан...

Айна ғұмыры жеткенше жылқы баққан жылқышының қызы еді. Бүкіл балалығы, қырмызыдай боп бой жеткен шағы жаз жайлауда отті. Сондықтан ба, қылтың-сұлтыны жоқ, біртоға, тіпті үйкүшіктеу болып өсті. Қыста әкесі мұртына мұз қатып, тым алысқа, тау-таудың бауырына жылқы тебіндегі кетер еді де, ауылдағы үйінде шешесі екеуі ғана қалатын. Баладан жалғыз, ермек етер, ербең етер ешкім жоқ болған соң, ертенді-кеш айналсоқтап анасының жанынан шықпайтын. Ауылдың клубында анда-санда өтер ойын-сауыққа да шешесіне еріп баратын. Оныншы класты тауысқанша, бірде-бір бозбаланың бетіне қарамай, ұяң мінезінің аппақ парагына сызат түсірмей, кәмелетке толды. Жоғарғы оку орнында оқып жүрген шалқымалы шағында да ниет білдірген талай жігіттің меселін қайтарған. Әрине, құрбы қыздарының жерлесі немесе жігіттің жолдасы болып келетін азаматтардың қолқалауымен

театр, киноларға барғаны рас, бірақ айлы түннің астында абақ бақтарды қыдырып, қызуы мол қызық жорықтарға шыққан емес-ті. Студенттік өмірінің ішінде, әсірсесе, есінде қалғаны – үнемі бір ой үстінде жүретін, қара бұйра шашты, кірпітері қолмен қондыргандай үлкен қара көзін қоршап тұратын аспирант еді. Онымен жалғыз-ақ рет жолықты, өмір бойы есінде қалды – есінде елес қана болып қалды, әйтпесе түр-түсін, аты-жөнін баяғыда ұмытқан. Қай кезде, ғажап, түсіне кіреді: аппақ тұманның арасында адасып жүргендей, бұл жақындаған сайын алыстап, қаздай қалқып, үйректей жүзіп, мәңгі шексіздікке жылыстап баратын-ды... Сол киялымдаған қалған аспирантты шакырып жатып, өз даусынан өзі шошынып оянған мезеттері де болған. Ерік сан рет: «Осы сен түсінде әлдекімді шакырасын», – деп, үрліғының үстінен шыққандай үялтып еді-ау. Жарық дүниедегі ең сұмдық – көңіліңнің түпсіз тереңіне сақтаған сыр-сандығының қақпағын байқаусызыда ашып алу десек, ондай жан адамға – әке-шеше, жан-жарыңа да жария етпес құлыштаулы құпияның болары табиғи. Әлемде бірде-бір адамның толық сирры ашылмай, арғы дүниеге аттанады. Ол күнә емес. Адам-дыхының асыл қасиеттерінің бірі екені және рас. Мынау іргесінде кәперсіз ұйықтап жатқан Еріктің ішіне кім кіріп шығыпты. Айнаның түсінбейтіні ол емес, оның бағамдай алмағаны: «Неге біз осы жар төсегіне жеткенше жанымыз шығып кетердей жақсы көреміз де, жылдар жылжыған сайын от болып жанған сезіміміз біртін-біртін, қызуы қайтқан дарагайдың шоғындай сұына береміз. Неге мені. Ерік баяғыдай құлап сүймейді, асап қоярдай аймаламайды. Неге? Оның себебін осы жолдарды жазып отырған мен де білмеймін. Менің білетінім: ерекк пен әйел затының арасындағы мәңгілік қатынастың қалтарыс-жықпылын зерттеп түсіндірем деп әуре болу – бекершілік. Көзге көрінбес әрі жіңішке, әрі мықты жіптің неден есілгені беймәлім. Ал Ерік пен Айнаның арасын жалғар жіп бар ма еді өзі... Ұнатып қосылғандары шексіз. Алғашқы жылдары, тіпті жетпей жетімсіреп жүрген кездерінде-ақ, айнымастай болып табыспап па еді; екеуі қол ұстасып, қолтықтасып келе жатқанда, осына жұптары жарасқан жұбайларға таңдана сүйсінбейтін адам болмайтын. Еріктің көмірдей қара шашы мен көк көзі, Айнаның тілерсегін соғатын қос бұрымына қызыға да қызғана қараушылар көп еді-ау! Тәңірім-ау, сол бір бақыттың

айдынында жүзген қос ақку сынды шақтардың, сол бір көз тойып, көңіл қанбас жастықтың қан базары тарқап, келмеске кеткені ме. Тәнірім-ау, таң нұрымен таласқан таңғажайып өмірдің бәрі-бәрі адыра, қош-кошын айтқанын қалай ғана байқамаган. Тәнірім-ау, мың жасайтындағы-ақ, әр күн әр айдың қадіріне неге жетпейміз? «Ерік-ау, Ерік, білесің бе? Біз қартайып барамыз!» деп, айғай салып, алшая түсіп, албасты басқандай ұйықтап жатқан күйеуін тауықтай жүлмалап оятқысы келеді-ау, ұяндығы жеңіп, батылы бармады.

Айна өз-өзінен ыстықтағандай көрпені серпе ашып тастады. Ай нұрымен шағылысқан аппақ мәрмәр санына, тоқ балтырына жаңа көргендей, сүйсіне де сұқтана қарады. Келіншектің денесін, шынында да, табиғат-иеміз келісімді мүсіндегендей; амал не, міне, ешкімге керексіздей болып жалғызырап жатқаны. Бұл жалғанда жанында арыстай азаматың жатып, жалғызырағаннан жаман не бар екен? Ауылдан оралған соң Еріктің салқын тартып, «шаршап тұрганым-ай» деп Айнадан қашаңдар әдеті баяғыдан, бірақ дәл осы жолғыдай – өкпелескендей тоң-торыс жат күй кешуі алғаш рет. Тым болмағанда құлағының түбінен іскеп, «осы сенің ешкімге жоқ жұпар иісің бар» деп, еркелетпеді-ау, шашынан сипап аймаламады-ау. Осы бір ерекк пен әйел арасындағы бойынды балқытар бақытты сәтті, неге екені белгісіз, Айна өлердей сағынды. «Аллам-ай маған не көрінді?» – деп, аузынан жалын ата ах ұрып, басын көтеріп, екі аяғын төсектен салбыратып отырды. Күйіп-жанған табанын кілемшені ысырып тастап еденге басып еді, сап-салқын екен, жаны кіре сүйсінді. Жым-жырт. Аламойнактың да жағы семген. Әнеугүнгі балалы аю қайта айналып соқпай кетті. Қызық, ит үріп, Еріктің оянып кеткенін іштей тіледі. Жым-жырт. Үй емес, көрекілді. Тек ай сәулесі ғана қыбырлайтындағы. Келесі бөлмеде жатқан енесінің кей күндері «Ей, алла, берме, бергенінді алма» деп, дауыстап қалар үні де өшкен. Мұндай мұн тұнған, мұнар емген, ертек сынды әрі әдемі, әрі азап пен нала арқалатқан албасты тұнді алғаш көруі. Тұншығып, таза ауа, салқын самал сағынған жүрегі далаға жетелеген. Осы ойын жүзеге асырмакқа канша рет оқталса да, бұрынғыдай емес, сыртта да ерекк бары есіне түсіп, бұл қылышын кім неге жорырын жобалап, жүрегі дауаламады. Тұн ішінде қобыраган мол шашын барынша

жайып жіберіп, сұлық отырған келіншектің қазіргі пошымы қолқаңа қол салатында аса корқынышты еді: әл-әзірдегі аппақ мәрмәрден қашалғандай көздің құртын құрттар сұмдық сұлу денені бобыраған ұзын шаш жауып тастаган. Айна әлдене есіне түскендей сәл жымиды. Бір кездे Ерік осы шашты өзінің де басына жамылып алып: «Айнаш, мынау сенің әлемде жоқ шашың екеуміздің әлемде жоқ қосымыз» деуші еді-ау. «Бәрі де баяғының садағасы... баяғының... Суга ағып өлсем» деген ой тағы да сумандады. «Шашым су бетінде жыланша ирелендеп ағып бара жатсам... Ерік жылар ма еді?» Үй болып, бірігіп от жаққан осынау жылдардың ішінде күйеуінің көзінен ағып түскен жалғыз тамшы жас көрмеген ол, бәрібір жамандыққа қиғысы келмеді. Ыстығы басылғандай: ай нұры тұрақсыз ғой, төсектің аяқ жағына жылжып кеткен. Бұрынғыдан ғөрі жатын бөлме де салқындағандай ма. Ерік басы жастыққа тиген қалпы, түяқ серпіп аунамастан түшіркене ұйықтайды. Енесінен адасып қалды ма, құлын кісінеді. «Мынау ақбөрте құлышының даусы ғой, – деді күбірлеп.– Қой, жатайын, маған не көрінді, он екіде бір гүлім ашылмағандай».

Жым-жырт.

Таң алагеуім тартқанда ғана көзі ілінген Айнаның түсіне мұнар түнеп, бұлт көшкен таудың басында құйрығын шаншып, құлдыраңдаған ақбөрте құлышын кірді...

«НЕГЕ БІЗ ОСЫ...»

* * *

Бұл күні Ерік тым ерте оянды. Кеше түнде ұйықтар алдында «ертең күн шықпай тұруым керек» деген оймен жатқан. Аса сақтықпен сыйбырын білдірмей киінді. Терезе пердесін бозғылттай сібірлеген жарық үй ішін алагеуімдеп, таңның хабаршы сәулесін қылымсі таратады. Құс жастықты тас қылып құшақтап басына жастамай бауырына баса ұйықтап жатқан Айнаның пысылдап бір қалыпты тыныстағанын тыңдағандай сәл қарап тұрды. Өзіне қадалған жанар эсер еткендей келіншек қозғалақтап барып, ішін тартып өксіді. Мысықтабандап ептеп басып үйден шыққан Еріктің әлі де көрпе қызуы басылмаған денесін таудың таңғы салқыны ұрды. «Ищ-ай» деп тітіркеніп барып, қашаннан бергі әдетімен дene жаттығуын жасауға кіріскең. Бұл – студент шағынан бастап сүйегіне сіңген қарекеті

еді. Ежелгі спортшылық қымыл-қозғалысты күрестен мұлдем құйрықкесті коштасқан жылдардан бермен де қоймай, әр күні осылайша жаттығып, үй айнала жүгіретін. Қос қарағайдың ортасына мықтап орнатып тастаған турникке асылатын. Тұла бойын он екі мүшесін әбден қыздырып алған соң, мұздай сұық сумен жуынатын. Қазір де Қатын сұына барып, белуардан шешініп тастап рақаттана шайынды да, қытайлық қызыл ала гүлі бар жұмсақ сұлгімен сұртінген. Күн әлі шыққан жоқ. Әлдене есіне түскендей, үй іргесіндегі қойма-сарайдың темір тор терезесінен үңіліп еді, таңның жарығы түскен бөлмеде Таған жетім баладай бүрісіп ұйықтап жатыр екен, өлмегеніне көзі жеткен соң, орманға сіңіп, өзенде жағалай жаяу құллады. Тек бір өзі ғана жүріп таптаған жалғыз аяқ сүрлеумен асықпай аяңдап келеді. Оқта-текте алдынан барша тышқан кес-кестеп өтеді. Кейде самырсынның бұтақтары қозғалақтап, тіршілік белгісін білдіргендегі; балқарағай бүршіктерін терген тиіннің қыс қамына кірісіп азық тасыған шаруақойлығында шек жоқ, олар да, орман тұрғындары аң-құс та адамнан бетер арпалысып асығады. Орманның өз иісі бар – шайыр аңқыған таза әрі сызды ііс. Мұк басқан былпылдақ жерге табаның тигенде, қалы кілемнің үстінде келе жатқандай әсер аласын. Қартайып барып шіріп құлаған немесе табиғат апатына тап болған ағаштар да алдыңнан көлденендей сұлап қабығы қопсып, қына қабыздап жол тосады. Ондай сэтте аттап өтесің. Құлаған қарағай; шыршалар да табиғаттың өлген мүшесі, құрт-құмырска, ара мен тышқанның ұясына айналып, жермен-жексен, күйкі күй кешеді. Қайтып тұра алмластай құлайды. Ағаш жалғанда жалғыз-ақ рет құлайды. Жығылып, сүрініп, сілімтік ғұмыр кеше алмайды. Сондықтан да адамнан ғөрі ұзақ жасайтын шығар...

Қанатын комдаган балқарағай самырсынның, ешкі самырсын мен шыршаның бұтақтарына бетін, бұта-қарағанға бұтын тырмалатқан Ерік сергек сезіммен «махабbat-мекеніне» жетті. Бұл бір Қатын сұының судырай ағатын жалпақ та тыншу тұсы еді. Арқырап аққан өзен де осы тұсында сәл саябырысып, белі жазылғандай қысылып-қымтырылмай еркін көслетін. Арғы жағалау айнадағыдай көрінеді. Амал не, өткел бермейді. Арғы жағада дөңкіп жатқан тақыр таудың да аласарап, еңсесін еңкейтіп, шөккен түйедей ырыққа көнер тұсы, міне, осынау алып таулардың аспанмен таласқан тәкаппар тізбегі

тізе бүккен жерде, сонау бір үйірінен адасып қалған жалғыз шынардың түбінде ОНЫҢ аты байлаулы тұратын. Ал өзі жап-жасыл аршаны жамыла ойға батып бергі жағалауға – БІЗДЕРГЕ көз салатын. Салт атты жұмбақты жанды алғаш рет жалғыз шынардың жанынан көргелі бері де екі жыл өтті. Биыл үшінші қоқтем келіп, жайма-шуақ жаз да етек-женін жинай ширап, пісіп қалған шағы. Енді біраздан соң Алтайдың сарша тамызы басталады. Содан соң сары ала күз, содан соң қоңыр күз ак жауыны аралас сылбыран күз, содан соң алғашқы қар, белуардан келер қар, қыс... Ерік жаурағандай өз-өзінен тітіреді. Эне Мұзтау жақтан Күннің шеті қылтиды. Жарықтық-ай, сағыныштың от-жалынына оранып ыңырана көтерілді-ау. Жарықтық-ай, мұқым әлемді қуаныштың құндағынан оятып қуатымен нұрландырып, тіршіліктің мәңгілік толастамас, тоқтап, тоқырамас күйін шерткендей, шексіз аспан әлеміне көтеріле берді. Тоқтататын күш жоқ!

Ерік өзен жиегінде көп тұрды. Салт атты, жаулықты Қыз көрінбейді. Көңілін алаң биледі. Қарсы беткейге қарай-қарай қарашибығы талып, жанары жасаурады. «Бүгін еді ғой келер күн». Иә, әр жылдың көктемінен бастап, қоңыр күзі түскенше, айына бір рет қылт етіп көрініп, Ерікпен алыстан амандастып, тілсіз тілдесетін Қыз бүгін кешікті. Оның себебін Ерік ешқашан біле алмайтын, тіпті сол аты-жөні, тұр-түсі беймәлім Алтай аруы ендігі тұрмысқа шығып – қайтып шықпас торға – семьялық торға қамалған шығар. Есекдәмемен жүрген жігіттің ел ағасы жасқа жеткенде, қырдағы қиялдай қызға қызығары, біздер үшін, көрсекзыарлық болып көрінер еді. Ал Ерік үшін өмірінің ең аяулы сәті, жүрегін дірілдетер асылы, арман құсы, дүниедегі жалғыз ғана көз қуанышы, шаршаған, шаршап барып болдырган жүйкесін жібітер, бойын сергітіп, ойын маздатар тамыздығы, ат болып кеткен тірлігінен адамға айналдырап құдіреті. Айнаға деген саздау тартқан салқындықтың себебі, тіпті де Бекзат емес, осынау елес сынды салт атты қыз еді. Жарының жанына жақындаса болды, салт атты қыз көз алдына көлендеп, екеу арасына ала арқан керіп тұрып алатын. Осы бір ішкі қиналысын Айнаға сан рет айтуга оқталса да, батылы барған емес. Қорыққаны емес, сонына шырақ алып жүріп қосылған қосағының көңіліне көленкे түсірмеудің қамы еді.

«Ол бүгін жоқ. Келмейді», – деп, кетуге ыңғайланғанда, таудың төбесіне жалғыз жолаушы шықты. Елес шығар. Мұмкін емес. Дымданған жанарын үқалап-үқалап қайта қарады. «Сол! Өзі». Таулы Алтайлық Қыз ақ боз аттың үстінде ертек әлемінен оралғандай, бергі бетке – Қазақстан жеріне қасқая қарап тұр еді. Әншейінде тыптыр етпейтін, әншейінде аспан ойылып жерге түсіп кетсе де, бұлк етіп сокқаны білінбейтін, бар-жогы белгісіз жым-жырт жататын жүргегінің қеудесін тепкілеп, дұрсілдеп ала жөнелгені соншалық, Ерік басы айналып құлап қалмау үшін өзен жиегіндегі балапан шыршадан ұстай берді. Істығы қөтерілгендей, екі беті дуылдап, көзі қарауытты. Мұндай ес танды хал бұрын-соңды болып көрген жоқ еді, өз сезімінің осыншалық өр серпіп, өрт тигендей лапылдауын қөтере алмады білем, төтеден ауыр соққы тигендей есенгіреген. Ал анау шынар түбіндегі Қыз қызыл орамалын бұлғап, бұған белгі берген. Содан соң ептең қана атын тебініп, өзенге құлдай бастаған. Еңіске лоқылдай, тайғанақтай аяңдаған аттың тұяғы тиген тас шегірткедей ыршып барып, екпінімен домалай жөнелді. Ақбоздың жүрісі бұзылған соң, Қыздың әлгіндегі құмістен шапқан ескерткіштей тіп-тік сәнді отырысы ойран болып, ердің қасынан асып кетпейін деген сақтықпен үзенгі бауды шірей шалқақ тартады.

Қызыл жауалықты Қыз Қатын сұнының жағалауына тақалып, аттан тұскенде фана, ес-акылын жиган Ерік тас тиген шыныдай шытынаган санасын жамап-жасқап саябырлады. Көз алдындағы кекмұнар айқара ашылғанда, ар жағынан, тәнірім-ау, түнде түсінен, күндіз есінен шықпайтын ақ боз атты Қыз тотыдайын таранып, өзеннің жарқабағында тұрды. Қан түйіршіктегі қайтадан ойнақшып, бекерден-бекер қадала қарағаны болмаса, өткел бермес өзеннен кешіп өтер, жүзіп өтер дәрмен жоқ бейшара жігіт тағдырдың осы бір опасызығына назаланды. Ал Қыз ше? Ол бұрала басып суға тақалды да, алақанын толтырып үрттады. Содан соң бұған күле қарап жүрелей отырды. Оның әлгі әрекетін Ерік те қайталады. Су тым сұық екен. Аш өзегін қуалап өтті. Осылайша бірін-бірі екі жағалауда тұрып аңдыса бақылаган олар құла-жалдана құлап аққан Қатын сұын султтар құдіреттің жоқтығына налығандай мұндықты қүй кешкен. Бәлкім, махабbat деген осы шығар... Ынтызар екі адамның ындының құрттар, бір-бірін мәңгілік айырап... өткелі

жоқ өзен ағып жатар ортада; бәлкім «сырганды қайық қылып өткіз мені» деп, әнге қосқан баяғының ғашықтары тағдырдың осынау иттігіне күйінгендей, шырқырай шырқаған шығар; бәлкім, екеу арасында өткел бермес өркөкірек өзен ағып жатса – махаббат... уа, сол өзен жоқ болып оп-оңай қосылғандарды – ерлі-зайыптылар дейміз бе? Жұзіп өтем деп суға ағып өлгендер қаншама... Сансыз... Мүмкін, баяғыда... осы өзеннің аты жоқ кезде, дәл осылайша екі жағалауда тұрып бір-біріне ғашық болған қызың мен жігіт өзеннен өте алмай қиналған сәтте, әрқашан еркектен гөрі тәуекелшіл әрі батыл келетін әйел заты бірінші болып суға секіріп, жұзіп өтем дегенде ағып өлген шығар, содан ел Қатын сұзы атаған шығар... Қатынның құлаққашты қылар шуы қаншалықты айғайласаң да анық естіртпей, тек шың-шыңдаған үзік-үзік үнғана жетер еді. Бірақ Ерік «атың кім?» деп, айғайлауын тоқтатқан емес-ті. Бейне анау Қыздың есімін естісе, Қатын сұзы таяз тартардай «Атың кім?!» деп және озандады. Қызың басын шайқады. Ести алмадым деген сыйай танытты. Бәлкім, естісе де, бәлсініп айтпады. Күн едәуір көтеріліп қалған. Ағаштардың самаладай үп-үзын көленекесі біртіндеп тұжырылып, таңғы салқын саябырысыды. Осы кезде Еріктің тұра құлагының түбін жанай ұшқан ара әп-сәтте аргы жағалауға ұшып өтіп кетті. Шапшаңдығына қарап ажыратты: бұл Еріктің Америка құрлығынан алдырган «жауыз арасы» еді. Қызыл орамалды Қызға өзінен «қауіпті буданның» бұрын жеткениң қызғанғандай, «атаңа нәлләттің бал үшін бармайтын жері жоқ» деп ғайбаттады. Со-о-н-о-оуу ит өлген жер, өзге ел, өгей жүрттап қолы жетіп, бүкіл республикада жоқ араның жаңа тұқымын алдырган құдіреті кор болып, ені үш жұз қадамнан аспайтын өзеннен өте алмағаны жаңына қатты батты-ақ, амал не, тоқтататын күш жоқ. Егер зәуде мынау албасты судың үстіне көпір саламыз деп, қаражат жинап, есеп ашса, Ерік барлық байлығын садақалар еді. «Әттең, араға айналып, аргы бетке ұшар ма еді...» деген бала қиял тербел мелшиіп түр. Қызы мұны ынтықтыра тұскісі келгендей, қалтасынан айна алып, шашын тарады. Шашын қырыққан, қысқалау әрі көмірдей қара, тал бойына өзгеше жарасады. Ат үстінде жүргендіктен бе, джинсі шалбар киген. Алыстан қарағанда ұлға ұқсайтын. Ұлтының кім екенін білмейді. Әлде қазақ, әлде ойрат қызы. Таулы Алтай өлкесіндегі Жазатыр, Қосағаш жағында қазақтар тұратынын

білетін, алайда бұл тұстан алыста емес пе. Мүмкін, жайлауға осы жаққа шығатын болар, бәлкім, ол да омарташының қызы ма екен. Кім болғанда да қыыр жайлап, шет қонатын қарапайым шаруаның баласы. Әйтпесе мынау алып тауларды атпен асып, корықпай жападан-жалғыз жүрер ме еді...

Үсті-басын сылана түзеген қызыл жаулықты Қыз лып етіп ақ бозға мініп алды. Содан соң соншалықты бір жарасымды қылышпен қолын бұлғап қоштасты. Не істерін білмей ербіп тұрған Ерік құлышынша аққан жылқыдай аласұрып, тағат таба алмады. Ол да қолын ербендеткен, алайда онысы қоштасу рәсімінен гөрі әлдекімнің әкесінен түсіп балағаттап кіжініп, кетсең-кет деген зерезеп қылышқа ұқсаған. Қыз бұл жолы тау асып кетпей, Қатын суының ағысымен жағаласа құлдаған. Ерік те біраз жерге дейін еріп барып, Қыз сай анғарындағы қалың ағашқа сіңіп, көзден тасаланған соң ғана, дымы құрып кері қайтқан. Бұтактары жабағыланған ешкісамырсын, әсіресе, мол еді, жыныстынып жігіттің жолына бөгөу болды. Үйреншікті сиыр соқпағына түскенше, онсыз да жүйкесі жүқарып келе жатқан Еріктің жынына тиді-ак. Орман тіршілігі қызған шак. Азық тасыған тышқандар тынымсыз. Ол алғаш рет өзін жек көрді. Еш нәрсеге зауықсыз, өмірге өкпелі. Әлем өртеніп кетсе де әнін салып, мұнсыз-камсыз жүре беретін Тағанның өмірі қызық шығар. Дүниені парық қылмайтын діні берік, өз-өзіне сенімді, мақсаты айқын, төрт құбыласы тең Ерік дәл осылай іштен тынып, сары уайымға салына түнілмеген шығар, дәл осылай мұнға батып, керексіздігін сезінбеген шығар. «Осы мен кіммін?» деп, ешқашанда ойсырай ойланып көрмеген омарташы кеңістікті далдалап, көкжиекті көміп тастаған орманды күл-талқанын шығара балталап, аралап қиратқысы, отағысы, от жіберіп өртегісі келді. Өзі де білмейтін өкпелі ашуға алдырып көзі қанталады, көnlі көгеріп-сазарды, санасты кекпен кептелді. Неге? Түсініксіз. «Әй, сол бір сайтан секілді сандалған қызды қойшы. Енді қайтып көрмеймін» деп бекінді, белін бекем буды. «Жаным тірі болса, ондайлардың онын табуға болады. Қалтамды ақшаға қампитып қалаға барайыншы бәлем үйрімен тоғытайын». – Осы бір кіжінісі оның жүрісін шапшаңдатқан.

Омартаға жеткенде, Айна үйқыдан тұрып, шай қойып жүр еді. Орман арасынан ойда-жоқта шыға келген еріне аңтарыла

қарап тұрды да: – Биелерді неге айдай келмедің, құлындарды байлайтын уақыт болдығой, – деді жұмсақ үнмен. Қайда барғанын сұрамағанына Еріктің онсыз да шытынаған шыдамы қарс айырылды.

– Ыбылжыған түрінді-ай, құдай-ау, неге ұрыспайсың, неге әйел болып назданбайсың, бұлдана еркелемесің? Ала көзіңмен ата қарашы! Өкпелеші. Отірік болса да жек көрші!

Айна Еріктің тұлан тұтқан жүзіне ұлken қоңыр көздерін төңкере қарды да:

– Не үшін? – деді қаймақшыған жұқа ерні сәл дірілдеп.

– Намыссыздық қой бұл! Не өлі, не тірі екенің белгісіз бейкүнә бір мұскін...

– Не көрінді саган? Оразамызды ашпай айтysамыз ба?

– Іштей атысқанша, сырттай айтysайық, тұбі бір тірелетін тұйық бұл.

– Түкке түсінсем бұйырмасын. Осыншалық жазғыратындағы жазығым не?

– Иә, иә, осы жазықсыздығың мені жындандыратын. Үн-түнсіз, айдағаныма жүріп, айтқаныма көнетін жуастық әйелдің қадірін көтіретін, қасиетін жоятын.

Күйеуінің осыншалық құйгелектеніп, сөз боратқанын алғаш көргеніне әрі таңдана, әрі тосырқай толқыған Айна «мен де ағыл-тегіл ағызыайын» деп ойлады да, ғадетінде жоқ мінезді мініс аты қыла алмай қиналды. Тіпті күйеуінің ызғар шашқан жүзінен сескеніп, ұрып жіберсе қайтемін деген қауіп жеңді. Өмір бақида денесіне таяқ тиіп көрмеген ол осынау ер азamat атаулының жұдырығын керексінгендей ме... еркектің айбыны! Еркектің қамшысы! Еркектің қокиланып құш көрсете сойлер менмендігі, тәкаппар да таңғажайып ашуы емес пе шығыс әйелінің қексері. Айнаның бойын кекті долылықтан, қарсы шабар бетпақтықтан горі көңіл сабасын толғап пісер әуестік биледі. Ішінен тағы да ұрса түссе екен, ұрам деп ұмтылса екен деп тіледі де. Ежіре耶 әкірендереген Ерік сөзін:

– Шіркін-ай, тал бойыңа біткен осыншалық сұлулықты сұп-суық мінезіңмен көр қылдың-ау... Ажарың бар, ашуың жоқ. Сондықтан да бір-бірімізден жеріп барамыз.

– Осыған кім кінелі? – деді самауырға шоқ салып тұрган Айна. – Осы маған тағылған кіненің барлығыны өзіңде қайырсам қайтесің... Осы менен күткен мінез-құлықты, қылышты, сенен

кутіп қөксемейді деп ойлайсың ба? – Енді Ерік тосырқап қалды: – соңғы кезде – деді Айна, – Мейлінше жайбарақат қалыпта, – сенің де бір нәрсеге басың қатып, сенделіп жүргеніңді сезбейді дейсің бе? Мениң сұлулығымды сусындал тауысқандай, тіпті бұл өмірде бар-жоғыммен де санаспай сансырайсың, өз-өзіңнен сандалып шаршайсың, өз-өзіңнен өзегің жанып өкпелейсің. Неге? Өтірік сөйлесек те, өтірік өмір сүруге болмайды ғой. «Сыйларға тілің жок болса да, сипарға қолың жок па?» – деп, апам айтып отыруши еді...

– Ой, өзің шешен екенсің ғой. Айта тұс. Сырың жаңа ғана ашылып келеді...

– Айта тұс деп айтактамай-ақ қой, Аламойнақ емесспін. Шырынымды сорып тауысқан екенсің, қиналма деп қинама, апарып таста ауылға.

– Міне-міне, бәрекелді, осындағай екенсің ғой...

– Иә, осындеймын. Тогайдағы торғайда да ашу бар.

– Тұсі-нек-те-е болды, – деді Ерік әйелінің қолындағы шымшуырды алып, самауырға шоқ салмақ ниетпен.

– Жағымсымай-ақ қой, оттығы онсыз да аузы-мұрнынан шығып тұр.

Екей арасындағы айтыс созалаңдап барып, жарасымды әзілге ойыса бастаған. Расында да, тоң-торыс күйдің тоңы жібігендей, жүздеріне жылу жүгіріп, бітеу жараның аузы ашылғандай болып еді.

– Эй, Айна, несін жасырайын, мен ғашықпын, – деді Ерік әдетінше шашынан сипап.

– Тағы да ма?

– «Тағы да масы» қалай?

– Осыдан он жыл бұрын маған осылай деп едін.

– Мен ойлаймын: ғашықтықта тұрлау жок, шек жок, сондықтан да мәңгілік...

– Бұрын-соңды естімеген пәлсапа екен. Қашаннан бері?

– Үшінші жыл...

– Ғашығыңың қайда екенін білуге бола ма?

– Өзеннің ар жағында.

– Ой, суайтым-ай, – деп, Еріктің кең жауырынынан алақанымен салып қалған Айна сыңғырлай құліп, екі иінінен дем алған жez самаурынды дедектете жөнелді.

– Шын айтамын, – деп айғайлады Ерік. Осы кезде қойма-

үйден: «Дүние, құдым сені он жасынан» деп бақырған Таған әлі де тірі екенін тарғыл даусымен дәлелдеді.

Иә, Таған маскүнем тірі еді. Тірі ғана емес, бүгін әбден ұйқысы қанып, сергек түрді. Тұні бойы мазасын алатын машақат тұс, көзі жұмылса болды, пышағын тамағына тақап, тісі ақсиып, сілекейін шұбырытып сак-сақ қулер құбыжық, шеті мен шегі жоқ жапан тұз, жалпақ далада аузынан ұскірік шашып қуатын жеті басты айдаһар да, бұл жанталасқан сайын, сурып тартар ұйық батпақ та, айран болып аққан миын талап жетін мың-миллион құрт-құмбырса да, зенгір аспанның шырқау биігіне көтеріп ұшып, тастан жіберер самұрық құс та, шегінген сайын мінбелеп, өкшелеп қуар сансыз көп машина мен мүйізі қарагайдай ала өтіз де – бәрі-бәрі бұрынғыдай қаратерге түсіріп қинамай байыздаған. Жайлауға шыққалы өз болмысындағы өзгерісті ептең байқап, мұның жөнін неге жорырын білмеді. Аш қарынға тартып жібергенде, есіріп, шыға келер қайран көңіл бүгінде жөпшешкіге бой алдырмай, қарсылық білдіре бастаған. Бәлкім, күні бойы қимылдаған соң, аңы термен ашы ішімдік те шығып кете ме, әлде әсер етіп жүрген таудың салқын да саумалдай ауасы ма. Қалай болғанда да Тағанда түлеу бар.

Ескі әдетімен әндептің түрді да, керіле есінеп тысқа шықты. Құн арқан бойы көтеріліп қалған. Ерік жылқыларды қайырып, құлын ұстап жүр екен, бұған назар аудара қоймаған. Сыра сұрағысы келіп түрді да «қой, беті-қолымды жуып алайын» деп өзенге беттеді. Көптен бері жаңбыр болмай, су мөлдірленіп қалған. Соның өзінде де Мұстаудан бастау алар Қатын сұы қыланданып ағатын. «Суға түссем қайтеді?» деп ойлады, ежелгі еріншектік жібермеді. Беті-қолын шала-шарпы шайды да, кері оралды. Ақкулық биенің ақбөрте құлыны ұстаптай әуре ғып жүр екен. Таған бір жағынан жасқап көмектесті.

– Бір үйге екі биенің сүті де жетпей ме, ушеуін бірдей неге сауасындар? – деп сұрады.

– Ақкулықты желіге үйрету керек.

– Менің білуімше, құлыны бар жылқыны құлық демеуші еді.

– Пәлесін қарай гөр, мал таниды-еї, былтыр құлын тастан кеткен соң, солай атап кеткеміз, – деді Ерік кекесін араластыра:

– Түсінде қызыр аян берді ме, сыра сұрамай неғып шыдалп тұрсын?

- Өзің бергенше, ішпеуге бекіндім.
- Мұның – дүниені дүр сілкіндірер жаңалық.
- Айна есіктен басын қылтитып шайға шакырды.
- Бүгін не істейміз, пішен үйіліп бітті ғой, – деді Ерікке ерген Таған.
- Сендерге демалыс жариялаймын, ал мен аң қараймын.
- Ерте кетсең қайтеді, ішім пысады ғой.
- Сениң иісінді сезген мұқым Алтайдың аны ауып кетер.

Сыраны тойғаныңша іш те, сылқып ұйықта. Қолың қышып бара жатса, анау кеспелтек ағаштарды жарып, саржан сал... Бүгін мен сені танымай тұрмын-ей...

Дастарқан басында төрт көздері түгел жиналған соң, Нұркे кемпір алақанын жайып, ерні жыбырлап бата жасады. «Бисмилла» деп, қара ала кеседегі қаймақ жүзген құла шайдан ұрттаған соңғана, қалған ұшеуі асжаулықтағы дәмге қол салған. Тұннен қалған етті жылтыпалап қойған екен, буы бұрқырап, сорпасы кілкілдеп тұр. Қундегіден ғөрі бүгінгі өртөңгілік шай көнілді ішілді. Әрқайсыны «ішімдегіні тап» деп томсыраймай, әр нәрсенің басын бір шалып әңгімеге араласты. Қабағынан қар жауып, әр сөзі сатулы болып отырап Ерік те еріккендей, томаға-тұйық мінезінің шарбағын сындырып алқалы топ, алқа-қотан әңгімеге қосылғандай еді. Бүгінгі дастарқаның шырайын кіргізген, әркімге бір қалжың айтып, айзы қана рақаттана құлген-ді. Нұркес кемпірдің де жүзі жайдары, кимешегінің жақтауын сырыйп қойып, балаларының жарасты қалжың, жадыранқы сұхбатына араласып қояды. Айнаңың екі бетінің ұшына қан ойнап шыққан, әдейі бояса, дәл осындей жарасымдылық таппас еді. Құлгенде оймақтана қалар бетіндегі шұңқыры да, мөлдіреген бота көзі де, ұзын мойын, бұлкілдеген аппак тамағы да – бәр-бәрі жаңаша сипат, соны сұлулықпен маңайына нұр шашады. Отыздан асқан жасында өніне қылаудай қырбаң түсірмей, таңғажайып әдемі күйінде сакталып қалуы – мәңгі мәңгіріп жүрер Тағанды да тамсандырған-ды. Әсіресе, қолы майысып шай құйылған кесені ұсынғанда, ұйқыдан шошып оянғандай сәл-пәл дір етіп, іркіліп қаларын Ерік пен Нұркес кемпірден жасқана жасыратын. Ішкі әлеміне де ошактан ыршып түскен шоқ секілді осынау секемшіл, бірақ... Жаныңды жарылқар сезімінен өзі сескеніп, Айна жаққа қарамауға бар күшін салып бақты. Міне, кезекті тағы да келіншектің қолынан

алуға тура келді. Амалсыз қарады. Ұрлығының үстінен шыға келетіндегі, тынысы тарыла, әншейінде қозғалақтап тыным таппайтын саусактары бұрынғысынан ары қалтылдады-ай... Кеседегі шай шайқалып, төгіліп кете жаздады. Осы бір ынғайсыздықтан құтқарғысы келді ме, Нюра Федоровна:

– Қалқам, қолың қашаннан бері дірілдейді? – деп сұрады.

– Ішкеннен бері, әсіреле похмель жасамаған күні тыным таппайды.

– Одан құтылудың жолы бар, – деді кемпір.

– Қалайша?

– Ішпеу керек.

– Ой, апа-ай, – деді Таған аузын тістеп алатындаі нанды талмап зорға жеп отырып. – Оны өзім де білемін ғой. Маган қалай ішпеуге болатынын үйретсеңіз.

– Ол да қыын шаруа емес, шырағым.

– Оңай емес, шешей, оңай емес, бір жыл емделіп жазыла алмағанмын. Елге оралған соң, табаны қуректей екі ай шыда-дым. Содан соң қайта қосылдым үйіріме. Бұл дөртке ұшы-раманыз, бір рет ауырсаныз, өмір бойы тас кенедей жабысып айырылмайды.

– Үзілді-кесілді қойып кеткендер бар ғой, – деді Айна. – Біздің ауылда бір әйел салынып қатты ішті. Мак күйінде бала-сын емізіп отырғанда, үстіне ұйықтап қалып, тұншықтырып өлтірді. Сол соққыдан кейін қайтып татпай кетті.

– Өз баласын өзі өлтіріп алған соң, қойғанынан не пайда, – деді Ерік. – Ондай әйелдің өзін тұншықтырып өлтіріп тастау керек. Құдай біледі, сол қатынның өзге балалары бар болса, түгел жарымжан шығар.

– Рас, – деп күйеуінің сөзін құптады Айна. – Толғақ қыс-қанда, арақ ішіп алып босанған кезі де болған. Байғұс күйеуі сиырға дейін өзі сауып, бүкіл үй шаруасын өзі істейтін.

– Өйтіп бала тапқанша...

– Осы әңгімені қойсак қайтеді, – деп Таған жолдасының сөзін бөлді. – Өңешім жыбырлай бастады. Тиесілі бір саптыаяқ сырамды ішіп, отын жаруға кіріссем деп едім.

Ерік орнынан үнсіз тұрды да, нан пештің іргесінде жабулы тұрған ағаш күбідегі ашуы жеткен сырадан құйып әкеліп берді. Әлгінде ғана моп-момақан болып кәперсіз отырған Таған көзі жайнаңдаң бас салып, сылқита жұтып ыдысты басына бір-ақ көтерді.

— Уh, рақатын-ай, сені жамандаған адамның аузы қисайсын, — деп далаға шығып кетті.

— Кісі болудан қалған. Бекер тәрбиелейсіз, — деді шешесіне.

— Ұлым! —деді Нұркө Еріктің сөзін жақтырмаған сыңайда. — Сен ейтіп арыстай азаматтың обалына қалма, білдің бе... Сенің бұл қылығың жөн емес.

— Ўйбай-ая, тәте-ая, мен бе еken оны маскүнем қылған. Өзінің осалдығы, иттігі. Бәлкім, тұқымынан солай шығар. Бар жазығым аштан өлгелі жатқан жерінен жинап-теріп алғаным ба?

— Сен оның тұқымына тиіспе. Оның асыл текті сойынан көрген жақсылықты бұл дүниеде қайтару екеуміздің де қолымыздан келмейді. Мениң бүйтіп тірі отырғаным, сенің бүйтіп жер басып тайрандал жүргенің – Тағанның шешесінің арқасы, білдің бе?

— Ес білгеннен бері тірі жанға қарыз емес екенімді, бір адамнан бір сом қарыз алмағанымды, өзімді өзім асырап жеткізгенімді ғана білемін. Ал одан бұрынғысының өтеуін өзіңізге тапсырдым, — деген Еріктің тік сөзі Айнаның қасын дір еткізді.

— Енді ғана шүйіркелесіп шай іштік пе, ішпедік пе деп отырғанда...

— Өй, қойындаршы, мұқым сәбет медицинасы мен милициясы жөнге сала алмаған ақымақты қорғаштамай. Көзіне көк шыбын үймелетіп, екі өкпесін тепкілеп жұмысқа салсаң ғана сандырағын қояды, — деп далаға ата жөнелген ұлының соңынан жүзі сыйнық қүйде қарап қалған анасы:

— Тағаннан қай жерім артық деп ойлайды екен, — деп күрсінді.

— Апа-ая, апа. Тағанның шешесі жайлы айтып беріңізші. — Келініңің бұл сөзі татулықта, отбасының берекесіне икемдегені екенін үккән кария сұық жанар, сұсты жүзіне жылу жүгіртті. Шамды шыр айналған көбелектей ұшып-қонып тыным таппай жүрген келіннің жазығы не? Жазығы – түзге отырғызып, моншаға түсіріп, дәретін алдырып, асты-үстін тазалап, «апалап» жүргені ме?

— Садағаң кетейін, келінжан-ай, сен болмасаң, бір сабак жіп жалынбай ма. Көзімнің куанышы, көңілімнің жұбанышы өзің-

сің. Жалғыз ұлға теріс батамды бермеймін, бірақ, бірақ... осындай қаттылығы қинайды мені. Таған жазғанның, атанасты жайлы әңгімені өзіміз бір оңаша отырғанда айтып беремін. Ал қазір анау үлдің қасына бар, долданып жүріп долы өзенге секіріп кетпесін, – деп жанарын шылаған жасты бет орамалымен сүртіп таstadtы.

– Апатаіым-ау, бүйтіп боларға да, болмасқа да босамаушы едіңіз ғой. Ерік бізден асып қайда барап дейсіз. Өзі соңғы кезде бір түрлі боп жүр. Әлгі вертолетші де кешікті. Сол келгенде, мәз-мейрам, қанбазар болып қалушы еді.

Айна далага шыққанда, Ерік мылтығының ұнғысын тазалап, қапшығын арқасына таңып, жол қамына қамданып тұр еді. Оғы жок мылтықтың дүмін кеудесіне тіреп, арғы жағалауды көздел көрді. Әйелі ептең басып келіп иығына қол салғанда, сол қарауылға қадалған қалпын өзгертуен жоқ.

– Омартаға екі қонжығын ерткен аю келді, – деді Айна.

– Қашан?! – деп жалт қарағанда, оқыс қимылдан шошина шегінген келіншек: – Алдыңғы күні тұнде, – деді көзі жаудырап.

– Ендеше, ол ұзаган жоқ, осы маңайды төңіректеп жүр. Іздеп табу керек.

– Оны қайтесің?

– Прохор үш жылдан бері аюдың терісін баласының терісімен қоса тауып бер деп, қолқалап жүр емес пе. Бір нәрсеге көңілі ауса, қырық жыл қыр сонынан қалмайды.

– Обал ғой, терінің қалаға қажеті қанша?

– Сәндік үшін. Екі креслоның басына екі қонжықтың терісін жауып, журнальный столикті алдына енесінің терісін жайып тасталық делік... Көз алдыңа елестетші, әдемі емес пе?.. Кейін қалаға көшіп, үй сатып алсақ, өзімізге де керек.

– Құрысын ондай сәндігі. Мениң тілімді алсан, ата көрме аюды.

– Ең әуелі атқыза ма деп сұрасаңшы... Жә, жолымды бөгеме, аттанамын. Егер Тағанның таңдайы тақылдай бастаса, бір саптыаяқ сыра жұтқыза сал. Көзіңнен таса кетпесін, өртеп жүрер...

Көкбестіге сарт етіп мінді де, тақымын қысып тебініп еді, иесінің әр қимылына сыралғы болып қалған құр ат тайпалада жөнелген. Қаққан қазықтай тіп-тік болып, ат үстінде қаздып

отырган күйеуінің ертегінің батырындай болат мұсініне қарап, сүйсінген Айна аспаннан ағып түскен бөтен бір асыл азamatқа қызыққандай, жанарыжанып ұзатып салды. Тихойды омыраулай кешіп, арғы жағаға өтіп, орманға сіңіп көзден тасаланғандаған, қимай курсініп кері оралды. Білегіне шелек іліп бие сауға беттегенде, үй сыртындағы отын жаппаның, алдында әлденені күбірлеп, ағаш жарып тұрган Тағанды көрді. Моторлы щербекпен кеспедектей туралған қарағайды балтамен қак-қақ айырады. Қаруы қайтпаған әрі орман арасында өскендіктен-ау, отын жарудың айла-тәсіліне төсөлген ыңғай танытады. Жарылған жаңқаларды жаппаның ішіне бақшалап жинап, тәлтіректеп жүрсе де, шаруасынан шалағайлық жібермейтін ісіне құнтты көрінеді. «Не айтып жүр екен, – деп ойлады Айна. – Өзімен сөйлесіп, әңгімесін тыңдаса... Қайдан көрдім? Жүзі құн өткен сайын жылы ұшырап барады». «Қайдан көрдім?» деген саяул тіпті тіміскілеп соңынан қалмай-ақ қойды. Бие сауып отырганда да, саумалды сабага құйып шыққанда да – осы бір қандауырдай қадалған ойдан арыла алмады.

«Қайдан көрдім?»

Күн сәске болғанда, ақ тер, кара тер болып быршып терлеп, бет-аузын жылымшы су басқан Таған балтаны лақтырып жіберді де: «шөлдедім!» – деп, аю талағандай қорқынышты үнмен айғайды салды дерсің. Оның оспадар даусын төсек үстінде шегеленген кемпір де естіді. Мынау жылдар бойы тыныштық ұйыған ағашты анғарда алғаш естілген айғай «жау шаптыдан» кем соқпап еді. Дұбірлі ел, думанды жерден жеріп, осынау сыңсыған жыныс орманның арасындағы алақандайған алаңқайға қашып тығылған ендігі момақан өмірлері кісікіктендіріп тастаған ба, немене, шошына елеңдетіп, тіпті сол оқтай атылған оқыс айғайдың қайталануын күткендей мे?.. Тәнірім-ау, адам дегеннің айдалада адасқан қаздай болып жаны жабырқап жүдеп жүргенде осындай есіріктеу айғайды сағынады екен-ау. Тәнірім-ау, айғай да адамның, серігі, бұл жалғаның жарығын жариялар, өзіннің қара жерді басып, тірі жүргенінді есіне салар жаршысы екен-ау...

Сасқалақтап үйге жүгіріп кірген Айна саптыаяқты пеш үстіндегі сыра ашытқан ағаш күбіге ала ұмтылып еді, оны кемпір тоқтатты.

– Қоя тұр, келінжан, – деді оң қолын жогары көтеріп. – Келсін де өзі осында. Шакыр.

Екі ортада салтыаяқты ұстап дедиіп түрып қалған Айна енесінің үнінен зіл байқады. Бұл шакта алты айрығынан тер саулаган Тағанның өзі де өз колеңкесіне өзі сүрінгендей, қалбалақтап жетіп қалып еді. Іші бос ыдыс ұстаған Айнаға:

– Немене, күйеуінің визасынсыз сыра бермеуші ме едің? Табан ет, маңдай терімнің ақысы емес пе... Есікте жүрген құлдың да бір аяқ астық құны бар емес пе, – деп шаптыға ежірейді.

– Сен, шырагым, өйтіп келініме кесірлігінді көрсетпе. Ондай оспадар сөз, ожар қылышқа үйренбеген. Сен біздің емес, құлқыныңың құлышың, білдің бе. Алтайдың аскарына аяқ-қолынды матап әкелген әміршің жоқ шығар. Келген екенсің, келімсек болмай жөніне көш. Енді бұдан былай сырраны тек менің рұқсатыммен ішесің. Консен осы, көнбесең көшке берген тайынды жетеле де, есің барда елінді тап. – Нюра Фадеевнаның дәл мұндайлық сілкініп, зекі сөйлегенін көрмеген келіні де арбалагандай абдырап қалды. Салтыаяқты пештің төбесіне тастай салды да, біреу иығынан басып қалғандай сылқ етіп отыра кетті. Табалдырықты басып, не ары жоқ, не бері жоқ сілейіп тұрган Таған самайынан құлаған тер тамшысын сұқ саусағымен сұрткілеп, не істерін білмей абдырады. Төсек үстіндегі құс жастыққа арқасын тірер мығым жайғасқан кемпірдің көкпенбек көзінен ызгар мен шоқ сезілді, енді бір сөз қайырса, қарғып түрып бас салтындей.

– Баспа табалдырықты, жаман ырым! Kip үйге! – деп еді, Таған қаттырақ басса, тақтай сынып кететіндей мысық табандап үйге кірді. – Отыр сереймей, осы үйдің бел ағашы сен төбенмен тіремесең де түсіп кетпес. Тегің қандай еді, елің қандай еді... сойына сойыл жұмсаған саудайы неме...

– Эй, апа, апатай, – деп қыбыжықтады, – мен сізді әлі сыйлап отырмын, мұндай ауыр сөзді ешкімнен, ешқашанда естіп көрген жокпын.

– Апа-ау, айналайын апам-ау, сырасын беріп құтылайықшы. Өніңіз бұзылып кетті ғой, – деп Айна кемпірдің жанына барып қолынан ұстады. – Сізге ренжуге болмайды.

– Мұндай сөзді естімегендіктен есіріп жүрсің. Әkenің шапалағы, ананың алақанын көрмегеннің көргенсіз болары содан.

– Шеше, сіз Ерікке де осылай осып-осып ұрсасыз ба? – деп жуаси сұрады Таған.

— Ол сен секілді өз ақылын өзі ішіп, көрінгеннің босағасында итаршылықта жүрген жок.

— Немене, жуынды-шайындыңызга семіріп кетер деп қорқасыз ба...

— Байқасаңыз қайтеді, жігітім, — деді Айна шыдай алмай ара түсіп.

— Келінжан, араласпа, бұл азаматпен арадағы айттыстың басығана. Бұл — менің де балам, тек сезбей секіріп жүр. Жарықтық шешесі Аналықпен бірге мен де емізгем. Ақ сүтімді ақтасын дегенім емес, кіммен тәжікелесіп тәйтік кетіп отырғанын білсін дегенім.

Таған: «Е, бәсе... дегенмен... ана ақ сүтін сатпас болар...» — деп бұлғалақтай бастап еді, кемпір: «Анаңмен айттысайын деп пе едің?» деген соң, сөзінің соңын жөтелге жетелеп жіберді. Айна енесінің тарамыстанып, тамырлары адырайып шығып кеткен қолын сипалап байыз тапты.

— Егер осы үйде қыстағың келсе, қояр шартым бар — деді Нұркө кемпір, — тек менің ғана тілімді алып, айтқанымды істейсің, айдағаныма жүресің.

— Үйбай-аяу, шеше-аяу, менің бассалым, тойыс, қожайыным — Ерік қой. Сол кісінің қарамағындаын. Бір басыма екі бастық ауыр тимей ме? Яғни, менің бассалымның бассалы — маған бассал емес...

— Сиырқұйымшақтатпа, бассал-массалынды білмеймін, Ерік те менің балам, сөзімнен шықпайды. Жастайыңнан жан жолдасың болып қалған ашқылтымынды пышақ кескендей тыбып таста деп айта алмаймын. Ондай ерлік екеуміздің де еркімізде емес, бірақ қунде кешке моншага түсесің, жатар алдында сыраны аузыңа татып алмайсың. Бұл — бір. Екінші шартым — ертең, ерте тұрганда, Айна қайнаган суга бұқтырып, дайындал берген шепті ішесің. Оның, неден жасалғанын, қандай шөп екенін сұрап әуре болмай-ақ қой, бәрібір айтпаймын, ал оның сырын жеті көкжарлы елінде менен басқа тірі жан білмейді. Сол дәріленген сусынды ашқарынға ішкен соң, жүгірген қалпың өзенге барып, шомыласың, алдымен денен үйренгенше, жеңіл-желпі жуынып бастап.

— Үй-бай-аяу, шеше-еке-аяу, қыстығұні қайтемін? — деп желкесін қасыды. Әлпетінде әлі де болса әзіл, Нұркенің ақылына көне де, сене де қоймас мысқыл бар.

— Қыста қармен жуынасың. Еңбектің де емдік қасиеті бар, балам, көп қимылда — арам терің, арам асың шықсын. Құдай-ау, «Жаман иттің атын бөрібасар қояды» дегендей, сыраны да «ас» деппін-ау.

— Суық суға түскенде, суық тиіп ауырсам қайтем. Мынау ит өлген жерге — екі қонып салт атпен әрең жетер ұры-түкпірге «Скорый помыш» келер дейсіз бе?

— Тәйтәрі, тілің мен жағыңа сүйенбей. Сұмырай су ішіп ауырғаннан суық тиіп ауырған сарап, шырағым. Ондай жеңіл-желпі түшкіріп-пышқыратын сырқаттың сырьы мәлім, бір үшкіргенімнен қалмайды. Сенбесен сұра Айна мен Еріктен. Ал енді сен, Таған, айналайын балам, ерте айырылған ата-анаңың аруағын сыйласаң, өлгендерді өкпелеткің келмесе, орында осыларымды.

— Өке-шешемді есіме түсіре берменізші, апа, жылаймын...

— Эй, қайдам, сен жылауды да ұмытқан шығарсың. Адамның көз жасы — жаңының нөсері, сіркіреп-сіркіреп алса, арты айығады, көңлі көгереді.

— Көндім, оллағи, көндім айтқандарыңызға. Дегенмен... бүгінше сол ережелерді бұзуға бола ма, ақырғы рет... ертең ерте бастасам...

— Түһ, бұған айтып сөз, ұрып таяқ өтпес, — деп шаршады Айна.

— Бер, — деді кемпір, — ішсін атая-кересін. Бірақ ертеңнен бастап басқаша сайрайсың, ұқтың ба, ұлым!

— Ұқтым, апа, ұқтым, — деп, Айна ұсынған сырага қолдары қалтырап ұмтыла берді.

— Кай-те-ей-ін, қарағым, әлі ештеңе ұға қойған жоқсың-ау. «Қарғайын десем — жалғызым, қарғамайын десем — жалмаузыым» дегенді осылайша тығырыққа тірелгенде айтқан екен-ау.

Сыраны сіміріп алған соң, жеңін әдетінше иіскең жіберіп, аузын соя қолымен сұртіп өткен Таған:

— Ал, апа, енді қарекеткө кірісейін, — деді есікке қарай жылыстап.

— Бара ғой. — Нюра Фадеевнаның үні жұмсақ шықты, — бара ғой, балам, кешке моншага түсуді ұмытпағайсың.

— Ой, ол тасмоншага жуынғанды қойып, түнеп шығайын.

— Үлкен борыштан құтылғандай ыржалактай құліп, тыска шықты.

Ол кеткен соң, енесінің жанында отырған Айна:

— Осы кісінің адам қатарына қосыларына күмәні бар, — деді түніліп: — «Тұқымың текті еді, әке-шешендей білуші едім» деп, қайта-қайта пысықтай бересіз, қайраттансын деп қайрағаныңыз ба, әлде расында да, мықты рудан шығып па еді?

— Рас, келінжан, рас, әкесі мен шешесінің өмір тарихын кейін айтып беремін, ал атасы Мақажан Алтайды жайлаған Қаратайдың елді аузына қаратқан ақыны еді ғой. Бұларды Дәүлеттің ішіндегі Көкі дейді. Мақажаның түсінде Қызырассалам «Көген аласың ба, өлең аласың ба?» деп, аян бергенде, «өлең аламын» деп, өлеңдетіп тұрған екен деседі. Қазақ айтты деген асыл сөз, жақсы өлең ертеректе көп естілетін, казір оны білетін адамдар қалмай да барады.

Тіпті Қаратайда аузы дуалы ақын, домбыра шертер күйші, шырқап салған әнші болмағандай тып-типыл, дауыл құлатқан қарағайдай кабығы шіріп түсіп, молаққа айналғандай ма... Ана елдің әні, ана жерде туған күй деп, радиодан айтып-ак жатады, сонда деймін-ау, Алтай қазақтарының сай-сүйегінді сырқыратар қоңыр да майда, сынсып салар мұңлы әні қайда? Кім оның жоктаушысы?! Жаңағы ашы суға алданып жүрген Таған ба, жоқ болмаса, дүниекоңыз күй кешіп жүрген өз ұлым Ерік пе? Міне, менің көбі кетіп, азы қалған өмірімде жанымды қинайтын осы жайт, Айнам, осы... Ел азарда ер-азаматы атак құғыш тақ құмар, қыз-келіншегі дүние құғыш баққұмар келеді. Ал «бақ дегенің – тойға келген қыз емес пе, байлық деген – қолға ұстаган мұз емес пе, бала – артта қалған із емес пе» деп, бұрынғылар бекер айтпаған. Қырықтан асқанша не үй, не күй жоқ Тағаннан не қайыр, не үміт. Кейде мен анау төбедегі тақтайға жападан-жалғыз тесіліп қарап жатып ойлаймын: Тәнірім-ау, ат төбеліндей ауыл тайлы-таяғы қалмай маскунем болып кеткенде, ертеңгі құні не болады, тоз-тозы шығып тозып таусылмай ма? Не білген ойлары бар? Ишімдік деген пәле бұл елге қашан дерт болып жабысты? Қашан? Кейде ойлаймын, осы жүрт атау-кересінішіп жүрген жоқ па деп. Ал атау-керені – өлер алдында, актық демі таусылғандаған ұрттайтын.

— Мен білмеуші едім,— деді күрсіне тіл қатқан Айна.

— Нені? – деді енесі сөзін бөлгенге елендей сұрап.

— Атау-кере деген сөздің төркінін.

— Алда-жалда арғы дүниеге аттанар болсам, маған да ішкізесің.

— Қойыңызшы, апа, қайдағыны айтады екенсіз. Өздігінізден жүре алмағаныңыз болмаса, денсаулығыңыз мықты ғой. Ауырсынып отыргандай, күн құргаттай жиналасыз...

— Төрімнен көрім жуық екенін несіне жасырайын. Өмірдің қадірін білу үшін, өлімді де ойла деген. Мың жасайтын адам бар ма. Қорқыт та ажалдан қашып құтыла алмаған. Лұқпан-хәкім де ажалдан айласын асыра алмаған...

Кимешек-шылауыш киіп аппақ шатырдың астында отыргандай аналық мол мейірім төккен Нюра Фадеевнаның әр сөз, әр қымылынан кіршікіз тазалықпен қатар, кісіні арбап алар кірпияздық, кісіні баурап алар бауырмалдық, тек абыл бәйбішелерге ғана жарасар жайсақ мінез, саумал сабыр, самалдай байсалдылықты анғарасың. Ұзынша біткен ақ жүзі ренжіген сәттерінде сәл сұрланатын да, ал көnlі хош, жаны жадыраңқы мезетте жүзі шырайланып, маңдайына шуақ таратып, шешіле сөйлеп шешен болып кетер еді. Көбінесе үнсіз, бір нүктеге қадала қарап отыратын Нұрке кемпір жалғыздықтың аралына адасып қалған қаздай үнсіздіктің торынан шыққысы, қанатын қомдап, қаңқылдай ұшқысы келер еді. Сырттай бақылаған пендеге: бәрі бар, бәрі жеткілікті, құдайдан жалғыз ұлының тілеуін тілеп отыра берер көшелі де көсем жасқа келді; өмірінің, барлық ыстық-суығы сонында қалды, алдан күтер ештеңесі жоқ алланың «каманатын» орындау ғана. Ол әсте де қара басының мұң-мұқтажын емес, қаймана халық, қайран елінің ертеңін ойлап амалсызданатын. Қартайған адамның талайына тән: баяғысын көксеп гөй-гөйлеу ме бүл; әлде әлемнің барған сайын апшысы қуырылып, байсын жер байсалдылығынан айырылып, астан-кестен қүйге түсіү тыныштығын бұзды ма екен, қалай десек те, төр жайлауда төсек үстіндеге, мамық жастықтың бірін артына, бірін шынтағына тіреп, не ішем, не кием десе де құзыры жүріп тұрган Нұрке кемпір мінезінде шатынау, тірлігінде алаң бар. Әсіресе, анау маскүнем жігіт келгеннен бері желсіз күнгі айна көлдей жайма-шуақ мамырлаған өміріне өзгеріс кірді, жылжыған жылдар, күркіреген күндер тасасында қалған ғұмырнамасы қайта жаңғырышып, жап-жана қалпында көз алдына келе берді.

— Неге екенін бір алланың өзі біледі, соңғы кездे аруақтар түсіме көп кіріп жүр, — деді аз-кем тыныштықтың тығынын қайта ағытып. — Жарықтық қайын атам құранын алдына

өңгеріп, Мұзтаудан құлдан келе жатыр еken деймін. Алдынан шығып, қолтығынан демеп аттан түсіремін... маңдайымнан іскеп: «сусын бар ма, келінжан» дейді. Мен қымыз ұсынып едім: «бал сыраң болушы еді фой» дегені қымызды місе тұттай. Меккеге барып, қажы атанаң қайтқан молда атамың сырғағаны мені қайран қалдырыды. Өз ойымнан өзім шошып оянды... Иә, жатқан жерін жаннат, қараңғы көрін жарық болғыр атамың, көзі тірісінде бұл ауыл арақ дегенді аузына алмаушы еді. Қазіргі анқау елдің аракқа құмар молдалары сілекей шұбырып, мас болып отырып құран өкітінды шығарды. Өтірікті судай сапырып, зуылдатқан ондай арамзаның бетіне түкіріп жібергенім әлі есімде.

– Сіз де құран өкі аласыз ба? – деп әуестенді келіні.

– Әрине. Әйел заты құранды құбірлеп, ішінен өкіды, ал мен дауыстап окушы едім. Атам жарықтық «егер еркек молда жоқ болса, өкі бер» деп рұқсатын берген. Содан бері үйреніп кетсем керек.

– Намазды үндемей өкісіз фой.

– Әй, анқауым-ай, ададым-ай, енді осы жалғыз үйді басыма көтеріп «Құл-қу аллалап» отырсам, «апам құтырған еken» демейсіндер ме. Сенен сұрапым, – деді кемпір Айнаның қолынан сүйіп.– Анау Тағанға қамқор бол. Көп ашуландыра бермендер. Қиялданған сайын қышқылтымға ұмтылар. Кісі қарадан қарап жүріп ішімдікке құмар болмайды. Маскунемдікке итермелеген бір себеп бар. Атасы Мақажан қандай құғын-сүргін көрсе де мойымай, ел мен жердің шырқын бұзған Ісләм-нәшінге:

Арқаға біткен қайынды,
Білемін қалмак жайынды,
Жолаушыға беруші ек,
Талқан менен шайынды.
Обада жатып өлуші ең,
Көлденең тістеп найынды,
Қазаққа кеп байып алған соң,
Ұмыттың фой құдайынды, –

деп, ежетекірекке алып еді-ау. Кайран, от ауызды, орақ тілді Мақа-ай, сен де күндей күркіреп, жаңбырдай сіркіреп өте шықтың мынау жалғаннан; ұрпағың болса – анау, мәшина секілді – сырға құймасаң, от алмай жатып алатын. Жайлауыннан сән, ұрымыннан мән кете ме деп қорқамын.

– Жүрттың бәрі олай емес қой, апа. Ерік екеуміз аузымызға татып алмаймыз.

– Оның да рас. Бірақ ішпегеннің бәрі тағы да акылды, ішкеннің бәрі акымақ емесін де білемін. Менің білмейтінім – Мақажанның жүргегі, алты алашты аузына қаратқан көріпкел өлеңі қайда? Кім тонал алған? Неге жазбаймыз? Менің ұлымда адамға керекті асыл қасиеттің бәрі бар, тек өлеңі жоқ. Өзінікін былай қоялық, тіпті өзгенікінің бір ауыз жырын білмейді, тіпті мұрнынан болса да ыңылдалап ән айтқанын естімей өлөтін болдым.

– Әншіміз табылды ғой, апа, бір тауға бір әнші жетер.

– Сен немене, күйеуінді жамандағаныма ренжіп қалдың ба, келінжан, – Нұркенің бетіне құлкі үйірілді.

– Сізге ренжуге бола ма? – Екеуді жаңа табыскандай құшактасып, бірінің бетінен бірі сүйді.

– Айналайын, шошып оянғанда, куанып уанатын жансерігім менің.

– Ойбу, биенің сауымы өтіп кеткен-ау, – деп, қабырғадағы таңдайы тақылдалап, тілі салақтаған сағатқа қараған Айна жаулығын түзеп асығыс шыға жөнелді. Мейірлене мекіренген енесі біразға дейін «бергеніңе шүкір» деп, тәнірді жарылқап, сүйсіне құбірлекен. Тал түске көтерілген күн ағаш үйдің терезесінен сығалап, ептеп сыздау тартып, қоңыр көлеңкеленіп тұрар бөлмелерге жып-жылы сәулесін құйды. Айдың аты, күннің сәтінен календарьсыз жаңылмайтын Нюра Фадеевна бүгін жексенбі екенін білетін. Тура қарсы алдындағы есік жақ қабырғадағы көгендеулі тұрған календарь бір жұмадан бері жыртылмай тұрғанын көрді. «Ұмытып кеткен ғой». Адамның өмірін бір жапырақ қағазға тізіп, күн-күн сайын айырып, лақтырып тастап отырар тірліктің тұрлаусыздығы мен баяны жоқ өтпелілігіне өкпеледің не, өкпелемедің не – ешқандай күш тоқтата алмайтын салқар көш секілді, жасы жетіп қартайғандарды, ауру-сырқауларды сонына қалдырып, түсіп қалған буыншақ-түйіншек жүктеріне де қайырылмай, алладан сұрасаң да аялдамай ертеңіне – мүлдем белгісіз тұманды сонарына соза тартып аттана береді. Осынау уақыт, замана атты ұлы көштің шаңын жұтып, жүртта қалғандар қаншама, саусақпен санап тауыса алмайсын, біреуді құдай қанғыртады, енді біреулер құдай бұйрығына көнбей өзі қанғырады демекші,

зымыраған заманның зым-зия жоғалтқаны немесе өздігінен ізім-қайым жоғалғаны қаншама. Ел шыдағанға бел шыдамай, кириланған қалса, оған кім кінелі?! Тіпті осы кінәлілерді іздеп табудан қын не бар? Кейде, «мұмкін, өз әке-шешемнің, тым ерте кеткен Тағанның әкесі мен шешенің жасын маған жиып берген шығар. Әйтпесе жетпістің жетісіне келердей алла тағалаға не өткізіп қойыптын» деп ойлайтын. Осы ой арадай анталаса болды, ұлы көшке ілесе алмай, жол ортада тоғырақ қауып қалып қойған құрбы-құрдастары мұңцақ қарап: «Әй, қақпас, жалғыз ұлынды алдыңа салып жүрмे?» деп, кінәлайтындағы, табалайтындағы... Мұның жазығы не? Жазығы көп жасағаны ма? «Жалғыз ұл» демекші, Нұрке кемпір өмірінде екі-үш құрсақ көтерді. Шетінеді, түсік тастады. Шетінеткен сол кездегі қылыш-қылыш заман, түсік тастатқан – ауыр жұмыс, зіл-батпан тағдыры. Еріктің құйрық-жалсыз қалғаны да содан. Құдай оны да көргендей, бауырына бала бітірмеді. «Құдайдың бөліп берері жок, біреуден біреуге алып береді» деген сөз, тегі, рас па. Анау ойдағы ауылда он баласы бар, бірақ асырай алмай көпсініп, «өңкей бокташак» деп, қарғап-сілеп жүргендер қаншама. Құдай тобелерінен ұрысн, бір қозы туса, бір түп жусан шықпай ма? Асырай алмаса, өкіметтің құшағы кең емес пе. Балаларын ашаршылық жылы да аман алып қалып қалды емес пе бұл ел».

Ашаршылық демекші... Нюора Фадеевнаның сол бір зауал кезең туралы айтары көп, тіпті ендігі қалған өмірінде аманнантап тауыса алмас ұзақ сонар, есіне түссе, қазір де үйқысынан шошып оянар қасіретті хал, қайғылы оқиға; қаймана қазақты оңдырмластай етіп отап түскен лағнетті жыл; ашкөз адамдарды аздырып-тоздырган, мал мен жаннан сипандай болып айырылған ақсүйек жұт, азамат малсыз, арғымақ жалсыз қалған қанқүйлы мезгілдің сор сорғалаған құрығы өзінің де басына тиіп еді-ау, анталаған жау, антүрган ұры-қарысы, ерегескен дұшпаны жоқ халықтың бостандықка, теңдікке қолы енді ғана жетіп, жетісеміз деп отырған шағында шаңырағы ортасына түсіп, өрт шалған ормандай қара қүйік болып қалуы – қандай ғана қасиетсіздің қарғысы еді; қандай ғана қанды қолдың ойлап тапқан жәдігөйлігі, ар-ұят пен адамшылықтан безген имансыздығы еді; бостандық келді» деп, жұмақ орнағандай далақтаған қазақты аспаннан жай түскендей естанды қүйге

душар еткен не? Ботадай боздатқан, қайыршыдай қаңғыртып жіберген кім? Жаназасыз, көмусіз, құнсыз қырылып қалған ауылдастарымның обал-сауабы кімде? Енді ғана «аталап, апалап» тәй-тәй басқан тұңғыш қызымның аузы акқа жарымай, әбден шандырланып бос торсықтай болып қалған сүтсіз емшегінді тырмалап, көз алдында көгеріп-сазарып жантәслімін бергенін қалай ұмыттайын өзімнің де аузымнан қара су ағып, аш иттей бұралып, ыңырып жатқан жерімде, осы Тағаннның шешесі Аналық емес пе еді, басымнан сүйеп нәр сыздырған; үйіне апарып бағып-кағып, жалғыз дәнді өзі жемей ұсынған, апалы-сіңлідей жанымыз жарасып кетіп еді-ау...

Иә, Нюра Фадеевна мен Аналық апалы-сіңлілердей болып, ең бір ауыр да азапты жылдарды бірге өткізді. «Достық қындықта сыналады» деген сөзді жиі айтқанмен, осы құдіретті ұғымның қадірін бұлардан артық ешкім білмейді, бұлардан артық туысқанды әлемді әлденеше адактасаң да таба алmas едің. Осы өр Қаратайдың үйіріп қайырып, үрлеп ішіп отырған бірен-саран байын тәркілеп, тәртіпке сала бастағанда, конфискацияның тізіміне Нұркениң күйеуі Қандауыр да іліккен. Өздерінің күнделікті ішіп-жемінен аспайтын орташа ғана шаруасы бар, сол орташа шаруасын ешқашан да шашау шығарып көрмеген үйелменнін басына да қара үәлт торлап тықыр таянған. Әкесі Фадеймен талай дәмдес болып, арқаларынан қағысып «тамыр» деп, тамашасынан қалдырмайтын, Фадей досынсыз ішкен асы тамағынан өтпейтін Әбдікерім болыс бар малын тәркіге өткізіп, құрық мініп қалған соң, аргы бетке қашып құтылды. Жалғыз кеткен жоқ, бала-шаға, ағайын тұмасын ерте кетті. Сол Әбдікерім салдырған Шыңғыстай мектебінде Нұркемен бірге Қатонқарағайдың талай орыс-қазақ балалары сауатын ашты. Әлі күнге дейін сол мектеп қаз-қалпында, жарты ғасырдан асты, балаларға білім беріп келеді. Қандауырды да алғаш рет сол мектепте көріп, танысып еді ғой, айрылмастай болып табысып еді ғой. Аумалы-төкпелі заман туып, айрандай ұбып отырған халық қақ жарылған тұста да бөрі тигендей бөрліккен жұмысы жоқ елмен бірге жұмақ жер іздел тау аса көшкенде де, мұрнын тескен тайлақтай елпендереп еріп кетпеген. Сол кезде қайраган қылыштай қылышылдаған жас жігіт Қандауыр мен Тағаннның әкесі Көкен құйрық-жалы жарасқан қос торыдай үзенгілес дос еді, лаң күндерде де қара басын сауғалап лаға

қашқан жоқ, жаңа өкіметтің жағасына да жармаспады, «елмен көрген ұлы той» деп, жаңадан құрылған косшы, серіктікке де алғашқылардың бірі болып кірді. «Орташаның» тізіміне тізілсе де, тәрігі басталмай тұрып-ақ, бар малын өзі өткізді. Бірақ сол бір зауал шақта қара тізімге бір ілінген адамның көрге кіргенше көгергені, қөңілі ашылып сергігенді бар ма, тәйірі, өле-өлгенше қуғын-сүргіннен арылған жоқ. Семьясымен жер аударамыз дегенде, дегендеріне қонді: «өзімді ит жеккенге айдасандар да, әйелімді туған жерінде қалдырындар, емшекте жас баласы бар, сәбиді аяңдар, айналайын өкімет өкілдері» деп, аяқтарына бас ұрған соң, ана мен баланы қалдырып, оны алдарына салып айдал кеткен. Содан кеп ұзамай, байлардан тартып алған мыңғырған майдың көбін төменгі жаққа айдал әкетті, қалған-құтқаның ортақтастырамыз деп, шебі жоқ қораға маңыратып, мөңіретіп қамады, ал арзан бағаға сатып алған тұлікті кедей-кепшік қазақы мінезben аз-ақ құннің ішінде мәз-мейрам сойып жеп алды. Содан 1932 жыл, яғни мешін жылының ашаршылығы басталды. Тігерге тұяқ қалмаған, бар үмітті, бар жақсылықты, бар байлықты жалаулатып келген, алаулатып енген кеңес өкіметінен дәметті. Әсіресе, қазақтың дәметкіш қөңілі «Өкімет деген – өзіміз, ендеше, өзінді өзің асырайсын» деген ұрда-жық ұранның байыбына бара қойған жоқ. Құрсағын мықтап тұрып бір рет толтырып алды да, көздері шүнірейіп аштан қырыла бастады. Қол ұшын берер, қолтығынан демер, алыстан арбалап астық тасыр ешкімі жоқ, кайран ғана анқау да адал ел – ертеңгі құні белгісіз, ертеңгі құні тұманды – ертеңгі құніне саусақ жая талпына дірілдеп, жел қопарған діңгектей құлады-ай; сұлық түсіп сұлады-ау... Сол заманының қаттылығыны «қателігі» деп ұғар зерде жоқ, «бұнмыз асыра сілтеушілік» деп айттар пенде жоқ, осынау «жоқтардың» жоқтауын естір құлак жоқ, қынадай қырылды, арқасүйер ардақтысынан айырылған Нюра Фадеевнаны ағаштан киып салған үйінен қарашаның кары түскенде куып шығып, жаңа ұйымдастан қосшының бастығы кіріп алды. Ананың ақ жүзі қуарды, ақ суті суалды: бір жастан енді ғана асқан қызын бауырына басып, баспанасыз далада қалды. Міне, осы кездे Аналық жетелеп өз үйіне апарды, асырады, сақтады. Алтайдың созаландап таусылып бітпейтін ұз-а-ақ қысынан ілдалдалап әрең шықты. Карны тойып тамақ ішпеген ананың омырауынан сүт шығушы

ма еді, екі үйлі жанның қарап отырған қара сиырына жегізер шөп тақа таусылып, ағаштың бүрі мен теректің қабығын сыйдырып беріп асырап еді, көтеремге айналған хайуанның емшегі шандырланып суалды. Наурыз туа, әбден тұлақ болған сиыр көзі алайып қорада қатып қалған. Көкен айдалып кеткен Қандауырдың мылтығын иығына асып аң қарады. Алғашында күпсек қарға малтығып өлген елікті тауып алып талғажау жасап еді, бұдан соң жазғытурымның қара қатқағында қарға мен сауысқанға ауыз салған. Ауыл адамдары, әсіресе, қарттар жағы бірінен соң бірі өле бастады. Оларды арулап көмер дәрмен жоқ, көк аязданған тоң жерді қазар әл-қуат жоқ, жер жібігендे қабірлерміз деп, мәйітті қармен бүркеп жасырған еді. Кейбірі азық іздең алышқа ұзап кетті. Алтай асып, Ойманға ауды. Үлкен Нарынға құллады. Сол сапардан оралғандары бар, орала алмай жол бойында кол шанасын сүйретіп қатып қалғандар бар. Бұл өр Алтайда наурыз айында да қардың көбесі сөгілмей, сіресіп жататын. Құннің көзіне арқасын тосқан үйдің төбесіндегі, жолдың ернеуіндегі қардың шеті ғана еріншектене ерігені болмаса, тау-тас, жон-қыраттар ақ күпісін оңайшылықпен шеше қоймайтын. Осындағанда қара қатқақ құннің бірінде, тунде ғана бүлкілдеп, шешесінің омырауын сипалап, қыңқылдан жатқан қызы мәңгілікке көзін жұмып еді. Қойнында тар құрсағын кеңіткен, тас емшегін жібіткен туған баласы емес, бір кесек мұз жатқандай шошына айқайлап тұрган Нюра ақ қар, көк мұзды далаға жалаң аяқ, жалаң бас атып шықты. Аналық пен Көкен Бұқтырмаға қарай безектеген келіншекті әрән дегенде қуып жетіп, кері қайтарған. Нюра Фадеевна сол сәтте шынымен-ақ өлгісі келіп еді. Өмірді бар ділімен жек көрді, ол құдайды ит терісін басына қаптап қарғап-сіледі. Кейін ес-акылын жиып, бағырай қуаттанған шақта, алла тағаладан ашумен айтқан гайбат сөзі, жасаған құнәсі үшін талай рет жалбарынып кешірім сұрады. Екі жылдан соң еліне қайтып оралған күйеуі – Қандауыр: «Сонда сен құдайдан ракым күтіп, кешірім сұрадың? Мұхаметтен бе, әлде Христостан ба?» – деп, талай рет әзілдеп, ызаландыратын. «Күдай біреу, – деген сонда Нюра Фадеевна ыстық ықылас, бар махабbatпен. – Тек пайғамбарлар мен сенім ғана әр үлтта әр басқа. Ендеше, мен жер бетіндегі немесе қолдан суретін салған бұрыштағыларға емес, аспандағы құдіреті күшті Күдайға сыйынамын әрі сенемін!» Обалы,

кәне, Қандауыр дінсіз еді, табиғаттан тыс тылсым күш барына иланған емес, тек өзіне, өз қүшіне сенетін. Қалай дегенмен ұлы Еріктің кейбір қылыштары, әсіресе, қатты да қайратты мінезі әкесіне тартқан, тек өзімшілдігі ғана бөтен...

Бесіктен белі шықпай жантәслімін берген, көпе-көрнеу аштан өлтіріп алған тұла бойы тұнғышының қазасы көпке дейін көз алдынан кептей қойды.

«ӨЗІ ДЕ БҮЛ ДУНИЕГЕ СЫЙМАЙТЫНДАЙ ӘДЕМІ ЕДІ-АУ. ЖАНАРЫ ОТТАЙ ЖАНЫП ТҮРАТЫН», – деп күрсінді Нұркө кемпір.

Дегенмен, Алтай қазактары дәл Арқадағыдай жаппай қырылған жоқ-ты. Тісінің сұын сорғандай боп қыстан шығып, көктемге ілінгендерінің негізгі қорегі табиғаттың жүгірген ан, ұшқан құсы болса, кейбірі ата-бабасының салтында жоқ, сүйегіне таңба болып, ұрпағын ұятқа қалдырап іске амалсыз барғандары да бар, яғни ит етін де қорек етті. Кейін сол ауыл «Бес ит жеген» аталаған кетті... Ал көктем туып, ой-қырдың қары еріп, көк шыққанда, ауылдың тамам жұрты тайлы-таяғы қалмай жайлауға көшті. Сонда таудың сай-саласы, қыратжотасы көгеннен ағытылған қозыдай жамыраған халыққа толып, көзіне көрінген өсімдікті талшық ете бастады. Әсіресе, беткей-беткейдегі бұл өнірдің елі «бек» деп атайдын – сәбізге ұқсас шөпті түбін қазып жеп, қарның күр қампайтып, екі езуінен көбік аққан аш-жалаңаш адамдар Нюра Фадеевнаның күні бүгін көз алдында. Әсіресе, жайлаудың жап-жасыл шалғынына малша жайылған бала-шага, әйел-еркек, кемпір-шалдардың сол кеспірі мен ұсыны күндіз есінен, тұнде түсінен шықпайды. Жастар жағы Алтайдың омырауынан саулаған сансыз бұлақтың өн бойын куалап, белуардан су кешіп, балық ұстап жеді, күзде балқарагай дәнін талғажау жасады. Әйтеуір, өлмегенге өлі балық жолығып, жан сақтады. Таңғы нәсібін тәнірден күтетін қазактың жайбасарлығына асыра сілтеудің сауатсыз саясаты қосылып, сандаған жұрағат жан тапсырды да, мың өліп, мың тіріліп үйренген қара табан, қара жон сормаңдай елдің тірі қалғандары қыбыр-жыбыр тіршілігін қайта бастады. Кайран қазактың басына тұған осынау қасіретті тен бөліскен тұрғылықты орыстар алдындағы малы, ауылдындағы жанынан айырылған «тамырларын» бұдан ары қарай қалай аштан өліп, көштен қалмаудың жолын нұсқап, егіншілікке үйренуде

мұрындық болды. Өкімет тарапынан тиген азын-аулақ астықты соқаға өздері ат болып жегіліп, жер жыртып септі. Бұрынғыша «ал» деп асап қоймай, бір дәннен бір масақ алды, бір малын төлдетіп екеу етті. Қосшыға бірікті. Қор жинады. Міне, көп түкірсе көл дегендей, тағдырдың тәлкегін онбай тартқан халық еңсесін қайтадан көтерген. Еңсесін қайта көтерген тұста... «Халық жауы» қаптап кетті.

«УҢ, АЛЛАМ-АЙ, ОЛ Да БІР ЗАУАЛ БОЛДЫ ФОЙ, –ДЕП ТАҒЫ КҮРСІНДІ НҮРКЕ КЕМПІР. – АЙТЫП-АЙТПАЙ НЕ КЕРЕК, ҚҰСАЛЫҚПЕН ӨТКЕН ЖЫЛДАРДЫ ЖОҚТАП ЖЫЛАҒАННАН КӨЗ ЖАСЫҢ ТАУСЫЛМАЙДЫ ЕКЕН».

...1932 жылдың ызғары артта қалып, еңсені езіп, ел мойнына қыл бұрау байланған заманның зары мен шерменде шерін ұмытып, құба төбел тірлікке көшкен сәл жылымық шакта, іргелес отырған екі үй – Қандауыр мен Қекеннің де шаңырағынан шуақ жауғандай еді. Жазықсыз айдалып, байланып кеткен «орташа» Қандауыр ағарып қайтып оралды, Қекен болса жаңадан ұйымдастан «Ынтымақ» колхозының бастығына сайданып, ал Қандауыр оның еңбеккүн жазатын есепшісі болды. Сөйтіп, бұрынғы аяқ-табагы араласып отырған қос семьяның да ошақ оты жылтында, қазаны қоңырысып иіс шыққан. Тойып тاماқ ішпесе де, торқадан көйлек кимесе де, ашаршылықтан соңғы аз жылдың тыныштығына жылынғандай еді. Күйеуі аман-есен қайтып оралған соң, Нюра Фадеевна екінші құрсақ көтерді. Аяғы ауыр құрбысының барлық күтімін әзірше сыйбай-салтаң жүрген Аналиқ тағы да өз колына алды. Айы-күні жетіп толғақ қысканда да, құр керіп, «тұс-тұстеп» келсап түйген, перзентінің кіндігін кесіп, тұмсығынан сығып алған да – айналайын Аналиқ еді-ау.

«АНАЛЫҚТЫҢ ЖАҚСЫЛЫҒЫН ҚАЙТИП ҰМЫТАЙ-ЫН», – деп күрсінді Нүркес кемпір.

Бір жыл өткен соң, Аналиқтың өзі де жүкті болып, ұл туды. Бұл өнірдің ең үлкен байлығы – картошканы мол ғып асып, той жасағандары әлі есінде. Екі үйдің ортақ малы – қоңыр тайынша бұзаулағанда, қандай қуанып еді. Иә, ол кезде болар-болмас нәрсенің барлығы қуаныш, көңілге жұбаныш болушы еді. Жоқтан өзгеге алданатын жас баладай, анқау да адад мезгілдің жалғыз-ақ ұраны бар болатын – **ЛЮБЫМ СПОСОБОМ ВЫЖИТЬ!**

Осы бір соңғы сөз ойына оралған сәтте, атам заманда қазақ әйеліне айналып кеткен кемпір өз-өзінен селк етіп, шошынып қалды.

«Құдайдың құдіреті, алжын дедім бе, кейінгі кезде кейбір нәрсеге орысша ойланып жүргенім не?» – деп күбірледі.

Айтпакшы, Нюра Фадеевнаның екінші бөлесі де қыз еді. Аналықтың ұлынан бір жарым жыл үлкендігі бар, бесіктегі жас сәбиді алданыш етіп, тірі ойыншығы секілді әлдилеп, тербетіп ойнап, жанынан щықпайтын. Айрандай ұйыған достықтарына көз алартып, қызығаныш билдірушілер де табылды. Құні кешеғана зұлпаттың аямай соққан дауылын мұлдем ұмытқандай ұлы көштің соңынан қайта салпақтаған ағайынның айғай-сүрені қайта басталып, аз қунғі тыныштықты көтере алмай, болымсыз тірлікке мастану бар еді. Тап ретінде жойып жіберген қондылар мен орташалардың қашпай, қамалмай жүрген қалған-құтқандарының бессадыра жүдеу де мінді қүйін көп көргендей пыш-пыштап, тұртпектеп күн көрсетпейді. «Біздің жазығымыз не, жазығымыз: табан ет, маңдай термен тапқан малымызды ортактастырғанымыз ба? Өздерің ойландаршы: жалшы ұстадық па, қанап-тонадық па, ерінбедік, ел қатарлы еңбек еттік. Асып-тасқан жоқпыш, ағыл-тегіл шашқан жоқпыш, бір малымызды екеу етіп, таланымызға біткен бақты шайқамадық, шаруамызды дөңгелетіп ұстадық. Осы айып па? Егер жетесіз болсан, есінеп-құсынаған еріншек болсан, біздің кінәміз не, кай қоғамда өмір сүрсөн де, қайыр сұрап, тентіреп кетпейсің бе?» Міне, осы бір қағидасын қанша рет қақсаса да, ұрда-жық жүртқа ұқтыра алмай-ақ қойған Қандауыр бұрынғы ауыр да тентек міnezін тастап, колхоздың есеп-қисабын қисайтпай шотқа салудан бөтен іске араласа қоймады. Ауылдағы ат төбеліндей ағайын тіпті Қекеннің де бастықтығына қызыл көздік жасаған еді. Оны да орташаның қаралы қатарына қосып, ауданға арыз айдаған. Екі қүннің бірінде тергеп, тексеріп маза бермейтін. Ал оның әкесі Мақажанның бар байлығы – өлеңі еді. Егер қорасы қордалы болса – ол тек өнеріне разы болған жүрттың сый-сияпты, тарту-таралғысы; жол-жоралғысы; ұрлап та, сұрап та алған жок. Ал Қекеннің иелігіндегі сол Мақажан жарықтықтан қалған тоқты-торпақ болатын. Әкесіне тартқан арқалы ақын болмаса да, хат-қағазға жүйрік, ел билігіне әуес, отты кісі еді. Осы Ынтымақ колхозын өз қолымен құрып,

аяғынан тік тұрғызған да сол – Көкен. Әуелі арабша, артынан латынша әріпті тізгін ұшынан қағып алғып, тез менгеріп кеткен. Оның жалғыз-ак арманы бар еді – оқып, білімімді көтерсем, таудың қуысында жатқан аядай ауылдың адамдарын жаппай сауаттандырса деп барын салды. Өзі оқи алмай қалды, бірақ Бек-Алқаға әуелі ликбез, артынан мектеп ашып, бала-шағаның хат танып, сауатын ашуға көмектесті.

«Жігіттің сұлтаны еді-ау», – деп күбірледі Нұрке кемпір.

1937 жылдан бастап тонның ішкі бауындай болып отырған екі үйдің шаңырағы шайқала бастады. Осы жылан жылы туа, екі үйдің ғана емес, мұқым елдің берекесі бей-берекет болып, бір-біріне үркे қарайтын, бір-бірінен сескенетін тайғанақ тағдырга тап болды. Алтайдың аясындағы үркөрдей ғана ауылдан «қара ниет халық жауы» табылып, қазан құлағындағы қатынға дейін тергеліп, ататегін ақтарып, сөзін бағып, ойын оқитын аңдыс науқан басталды. Қатынқарағай ауданының секретары Төлегенов «Жапонияның шпионы» деген айыппен ұсталыпты дегенде, тәбелерінен жай түскендей болды. Ең сұмдық оқиға ол да емес, ан қарауға шыққан Қандауыр аудан бойынша ұсталған он шақты «халық жауын» орманның ішіне апарып, атып тастағанын өз көзімен көріпті. Баудай түсірген өліктердің бетін де жаппастан тастап кеткен. Шекарамен шектесетіндіктен, әсіресе, бұл жақта, қатал өткен саяси айыппен қамалған «жауды» заң жүзінде жауап алғып, мойындағып, сottap әуре болып жатпайтын. Іздеуші, сұраушысыз ізім-ғайым жоғалатын. Орманның ішінде жайрап қалған бейкүнә азаматтарды Қандауыр мен Көкен жан адамға білдірмей тұнделетіп көміп келді. Тықыры бұларға да таяй бастап еді. Неге екені белгісіз, құрықты ең әуелі Нюра Фадеевнаға салды. Айыптың үлкені – Фадей атты бұғы ұстаған шонжардың қызы екені, демек, байдың қызы да – бай тұқымы, біздің советтік өкіметке жау. Ендеше, мұндай помещиктің қызына қызыл қоғамның ортасында орын жоқ. Жауапқа шақырғанда, Нюра Фадеевна төрт жасар баласын ертіп барды. Тергеушінің бір қолы шолақ, ала көз қазақ еді. Нюраның бас-аяғын тінтіп қарап шықты да: «Аңқос күйеуінді, ит-мысық, малдарынды неге айдал келмедин», – деді жеке кекетіп.

– Немене, олардан да жауап аласыз ба? – деп айтып қалса да, баласын бауырына тарта сескеніп қалды. Өйткени,

осы інкібіді (НКВД) бастығы, бұл өнірде Шолақ қол атанип кеткен адамның аса қатал, алдына барған кісінің қакканда қанын, сокқанда сөлін алатын қатыгез деп естіген. Аудандық комитеттің хатшысы Төлегеновті «партия билетін сенен алғам жоқ, бермеймін» деп қарсыласқанда, шолақ қолымен бір ұрып құлатыпты. Түсі өте суық, сол жақ көзі өзінен-өзі жыбырлап тұратын. Шолақ қолдың әр қимылын аңдып, көзі бақырая қараған бала шошына жылап қоя берді.

– Балаң жаңынды алыш қалмас, жылатпа, онсыз да халық жауаларынан жауап аламын деп басым ауырып тұр, – деді қолын артына ұстап, ерсілі-қарсылы адымдаған нәшәндік. – Сонымен әуелгі сұрағым:

– Шешен аргы бетке ауа қашқанда, неге еріп кетпедін? Бұл – бір. Екінші – сен осында тыңшы есебінде қалғансың, аргы беттен келетін байланысшыға Сәбет өкіметінің барлық құпиясын хабарлап тұратының рас па?

– Сәбет өкіметінің бүкіл құпиясын маған кім айтады екен? – деді Нюра қарсы сұрақ қойып.

– Төлегенов пен сениң қүйеуін Қандауыр сыйайлас болған.

– Ол кісіні түсімде де көрген емеспін.

– Сениң көруің міндет емес.

– Ендеше...

– Дағар... сөзді! – деп айғай салғанда, боздап тұрған бала селк етіп, жылауын тыя қойды. – Сен тіпті Жапонның жансызы болмаған күннің өзінде, помещиктің сілімтігісің. Осы факті де жетеді түрмеге қамауыма.

– Ағатай-ая, – деп кемсендеді Нюра, – мен – үй ішіммен, әсіресе, шешеммен ат құйрығын кесіскең, бір-бірімізді көрмеске анттасқан адаммын. Қандауырга тұрмысқа шыққаннан бері тіпті тұған шешем болса да араласып, амандақсан емеспін. Қарақан басымда Қандауыр мен жалғыз қызымнан басқа ештеңе жоқ. Нақақ қинамаңыз...

– Көлгірсіме... Жарайды, ол сөзіңе де сенейік. Бірак қүйеуіңнің Төлегеновпен сыйайлас болғанын растайтын қолхат бер. Соңда ғана балаң екеуің бостандық ала аласың.

– Бұйнсыз жерге пышақ ұрманыз. Ол – біреудің ала жібін аттамаған адам.

– Әрине, төсекте жатқанда таза болып көрінеді. Амал жоқ, тұрмеде тұнеуіңе тұра келеді. Қазір бізben бірге ауданға

баراسын, – деді де, сынар қолымен-ақ сырт киімін шапшаң киіп алды.

Нюра Фадеевна түрмеде үш күн тұнеді. Жауапқа шақырган жоқ. Қаранғыда сыз бөлменің салқыны тиген бала ыстығы көтеріліп ауыра бастады. Кезекші милиционер әкеліп берген қара наң мен қара суды қанағат тұтпаган, «мама, үйге қайтайық» деп ботадай боздап жылаганда, қапаста қамалған ана да айтуга сөз, жұбатуға тамақ таба алмай діңкесі құрып еді-ай, лажы таусылып, жігері құм болып, сырттан хабар ала алмай қорланған; тілсіз қарайған бөренелер, өмір бақида бір рет те жуылмаган тақтай еден, аяқ кірмей ауыр тартқан сыз бөлме – бәр-бәрі Нюра Фадеевнаның жүрегін жұлмалап, сезімін сірнеледі-ай; жылап-жылап талықсып барып ұйықтаған баласын қойнына тығып, ағаш нардың үстінде жамбасы ойылғанша, сәбій оянғанша жататын; бүрісіп ұйықтаған бала анда-санда ішін тарта өксіп, жаман ырымға бастағандай – шешесінің жаңын одан эрі жаралайды. «Тәнірім-ая, сенен де айырылып қалмайын» деген қауіп мендеп, ішіне шоқ түскендей шошынатын, бір лаңнан құтылдық па дегенде, екіншісі бас салып, осы сойқанды кім жасап жатқанын және не үшін жасайтынын зерделер санасы сансырап, ойлай-ойлай басы мәнгіріп, мұн мен наланың, азапты жаланың тұңғызығында тұншығып еді; әйелдік долялықпен шашын жайып, бажылдан түрменің есігін тоқпақтамады, өз-өзінен булығып, өз-өзінен қысылып тұншыға ұзақ жылаған; бүйтіп күнәсіз корлық көргенше, өлейін деген ой жылт етуі мұн екен, қойнында жүрегін жылытып, бүлкілдеп жатқан баланың ертеңі есіне түсіп, ол ойынан айныған; тіпті басынды қабырғаға тоқпақтамасаң, бұл бөлменің ішінде бір сабақ жіп жоқ – жаулығына дейін шешіп алған, үстінде көйлегі мен бешпеті ғана бар. Қандауырдан хабар жоқ, үш күннен бері бір жапырақ қара наң мен қара су тасыған қазақ оқта-текте қатынағаны болмаса, тірі жанның бет-жүзін көре алмады, ол да тілі кесілгендей үндемейді; темір есік салдыр-гүлдір ашылғанда, қараңғы бөлмеге сырттан саулап жарық кіріп, Нюраның көр соқыр болып қалғандай көзін қарықтырды; бала оянып кетті, ояна салып, «мама, үйге қайтамыз ба?» деп сұрады, күзетші алғаш рет: «түр, нәшәндік шақырады» деді, келіншек қараңғы қапастан жарық дүниеге қуана ұмтылды...

Нюра Фадеевна мен ұлының бостандығы тым қымбатқа түсті. Мұны түрмеге қамаған күннің ертеңінде Қандауырдан жауап алған. Тағылған айып екеу: байдың қызына үйлендің, Жапонның шпионы Төлегеновтің тыңшысысын. Ол азар да брезер мойындаған, өздері жазған мойындау қағазға қол қоймай қасарысқан. НКВД-нің шолақ қол бастығы бір беткей жігіттің жігерін жасытып, жанын жарақаттау үшін жана айла ойладап тапқан.

Ең әуелгі сұрағы, стол үстіндегі жатқан газеттерді нұскап: «Газет оқисың ба?» дегеннен бастады.

— Анда-санда ғана, шаруадан қол тие бермейді...

— Иә, сендер саяси сауатсызыңдар... Орталық газеттерде не жазылып жатқанын білмеу – ұят! Халық жаулары Алматыда да өріп жүр, тіпті әлгі өлеңшілер... не деуші еді... жазушылардың да жаулары көп... Алашордашылардың ала күшігі мен Жапон шпиондарын әкесіне танытып жатыр....

— Оны маған несіне айтасыз. Оқыған адамдар арасында ондайлар болатын шығар.

— Білсін деп... жә, әйелің бар айыпты айтып берді, сенің өкіметке жасаған астыртын әрекетінің түгелін түгенденеп берді, — деді әдетінше кенсенің ұзындығын өлшейтіндей тыным таптай адымдап.

— Сенбеймін, — деген Қандауыр. — Сенбеймін. Мойындаса, сауаты бар, қол қойдырып алған шығарсыз, көрсетіңіз.

— Малғұн! — деп бақырды нәшәндік. — Жаусыңдар! — Шолақ қолымен жагынан салып жіберуге օқтала бергенде, шапшаң қимылдаған Қандауыр одан бүрын қағып жіберді. Азуы алты қарыс жоянбыз деп әспенсіген азаматтарды жалғыз құлатқан Шолақ қол мұндай қағылез қарсылықты көрмеген басы шошына тұрып қалған.

— Мықты екенсің, — деп, өп-өтірік күлді. — Бірақ сендей асаулардың талайының мойнын астынан келтіргенмін. Күресесің бе?

«Мынау жынды шығар» деп ойлады Қандауыр:

— Жығылсам босатасыз ба, әлде жықсам босатасыз ба, осыған келісіп алайық.

— Ултиматым қоя бастадың той... Оны көреміз.

— Ендеше, күреспеймін.

– Жақсы олай болса аядай кеңседе апыр-топыр алышып жатқанымыз ұят болар. Тогай ішіне баралық. Кеттік.

Шолақ қол жеке атта, Қандауыр милиционер жігіттің артына жайдак мінгесіп жолға шықты. Боқмұрын баланың ат артына салған көргенсіздігіне қанша намыстанса да, көнбеске амалы жоқ. Бұқтырманың жағалаудағы қалың тоғайға жетелер жалғыз аяқ соқпақта түсіп асықпай аяңдап келеді. Қашып кетер деп қауіп қылды ма, тұтқынның қолын артына қайырып байлаған және оны ел көзінен жасыра үстіне шапан жапқан. Бұл қалпында балық аулауға шықкан бейбіт адамдардың сықпытаң анғартады. Құрық тістесе артта – әдейі артта келе жатқан Шолақ қолдың тақымына қыстырылған құрығы бар.

Милиционердің артында отырган Қандауыр мысық пен тышқан ойнаған бастықтың қылышына өлердей қорланды, қарсылық көрсетуге де, қашып кетуге де дәрмен жоқ, жер болып жасыды, амалсыз көнді. Әншейінде қолына су қүюға жарамас жаманның соншалық басынып, басына әңгіртаяқ ойнатқаны кінәмшіл жігіттің намысын қанша осқылағанымен, жан тәтті де; өзінің әмірін қойши, алланың әмірінен қашып құтыла ала ма, анау екі көздері төрт болып, тар қапаста қамаулы жатқан әйелі мен баласына тиер кесірі, ендеше, әліптің артын бағып, қайбір мазағы мен қорлығына да шыдау керек; мейлі – жықсын, мейлі – атсын, итжеккенге қызыл табан қылып айдасын – не қөрмеген құ бас, лажсыз көнтері күй кешіп көндігеді.

Өзеннің арылы естіліп, шыбын-шіркей қебейіп, аланқайдың шетіне ілінгенде, ат басын іркіп аялдады. Шолақ қол жан-жағына мұқият қарап алды да: – Осы жерге тоқтаймыз, – деп, әмір етіп аттан түсті. Сынар қолымен көлігін қайынға байлады да, жап-жасыл шалғынды жапыра кешіп барған күйі аяғымен тұрткілең, шөп басып бұғып жатқан бұтақ, тастандарды теуіп, алысқа лақтыра бастады. «Жанының тәттісін» деп ойлады ат артында әлі отырган Қандауыр. Бастығына милиционер жігіт те көмектесіп жүр. Қандауыр астындағы атты тебініп қалып желе жөнелгісі келді-ақ, бірақ тоғайға сіңіп үлгергенше, атып жіберуі әбден мүмкін еді. «Апыр-ай, жалғыз қолмен қалай күрескелі жүр, расында да, алпауыттың нағызы өзі болған соң...» Шолақ қол: – Алып кел ана мықтыны, әүселеңсін көрейін, – деп ақия бүйірдь. Жүгіре басып келген жігіт аттан өзі-ақ секіріп түсіп, карсы жүрген Қандауырды итермелей жеткізді.

– Түйгіштеме, шірік неме!
– Қолын шеш те, мылтығыңды оқтаулы ұста, – деді бастығы.
– Қорықпай-ақ қой, қашпаймын, – деді Қандауыр, «сізден» «сенге» қалай көшкенін өзі де байқамай қалды.
– Сенен қорықканым – қара қойдан үріккенім, – деді сырт киімін шешіп, күреске бар ынтасымен дайындалған Шолақ қол. Қандауыр қарысып қалған қолын уқалап, екі білегін сипалап үйіғанын жазып, қанын таратты. Желбегей жамылған шапанын шешті. Осы кезде сарқырай ағып жатқан өзен жиегіндегі баз тал қозғалып, құрығы сорайып бір балықшы орыс шал шыға келді. Артына жалт қарап, тапаншасына жармасқан Шолақ қол: – Уходи от сюда, стреляю! – деп айғай салып еді, ана байғұс жып беріп тоғайға қайта сұнгіп кетті. Қөнілі жайлланған нәшәндік тапаншасын белбеумен қоса шешіп, милиционерге берді.

– Кел, батыр, көрсет күшінді.
– Бір қолымды таңып тастанасам қайтеді, ұят қой...
– Қорлама! – деп аузынан ақ көбік ата жекірді. – Осы бір қолыммен ақ шу асауды құлағынан ұстап тұқыртып, құйығынан басып шыңғыртқамын.

Кителін шешіп тастанап, ақ шыт көйлегінің жеңін түрінгенде, шолақ қолының басы тұп-тұқыл, қып-қызыл екен... Бір басып, екі басып жақындаған Қандауырдың зәресі зәр түбіне кетті. Амал жоқ, пенжагын шешіп, күреске дайындалды. Екі көзі шолақ қолда. Бесатарды кезей ұстап тұрған жігіт аузын аңқайта ашып, қызықты жалғыз өзі тамашалайтынына мәз болғандай ырсияды. Балуандар әуелі аңдысты. Байқап көрді. Онтайлы сәтті күтті. Шолақ қол күреске түскенде шабыттанып, екі көзі қызырып, ұрт еті жыбырлап, жыптылқ жанары жырбындағанын тыйып ұшқынданып кетеді екен. Қандауырда жайбақаттық, салмақты сабыр бар, лажсыздық басым. Аңдысу ұзаққа созылып бара жатқан соң, Шолақ қол: «Қатын болмасаң, тақалсанышы, белдесейік», – деп зірк етті. Қарсыласы «Жарайды, ендеше» дегендей, адымдап қалып, он қолын ту сыртына сала бергенде, бағанадан босқа шолтандатпай арқасына қайыра ұстап жүрген мұқыр жілік автоматтай сарт етіп ағытылды да, оттан шыққан көсеудей қып-қызыл қүйінде Қандауырдың бауырына сұнгіді де кетті. Тура бауырдан ондырмай тиғен ауыр соққыдан көзі қарауытып, басы айналып мең-зең есептіреген «жауынын»

ышқырынан оң қолымен шеңгелдей ұстаған қалпы қатты тартып қалып, шолақ қол сумаң етіп құлак-шекеден баса оң жамбасына сала бергенде, жан-дәрмен қымылдаған Қандауыр ырқына көнбей бүлқынып, жауырыннан құшақтай алып, бүл тәсілден аман құтылды. Бүл қарсы қымылды қалай жасағанын өзі де білмейді. «Құдай сақтады» деді ішінен. Оның сыртынан қапсырган темірдегі құшағында қалған нәшәндік жан-дәрмен жұлқынып еді, онысынан ештеңе өнбеді. «Жібер, атамын» – деп айқайлады мылтығын кезей сасқалақтаған милиционер.

– Оттама, сүмелек! – деп намыстанды Шолақ қол. Содан соң Қандауырга: «Босат, ана потшиноныңдан ұят, қайта күре-сейік», – деп сыйырлады. Босатты. Босата салысымен арыстандай атылып алға шықкан ол алақанына түкіріп қайта ұмтылды. Түрі айдаһар қуғандай қорқынышты еді. Жаңағы әдісті қайталаған жоқ. Тұқыл білекербенде бос қалды. Неболса да белдесіп көрейін деген оймен белдікке қол сала бергенде, Шолақ қол тұмсығына қарай зу етіп тигенде, шалқалай барып құлады. Мұрнынан дірдектеп қан саулады. Бірақ қарсысындағы қасқырдай тісі ақсиган нәшәндік қеудесіне міне түсем дегенде, шапшан аунап жер қаптырды да, лып етіп тұрып ұлгерді.

– Ой, ағайын, мынауың күрес емес қой, төбелес қой, – деді тағы тақалған Шолақ қолға.

– Енді қалай деп едің, қолым біреу-ақ қой.

– Олай болса мен де жұдырық жұмсайын ба?

– Жоқ, сен күресіп жық, қолың екеу ғой.

– Жарайды, ендеше, – деді мұрнының қанын жеңімен сүртіп.

Крестесінің барлық қуаты мен сенері монтансыған, мұсәпірсіген шолақ қолында екенін сезген Қандауыр бүкіл назарын сол сом темірді аңдуға аударды. Ал жауынгер қолды дәрменсіздендіру үшін сауына ие болу керек. «Иә, аруақ!» – деп сыйына екпіндеген НКВД бастығының артық нәстедей шолтандаған шолақ қолынан шап беріп ұстай алды да, өзіне қарай пәрменімен тартып қалды. Ананың беті қатты жұлқыстан былш етіп мұның иегіне тиді. Көз ілеспестей шапшандықпен кіндік тұстан шеңгелдей ұстап қеудесіне тік көтерді. Үйіріп-үйіріп әкелді де, серпе лақтырып жіберуге шақ қалды. Не істерін білмейді. Жықса – пәлеге қалуы мүмкін, ал жықпаса намысқа шапқан нәшәндік ыза буып, одан ары ушығуы мүмкін.

Не істеу керек? Ол қол тоқпақтай ғып көтерген қүйі мылтығы шошайған милиционер жігітке жақындағы. Ол сасқалактай шегінген.

– Ат, ат нәлетті! – деп даусы шыға ақырды бастық.

– Ағатай-аяу, сізге тигізіп аламын ғой! – деп безектеді. Қандауырдың кіндігінен төмен көздей беріп еді, жоғарыда тыптыраған шолақ қолды сусыта төмен түсіріп, мойнынан қылқындыра алдына қалкан ете ұстай қойды.

– Таста мылтықты, әйтпесе буындырып өлтіремін мынаны. Шиқандай бетінің қаны қашып, бол-бозданған нәшәндік тілге келуге шамасы жок, қолы ербендең анаған «таста» дегендей белгі берді. Жігіт өз мылтығын бастығының тапаншасымен қоса лактырып, дойдалағы тырагайлай қашты. Шолақ қолды сілке бұрап жықты да, мылтыққа жүгірді. Әлгінде ғана әспенсіп тұрған інкібіді бастығы қакпанға түскен қасқырдай, амал жок, шонқайып отыр. Қандауыр мылтықты кезенген жок, бірін иғына асты, екіншісін жай қолына ұстай салды да, Шолақ қолдың тұра алдына келіп жайғасты. Бұл қалпында әңгіме-дүкен құрып отырған екі жолдастың пошымы секілді еді. Нәшәндік меселі қайтып жасып қалыпты. Ләм демеген қүйі бір тал шөп алыш, соны тістелеп, құлағына қонған шыбынды айдалап Бұқтырманың сарынына құлақ түргендей жайбаракат та меніреу. «Дегенмен, мықты, діні берік жігіт, – деп ойлады Қандауыр. – Әйтпесе мені жекпе-жекке шақырап ма еді. Тек арам болып жүрмесін. Тамырын басып көрейін».

– Жолдас бастық, менде не ақыныз бар? Ұзында өш, қысқада кегініз жок еді ғой. Жолыңызға көлденен тұрған жерім бар ма еді? Тіпті бір-бірімізді жыға танымаймыз да ғой.

– Сен – халық жауысың, – деді ол марғау қалыпта.

– Оны кім айтты сізге? Дәлеліңіз қайсы? Әйелім мен бесіктен белі жаңа шыққан баламның жазығы не?

– Жазығы сол – байдың қызы.

– Онда тұрған не бар? Әке-шешесінен кетісіп кеткелі қашан...

– Сен, шырағым, басымды ауыртпа. Менің де жаным екеу емес. Катынқарағайдан 150 халық жауын табу керек деген жоспар бар жоғарыдан. Сонда сендердің орындарыңа өзім қамалуым керек пе?

– Сонда менімен толтыру керек пе?

— Сонда сенің орныңа ауыз жаласқан досың — Көкенді ұстаймын ба? «Сол жау» деген айғак бер, өзінді табан астында босатайын да, соны қамайын.

Қандауыр сөзден тосылды. Рас-аяу. Жүз елу жауды тауып беру бұған да қын.

— Білемін, — деді қаздай тізілген көк көйлек, ақ балтырлы қайындарға қараған күйі. — Білем, мені қарғап-сілейсіндер, бірақ жазығым не? Жазығым үкімет міндетін адал атқарып, бүйрыкты орындағаным ба? Иә-иә, мен орындаушы ғанамын... Кейде осы ісімнің ақ-қарасын ажырата алмай дал болып, тіпті таң атқанша көз ілмей шығатын кездерім бар. Ал көзім ілінse болды, бір жұндес қол қолқама саусағын тарбайта ұмтылады... Тапанша жастап ұйықтамаған кезім жоқ, тек сол сұық қару ғана жан досым... айтшы өзің, менің орнымда болсаң не істер едің?

— Сіздің орныңызда болмағаным қуанамын.

— Қуансаң—сол. Сененгөріменіңбасбостандығымжоқ. Жетектесе — жүрем, айтақтаса — үрем. Әйтпесе, бұл қазақтың бөлісе алмай жатқан несі бар.

— Тастанайсыз ба бұл мазасыз қызметті.

— Дәл қазір болмайды. Атып тастанайды.

— Кім? — деп таңдана сұрады.

— Жоғарыдағылар... Ежов жолдас...

Шолак қолдың жузінде мұң бар еді. Оның осынау мән-мағынасы жоқ, ішіне ит өліп жатса да сезу мүмкін емес әлpetтіне аяй қарады. Өзен жағасындағы алаңқай әдемі. Шыр айналдыра қаурай өскен балапан қайындар көмкерген. Шаң-тозаңсыз тап-таза шалғынның ортасы — бұлар опыр-топыр айқасқан тұсы ғана үйпа-түйпа да, былайғы жердің шебі тік қалпында хош иіс анқытады. Осынау мұрынды қытықтар жұпар хош иіс масаң әрі дел-сал халге шақырып басынды айналдырады, буын-буынның босатып бостандықтың күйін шертеді. Еттеп жел соғып, жасыл шалғын, тал-теректің басы баяу қозгалады. Бұқтырманың сарынынан бөтен дыбыс жоқ. Қайың түбінде байлаулы түрган қос ат еріншектене шыбындайды. Иә, бұл жер төбелестің емес, рақаттана дем алыш, көз шырымын алатын жұмақ орны еді...

— Не істейміз сонда? — деді Қандауыр лажсыздық аңғартып.

— Қайтайық. Сен қамаласың. Келіншегің мен балаңды босатамыз.

– Атып өлтіріп Бұқтырмаға ағызып жіберсем қайтесіз?

– Оны істей алмайсың. Истей алмайтын себебің: бір емес, екі күә бар: милиционер жігіт пен бағанағы балықшы көрді. Ал өзің қрән асып қашып кетсөн, түрмеде жатқан қатын-балана киянат болады. Сондықтан – екеуіміз аяңдан ауылға қайтайық; әлгі бұтына тышып тұра безген милиционер мұқым ауданды дүрліктіріп жүрер. Рас, күшті екенсің, күреспен жендің, басқасын бас аман, бауыр түгел болса, көре жатармыз...

– Тек жығылдым деп кек сақтамаңыз, әйелім мен баламды есен-саяу босатсаныз болды, мен-ақ халық жауы болайын, бір үйден бір жау жетер.

– Мениң саған жасар жақсылығым – жалғыз. Сөз жоқ, семьянды үйіңе қайтарамын. Өзің білесің, бұл жер – шекара ауданды, сондықтан көп тергеп, тексермей «арғы бетке қашпак болды» дегенді желеу етіп атып тастауға құқылымыз. Халық жауларын төменге айдағанда, Бұқтырма үстіндегі ағаш көпірден өтесіндер. Қапы қалма... және бұл сырды тісіңнен шығарма...

Қандауырдың маңдайынан сұп-сұық тер шықты. Шолақ кол тапаншасын тағынып, кителін киіп, үсті-басын түзеді. – Мә, бастығын тастай зытқан қорқақ иттің мылтығын мойнына асып ал, – деп, бесатарды Қандауырға ұсынды. – Жүр, кеттік. Әттең, казактардың барлығы сендей болса ғой... Онда айдағанға жүрмес ек, айтқтағанға үрмес ек...

Екеуі екі атқа мініп жолға шықты. Қаптаған қалың тоғайдың ішімен асықпай аяңдатып келе жатыр. Дабырлап сөйлескен жоқ. Әрқайсысы өз ойын малталап, мынау әділетсіз әлемнің жұмбағын шеше алмай үзенгі қағыстырады. Ертегі атар таң, шығар қүннен үмітсіз Қандауыр ғана емес, мынау мұқым ауданды ашса алақанында, жұмса жұдырығында ұстап, жылаған бала уанатын інкібідінің көнілінде де қаяу бар-ау. Бұрынғы құтырынған мінез жоқ, момақан, күрмеуін шеше алмай әуреленген хал кешкендей, айналдырған бір сағаттың ішінде кой аузынан шөп алмас кейіпке түскеніне Қандауыр қайран қалды. Мүмкін, баяғыдан солай шығар, әдейі дөңайбат жасап, жүрттүң зәресін алу үшін қасақана жасайтын шығар. Осыншалық бір қарекетін бір қарекеті жоққа шығарып, өзімен-өзі атысып-шабысқан жұмбақты адамды алғаш жолықтыруы.

– Мен сізден бір нәрсе сұрайын ба? – деді тебіне қатарласқан Қандауыр.

- Ал, сұрай ғой.
- Алдыңызға келген кісіні неге сабайсыз?
- Әдет болып кеткен ғой. Шыдай алмаймын. Мінез солай.
- Дегенмен, жазықсыз жандарды, «жығылған үстіне жұдырық» жұмсағанының большевиктік қылмыс емес пе.
- Қылмыс деп ешкім қолымнан қаққан емес. Дегенмен, қамалып жатқандардың барлығы сүттен ак, судан таза екеніне кім кепілдік бере алады. Адамның ішіне кім кіріп шықкан, ішінде ит өліп жатқандары бар. Солардан тазарту керек, санасын сауықтыру керек. Бүгін мұләйімсіп жүргенімен, күндердің күні жалын құдірейтіп шыға келеді. Осы бастан бастарын отап тастамаса, сүйікті Отанымызға, данышпан Сталинге қауіп төнүі мүмкін. Сактансаң ғана сақтайды.

– Зансыздық қой. Бір адам үшін мың адам не үшін жапа шегуі тиіс. Осы жүрт, өзіңіз де білесіз, енді-енді ғана еңсесін көтеріп, көтерем күйден арыла бастаған жоқ па. «Жаулық» ойлағанды қойып, жанын сақтап алсын да. Айталақ, мына мен сол Жапония деген елдің қай жерде екенін де білмейді екенмін... Ағыңыздан жарылынышы, Төлегенов қандай азамат еді?

– Жапонияның қай жақта екенін өзім де білмеймін... Жігітім, тым теренде мейік, – деп ажырая қарады. Шолақ қол ауылға жақындаған сайын күшіне мініп, сәл ұмытқан қызметін лезде қайтарып алды. – Біле-білсең осы сөзің-ақ сені қамауға жетіп артылады. Мен – бұйрықты орындаушымын. Әлгінде сен бір сөзінді, ұмытпасам, «зансыздық» деп айтып қалдың. Мойындастың ғой.

– Өзімді қамасаныз да, тілімді кесіп тастамассыз. Айтқаным рас.

– Ендеше, сәбет заңына күмән келтіргеніңің өзі – алтын занды бұзу болмақ. «Тұлкі түрінен, адам тілінен тартады» деп қазактар бекер айтпаған.

– Сол қазақтың «сөйлемейін десем – сөзім өледі, сөйлейін десем – өзім өлемін» дегені және бар.

– Артты қысқан бай болады дегенім ғой...

– Қазір бай болуға рұқсат жоқ қой...

– Әй, өзің сөзге мәстірсің-еї, – деп Шолақ қол алғаш рет ақтарыла күлді. – Жақсы жігітсін, қайтейін, аман қалдыруға амалым қайсы... О баста үстіңнен іс ашпауым керек еді. Мұндай екенінді қайдан білейін. Өздерің де бастықтарға жуық жүрмей

шіренесіндер. Осы қазақтардың қызық мінезі бар. Бойында күш-куаты, таланты барлар ұдірейіп үлкен адамдарға жоламайды; ал, әлжуаз, алаяқтары алдынды босатпай жылпостанады. Әне, сондықтан да олар аман қалады, өседі... Енді тым кеш, шегінетін жерім жоқ. Айтқаным – айтқан, әйелінді босатамын.

– Осыныңызға да ракмет. Маңдайдағы жазуды өшіре аламын ба, – деп күрсінді Қандауыр. Ауа жетпегендей омырауын ашып, кеудесін керіктей кере дем алды. Осы бір мезет ат үстінде келе жатқан аңшы жігіттің ең акырғы бостандық ауасын жұтуындағы еді. Енді қайтып мынау туған жердің тамылжыған табиғатын, асқар тау, асау өзенін көре алмасын, емін-еркін сайрандап аң-күсын қуып, орман-тогайын аралай алмасын; көк шалғынына көлбей жатып, сонау тұп-тұнық аспанға қарап, тұнығы шайқалмаган көңілмен армандай алмасын; құлын жоны көрінбес тау шалғынын көртіп ойып, қол тартпамен алақанға түкіріп пішен ора алмасын; Алтайдың аппақ карында ат шанамен ағыза алмасын; мұрттына қатқан сұңгі, кірпіктегі қырауды сүртіп, тоңып-жаурап келгенде, Нюра құйып берген құла шайды самайынан тер ағып, сораптап іше алмасын; көктем шыға – көктен іздегені жерден табылғандай масайрай, жағасын кеміріп дoldана таситын Бұқтырманың аққұла толқынына қарап, тамырынан қопарылған сансыз салындыны санап, аяй алмасын; енді қайтып адамға жалғыз-ақ рет берілер тіршіліктің шәрбаты суалып, кермек татырын, кетеуі кетерін, сөйтіп, мынау жарық дүниенің торқалы тойын көріп, топырақты өлімінде ауыл ақсакалдарының ақылын тындаі алмасын сезді, білді, түңілді, тайғақ тағдырының үкіміне жүгінді.

Қос жолаушы тогайдан шыға келгенде, алдарынан андыздай қарсылаган бір қора милиционерді көрді. Ішінде мылтығын тастай зытқан бағанағы бала мұрт жігіт те бар. Айқұлактанып алда келеді.

– Атаңа нәлет-ай, бұлдірген екен ғой, – деп астындағы атын борбайлап қалды Шолақ қол.

– Аға, мыналарды бастап келдім, – деді, жерден жеті қоян тапқандай жінігіп. Оны қамшымен осып өткен нәшәндік: – Батыр қаранды! – деп зілдене айғай салды. – Үйіне барып, бокшаңды дайындаі бер. Қамаласын. Халық жауысын!

Аттан домалап түсіп, енді тогайға қарай қашқан жігіт: – Халық жауы атанғанша, Бұқтырматаға ағып өлемін! – деп зар еніреді. Ұстайық деп ұмтылғандарды Шолақ қол тоқтатты.

– Тимендер, ешқайда кетпейді. Ондай қоян жүрек еркекшоралардың колынан ерекше өлу де келмейді. Қазақтың түбіне жететін – мынау емес, – деп Қандауырды көрсетті. – Анау секілді сұрмелек сұжықпастар.

– Сіз ше? – деп қалды Қандауыр қисыны келіп қалған сөздің обалына қалмай.

– Жаудың мылтығын алындар, – деген Шолақ қол естімеген сыңайда. Жан-жағынан анталай ұмтылған милиционердің біріне иығындағы мылтығын сыптырып өзі ұстата беріп еді, қалған екеуін аттан аударып алмақ болып борбайына жармасқан: бірақ ер үстінде тақымы жабысып қалғандай тәкаппар отырган Қандауыр міз бағып місе тұтпады. Енді қайтеміз дегендей Шолақ қолға қарап еді ол:

– Тимендер, өзі барады. Әттең, мынау көп бокташаққа осы тұтқынның жалғыз өзін-ақ айырбастап алар едім, амал не, – деп алға түсіп сау желе жөнелді. Қалғандары сонынан салпақтай ерді.

Шолақ қол інкібіді уәдесінде тұрды. Ауылға қайтып барған соң Қандауырды алып қалды да, әйелін босатты.

«Қандауыр абақтыны өзі ашып кіріп келгенде, жүрегім жарылып, талып қала жаздал едім-ая. Оның өзі қамалып, бізді босататынын қайдан білейін», – деп күрсінді Нұрке кемпір.

Келіншегі мен баласын бауырына қысып, айналып-толғанып сүйген Қандауыр қанша қатты болса да, көзі жасаурап, алғаш рет көнілі босады.

– «Көрешегінді көрмей, көрге кірмейсің» деген, Нұрке, қайтейік, жылаймыз да шыдаймыз. «Еркек тоқты құрмалдық» деген, екеуін аман болсандар, мені қойшы, мықтаса Колымага қайта айдар. Өкінерім де, өшігерім де жоқ, шүкір, – деді күштегендей болып күліп, баласын жогары көтеріп. – Шүкір, артымда ұрпағым бар. Тек қайда, қандай қыындықта жүрсем де тілерім мен сенерім – сендер.

Ағыл-тегіл көз жасын женімен сұрткілеген Нюра:

– Ақтық сапарға аттанардай қоштаспайықшы. Ақ көнілдің аты арып, тоны тозбайды деуші еді атам, аман-есен ақталып келерсін. Шыдайық.

– Иә, шындық үшін қандай қыындыққа шыдауға болар, егер сол шындық бар болса... кейде ойлаймын: біздегі шындық көсеммен қоса өліп қалды ма деп...

– Бар, бар, – деді Нюра, – ақиқатқа жетер адам табылар, үмітімізді үзбейік, Қанеке. Сары уайымға салынбайық.

– Үміт – ол да бір сағым немесе көлеңке іспеттес, күн шыққандаған пайда болады, ал басынды қасіреттің бұлты шалса, іздел таба алмайды екенсің, жоғалады. Неге екенін білмеймін, өзімді емес, көзі енді ғана ашылып, бауырын жаңа ғана көтерген елдің ертеңі аландағады. Қозіне қамшы тиген ботадай боздап, тағы да үркіп, үдерे көшіп, берінің боғы, бекеннің сирағындағы тоза ма деп қорқамын. Заңның бет алысы жаман... Осы кезде абақтының есігінде тұрган Шолақ қол Қандауырдың соңғы сөзін құлағы шалып қалып:

– Сен сәбет заңын ғайбаттама, – деді түсін суытып. – Ол әрқашан да әділ, бәрімізге ортақ.

– Заңның әділдігіне шәгім жоқ, алтын заңды бұрмалап, бұзатындарға ренішім бар.

– Кім бұзып отыр?! Сталин жолдас па?! Тілінді тарта сөйле! Осы күніңе зар боларсың.

– Осы күніме қызықпай-ақ қойдым. Сендердің бұл бассызыңдарынды Сталин жолдас білмей отыр ма деп қауіптенемін.

– Оттапсың! – деді нәшәндік. – Дүние жүзінде Сталин жолдастың білмейтіні жоқ. Ол – көсем! Ал көсемнің көрмейтіні және жоқ. Ұақыт бітті, қоштасындар.

Нюра күйеуіне ұмтылып, қапсыра құшактап айырылмады. Екеудің аймаласып, етектерінен тартқан баланы ұмытқандай болып еді. «Папа, үйге қайтайық», – деп ол шырқырай жылап қоя берді. Баласын жерден тіке көтеріп алышп, бетінен сүйген әкесі: «Маман екеудің үйге жүре беріңдер, мен артынан барамын», – деді қарындағы көрдесін көрсікті әрең басып. Жүйе-жүйесі босап, үні қарлығып шықты. Нюраныңда омырауы жасқа боялған. Бұларды Шолақ қол ажыратты. Ана мен баланы күшке сап итеріп, сыртқа алышп шықты да, түрменің шоқпардай темір құлдыбын кілттеп, жапты. «Папалап» есікті тырмалаған баласын зорға дегенде қолтығынан көтеріп, тырандаған қалпында жылап-еніреп үйіне қайтқан Нюра өз ошағына жеткенше көз жасын тыя алмады. Бұл шақта таудың ұшар басындағы ұшпа бұлт етекке қарай жөнкіле көшіп аяқ астынан жел тұрды. Жапырақ жайған ағаш басы арпалыса суылдан, сабалақ жүнді бірлі-екілі ешкі қора-қораның ығына қарай тырағайлап барады. Желіккен желмен бірге жарыса түскен жаңбырдың хабаршы тамшылары

жетіп, әлгінде ғана будақтай көтерілген қара жолдың шаңын жерге шегелей бастаған. Қара бурадай құтырына жөңкілген бұлт бір-бірінен жеріндегі үрке орналасқан бытыраңқы үйлердің жиналмай қалған кірін желілдетіп, албастың апай-топайын шығарды. Тамшының арты бұжыр-бұжыр бүршаққа айналып, тақтай шатыр, қаңылтыр пештерді таңқылдатып, төбенді оярдай пәрменмен сабалаған. Барабандап бастаған бүршақ қарақошқыл бұлттың құсығындағы, далада жүрген тіршілік иесін бұрыш-бұрышқа, ықтасын-құысқа қуалап тықты. Жер беті аппак маржанға бөгіп, Алтайдың алты айрығынан саулап бұлақ ақты. Бұлақтың іші толған ақ моншақ – әрі сұық, әрі сұлу көрініске есік-терезеден сығалай мәз балалардың кейбір шыдамсыздары жалаң аяқ, жалаң бас далага шапқылап шығып, шекесін ісіріп қайта оралады. Ең гажабы, дәл сол күні бір жағы ақ, бір жағы қызыл бүршак жауды.

«СОЛ КҮН, СОЛ ЕРЕКШЕ БҮРШАҚ КЕШЕГІДЕЙ ЖАДЫМДА. МЕН БАЙҒҰС ҚАНДАУЫРЫМНАН МӘҢГІЛІК-КЕ АЙЫРЫЛДЫМ ДЕП ОЙЛАДЫМ-АУ», – НУРКЕ КЕМПІРТАҒЫ Да АУЫР КУРСІНДІ.

1937-інің соңынан мұнымен біткен жоқ. Ел артынан естіді Қандауырды қосып осы ауылдың бір топ азаматтарын Бұқтырманың үстіндегі ағаш көпірден айдал бара жатқанда, алды-арғтарынан қаумалаған айдаушылар тілге келтірмей бытырлатып ата бастайды. Дәл осы сәтте Шолақ қолдың жұмбакты ескертуі қапелімде есіне түсken Қандауыр сасқалактай шулаған жұртты қак жарып барып, биіктігі отыз метрден асатын көпірден төмендегі көкпенбек ірімді суға қарғиды. Бәрібір тұншығып өледіге жорыған мылтықтылар оның соңынан қумайды, тірі қаларын елең-ескеріп аңдымайды. Бұқтырманың арыстан жалды толқында тербеліп өскен жігіт жуз қадамдай сұнгіп, басын қылт еткізіп шығарып ауа жұтып алған соң, тағы да су түбіне сұнгіп, ағыстың ырқында ығыса құлдан, алыстан кетеді. Содан, ешкім жоқ, тал-терегі қалың өскен жағалаудан бір-ақ шығады. Сол бойында қашып кетпейді, үсті-басын кептіріп алғаннан кейін аудан басында отырған Шолақ қол іңкібідінің тұра өзіне барады. Ол мұны «нағыз жүрек жұтқан батырдың өзі екенсін» деп, қарқ-қарқ құліп, арқасынан қағады да, қағазын реттеп Өскеменге жонелтеді.

«ҚАНДАУЫР СОЛ КЕТКЕННЕҢ СОҒЫС БАСТАЛҒАН-ДА ФАНА ОРАЛЫП ЕДІ-АУ», – ДЕП НҮРКЕ КЕМПІР КҮБІР-ЛЕДІ.

Қарлығаштың ұясындай ғана шағын үйелменнің ошагы сөнбекенмен, басына төнген барлық ауыртпалықты Қандауыр арқалап кеткен жоқ, інкібідінің бақылауында болды. «Жаудың семьясы» деген жаман атақ тағылған соң, ауыл-аймақ, көрші-қолаң аса сақтықпен амандасатын, тіпті кейде сәлемдесуге жасқанып, Нюраның жанынан үндемей өте шығатын. Осылайша бірте-бірте сұысқан ел жоқтан өзгеге күдік алышп, ғасырлар бойы қалыптасқан жан жаразтығы, ағайын араластығынан айырылып, әркімнің-әрқайсысының ішінен бұғып жатқан жасырын «жай» іздеп, жандарын шүберекке түйе сезікті де, сенімсіз күй кеше бастаған. Сүттей үйыған ауылдың дәстүрлі ұжымдығы ұшына жабысқан аурудан қаншама жылдар өтсе де айыга алмай, сүйеккесінді дертке ұласарын, әрине, зерделемеді. Ұсталғаның бәрін шын жау, қаскөй індеп деп қабылдады да, өздеріне жұғып кетпес үшін пәледен машайық қашты немесе сиырдай мүйізден, бақсының моласындай жападан-жалғыз қалдырыды.

«СОЛ ЖАЛҒЫЗДЫҚТАН ӘЛІ КҮНГЕ ҚҰТЫЛА АЛМАЙ, ҚОР БОЛДЫМ-АУ», – ДЕП КҮРСІНДІ НҮРКЕ КЕМПІР.

...Иә, жалғыздық. Сол жалғыздықтан тағы да Көкен мен Аналық құтқарып еді. Бұл өмірде бар-жоғы белгісіз дарбазасыз дара үйде ішерге ас, киерге киім таба алмай, зар еніреп, зар жұтып жатқанында, тумасынан бетер бәйек болып қамкор қолын созды... «Халық жауының» әйеліне қыл аяғы қара жұмыс та бермей қантарып тастағанда, тағдырың осы бір дағдарысынан аман-есен алыш шыққан да солар. Бір күні жұмыстан әдеттегіден тым ерте оралған Көкен:

– Ойбай, Нүркес, саған жасырыну керек, – деді өні боп-боз болып. – Ауданнан адам шығып сені қамауга алатын көрінеді. Шолақ қолдың айғайлап айтқан бүйріғын есіктің сыртынан естіп қалған бір сенімді кісі айтты.

– Күз болса мынау, енді біраз күнде қар түседі, қайда қашамын, құдай-ау, – деп зәрезап болды.

– Расында да, қайда барады мына қарашаның қара сұығында, – деп сөзге араласты Аналық.

— Соны өзім де білмей тұрмын. Сенің орныңа Қандауырдың соңынан мен-ақ кетер едім, қайтейін, алмайды ғой.

— Көніліце рақмет, Кекен. Айналдырған Шолақ қол алмай қоймайды, ешқайда кетпеймін, бас сауғалап тығылмаймын да. Баламды бір құдайға, содан соң өздеріне тапсырып, тас түйін дайындалайын. Әбігер болмандар.

— Тәнірім-ай, не жазып едің, енді не істейміз? — деп зарлаган Аналықты еркектік көрсетіп жекіп тоқтаткан Кекен: — Біз қара басымызды сауғалап сенен безініп отырғанымыз жоқ, Нұрке! Амал не, өзің шеш. Алысқа, көз көріп, құлақ естімейтін жерге аттандырып жіберуге де әзірмін, осы үйге алып қалуға да дайынмын. Сенің балаң — біздің де бала, алда-жалда айдалып кетсөң, қайтып оралғандарыңша қанаттыға қақтырмай, әкешешесін ұмыттырмай қарағайдай азамат етіп тәрбиелейміз. Басқа не келеді қолымыздан...

— Ризамын сендерге, екі дүниеде де ризамын. Мен тосып алдым мандайға жазылған сыбағамды. Ұрпағым — аманат. Абырамай жұмысыңа бар.

Кекен басы салбыраған күйі, лажсыздық күйін кешіп шығып кеткен. Күйеуі ұзаган соң, Аналық басқаша кеп танытты.

— Өй, Нұрке, менің тілімді алсаң, маған бір ой келіп отыр.

— Иә, қандай? — деп еміне түсті.

— Сен алғаш келген милициядан жасырынып қал.

— Қалайша? Артынан ұстап алса, одан ары құдік алып, тергемей-ақ атып тастар.

— Алғашқы іздеушіден әупірімдеп құтылсақ, таңғы нәсіп тәнірден деген, көріп алдық. Тіпті Көкенге де білдірмейік.

— Түкке түсінсем бұйырмасын. Сонда бір асым ет емес, алпамсадай етжеңді қатынды қай тесікке тығасың?

— Кержақтардың тас моншасына. Оның ішіне жын-шайтан ұялаған деп, осы ауылда тірі жан басын сұқпайды. Әмбесінде сол моншаның кіреберісінде жертөле бар. Бай кержақтар терең ғып қазып, азық-тұлғін сақтайтын. Міне, сенің ендігі үйің осы болады.

— Сенің де ойлап таппайтының жоқ-ау, Аналық. Ескі подвал қайбір пана болып жарытар дейсін.

— Егер әлдекім пысықсып ішіне кірер болса, жертөлеге түсіп кет, ал ешкім жоқта, моншаның ішінде отыра бер. Тамак, сусынды өзім тасып тұрармын тұнделетіп.

— Қар жауып, қылышын сүйретіп қыс келгенде, жеті қат жер астында арам қатып қаламыз гой. Одан ғөрі жылымық түрмеде отырганым озық-ау.

— Жетісерсің. Сені маздатып от жағып, алдыңа астай-астай жал-жая қойып асырайды деген. Бұдан он есе сүйк итжеккенге айдаса, кержақтардың апанымен жылап көрісерсің. Сөзді қой, бір тәуекелге бел байладық. Ашаршылықтан да аман қалғамыз, қылышынан қан тамған заман өстіп тұра берер дейсің бе, біздің де айымыз онынан туар.

— Әй, қайдам, — деп сенімсіздікпен басын шайқаган еді Нұрке бір пәледен құтылдық па дегенде, екіншісі келеді едіреіп. Бейне бір Алтайдың асулары секілді иін тірескен, біреуінен ассаң – екіншісі тұрады...

— «Көп сөз – боқ сөз» деген атам қазак, іске кірсейік. Сен қазір бар да үйіндегі қомшанды буып-түй. Керексізін лақтыр, от қойып өрте, тіміскілеген адам қашып кеттіге жорысын. Қызың естияр болып қалды гой, түсіндіріп айт, тығыламыз, әйтпесе папаң секілді қараңғыға қамап тастанды да... Мен зыр жүгіріп барып, жертөлеге төсеніш, жылы киім апарып әзірлейін...— Аналық өз үйін ақтара бастаған. — Құдай-ау, атамның есқі қасқыр ішігін де «халық жауы» деп қамап тастанды ма, қайда кеткен, тәнір алғыр...

Екі күнді әбігерлі дайындықпен өткізді. Осынау құпия әрекеттен Көкен қаперсіз еді. Үшінші күн дегенде: «Шолақ қол хабар жіберіпті, Нюора Фадеевна ешқайда кетпесін, хал-жағдайын біліп қайтамын. Корықпасын, күзетшісіз барамын», — деген сыйбысты жеткізді. Бірақ өзі осы күні үйден ұзап шықпады, жұмысқа да бармай қора-қопсысын түзеп, айналсоктады-ай. Аналық: «Іздел қалған жоқ па, жұмысыңа барсан қайтеді», — деп, жақауратып көріп еді, кас қылғаңдай қадалып, кетпей-ак қойғаны. «Шынымызды айтсақ қайтеді» деген тәуекелге бел байлаған мезетте, ауылдың аш құрсақ итін шулатып Шолақ қол келіп үлгереді. Амал жоқ, алдынан шығып қарсы алды. Аттан адамша аттап емес, он аяғын ердің алдыңғы қасынан асырып шабандоз баладай секіріп түскен нәшәндік:

— Қондысындар ғой өздерің, не жеп семірдіңдер? — деді қамшысын сапиян етігінің қонышына тыға сөйлеп.

— «Өлмегенге өлі балық» деген, жолдас бастық, колхоз не берсе – соны талшық етеміз,— деп жауап берді Көкен.

– Есеп-қисаптан жырым-шеттіктеңді деген сигнал бар. Истеп жүрген жерінен тістеп жүретін қазақтың ежелгі әдеті. Сені де тексеру керек. Екі қатынды, екі баланы асырайтын азық қайдан келді саған.

– Тексеріндер.

– Көрші ауылдағы бригадирдің қалай ұсталғанын, қалай сотталғанын білесің бе?

– Естімеппін, – деді Көкен.

– Ондайда құлағың керең бола қалады. Ат-тонын ала қашып танып болмаған соң, баласының тезегін тексеріп келіп жібергенде – ішінен бидай шықты, – деп қарқылдалап күлді. – Ал енді сендер бара тұрындар, Нюра Фадеевнамен оңаша сырласып көрелік.

Үйге екеуі ғана кірді. Іргедегі төсекке былш етіп отыра кеткен Шолақ қол біразға дейін Нюрага қадала қараған қалпы жымсі ежірейіп ләм демеді. Жылан арбағандай бүріскең әйел, өңменін тесіп жіберердей қадалған қигаш көзден жасқана жанар қашырды. Шыдамның да шегі бар:

– Сұрай берініз, – деді үні дірілдеп.

– Күйеуіңнің атылғанын естіген шыгарсың.

– Естігенім рас, бірақ өлгеніне сенбеймін.

– Халық жауы ретінде атылғаны туралы актымен таныстырайын ба?

– Немене бұл... көніл айтқаныңыз ба? Айтсаныз да абайлап естіртпейсіз бе?

– Да-а, – деп ойланды Шолақ қол. – Да-а... Мен мәймөңкені білмеймін, қызметтің адамымын, тұрасын айтамын.

– Биліктіге де біліктілік керек дегенім ғой, әйтпесе түкірігі жерге тұспей тұрған сізбен тайталасып нем бар.

Шолакқол ескі әдетінше ойқастай басып үй ішінде әрі бері алшаңдамақ еді, аядай бөлме таршылық жасады. Амал жоқ, төсекке қайта отырды да, қарсы алдындағы әйелге тагы да қадала қарады. Бұрынғыдай емес бойы үйреніп, неге болса да бел буган Нюра шімірікпестен сазарып отыр. Оның өр сыңайын андаған нәшәндік әкіреңдеп әлек болудан еш нәтиже шықпасын сезді ме, көкейінде көптен жүрген жасырын сырын шым-шымдап шығаруға көшкен-ді.

– Мен сені қамауға келгенім жоқ деп ескерттім. Бетінен нұры тамған сұлу келіншекті қараңғы торға қамап ұстаудан

ұлken қылмыс бар ма мен үшін. Жаным темірден жаратылмаған, менде де сезім, жүрек, түйсік бар. Егер қаттылығым, түрімнің сүйкітығы білінсе, оған мен кінәлі емес, талап пен жұмыс солай, демек, мен түскен қазан қатты қайнап пісріді. Құні ғүгінге дейін салт басты, сабау қамшылымын. Қызмет қуамын деп, жар қызығынан айырылыптын...

Шолақ қолдың не бықсытып келе жатқанын етеп іші сезе баста-ған Нюраның әлгінде ғана боп-бозданған жүзіне қан теуіп, бойынан үрей үркіп, денесі дірлдей бастады. «Тәңірім-ая, енді жетпегені осы еді».

— Зорлықпен келгенім жоқ, сені алғаш көргеннен бері тағат таптырмаған...

— Керек емес, — деді Нюра зәрезап болып, — ар жагын айтпай-ақ қойыңыз...

— Өлмектің артынан – өлмек жоқ, басың жас, бақытың алда, балаңның үстінен құс ұшырмай тәрбиелеймін...

— Жаудың әйелін алды деп, өзіңіз де ұсталып кетерсіз... Болмайды! Бекер әуре болманыз! – Атып тұрып сыртқа беттемек еді, інкібіді бастығы:

— Отыр! Шошандамай, сөзге қонақ бер! – деп ақырып қалды. – Немене, менің әйел суюге қақым жоқ па?

— Қақыңыз бар, бірақ біреудің әйелін емес.

— Жесір әйелді деңізі...

— Жесір мен жетімнің заманы емес пе, осы өкіметті соларға тендік әперу үшін орнатпап па еді...

— Ол, рас, махабbatқа да бостандық керек, сондықтан да саған сөз салып тұрмын, сондықтан да жуандық жасамай жуас жолмен, қазақы жолмен ұлken басымды кішірейтіп келіп тұрмын.

— Ақиред алдында да айттар сөзім – үзіңіз үмітінізді. Мен о дүниеде де Қандауырды ұмыта алмаймын.

— Ұмытпай-ақ қой. Тіпті бес уақ намазынан қалдырма, суретін салып қабырғаға іліп қоялық.

— Мен енді сізге еш нәрсе айтпаймын, білгенінізді істеңіз. – Нюраның беті қайтадан қуарып кетті.

— Қак маңдайдан үрдің-ау, аспан көз қатын. Қайтейін сені, қайтейін, жалғандағы жалғыз қуанышынан айырдың, абырайымды айрандай төктің, жігерімді құм қылдың, жігіттігімді қорладың, аяулы сезімімді аяқ асты еттің. Енді

қайтіп ашуланбаймын, енді қайтіп елді қан қақсатпаймын, айтшы өзің... Жазығым не, жазығым жар қызығын көрейін дегенім бе?

Нюра таң қалды. Шолақ қол бетін қос алақанымен басып алғып, әйелдерше ал келіп солқылдан жыласын. Басқа – басқа да, дәл осындаи оқыс қылық, босаң қоңіл күтпеген еді, әрі оған тас емен жүргегі жылып, жаны ашыған. «Қойыңыз аға, азамат емессіз бе, босамаңыз» деп оған деген өшпенделілігін жұмсараптаққа ниет қылды да, «көй, босқа емексітпейін» деген оймен тез айныды. Ал анау қалтасынан орамалын шапшаң суырып алғып, жасқа толған жанарын сұртіп-сұртіп орнынан тұрды. Белбеуін ширыға түзеді. Тапаншасының қабын сипап тексерді. Нюрага қарамаган күйі шыға берді де: – Ендігі хабарды милиционерден күтерсің, сұлуым, – деп жымиды. – Мен сенімен қоштаспаймын, көріскеңше.

Шолақ қол шығып кеткен соң, үйге апыл-ғұптыл кірген Аналық, есі ауысқандай, аядай ғана әйнектен түскен жарыққа кірпік қақпастан телміріп отырған Нюраны құшақтай алды.

– Не деп кетті? Ұзақ сырластыңдар ғой, түге. Ақсарбас, бір пәледен құтылдық білем.

– Сол пәле енді ғана басталды, құрбым. Еркек екен, сөз салды, жүргегін ұсынды. Қонбеп едім, көзіме көк шыбын үймелетем деп кетті ғой.

– Кетсін әрмен... енді қайтып оралғанша, кім бар, кім жок. Жүнжіме. Шай қояйын. Балалардың да қарны ашқан шығар.

Осы кезде Кекен кірді:

– Ертеңге дейін ойлансын дейді, не айтып еді, Нұрке?

– Маған тұрмысқа шық дейді.

– Онысы жігітшілік екен, – деді Көкен желкесін қасып.

– Кет ары, алbastы басып тұр ма, Қандауырга не бетімізді айтамыз.

– Kisi тірі қалу үшін не істемейді... Өзің біл, мың жылғы жұмактан бір құнгі жарың артық емес пе...

– Сен мені білмейді екенсің, Көкен, – деді Нюра қабағы дірілдей ренжіп. – Байсырап отырғаным жоқ, Қанекеннен жаным артық емес. Аюдай ақырған ата-анамның ақ сүт, ақ батасын аттап қосылған жарымды жасыққа айырбастанымын ба.

– Кешір, – деді Көкен қалбалақтап. – Мен... әншейін... сен үшін фой бәрі де. Құрысын, қайтып алдым сөзімді. Әй, Аналық, шайыңың түбіне тас түсіп кетті ме, неғып қайнамайды...

«ЖАРЫҚТЫҚ КӨКЕННИҢ МИНЕЗІ ҚЫЗЫҚ ЕДІ-АУ, – ДЕП ӨЗ-ӨЗІНЕҢ КУЛІМСІРЕДІ НУРКЕ КЕМПІР. – АУЗЫН АШСА, ЖҮРЕГІ КӨРІНЕТІН АДАЛ, БАЛАДАЙ АҢҚАУ ЕДІ».

Таңға жуық сыйдырын білдірмей тұрған Аналық аса сақтықпен киініп, есікті ептең аша бергенде, біреу шымшып алғандай сыңып қоя берген. Тықыр еткенге оянатын қүйеу: «Әй, бұл кім, Аналық, сенбісің, қайда барасың?» – деді үйқылы үнмен. «Мен фой, әлгі жалғыз сиыр кеше кешке өрістен келмеп еді, байқайын деп... үйқыттай беріндер. Бала тоңып қалмасын, қымтай сал», – деп, қамқор кейіп танытты да, лып етіп шыға жөнелген. Сол бетімен Нюраның үйіне беттеді. Ол да ояу отыр екен, екеуі ұзак күбірлесті. Бәрінен де қыны шырт үйқыда жатқан баланы ояту болды. Тұнде қайда барамыз деп, қынқылдан жылады. Буыншақ-түйіншектерін арқалап үшеуі ағаш арасындағы мыстан кемпірдің баспанасындей болып жалғыз қарауытқан моншаға қарай аяндады. Ауыл таң алдындағы өлі үйқыда. Өліара кездің қараңғылығы енді-енді ғана етек түріп, көбесі сөғіле бастаған. Ауыл шетінен басталар отқа осы елдің бес-алты қара малы жайылып жүр. Тау қойнауы болғандықтан, таңға жуық қалың қырау түсіп, бейне бір жұқалаң қар жауғандай әсер беретін қарашаның сұғыры жылы үйден шыққан денелерін тоңазытып, бүрсек қақтырды. Әсіресе, үйқысы, әлі де ашылмай, есінеп-құсынаған бала «тоңдым, мама» деп еріншектене ереді. «Тоңарсың әлі, бұл – басы ғана», – деп күбірлейді шешесі. Айдаладағы моншаға жеткенде, балада тіпті зәре қалмады. «Кірмеймін, оның ішінде сайтан бар», – деп шегіншектеді. Іші тастай қараңғы моншаға бірінші болып «бисмилла» деп өжеттене кірген Аналық оттық тұтатып, жарық жасады. Іші ыс-ыс бөлменің қабыргасына жанап кетсең, үсті-басыңды күйелештеп шығасың. Бұрыштағы тастан үйіліп жиналған пештің үстінде майшам бар екен, тұтатып еді, өлімсіреген сәүле таратып, есіктен ескен желемікпен қыпыштықтай жанады. Қамбаның аузы ашық екен. Ішіне сып беріп түсken Аналық:

— Эй, Нүркө, еңкейіп қарашы өзін, ұядай, — деп сыйырлады. — Майшамды маған әперіп жібер.

Әуелі жалауышкені, содан соң қызын шұңқырга түсіріп, артынан өзі сусыды. Жертөленің іші, расында да, әрі кен, әрі тап-тұйнақтай. Бәрін де Аналық сақадай-сай дайындалған екен. Кержақтардың ашыған капуста, қияр, балын сақтайдын тақтай таушаны жайып, төсекке айналдырған. Жертөленің қабырғасына дейін тақтайланған, тек едені жок, құм төккен. Жеміс-жидектері бұзылmas үшін, құм төсейтін шығар...

— Міне, осы ендігі үйлерің, — деді қарадай борша-борша терлеген Аналық.

— Мынау – зындан ғой... Әттең, пеші болса, қыстап шығуға да болар еді, — деді әлі де жан-жағын тосырқай шолған Нюра.

— Кішкене ғана қаңылтыр пеш тауып келсем, сұықтан емес, ыстықтан зәрезеп боларсындар.

— Эй, Аналық-ай, ол пештің тұтінін будақтатып қалай жағамыз?

— Отты тек тұнде ғана жағасындар, ал күндіз дымдарынды білдірмей жым-жырт жатасындар.

— Сонда біз үкі немесе жарғанат болғанымыз ғой, — деп Нюра аузын басып, тұншыға құлді.

— Тірі калу үшін бәрі болуға болады. Ал мен кеттім. Тегінде, естерінде болсын, жер қойманың қақпағын қазанмен бастырып кетемін, шығамын деп әуре болмаңдар, өзім ғана ашамын. Екі күндік азықтарың бар. Ыстық тамаққа әзірше иектерің қышымасын.

— Мен бір түрлі қорқып отырмын, — деді Нюра мұңдайып. — Осыдан түрме артық секілді. Ойлаши өзің, қашанғы отырамыз: бір ай, бір жыл, содан соң...

— Содан соң – сол. Сен қызықсың-ей, абақтыға ас беріп жатқандай-ақ асығып, басымды ауырттың ғой. Оған бүгін бардың не, бір айдан соң бардың не, ешқайда қашып кетпес, түрмесіз үкімет болушы ма еді, — деп, іргедегі нарға қисайып үйіктаپ қалған баланың үстіне ішік жауып, жан-жағын қымтап қойды.

— Ишім пысатын шығар, тәулік бойы жер астында қамалып отырудан артық тозақ бар ма...

— Сені қойшы, — деп Аналық тағы да сампылдай жөнелді. — Тоқыма тоқисың, бәрінен де жас балаға қыын, ойын баласы іші

жарылып зерігер, әмбे саған ермек тауып, алдаусырату керек. Ал мен кетейін.

Ал мен кетейінмен тағы біраз айналсоктап, құрбысын қимағандай әрең көтерілді шұңқырдан. Содан соң жертөленің қакпағын жауып, былайырақ төңкерулі жатқан тайқазанды өзі әрең дегенде орнынан қозғап, ыргай жылжытып әкелгені естілді. Есікті нығыздап жауып, сыртынан тіреу қойды. Жанжагына алақ-жұлақ қарап, жорғалап үйіне жеткен. Жолшыбай қара сиырды айдай кеткен. Қорага қамап, үйге бір құшақ отын құшақтай кірген. Эйелінің тықырынан оянған саққұлық Көкен: «Көп айналдың гой, сиыр бар ма?» – деп есіней сұраган. «Қасқыр жегірді әрең дегенде таптым. Терістің ішіндегі колхоз шөбінде белуарына дейін мелдеп тұр екен, ертелеңтіп ізденгім қандай көрім болған, ұятқа қалады екенбіз», – деп етірікті судай сапырып жіберді. «Үй суып кетіпті, пешке от жақпасам, қарағай отын әкелсөнші, әкесі, қайыңың дуылдан жанғаны болмаса, қызыу шамалы». «Көлік болмай тұр гой, әмбесінде қол да тимейді». «Колхоздан бір тырақты тауып берсөн, іргеде жай түсіп сұлап жатқан молақтың бірін өзім-ақ сүйретіп әкелер едім». «Мұрындығын тесе алмайсың гой». «Тескенде, сенің білегің сыйып кетерғып үнірентіп жіберем, ағаштың арасында туып, ағашқа жарымасақ не дауа. Эй, қазақтар-ай, орманның ішінде тұрып отынга жарымай, үйіңің бұрышын жарып жағатын еріншектікten қашан арылар екенбіз» деп, пештің күлін шығарып, көмейіне жаңқа тығып, от тамызып толас таппады. «Аналық-ай, қолыңмен коса аузың да қымылдамаса, ұшынасың ба»деген күйеуі ендігі үйқыда маза болмасын сезгендей, самарқау күйде киіне бастаған. – Бұғін ғой Нұркені айдал әкетеді.

– Байғұсқа обал болды, – деп жаны ашығансыды әйелі.

– Кебежеңнің түбінде қалған-құтқан болса, жолына пісіріп берсөнші. Одан басқа қолымыздан не келеді...

– Қара сиырды Шолак қолға жетелетіп жіберсек, босатар ма екен?

– Қара сиырга сені қосып берсөн де жібімейді, – деді Көкен – Қайта басымызға пәле болып жабысады. Секретарь Төлеленовті домбыра шертеді, ән айтады, рулардың тегін таратады, насыбай атып, ескіліктің қалдығына шырмалған деп айыптады емес пе. Әсіресе, балаларына қын болды. Көзі

мөлдіреген бес жасар Бибігүл атты қызын қимай, «шөлім қанып бетінен де сүйе алмадым-ау» деп аһ ұрғанда, аузынан жалын атып қатты қамысты.

— Сонда қалай, домбыра шертіп, ән айтқанның барлығы халық жауы болса, құрысын... Құртайық ана домбыраны...

— Айыптың үлкені ол емес, — деді күйеуі. — Шолақ қол «Партбилетінді тапсыр» деп қожандағанда, «билетті сен берген жоқсын» деп қасарысқан. Тартып алмаққа ұмтылған Шолақ қолды қағып жібергенде, анау орындыққа шалынып шалқалай құлап түсіпті. Бар пәле осыдан әрі асқынған. «Жапонның жансызы» деп куәлендірген қағаз дайындалған, жымжылас алып кетті гой. Әйел Мәнурा балаларын жетелеп Семей жақтағы төркіндеріне көшіп кетті. Төлегенов жалғыз емес, қол астында істейтін Алпысованы да аузы-мұрнынан шыққан екіқабаттығына да қарамай қамаған және екі ағасын да алған. Әйел байғұс түрмеде босаныпты деп естімін, ал баласын қайда жібергені белгісіз... ее-еे-еे, қарағай басын шортан шалды деген осы...

Түске таман аудан орталығы Қатоннан милиционер жігіт келіп, Нюраны таба алмады. Іздемеген, қарамаған жері қалмай мысы құрыған, жалғыз өзі лажсыз кері оралған жігітті жерден алып жерге салып ұрысқан інкібіді бастығы алашапқын болып өзі жетіп еді. Тінтпеген үйі, жауап алмаған адамы қалмады, тіпті іргеде сыңып тұрған орман ішін де сүзіп шықты, жер жұтқандай жым-жылас; із кесіп, сыйбыс ести алмай дал болды. Расында да, Нюраның табан астында – бір тұннің ішінде тұтіні өшіп, тұндігі жабылып, қайда ғана ғайып болып кеткенінен Аналықтан өзге жұрт хабарсыз еді. Ал Аналық болса: «Құдайға анық, көрсем көзім шықсын, естісем құлагым керең болсын», – деп, қарғанып-сіленіп, азар да безер болған. Ал оның күйеуі Қекен: «Апыр-ау, аспанда құдай, жерде шұнай алды ма, ғажап, ғажап», – деп, таңдайын қағып, басын шайқап, әуелі қайран қалғаны соншама, қызды-қыздымен Шолақ қолға қосылып өзі де іздеді. Ал Шолақ қол – дүниедегі ең бір құдікшіл әрі иісшіл, тісқақкан, ішіл маман кәсіптік түйсікпен бісміллә дегеннен-ақ Нюраның жоғалу себебін Қекендерден көрді. Алдан та, арбап та сұрады, ұрысып та, ұрып та сұрады, «білмеймізден» басқа жарытымды жауап ала алмады. Әбден сілесі қатқан соң, тыңтындалп осы ауылға түнеп қалған. Колхоз кеңсесіндегі қара

былғарымен қапталған диванға сүр шинелін жамылып жатып қалған. Онысы көз алдау еді, ел орынға отырып, әрқайсысы майшамын ерте өшіріп жым-жырт жатып қалғанда, жымын білдірмей далага шығып, ақырын басып байқастады. Әсіресе, Қекеннің үйін таң сыз бергенше торуылдаған. Ол үйден де қырылып қалғандай қыбыр еткен жан көрінбеген. Өліараның көрдей қараңғылығында ауыл арасында жусап жатқан жуас сиырларға сүрініп ұзақ жүрді. Жалғыз Нюра ғана емес, мұқым ел қаша көшіп кеткендей, тыныштық құлакқа ұрган танадай... әрі неге екені белгісіз, жау шауып, жұтап қалған ескі жұрттай қорқынышты... «Жо-жоқ, бұл ауылдың ұрлығын ашу үшін баяғының бақсысы, көріпкелі керек шығар», – деп күбірлекен. Күн шыға, әбден дымы құрып шаршаған соң, елікті құған аңшының итіндей бүралып кеңсеге оралды. Бәрібір көз іле алған жоқ. «Мүмкін, Өскеменге айдалған Қандауыр қашып кетіп, әйелі мен баласын арғы бетке, не Қытайға, не Монголға көшіріп әкеткен шығар. Ал ондай көzsіз ерлікті ондай жауажүректен құтуге болады. Алтай тауының құзарларында шекара да, андаушы да жоқ, мылтығын шошайтқан он шақты солдат тек сайда ғана, оқта-текте салт атпен қоқыраңдап жоталарға жортып шыққаны болмаса, өркеш-өркеш тау шағылдарындағы көш жолын, аң мен аңшының соқпағын білмейді. Қандауыр секілді аңшы шекарадан көзін жұмып өтеді». Міне, өз ісін әлемдегі ең ақиқаттың бірі есептейтін Шолақ қол шақшадай басын шарадай еткен ойын осындау түйінмен аяқтады. Колхоз басқармаларына «бәрібір сендерге сенбеймін, бірін болмаса бірің саучастниксін» деп, атқа қона берген кезінде бригадир: «Осы біз кержақ байдың ескі моншасын қарадық па?» – дегені көзі ежірейіп. «Көрсет моншаны, ол кай жерде? Неге айтпадың?» – деп ақырып, тапап кетердей қамшысын үйіріп, атын омыраулатты. «Жүріңіз көрсетейін, осыдан бір шақырымдай жерде, орманы қалың өзен жағасында», – деп, алға түсіп томпандау жөнелген. «Ой, онда сайтан да жоқ, маңайынан жүруге қорқамыз», – деген кәперсіз Қекен. Ал Аналықта зәре қалмады. «Құрыған жері осы шығар», – деп, бетін басқан күйі өз үйіне жүгірген-ди.

Моншаға жақындай бергенде, Шолақ қолдың тақымындағы аты қорсылдау өз-өзінен үріккені. Ойқастап бас бермей қойған соң, «шынында да, бұл моншаның бір сиқыры бар-

ау» деп ойлады да, аттан түсіп, ағашқа байлап, өзі жаяу тартты. Дегенмен, бойында сезік бар. Тапаншасын сұрып, барлауга аттанғандай байқастап, бұкшип басып жақындалды. Өуелі моншаның қурай басқан сыртын шола айналды да, өзі қабырғаға жapsырыла тұрып, есіктің тіреуін аяғымен итеріп түсірді. Тіреуі тұскен соң, топсасы ескірген есік өз екпінімен шиқ етіп ашылғанда, онбай шошыған Шолақ тапаншасының шүріппесін басып қалып, жата қалған. Албаты атылған оқ моншаның қарсы бұрышында қалқып тұрған бригадирдің оң қолын жұла жанап өтіп, арт жағындағы қарағайдың қабығын тесіп кірді. Бригадир: «Ойбай-ойбай, өлтірдің!» – деп ышқына құлады. Өкіріп-бақырып, қан саулаған шынтағын басып арпалыса аунады. «Өй, әкенің, алдында неге тұрасың ербиіп!» – деп, орнынан көтерілген Шолақ қол әлі де сақтық білдіріп, моншаның босағасынан бой тасалай сығалаған. Ешкім жоқ. Қапырық ііс қана мұрын жарады. Дізесі дірілдеп ішке кірді, қазанды бір теуіп қайта шықты. Қансыраған бригадирдің жаралы шынтағын өз көйлегін айрып жіберіп таңып жатқан Көкен «канқау елге дөң айбат жасағаны болмаса, нәшәндігіміз бұтына тышқан қорқақ екен-ау» деп ойлады. Алғашқыдай емес бойын тік ұстап, қоқылана жақындаған Шолақ қолға бригадир: «Өзің секілді мені де шолақ етейін деп пе едің, үстіннен жәлібі жасаймын, неге атасың?» – деп анқиды. Анау сасқан жоқ: «Жауды ұстай майданында өлім-жітім болмай тұрмайды, оқыс қой, қан шықпастай етіп мықтап таңып ал да, артыма мінгес, ауданға апарып доктырға емдемет», – деп, үлкен «кісілік» жасады.

– Әлгі жаудың қатыны моншада жоқ, бірақ... Әлдекім бізден бұрын тінтілеген секілді, өйткені кіреберістегі өрмекшінің торы бұзылған, бетіме жабысқан жоқ, – деп қауіп айтты.

«Апыр-ай, адамның үш ұйықтаса түсіне кірмейтін нәстені сезуін, жыланның жусағанын білетін нағыз тыңшының өзі екен?» – деп таңырқаған Көкен ілбі басып ауылға аяндалды. «Құдай-ай, Нұркені жер жұтып қойды ма?» «Жаудың» қатын-баласы табылмады деген хабарды естіген Аналықтың куанышында шек болмады. Ал інкібідінің артына мінгесіп кеткен бригадир қара орманына қайтып оралған жоқ; «Шолақ қолдың өзімен атсызып, оқ тиген Нюра Фадейқызын ізім-файым қашырып жіберген сол екен, жымын білдірмей жүрген нағыз

халық жауы екен, Төлегеновтің өзімен сыйбайлас болыпты» дейді-дейді – не дейді екенмен айыпталып, итжеккенге айдалған. «Қақаған сұық, қатаң тәртіпке төзе алмай, сол жақта іш құса болып, буынып өліпті», дейді, дейді – не демейді.

Алайда, шындық еді.

«ОЛ ДА КЕТТИ ҮРПАҚСЫЗ, – ДЕП КУРСІНДІ НҮРКЕ КЕМПІР. ТӘҢІРІМ-АЙ, МЫЛТЫҚ ТАРС ЕТКЕНДЕ ҚЫЗЫМНЫҢ ШЫРЫЛДАП ЖЫЛАП ҚОЯ БЕРГЕНІ. АЙФАЙ-ҰЙФАЙМЕН АЛҒАШҚЫ ДАУЫСТЫ ЕСТИМЕЙ ҚАЛЫПТЫ, АРТЫНАН БАЛАМНЫҢ АУЗЫН ТҮНШЫҚТЫРА БАСА ҚОЙДЫМ. ТЕК МҰРНЫМЕН ФАНА ДЕМ АЛҒАН ҚҰЛЫНЫМ, ОЛАР ҰЗАП КЕТКЕНШЕ ӨЛІП ҚАЛА ЖАЗДАҒАНЫ-АЙ»

Алтайдың мұқым орман-тогай, сай-сала, бұта-қарагайын аппақ мамырқа бөлеп қар жауды. Бұл шақ қарашаның қара сұығы ашуын азайтып, тау ішіне үп еткен желсіз жуас та жұмсақ тыныштық орнаған момын шагы еді. Алғаш рет қыстың таза қары түскенде, азынаған ызғырық азаятын да, әдемі бір жылымық орнайтын. Міне, биыл кештеу келген есесін алғысы келгендей күні-туні қапалақтап жауып, тізеден келетіндей омбыға айналды. Алтай қысының да өз сұлулығы, еш жерге ұқсамас ерекше бір әдемі суреті болушы еді. Әсірессе, жалғыз-ақ күнде салаң ете қалатын қысының жұмбақты да жымжырт кейпіне қарасаң, көктемге бергісіз жанынды жарылқар сыршылдығын аңғарасың. Амал не, осына ішкі сарайынды сансыз сиқырлы әуезге бөлер сабырлы қуанышың салқындан барып, тым келте қайырылар еді...

Айға жуық айласын асырып келген Аналық алғашқы сонарда із кесіп, моншада жасырынып жатқан Нюраға қатынаудан жасқанды. «Жығылған үстіне жұдырық» дегендей, Нұркениң баласына сұық тиіп, өкпесі сырылдап қатты ауырып жатыр еді. Не істерін білмей басы қатқан Аналық бүгін де ерте тұрып, тәуекелге басып жар жағасындағы жалғыз моншага қарай бет түземек ниетте. Пиманың қонышынан асар қарды жаяу кешуден гөрі, Қекеннің ара-тұра аңға шығатын шаңғысын аяғына кимек болды да, кораны, отын сарайдың ішін қарап еді, таппады. Қанша қайраттымын деп сыр алдырмағанмен, соңғы кезде шаршап та жүрген. Бармаудың реті тағы жоқ, екі көзі төрт болып дімкәс баласы мен құрбысы күтіп отыр. Тамақ түйілген

түйіншігін қойнына тығып, құдайға тапсырып жүре берген кезінде, артынан: «Әй, Аналық, қайда барасың?» деген дауыс естілді. Оқыс естілгені соншалық, «Ойбай, көтек!» – деп, қар үстіне жалп етіп отыра кетті. Есін жиып қарағанда көргені: өз күйеуі еді, үстіне шолақ тонын желбегей жамылып, төбесінен төніп тұр. «Түү, сен екенсің ғой, зәре-құтым қалмады-ау...»

Омбы қарға белшесінен батып отырған әйелін қолтығынан демеп түргызған күйеуі:

– Қара сиыр қорада қамаулы тұр, таң аттай қайда барасың? Мениң көзіме шеп салып жүргенмен саумысың? – деп сұрады әзіл-қалжыны аралас түсін сұытқан болып.

– Иә, деген, сенен басқа біреу қарайды деген маған... Өншейін жүргім қысып, тынысым тарылышп, дем жетпей бара жатқан соң, ауа жұттайын деп...

– Өтірікайту үшінде қысын керек, Аналық, – деді Көкен келіншегінің етегіне жабысқан қарды қағып. – Әсіресе, сенің қолыңнан келмейтін өнерол. Сырғақсып менен жасырып жүрген сырынды баяғыдан білемін, әншайін кедергі жасамайынши дег, үндемегенмін. Жүр, бірге барып білейік хәлдерін, – деп алға түсіп, айдаладағы моншага қарай аяңдай жөнелді. Аналық ләм деместен, өз мініне өзі өкінгендей, күйеуінің қар кешкен ізін куалай ерген еді. Олар қарсыласқанына қарамастан Нюра мен баласын үйлеріне алып келді. Ел көзінен тасалап бақты, аузындағы азын-аулақ астарын бөле-жарып асырады, жан адамға білдірмей сақтады. Бұл үйге қарай әлдекім қарға адым жақындаса, березеп болып, алдынан өздері шығып щаруасын бітіріп қайтарады немесе Нюра мен қызын жертөлеге түсіре қояды. Қаншама кайрат көрсетіп ем-дом жасаса да, Нюраның баласын аман алып қала алмады, әбден сұық тиіп, өкпесі қабынған сәби таңға жуық жантәсілім берген. Сонда бейне бір түшіркеніп, үйықтап жатқандай боп-бозданған баласын құшақтай құлаған Нюраның жылағаны-ай... Қыстың қақаған сұығында тірісінен ғөрі өлі баланың денесін жасыру қын болды. Тұлыпқа орап алдына өңгеріп ала жөнелген Көкеннің артынан шашын жұла тұра ұмтылған Нұркені Аналық әрең тоқтатып, белінен құшақтап айырылмай, құдайдың зорына алып қалып еді-ау. Сөйтіп, қантардың қарабарқын түнінде Қандауырдан қалған жалғыз тұяқ көnlінің медеті, тас емшегін

жібіткен, тар құрсағын кеңейткен жалғызынан мәңгілікке айрылып, қош-қошын айтқан. Жалғанның жарық дүниесінен безініп, жаратқан иесін қарғап-сілеген, дүниедегі жақсылық атаулыдан тағы да құдерін үзген...

«МЕН БЕЙБАҚ БҮДАН СОҢ ҚАЙТЫП БАЛА КӨТЕРМЕСПІН, АЛ ҚАНДАУЫР ЕНДІ ҚАЙТА ОРАЛМАС ДЕП ОЙЛАП ЕДІМ».

Қыс өтіп, көктем туды. Тұнде үйде, күндіз жер астында жарғанат секілді ұры ғұмыр кешкен Нюра да тірі жанның көзіне түспей, ілініп-салынып қыстап шыққан. Жадырап жаз келгенде, яғни 1938 жылдың жазында мұқым ауданды бидайдай қуырган Шолақ қолдың өзі істі болып, айдалып кетіпті деген қуанышты хабар жетті. Міне, осынау «қантап жүрген халық жаулары түгесіліп», елді алатаидай бұлдірушілердің өзіне тықыр таянған саябыр шақта, Нюра Фадеевна да «бисмилла» деп жарық дүниеге шығып еді, «Үйбай-ау, сен тірі екенсің ғой, қайдан жүрсің?» – деп әуестенгендерге: «Күйеуімді іздеп барып келдім, тірі, тұрмеде отыр», – деп жалтара жауап берген. Бұдан соң ел қатарлы еңбек етіп, Отан соғысының сойқанын көруге жазды.

«АНАЛЫҚ ҚҰРБЫМНЫҢ ЖАҚСЫЛЫҒЫН ҚАРА ЖЕР-ГЕ КІРГЕНШЕ НЕГЕ ҰМЫТАЙЫН. ҚОЛЫМНАН БАР КЕЛГЕНИ – БІЛЕГІМДЕГІ ЖАЛҒЫЗ КҮМІС БІЛЕЗІГІМДІ ШЕШІП БЕРІП ЕДІМ-АУ», – ДЕП, НУРКЕ КЕМПІР КҮРСІНДІ.

Соғыс басталғанына екінші жыл толғанда, ойда-жокта Қандауыр оралды. Өлгені тіріліп, өшкені жана қуанған Нюраның ерімен екеуі арасындағы қызық тым келте кесілген. Он күнге ғана сұранып келген Қандауыр бір аптадай еру болды да, айыпкер батальонның сапында, алғы шепке аттанып кете барған... Содан қайтып оралған жок... Сталинград тубінде ерлікпен қаза тауыпты. Ал Қекен бір аяқтан айрылып оралды, бірақ елуінші жылдан асып жасай алмады. Аналық алпысыншы жылдан аттап өте алмады

«ЖАТҚАН ЖЕРЛЕРІҢ ЖАРЫҚ, ТОПЫРАҚТАРЫҢ ТОРҚА БОЛСЫН, ЖАРЫҚТЫҚТАР», – ДЕП НУРКЕ КЕМПІР КУБІРЛЕП БЕТИН СИПАДЫ.

Қатын сұнының жағасындағы жалғыз үйдің түтіні осы өңірдің өмір жалауындағы будактап, тіршіліктің белгісін танытады. Соңғы бір аптада шайдай ашық тұрған аспанның әр жеріне шарбыланып, көп кешікпей келетін күздің шабарман бұлттары жузе бастады. Көп тостырмай келер күздің хабаршысы тек қаймақшыған бұлт қана емес, күн батып, қас қарай түсер салқын түннің дene қалтыратар сұықтығы да, көп ұзамай келер күздің нышаны орман-тоғай, тау шалғынынан да біліне бастаған. Әсіреле, ара-тұра үркіп өсетін қайыңын балақ тұсы сарғайып, балдырлар қурайлана қурауда еді. Ала бұлтты аспаннан қиқулап тырна ұшып, жылы жаққа қайтудың қамын жасауда. Ал бал аралары болса, олар да үлкен әбігер үстіндегі: оты қашқан маңайды торуылдамай самғап ұшып, алыстан шырын жинап әлек. Ана ара шағылыс ойынын доғарған, ерек аралар да еріншек тартып тамаққа ортақ тоғышар күйде тырп етіп ұядан шықпай, үйкүшік мінезін танытты. Тек еңбек араларығана жаздың ең соңғы сәтін пайдаланып қалғысы келгендей дамыл таппайды.

Бүгін Ерік пен Айна омартағадағы барлық ұяларды қақтай сауып, бал шайқады. Бастарында ақ қалпақ, беттеріне торлы пәрәнжә тұтқан, колдарында түтіні будактаған оттық. Таған да көмектескен болып жақындал еді, сезімтал аралар бөтенсіді ме, әлде бағана қояр да қоймай сұрап ішкен сыраның иісінен жиіркенді ме, дуылдап кеп талаған араның екеу-ұшеуіне шақтырып, шекесін ісірген күйі басы-көзін сабалап тұра қашқан. Бұдан соң оған бал шайқайтын үлкен шелектің құлағын бұратып қойған.

Соңғы кезде сыраны азайтып, Нұркे кемпірдің ақылы бойынша қайнаған шөп ішіп, таңертең сұық сумен шайынып, кешке моншаға түсіп, кәдімгі кісі кейпіне ыңғайлданып қалып еді. Сырадан датыйып, аузын кептірген. Бірақ досының бұл салауатты қалпы Ерікке ұнаған жоқ. Анда-санда шешесінен ұрлап бірер салтаяқ салқын сыраны тарттырып жібереді. Оның бұл қасқунемдігін байқап қалған Нұрке кемпір келініне ағаш күбідегі бал сыраны төгіп таста деп тапсырса да, Айна «Еріктен қорқам» деп баспаған, ал кемпірдің өзінде хал жоқ. «Ендеше, көрсетпендер көзіме» деп кейіген соң, үйден әкетіп, сенкеге жасырған. Дегенмен, қазіргі Таған бұрынғы Таған емес,

әлдекайдаа өзгерген, өңі кірген, ептең толып, шыр жинаған. Таудың самал жел, салқын ауасы, мұңсыз-қамсыз оңаша тірлік батпаққа батқандай болып, бойын саусытып жүретін ауыр да арам індептеп арылтып, ұйыққа айналып сасып жататын санаасын сергіткендей еді. Әр нәрсеге ұрынып, өз-өзінен пәле іздеп жүрер мінезі жуасып, унемі бір ой үстінде тұңғызып тарта тұйық, оңаша отыратын әдет пайды болды. Өзіне жүктелген жұмысты тиянақты атқарады, берген тамақтан тартынбайды. Мұрның тескен тайлақтай тұр десе – тұрады, жүр десе – жүреді. Бал сақтайтын сарайдың ішіндегі өзіне тиесілі нартөсектің үстінін жатып, өткен өміріне шолу жасап, жақсысы мен жаманын есіне алып, есеп шотқа салса, қосуынан гөрі алу әлдекайда көп екен. Ендігі қалған ғұмырын қалай аяқтары белгісіз, осы қолбала тірлігіне қорлана да бастаған. Ол мынау ұшқан күс, жүгірген аң әрен жетер Қатын бойын тұтас жайлап, сүйегіне дейін сініп кеткен ішімдіктің утыы, сол жалғыз жаңын улаған індепті асқынып барып рухын қеулегені. Ит ішкірді енді қайтып татып алмауға қаншама рет ант берді. Бәрібір тамағы жыбырлап ансары ауады да тұрады. Ең сұмдығы сол – ішпеген күні таң атқанша тұсіне кіріп өзін-өзі тырмалап аласұрады, қабыргаға басын соғып, білегін шайнап құтырынады, ұрынарға кара таба алмай, сак-сақ күледі, еңіреп жылайды. Осы қояншық қылығы, шүкір Нұрке кемпірдің дәрі шөбін ішкеннен бермен бәсенсіген. Бұрынғыдай емес, шөліркеп барып басылатын. Таңдайы кеберсіп бара жатса, бас жағындағы су шыныда мөлдіреп тұрган қарақаттың шырынын ішіп, шөлін басады. Ертеңінде шипалы шөптің тұнбасынан және бір стақан тартып алады. Осылайша өзінің маскунемдік психологиясын жеңетін қуат жинай берген шағында, еріккен Ерік ермек іздей ме немесе өткен-кеткенді айттып, мұның ең бір осал жерінен ұстап, алдап-сулап алдырып қояды. Содан соң... Иә, бір саптыаяқтан соң екіншісі, одан соң баяғы «НЕГЕ БІЗ ОСЫ!» деп басталар әлайлайына қошеді. Ал токтатып көр, таз кепешін қайта киеді. Ерік аң қарап кеткенде ғана ес-ақылын қайта жинаған сықылданады. Нұрке шешейден сөгіс естиді. Әрине, ол кісінің сөзі «әке-шешеге тартпаған ынжық неме» деген жазғырудан, намысынды шабақтар зілді айыптаудан басталады-ай. «Осы мен кіммін, маған не көрінді?» деген сауалды жиі сауатын болып жүр. Бұл – айығудың алғашқы нышандары секілді еді. Оның

үстіне Айнаның сырлы аяққа тұндырған судай мөлдіреген бота көзі барған сайын жан сарайынан сығалап, жырым-жырымы шыққан жүргегіне нұр құйғандай, жыртық-жыртық көңілін жамап жасқағандай ма-ау, әйтеуір, қырықтан асқан жасына дейін көбен тартып, көнтеріленіп қалған сірне сезімін баяу тербел желпігендей ме-ау... Мұнысы қылмыс екенін біледі, бірақ ойламауға, қиялдамауға шамасы тағы да жетпейді. Соңғы кезде оған «Еріктің маган жасап жүргені қылмыс емес пе екен?» деген ой мазалаған. «Жоқ, қылмыс емес, егер ол омартаға ертіп келмесе, қүйін қандай болар еді» деген екінші ой атойлайтын. Рас-ау, үзілді-кесілді ішпей қойса, жығып салып аузына құймас еді гой. Демек, бәрі де өзіне, өзінің азаматтығына байланысты. Тағанның азамат деген ұғымды ұмытқаны қа-ш-а-н.

Екінді етіп, қас қарада омартағы бар жұмысты ынғайлап тастаған қожайындар кешкі асқа жиналды. Күні бойы бал шайқайтын шелектің құлағын бұрап, флягқа құйылған зілдей балды сарайға тасып шаршаған Таған беті-қолын жуған соң, үйге кіргісі келмей есік алдындағы молак қарағайға құйрық басып отырып қалған. Қоқтегі шарбы бұлт кешке қарай ыдырап, күнбатыстағы таудың қыр желкесіне қогамдасып қалапты. Орманнан жауын шақырган күшігеннің сұңқылы естіледі. Оқта-текте елік әупілдейді. Қас қарада алқарапқө аспанның ашық тұсынан жұлдыздар самсанап, жерошақтағы әлі де сөнбей қызарған шоқпен таласа жымындасады. Қатын сұнының сарыны бұрынғыдай құлақ етінді жемейтін секілді: әлде жуасыған, әлде тосян үнге Таған үйреніп кеткен. Женіл киімінен өткен кешкі салқын жауратып, бойын тоңазытқан еді, сонда да үйге кіргісі келмеді. Осынадай өз-өзінен жүдеген, өзінен-өзі жиіркене шошынған, өзінен-өзі іші ұлып, сырты жаураған дел-сал, қүйреуік халді алғаш рет осынау төр жайлауда Ерік ертіп келе жатқан жолда – орыс омарташының үйінің сыртындағы қашаға сүйеніп, тұрып сезініп еді. Екінші рет жер болып қорланған сәті, тағы да сол жолы жылқышының балалары «қайыршы» деп айқайлағанда, бұғып жатқан намысы бұлқынғандай болған. Бірақ ол кезде дәл қазіргідей терең күрсініспен парасат таразысына салған жок-ты, масаң сезімнің әуені мендеп, тым тез ұмытқан да, үйреншікті әдетінің ырқында ысқыра шалқып кете барған; енді сана сарабына салып отырса, орта жасқа жақындаған жасында жанын садақалар мұрат-мақсатсыз лағып,

ерегеспен есерсөк ғұмыр кешіпті; тіпті өткен өмірін ғұмыр деп атаудың өзі де ұят, аспиранттың өмірінен бергі өткізген уақыты – ай тақыр бос, іс-түзсіз екен-ау... Сонда кімге ерегесті, кімнің қылшығы қисайды, кімдердің шат-шадыман тұрмысына ортак болды, кімдер мұсіркеп, «обал болды-ау» деп мандайынан сипады; оның бүтін ашқан жаңалығы – басқаны басындырмау үшін ең әуелі өзінді жену, тек өзіңе сеніп, өзіңе өзін тәрбиеші болу; сен адамдарға керек емессін, адамдар саған керек; егер сен өзіңің бұл жалғанда бар екенінді, қолыңнан іс келетін іскерлігінді дәлелдесең ғана басқалар назар сала бастамақ; жатқан тастың астынан су жүгіре ме, тәйірі; демек, талант дегеніміз – жігер-куаты бойында жалындал жүрген жастық шағында, қарағұстан тиғен соққы есенгіретіп тастады, алғашқы соққыдан-ақ арманын құл-талқан етіп алды да, бар ашуы – ыза, өш-кегін өзінен алғысы келгендей ішімдікке салынды, жинап-терген білімін сырханаларда айтып, талайдың тандайын қақтырды; оның біліміне білгіштігіне тәнті болған студенттер үйірсек тартып, пір тұтып жүрді де, ой қайталауы көбейіп бара жатқан соң, сырғақсып кеткен; дос-жаран, құрбы-құрдастардан біртіндең айырыла бастады; акыр аяғында әйелі де бұдан бас тартып баласын ертіп төркініне кетіп тынды; жалғыздық басталды; жұмыссыздық басталды; тайфанақ тағдыр басталды; ол бәрінен бұрын студенттердің алдында көсіліп оқыр лекциясын сағынатын. Иә, жастар аузын ашып, көзін жұмып тыңдаушы еді-ау, осы Айнаны да сол жәудір көз студенттердің арасынан көрген секілді...

– Эй, дәреттеніп болсан, дәмге кел, – деген Еріктің айғайы Тағанның адамдыққа бастаған ойларын үркітіп-ақ жіберді. Ілbi басып қаранғылықта ауызы жарқырай есінеген ол есігі ашық үйге беттеді. Тамаққа тәбеті шаппады, дастарқан басында қара көрсетіп құр бекер отырганы болмаса, қолын табақтағы еткे жалғыз рет те жақыннатпаған. Құрт қосқан ақ сорпаның бір кесесін ішті де: «болдым, рахмет», – деп, орнынан сыйпайы ғана тұрып шығып кеткен. Ол шығып кеткен соң, Нұркө кемпір:

– Ренжіткен жоқпысын? – деп ұлынан сұрап еді. Ерік: «Онда нем бар, өзі ғой бұртиып жүрген, – деп жауап берді. – Есен-саулышында ауылға қайтарсам деп едім, жете алмай жолда қала ма деп қорқамын».

— Қыстап шықсын, — деді шешесі. — Ырысыңды ішіп тауыспайтын шығар. Ауылға барып не мәртебе табады дейсің. Енді-енді ғана есін жиып келе жатқанда, жат адамдай жатырқап қайтеміз, мені ана деп сыйласаң, ұлым, ақырғы қолқам болсын, тиме оған. Қайта қолынан келген жақсылығыңды аяма. Тағанның әке-шешесінен көрген жақсылығымды бір таң айтып түгесе алмаймын.

Шешесінің сөзін Ерік ұндеңей тыңдады, не макұлдағаны, не терістегені белгісіз. «Неге ертіп келдім» деген өкінішін сыртқа шығарған жоқ. Және неге екені белгісіз ішкі бір қызығанышы қыңысалап мазабермей жүргені де рас. Өзімнен асып кетеді-ау деген қауіптен ғөрі өзі де білмейтін дұдемал ой көнілінде қөңгендеп маңырайды да тұрады. Досының мәңгі мас күйінде мәңгіріп жүре бергені ғана көнілін жай таптыратындей. Ал Ерік тым ақылды, таңдайы тақылдаған білгіштерді суқаны о бастан сүймейтін, тіпті Алматыда оқып жүрген кезінде де суырылып алға шығып шешенсінгендерді, аузы-басы көпірген білгішсінгендерді иттің етінен ары жек көретін, реті келсе сөзбен қағытып немесе кара күшке салып оңаша да мытып-мытып алатын. Мейманасы тасығандардың мысын басу, басына бақ қонғандарды басындырмау үшін жаралғандай, ішегіне қыл айналдырмайтын қызығанышпен тарылып, қайтсе де мұқату, тым болмағанда мұрның қанатсам деп, қаны қайнап өштікпен жауығатын. Ерік әлемдегі бірде-бір жеңісті, бірде бір атак-данқты, жекелеген адамдардың адамзатты таңғалдыратын табысы мен ерлігін мойында майтын. Мойында майтын себебі: ондай озып шыққан ғажаптарды мәңгілік деп есептемейтін, бәрібір түбінде басқа біреу қайталайды деп қабылдап, өзінің де қолынан келетін әншнейн нәрсе деп менсінбес еді. Нақтылы іспен шүғылданбай, аузынан суы ағып музыка тыңдайтындар, әләуләләп ән айтып, жер тепкілеп билейтіндер, көз майын тауысып кітап оқитындар мен шұқшиып кітап жазатындар, табиғаттың өзінен күнде көріп жүрген көріністі қағазға қайта салатындар – осылардың бәрі-бәрі еріншек, елді алдаушылық әрі өздері ештеңе өндірмей, яғни жұмысшы-шаруаның күрек-қайласымен табылған азыққа ортақ арамтамақтар ғана... Жарайды, әнін айтып, жазуын жазып, биін билей берсін, бірақ қарны қажетсінетін ауқатын өзі тапсын, өзіне қажетті азық-тулікті өз қолымен өндірсін, демек, егін ексін, мал

бақсын, станоктың басында, көріктің қасында тұрсын, содан босаса ғана, әлгіндей рухани нәстелермен әлектенсін... Бір күн ән айтсын, он күн дем алмасын; бір кітап жазсын, бір жыл қарекетсіз сенделіп жүрмесін; осы ауылда ертеден қара кешке дейін жұмыс істеп, кешке өлең айтып, концерт қойып жүргендер бар гой, сол үшін еркелеп ел үстінен күн көруге бола ма? Жазушы, суретшілердің көбісі жұмыс істемейді – еңбек стажы сонда да жүре береді, тіпті жап-жас жігіттер салақтап бос жүреді екен дегенді естігенде, тас-талқан болып ашуланып еді: «Құдай-ау, жалғыз кітап оқымай-ақ жан сақтап келемін, ата-бабамыз да сейткен, неменеге әспенсітеміз, неменеге табынып, тамсанамыз, өмірдің ең қажетті дүниесіндей-ақ дүрлігеміз келіп: адамзат қара танымайтын сауатсыз кезінде де, шүкір, өмір сүре білген... Жо-жоқ, еңбеккөр тапқан азыққа ортақ болмауы керек, өйткені еңбек сатылмайды, сондықтан да қолдары күректен босағанда ғана қолына қалам алсын, ән салсын, билесін; айталық, мен шаруадан қолым қалт етсе, аң аулаймын, бірақ тек қана аң аулауды, жазуды, ән салуды кәсіпке айналдыруға болмайды; міне, біздің қофамымызда осындай ақшасы көп арамтамақтардың салдарынан жұмыс күші жетіспейді, өйткені көбіміз ән салып, би билеп жүрміз және оларды жер-көкке сыйғызбай мақтайдынын, хан көтеріп, қастерлейтінің қайтерсің. Хемингуэй деген, не жетпегені белгісіз – байлықтан басы айналып, өзін-өзі өлтірген шалды білмей-ақ, қанша адам жайбаракат, жайма-шуақ өмір сүрді, өмір сүріп келеді; немесе Толстой деген шалды менің әкем, шешем оқығанды қойып, атын да естіген жоқ шығар-ау; бірақ одан бүлініп қалған түк жоқ, аспан ойылып жерге түспеді; ал анау Тағанды алайық, оқымағаны, білмейтіні қалмады. Не шықты, қалтасында көк тының жоқ, менің – еңбеккордың есігінде жуынды-шайынды андып жүр. Сол ма – оқыған адам. Тегінде, біздің түбімізге жететіндер де – оқыған кулар. Ендеше, физикалық жұмысты рухани енбектің құлына айналдырып, корлауға болмайды». Ит арқасы қиянға өзі ертіп келсе де, енді құтыла алмай әлек болған Тағанның алғаш рет ауылда көргеннен көш ілгері кісі болып қалғаны Ерікті, шынында да, алаңдатып еді. Байқастап қараса, соңғы кезде оған деген шешесінің де, әйелінің де ілтипаты өзгеше. Әсіресе, бұған ұнамағаны – өзі жоқта сыра бермей, қайта-қайта моншалап,

дәрі шөп ішкізіп, өбектегі бағып-қаққаны. Өлі жүні түспеген иттей болып жүретін бұралқы неме қазір қарға аунаған түлкідей құлпыра бастаған сыңайда. Егер осы қалпымен енді бір-екі ай бақса, баяғы студент кезіндегі жұтынған, жұлқынған Тағанға айналып, ауыздыға сөз, аяқтыға жол бермей қайраттанып кетуі мүмкін. Ал ондай өзімен үзенгі қағыстырылатын қарағымның Ерік үшін түкке де қажеті жоқ. Ендеше есін жиғызбаған қалпында кепешін кигізу керек. Осы оймен үйден шыққан Ерік шолаңдағы бал сырдан көк құманға толтыра құйып алды да, Тағанның қара шаңырағына қарай беттеді. Бұл кіргенде Таған екі қолын басына жастап, төбеге тесіле қарап, ой үстінде жатыр еді. Сықырлай ашылған есікке марғау қарады да, сол шалқасынан жатқан қалпын өзгерткен жоқ. Еппен басып кірген Ерік нардың шетіне отырды.

– Бүгін ерте жатпапсың ғой, шаршаган шығарсың, кел мынадан тартып жібер, ұрлап алып шықтым, – деп сырға құйып ұсынды.

– Соған бір түрлі тәбетім тартпай түрғаны...

– Мұның енді адам естімеген жаңалық болды, тек ұзағынан сүйіндірсін.

– Мен өздігімнен ішкен емеспін, өзгелер іштіретін.

– Кінәні өзгеге арта салу – пәледен құтылудың ең онай жолы. Айталақ, мен өз кемшилігімді тек қана өзімнен көремін. Сен ойлайтын шығарсың: бейне бір саған қастандық ойлап жүр деп. Егер ондай арам ойым болса, ауылда аунап жатқан жеріңнен тауып алып осында ертіп келер ме едім. Сенсіз де таңымыз атып, күніміз шыққан. Айналдырған аз шаруаны Айна екеуіміз-ақ дөңгелетіп аламыз. Құдайшылығынды айтшы өзің – осында келгеніңнен құр болдың ба?

– Ол қамқорлығына рахмет. Өкінішім де, ренішім де жоқ. Бірақ сен мені ерекк, ер азамат деп есептемейтін секілдісін, асын беріп айтқатп үргізетін Аламойнақ сияқты көзге ілгін де келмейді.

– Мен о бастан сөзге шорқақ, тұйық екенімді білуші едің ғой, сондықтан да үйірсектігім жоқ, тағылау мінезіме таңғалмай-ақ қой. Кейде Айна мен анам да осы саяқтығыма өкпе білдіреді. Қайтеміз, жаратылысымыз солай, көр түземесе, адамның қолынан келмейді. Үндемегеннің бәрінде үйдей бәле бар деу де қате. – Саптыаяққа құйған сыранны өзі демалмастан тартып

жіберді. Тартып жіберді де, қайтадан мөлдірете толтырып қүйды. Әлгінде ғана Еріктің сөзін жайбарақат тыңдал жатқан Таған мына оқыс көрініске таңданғаны соншама, басын қақшаң еткізіп көтеріп, орнынан тұрып кетті.

— Ей, бәтшагар, мұның не сенің? Сен де ішуші ме едің? Міне, гажап! Өнім бе, түсім бе?

Ерік мырс етіп құлді, қулген бойда және бір саптыаяқты өңешіне ақтара салды.

— Ишпегенде ше, у дейсің бе, колдан ашытқан тап-таза бал сыра. Екеуіміздің айырмашылығымыз да сол — сен бір ішсең тоқтай алмайсың, ал мен асқындырмай кез келген уақытта қоя саламын. Бұл дүниеде ішімдік татпайтын сопылар кемде-кем, кейбірі жар салып күндіз, кейбірі жасырып түнде ішеді. Мәселе, досым, сонда... Күндіз ішкендер — ақымақ, түнде ішкендер — ақылды. Сенің көкейінде маған қойылар бір сұрақ бар, — деді Ерік қыза сөйлеп. — Ол сұрақтың төркіні — осынша байлықты, мол ақшаны жинай беріп не істейсіңге саяды. Өтірік деші осы ойымды...

— Рес, реті келсе сұрамақ едім.

— Сен сұрамай-ақ айтайын: адам болып асқақтап жүрү үшін, әркімге бір жалтақтап жарамсақ ғұмыр кешпес үшін қарызданып-қаугаланып итшілемес үшін...

— Сонда қалай...

— Сонда қалайды қоя тұр. Өзің айта беретін «Неге біз осыны» енді мен айтсам: неге біз осы байлығы бар адамды бандит деп есептейміз. Кім қабілетті — сол ғана байлық жинап алды. Баяғыда да сөйткен. Ақымақтың аты — ақымақ, етегіне салған бір уыс бидайды төгіп-шашып алады немесе ап деп асап қояды; ол бидайды үнемдеп, егіп, балтап-кутіп, мол өнім алуды білмейді немесе ерінеді.

Салынып ішпегендіктен бе, екі саптыаяқ сыра Еріктің ежелгі салмақты мінезіне желік бітіріп, бетіне қан жүгіріп, есіп сөйлей бастады. Майшамның жарығымен шағылысқан жанары жалт-жұлт жайнап, сұлу ажарын аша түскендей. Досының ағынан ақтарыла айтқан сырьы желеу болды ма, әлде көптен бері ашылып сөйлесер жан таппай әбден ішқұса күй кешкендіктен бе, Тағаның да мұн қабыздаған көңлі жіпсіп, жүйкесі босап, әңгімеге араласқысы келгендей арқасы қоза бастады.

– Кел, Қарабауыр, баяғы базар шақты еске алып тартып жіберейік, мен саған алғаш рет қолқа салып отырмын, – деді Ерік саптыаяқтағы сыраны ұсынып.

– Апыр-ай, қойсам деп едім, – деп қипақтады Таған.

– Ертеңнен бастап қойсаң да кеш емес.

– Бар пәле бір бастасам, қоя алмайтынымда болып түр ғой. Жарайды, енді... сенімен бұлай отырмағалы қашан. – Бастап жіберді.

– Ит-ай, әдемі ішесің, – деп сүйсінді Ерік. – Саған өзі бір түрлі жарасады, ал, мен у ішкендей тыжырынып, жиіркеніп зықым шығады... Жалпы, бал сыраның адам организміне пәлендей зияны жоқ, сені құртқан – барматуха. Ылғи конъяқ қана ішетіндердің маскунем болмайтыны содан. Оны былай қойғанда, тау халықтары, әсіресе, абхаздықтар, грузиндер – өмір бойы қолдан жасаған шарап ішсе де, бірде-біреуі дәл қазак-орыстардай сандалып маскунем болып кеттейді ғой. Европада да шарапқа тыйым салынбаған, бірақ дәл біздегідей ауызын ит жалап көшеде жатпайды. Неге? Неге десеніз, олар мәдениетті ішеді. Бар пәле ішуде емес, қанша және қалай ішуде. Осы араққа құмарлық, мениңше, ұлы Отан соғысынан басталды. Шабуылда батырлық жасау үшін ішті, Сталин үшін, содан соң женіс үшін, достық, интернационализм үшін ішті; кейін жоспарды артығымен орындағандар, тың жерді игергенде, тағы, тағылар үшін сіміре берді, сіміре берді, «қойындар, түбі азып-тозып кетеміз» деп тоқтау айттар адам табылмады. Ал сенің осы сусынға қалай тап болғаныңды білмеймін, достым...

– Құйши анауыннан, – деп желіге бастады Таған, – қай-қайдағыны қозгадың ғой. Мениң таңғалып отырганым, өзің татып алмайсың, соның барлығын қайдан білесің?

– Немене естір құлак, көрер көз жоқ кеңе деп пе едің... Сен отыра түр, өмір бақи дәмін татпаған ішімдік әкелемін қазір, – деді де сарайдан тез шыға жөнелді. Ол кеткен соң, Таған құмандығы сырадан өзі құйып және тартып жіберген. Бұдан соң жұлын жүйкесі босап, құрыс-тырысы жазылып, неше күннен бері өнебойын қысып жүрген арам тери маңдайынан бұрқ етіп шығып еді. Көзі шырадай жанып, бұлауға тускендей рақаттанды дерсің. Бағанағы мұн, нала, ой мен қырға жетелеп діңкелеткен ой жоқ, – жаны жасарып, жайлалаудың шалғынына аунаған құлыштадай құлдырактап масайрады. Тағы да құйып

ішпекке ұмтыла беріп еді, қолында шыны құтыға құйған арағы бар Ерік кірді.

– Өзім ішпесем де, міне, мынандай арақ жасаймын, қайыңың шырынына тұндырылады. Барлық технологиясын ашып айтпаймын, секрет. Осындай он шақты шөлмекті Прохорга әзірлеп қоямын. Ол маған қажет десем, адамның жанын тауып әкеліп береді. Енді екі-үш күннен соң келіп қалар. Движоктың жанаң майы таусылып, қараңғыда қалдық...

– Бензинді де сол әкеле ме?

– Бензин болғанда – аэробензин, төресі... оның бір тапсырмасын орындаі алмай жүрмін.

– Ол қандай?

– Аюдың, қонжығының терісі. Әнеугүні мен ойға кеткенде, екі баласын ерткен кірекей омартаны торуылдапты. Ал мен қазір іздел таба алмай жүрмін.

– Сен жокта ғана келсе, сезеді екен ғой. Хайуан-ай, адамдардың арам піғылын қалай біледі...

– Сөзінің төркінін түсіндім, ренжімеймін, мен қазір ештеңеге мән бермеймін, ештеңені аямаймын, өйткені маған жақсы. Мне сейчас очень хорошо, друг мой. Кел, кәне, мынаның дегустациясын алайық.

Қалтасына сала келген кішілеу стақанға бірдей қылыш құйды. – Сен үшін, сениң кісі болғаның үшін, болашағың үшін іштейік! – деп тартып жіберді. Таған да қамши салдырған жоқ. Сұп-суық, жұп-жұмсақ арақ өңештерін майлағандай жылжып барып, асқазандарына мұз болып қата қалған-ды.

– Мынауың арақ емес... зәмзәмнің суы шығар... неткен керемет, ғажап... – деп насяттана басын шайқаған Таған сәл ұмытыңқырай бастаған ескі әдетін оқыстан тауып алғанына қуанғандай, ернің жалап, саусактарының буынын сыртылдатты:

– Тіпті қайда кеткенін білмей қалдым, тағы бір тамызшы, дәмін сезейін жарықтықтың. Ерік құйып берген арақты ол бұл жолы өңешіне қотара салмай, ұрттап ішіп таусап, бал сорғандай сораптап ішті, – Мынауың бар ғой, армян, француз, ағылшын конъяк, ром-сром, вискілердің енесін ұрып жібереді...

– Ішкен адамның да енесін ұрады, күші 60 градустан кем емес, – деп мақтанды Ерік... – Менің қолымнан келмейтін нәрсе жоқ, бәрін өзім жасаймын. Әр адам өзін аралда қалғандай асырауы керек дейтінім де осыдан, иә, енбектене білу керек... Біз маймылдың алдында қарыздармыз...

– Дегенмен, кейбір пікірлеріңе келіспеймін, – деп саусақ шошайты Таган. – Әсіресе, өнер адамдары туралы айтқандарында баландық, шалағайлық бар. Олар тер төкпейді деп кім айтты саған? Жазу, сызу, ойлау еңбек емес пе екен.

– Бірақ олар тамақты сатып алады ғой, – деп қасарысты Ерік.

– Немене, сатып алғаң ас тамақтан өтпейді ме екен, жок, болмаса ақшаны ұрлап ала ма?

– Түсінікті ғой, бәрібір қара жұмыс істеп, қолы бостағана қиялдануы керек... Әлдекімнің жазып берген сөзін жаттап, әлдекім үйреткен қимылды жасап, атақ-құрметке ие болатын артистерден арамтамақ ешкім жок. Адамды қойып, үйреткен аю да билейді, маймыл да майысып-қайыса алады... Тіпті мені бір ай дайындаса, дап-дайын артист болып шығамын, сол үшін пайғамбардай пай-пайлаудың қажеті қанша. Айталық, мен оныншы класты бітіргеннен бастап, біреуден бір тиін алып көргенім жок. Әкемнің түр-түсін де білмеймін, шешем 28 сом пенсия алды. Өзің де білесің, мектеп бітірерде Берияның суретін атқызып тастаған соң, Хрушев екі жыл жұмыс істетті және дұрыс жасады. Сол екі жылда он-солымызды таныдық, қабырғамыз қатып, бұғанамыз бекіді. Тарабы барлар білімін жалғастырды, талабы, жоктар ауылда қалды. Сол екі жыл жастарды сынайтын табиғи сұрыптау еді. Қазір ше? Жапартмағай окуға аттанады, түскендерді 21 жаста институт таусысады, сол мажантопай бұзау күйінде өндіріске немесе ауыл шаруашылығына келеді. Тісқақкан жұмысшылар мен малышлар кекілі желбіреген, өмірден мұлдем хабарсыз сәпіллектерді қыстырмайды да... Біз оқығанда, стипендия да аз болатын, бірақ арақ пен тамақ арзан еді, сен сондықтан да ішіп кеттің, – деп Таганның иығынан салып қалды.

– Саған бүгін не көрінді, неге ішесің? – деді Таган ежірейіп.

– Басқа-басқа, дәл саған ішуге болмайды!

– Неге? Менің өңешім жоқ па?

– Өйткені сен... қауіптісің. Эй, бірақ сау кезде одан да қауіптісің...

– Өзің білесің, Алматыда жүргенде істемеген жұмысым қалмады. Көмір түсірдім, жүкші болдым, тұнгі күзette болдым, ертеңінде сабак, одан күрес жаттығуы, одан соң – еңбек. Мен өзімді ғана қамтамасыз етіп қойғам жоқ, ауылдағы анама

ай сайын ақша жолдап түрдым. Ал сен қара тырнағынды да қыбырлатпай, сарылып кітапханада отырдың. Қане шыккан ұшпағың, егер де мына сен құсап көз майымды тауысып дайындалсам, сенің миынды маған берсе, баяғыда академик атағын алар едім. Ондай ми шірітетін, бекер ой тоздыратын, сол ушін диханның нанын жейтін ақсаусақтық жаныма жат... Әлі есімде ауылда разнорабочий болып жүрген кезімде, айтпақшы, сен ол кезде де қара жұмысқа жоламай, аға пионерважатый болып істегенсің, жұз сом аса қажет болды. Сұрамаган адамым қалмады, құдай-ау, біреуі бір сом бермеді гой. Әне сол кезде ант берген: «Егер жер басып жүрер болсам, мұқым ауылды сатып алатын ақша табармын», – деп. Сол арманыма жеттім, енді маған ештеңе қорқынышты емес. Ей, бірдене десенші, қалғып кеттің бе? – деп Тағанды түртіп қалды.

– Осы кермалдастып отырған екеуміздің қоғамға қайсымыз керек? – деп сұрады да, іле өзі жауап берді, – Қажет емес шығармыз... Әттең сенімімен менен бір адам жасаса... Жер бетінде керексіз адамдар қашама көп. НЕГЕ БІЗ ОСЫ адамзатты тазартпаймыз, а, неге? Жер – ол да алып үй, баспа-намыз, қағып-сілкіп, желдетіп, шаң-тозаңдан арылтып, дімкес-тікпен, арам пигыл, теріс көзқарас, дүниекоңыздық ниет-пигылдардан айықтырса гой.

– Ондай уборка жасаса, ең әуелі сен кетесің, одан да атом қаруынан құтылып алши.

– Өзін де аман қалмассың...

– Атом бомбасынан құтылу үшін ең әуелі сол қаруды жасайдындарды, яғни көп білетін данышпандықтың ініне су құю керек. Қызық, – деп күлді Ерік, – өмірде не қылыш кияли адамдар бар. Есінде ме, Қарабура, екеуіміз ауылдан келе жатқанда бір жылқышының үйіне ат шалдырып, сусындан едік қой. Сонда тазы ит ерткен бір шал келді де, менімен тәжікелесті. Сол алжыған шал соғыстан жараланып, әтек болып оралыпты. Сондықтан да қайтып үйленбеген... Енді пайғамбар жасынан асқанда, елден іргесін бөлектеп, Алтайдың құзар басына көшіп кетті. Жалғыз кеткен жоқ, жетімдер үйінен бір ұл, бір қыз баланы өз атына жаздырып, ала кеткен. Осыдан жеті-сегіз шақырым жерде тастың үңгірінен үй жасап тұрып жатқанына үш жыл болды. Өзін қойшы, төрінен көрі жуық, тағы қүй кешіп, өсіп жатқан балаларына обал ғой.

– Мақсаты не екен ол шалдың?

– Қайдан білейін, делқұлы түпкіштің не ойлағаны барын... Эйтеуір, мені көрсе, бас терісі келіспейді. Бір рет сұырга құрған қақпандарын әлдекім алып кетіпті, соны менен көреді, кәрі шошка.

– Да-а-а, қызық екен, жолығып зерттеу керек екен.

– Ондай пысықтығың болса барып қайт. Қатын сұын өрлең жүре берсең табасың. Маралқөлдің жағасында отыр.

– Ей, алла, сенің бетіңе көп қарасам, бірте-бірте араға айнала бастайсың, – деп қайран қала қадалды.

– Мен – еңбек арасымын, ал, сен «Пчелинный волксыд». Омартаның қас жауы.

– Ал сен – «Опасный гибрид» арасың... Әлгі өзің Америка құрлышынан алдырған...

– А-а, олар – асыл текті аралар, тіл тигізбе... Вообще, болашақ солардікі, шынында да, кейде араға айналғым келеді...

Шөлмектегі қолдан ашытқан «ақсүйек» арақты ішіп тауысып, сыраға көшкенде, екі беті албырап, қызған Ерік орнынан созаландай тұрып: – Ал, досым, рұқсат етсөң, мен қайтайын, – деді. Енді ғана бабына кірген Таған құмары қанбаған қалыпта «отыра тұршы» деп қолына жармасып еді, «енді бір сағат сенің қасында болсам, маскүнем болып кетермін» деп, екі қолын қанатша қомдап, ара секілді кейіпке кіріп, ызындаған күйі шыға жөнелді.

– Ей, ей, Қарабауыр, қайда ұша жөнелдің, мен сені жақсы көре бастадым, өйткені сен жаңа ғана ара бола бастадың, – деп сонынан алақанын жая ұмтылып барып, етпеттей құлады. Оқыс тұрғандықтан ба, әлде арақ пен сыра буынына түсіп кетті ме, шөкелеп жатқан еденнен нарға сүйеніп әрең дегенде тұрды. Тұрды да, оқ тиген жауынгердей сенделіп: «ЕЙ, АДАМДАР, НЕГЕ БІЗ ОСЫ...» деп өзінен басқа ешкім түсініп жарытпайтын лекциясын бастады-ай...

«НЕГЕ БІЗ ОСЫ...»

Ерік өз денесін осыншама ауыр әрі керексіз сезініп көрген емес. Алғашында адам болып кетуге шақ қалған Тағанды ескі сүрлеуіне жетелеп қайтадан салып жіберу үшін істеген айласының ақыры өзіне тиіп, басы тұңғыш рет әңқітәңкі болып, дұнған шыр айналды. Далаға шыға бере, жүрегі айнып, лоқсыды, ықылдық атып ағыл-тегіл лақылдатып құсты.

Зеніп, буындары қалтырағанымен, санасы сайрап тұр. Тұн тастай қараңғы. Аспанды бұлт торлаған. Иті тыныштығымды бұзған кім дегендей шәу етіп үріп барып, иесі екенін сезген соң іискеледі де, құсықтан жиіркенгендей жылыштап кеткен. Тыныштық. Бетін мұздай сұық сумен жуып, аузын шайды, бір бақыр суды сыңғыта ішті де, бұл қалпында үйге кіруге ұялды ма, сенкедегі ескі диванның үстіне тонға оранып жата кетті. Тұла бойы құйіп, ауа жетпей тынысы тарыла аунақшып, көпке дейін көз іле алмады. Өмірінде осыншама көп ішкені еді, Тағанның қалай ғана өліп қалмай жүргеніне таңғалды. Ишінен сыбап боктады. Артына қарамай Айнаға қарағыштанып жүргені есіне түсті. Эрі-бері аунақшып жатып ол ойын да ысырып тастаған. Көз алдына ақ боз атты Қыз келді... Ендігі сәтте тәтті қиял мендеп, бұл дүниедегі жалғыз медеті, жалғыз арман-алданышы жанын жарылқап, ет пен сүйектен жаратылған, лұпілдеп соғар жүрегі, ысып-суыр сезімі бар жұмыр басты пенде екенін есіне салған қызыл орамалды Қыз тағы да миын шабақтап, өзінен-өзі шабыттанған... Сенкенің есігі сықырлап ашылып, қызыл орамалды қыз кіріп келе жатқандай елегізіп басын көтеріп алып еді, менрейген тас қараңғы бөлмеден салқын ауадан басқа еш нәрсе сезе алмады. Қызық: көзін ашса тұқ көрмейді, өліараның өлі қараңғылығы; ал жанарын жапса болды, ақбоз атты қызды көреді. Эне, ол тағы да босағада сүйеніп күлімсірей қарап тұр. ...Тәнірім-ау, бұл не қылған азап... тіпті бет-әллpetіне дейін ап-анық; кірпігі ұзын ұлken қара көзі, алмадай беті, ұзындау иегі, бәрі-бәрін ажыратады, әдемі қондырылған мұрнының оң жағында тарыдай мені бар. Өң мен түстің, ұйқылы-ояудың арасында адасып жатқан Ерік: «Келші, жаным, мен сені көп тостым, сағындым», – деп алақанын жайып шақырады, тұрған орнынан қозғалмаған қыз: «Мен сізден қорқамын» деп басын шайқайды; «Неге, қалқам, негелеп» жалына шақырады, «Сіздің жүргегіз жоқ, аға, сіздің жүргегізіді ара шағып алған» деп, есіктен шығып кете барады; сонынан ұмтылмақ болған Ерік төсектен құлап түскенде ғана мұның барлығы әншейін елес екенін біліп, сүйретіле орнына қайта жатты. «Мен жынданатын шығармын жалғыз рет арақ ішкен менің сиқым мынау, өмір бойы аузы құргамай келе жатқан Таған байғұстың қөрген азабын араба тиеп тауыса алмаспаз» деп басы сынып, ызың-ызың араның ұсына айналған Ерік тек таңға жуық қана қорылдап үйіктап кетті.

Таған шәйнектегі сыралы сарқа ішіп тауысып ыдысын төңкөріп тастаған соң «НЕГЕ БІЗ ОСЫ...» деген лекциясын одан ары жалғастырган... Бүгінгі жиналған жұрт оған қатты ұнады, ылғи бір өрімдей жастар көздері жаудырап, ықылас қоя тындаиды. Айналасы ат шаптырымдай аудиторияда ине шашшар жер жоқ, орын тимей қалғандары екі жақ қабырғаға, есіктің көзіне иін тіресіп түрегеліп тұр... Кейбірі мұның аузынан шыққан сөзді қағазға түсіріп, енді біреулері магнитофонға жазып алуда. Ал бұл болса маңғаз кейіпте жағасынан асып-тасып жатқан шалқар білімін бей-берекет жұмсамай, төгіп-шашпай, жүйелі де ұғынықты жеткізеді.

«...Құрметті отандастарым менің! Сіздердің алдарыныңға шығып, қазактың тамыры терең, тағдыры белек, тайғақ тағдырынан белгісіз лекция оқымағаныма біраз уақыт болып қалыпты. Оның белгілі сандаған себептері бар. Біріншіден, бұған дейін шыншыл да шынайы тарихымыздан толық мәлімет беруге рұқсат болмады, сондықтан да тарих-ананың көптеген беттері әрі нағыз керек беттері желімделіп немесе жыртылып тасталды немесе көмескі ғана айтылды әрі жазылып келді. Ал тарих атты алтын кітаптың ақиқат аңқыған парагын мұлдем жойып жіберу ешкімнің, тіпті бар болса, құдайдың да қолынан келмейді. Бүгін туралы өтірік айтсан да, өткен туралы өтірік айтуға болмайды. Өйткені, бүгіннің түзетушісі бар, өткен жылдардікі жоқ. Ендеше, достар, тарихтың қандай ащы болса да бірде-бір кезеңін, оқиғасын жасырып қалмай жарыса айтқанда ғана, жіберген ағаттықтарымызды батылдықпен мойындағанда ғана сол шақтарда бастан кешкен ауыр да азапты, халықты қан қақсатқан қателіктерді жібермей, ұрпағымызды ұлы мақсат жолында тәрбиелей аламыз; тек бұкпесіз шындық қана – бүгінгі жастарды тұра жолдан тайдырмай, мақсат-мұраттарға бастамақ. Айталық, менің мұқым жастығым өткен жылдар – сырттай қарағанда, мап-майда, жып-жылмағай болғанымен, іштей іріген даңғазасы мол, яғни, ұраны мен ұрда-жығы қатарласа дамыған «мақтаншак» кезең еді. Біздер мектепте: «Ақылдастып-кеңесіп отырысты қос қыран, бірінші қыран – Ленин, екінші қыран – Сталин» немесе енді жиырма жылдан соң коммунизмге жетеміз, бесжылдық жоспарды екі-үш жылда орындаپ, табиғатты, жер-ананы табындырып, тың жердің жонарқасын тілгілеп тастаймыз сияқты қызыл сөздің қызуына

балқып, мұңсyz-қамсыз өстік. Берияның суретін мешен қылып аттық, Сталиннің ескерткішін қираттық, антипартиялық топтардың көкесін көзіне көрсетіп, техниканың құдіретіне сеніп жылқы малын қасапханаға айдадық. Ешкімді, әсіресе жастарды ойлантуға, дүниеге ой көзімен қарауға мүмкіндік бермеді, әрі өздері үшін ойлайтындар, тағдырын пішіп-кесетіндер ЖОФАРЫ ЖАҚТАН жарлық мамыра тірліктің қамымен жағасы жайлауда жүрді де, «апыр-ая, осы біз кайда барамыз?» деген сұрақтың жауабын ізdemей мәре-сәре сайрандады. БІЗДЕР тарих-ананы қатты ренжіттік. Өз ұлтымыздың тарихын кісенде ұстадық, киесі ұрады деп білмедік. Шала-жансар жасалған оқулыққа сендік, шала сауаттыларға сендік, шабына от туссе де айтайық: өкімет басында отыргандардың бар-барлығына сендік, ал олардың ақ дегені – алғыс, қара дегені – қарғыс болды. Міне, сондықтан да халық адасты, қайсысының қай сөзіне сенерін білмей сенделді, ОЛАРДЫҢ біріне-бірі жала жауа қуып, бірін-бірі жоққа шығаратын теңіз толқыны секілді айбынынан сескенді, не айтса да құлдық деді, кім айдаса да жүрдік деді, қытықтаса – кулді, шымшыса – жылады, онда да көз жасын жасырып тұншыға жылады, мандайынан сипаса қуанды, жат десе жатты, тұр десе тұрды – осылайша, цирктең үйретінді андардай адамдар да таяқтың күші, тәттінің дәміне үйренді, үйретті... Адам жадынан, есінен айырылды.

Құрметті жолдастар, мен бұл лекциямды бұдан жиырма жыл бұрын дәл осы қарқынмен окуым керек еді, амал не, арап ішкізіп жіберді. Ең әуелі сен әулиесің, туа талантсың деп ішім кепкенше мақтады, артынан артымнан бір-ақ тепті. Маған қазір соңғы мүмкіндік беріліп отыр. Сондықтан да ағымнан жарылып ашиғын айтайын: менің алғашқы кандидаттық диссертациям Қазақстандағы 1930-40 жылдар аралығындағы әлеуметтік экономикалық жағдай болатын. Алғашқы дейтін себебім: мен ЛТП-да, яғни еңбекпен емдеу профилакториясында «алқаш» ауыруынан айыққандай болып келген соң, екінші диссертация жазғанмын. Амал не, оны да қорғатпады. «Ұлтшылдықпен уланғансың» деп сүйрелемеген мекемесі қалмады. Тіпті КГБ-ның да алдын көрдім ...Сонымен 1930-40 жыл ...өздерініздер де білесіздер, бұл бір біз үшін ең бір қыын кезең даулы кезең, дауалы кезең, бұл өмірімді осынау ауыр жылдардың шыңғырған шындығын ашуға сарп еттім. Деректерді архивтен ала алма-

дым, ол жаққа апарар жол жабық болды да, Москва, Ленинград архивіне өз қаражатыммен барып, күндіз күлкі, тұнде үйқыдан қалып, аш-жалаңаш көз майын тауысуға тұра келді. Аяғанда мұқым еңбегім зия кетіп, қудаландым. Қорғатқанды қойып, қолжазбанды өрте деп, артыма шырак алып түсті. Жұмыстан қуылдым. Міне, осыдан былай сүргін басталды. Ол кездегі мен көрген азапқа бойында жаны бар тірі пендे төзуі мүмкін емес еді. Эрине, сіздер «күреспедің бе, шындыққа көздерін жеткіздің бе» деген сауал қоясындар. Жоқ, жолдастар, ол шақта адамдар шындық үшін емес, шындық адам айла-шарғысына қызмет етті, ұстаганның қолында, тістегеннің ауызында қолжаулық болып сорлап, жер бауырлап, тұралап қалды. Айналайын ақиқат та менің кебімді киіп, киелі жолдан тайды, жемқорлар мен жағымпаздардың, сұрқиялар мен сұмдардың жалған мен жалғанды жалпағынан басқан алаяқтардың, атаққұмарлар мен асығы алшысынан түскендердің ойына келгендердің ойына келгендерін істейтін ойыншығына айналды. Шындық та ішіп кетті. Маскүнем болды. Шындық жылады. Қор болды. Түрмеге қамалды. Айғайдың заманы туды да қудалады, тек қана ұран: «жасасын – орындаимын – мерзімінен бұрын орындаимыз!» секілді сөздер өміріміздің барлық мазмұнына, мақтанына ұласып, ұлы істердің ұйытқысы болып есептелді. Ал осынау даңғаза шерудің көпірме көшіне ілесе алмай немесе айналада не болып жатқанын ұға алмай айдалада қалған менімен ешкімнің шаруасы болмады. Осыншалық мол білімді жұмсар, қоғамның қажетіне жаратар дәрмен жоқ бейбак хәлде, жүргтта қалған құшіктей ұлыдым-ай... Менің қыңылаған, қансыраған үнімді тындар, естір құлақ жоқ, бір-ақ жылдың жүзінде сауатты қайыршы болып шыға келдім. Мен іstemеген жұмыс, ішпеген арақ қалмады... Әйелім мен баладан айырылдым. Айна екі-үш рет айықтырғышқа түстім қалтамдағы ең соңғы тынымды санап алып тыр-жалаңаш шешіндіріп, сұп-сүық бөлмеге итше бұралтып лақтырып таставтын. Егер қалтамда көк тын жоқ шақтарда, тіпті адам екен деп елемей, жинап-теріп алмай көшеге тастап кетер еді; кейде айықтырғышқа апарып алып бокстың дорбасындағы бір-біріне ұғылап, жаттығу жасайтын. Бірақ мен осыншама ит қорлықты ешкімнен көріп, жаласын өзгеге жапқан емеспін, тек өзімнен, өзімнің тексіздігімнен, рухсыздығынан, жігерсіздігімнен көрдім. Мен, қымбатты

жолдастар, жалғыз-ақ нәрсені өзгеден көрдім: Ол: «НЕГЕ БІЗ ОСЫ – ОСЫНДАЙМЫЗ».

Сөйлей-сөйлей әбден сілекейі шұбырып сілесі қатқан Таған аппак болып таң атқанда, сүйретіле басып тысқа шықты. Таудың салқынын елең күрлы көрген жоқ, көйлекшөң қалпында тәлтіректей басып қора жаққа беттеді. Бұл шакта Ерік те тұрып, сұық орамалмен денесін ысқылап таңғы жаттығу жасап, атын ерттеп, аңға шығу қамында жүрген. Тағанды көрді – көрмегенсіді. «Өзіне де сол керек» дегендей көз қыығымен айызы қана қарады да: «Енді қайтып айыққанша, қар түсер», – деді. Қоқбестіге қарғып мініп, мылтығын тақымына қыстыра шоқытып орманға сіңіп кетті. Құн шыға Айна оянды. Қүйеуінің үйге қонбағаның, әрине, сезген. Кештетіп келгенде, мазаларын алмау үшін сенкеге жата кетер әдетін ежелден білуші еді. Кийініп далаға шыққанда, шөп басын тұтқан аппак қырауды көрді. «Күз де келіп қалған-ау», – деп күбірлеп, жан-жағына қарап басқышта біраз тұрды. Кешелер аспанда ойқастаған бұлт жоқ, аспан жұтып қойғандай жым-жылас, есесіне қатқыл сұық түскен. Шелектегі судың беті қаймақшып қатыпты. Сауын сиырлар ұзап жайылып кеткен бе, көз жетер маңайдан көрінбеді. Әншейінде құн шыға гу-гу тіршілігін бастайтын аралар қалашығы да тып-тыныш, оқыс ұрган алғашқы сұықтан қорғанып ұсында жатыр-ау. Беті-қолын тітіркене шайды да, үстіне күпәйке киіп сиырды іздеуге шықты. Сарайдың тұсынан өте бере Тағанның өлі-тірісін білгісі келгендей айқыш-ұйқыш темір-тор терезесінен сығалап еді, ала қөлеңке бөлмедегі нар кісі жоқ, қаңырап жатыр екен. «Ерікпен бірге аң қарауға кеткен шығар» деп ойлады да, қорадан айналып, орманға бет ала бергенінде... шарбақтың ағаш дінгегіне жіп байлап, мойнына тұзактап салып, жанталаса шегінген Тағанды көрді. Жүргі алқымына кептеліп, шошығанынан: «Апа!» – деп, бетін баса шыңғырып отыра кетті. Мұншама қатты айғайлағаны алғаш рет шығар. Белі кеткендей тұра алсашы... Ал Таған тырбанып шегініп әлек, ол көткеншектеген сайын жіп шіренеді. «Өлді-ау» деп ойлады. Әрең дегенде орнынан көтеріліп, көмеккө ұмтылды. Бұл кезде Тағанның шеке тамыры адырайып, көзі алайып, көгеріп-сазарып, демі тарыла қырылдап, буына бастап еді. Жіп діңгектің басына емес, түбіне байланғандықтан ғана, қанша шегінгенимен, бірден қылқынбай, жаны біртінде

шыға бастағаны шығар... Жіпті күрмеп емес, қалай болса солай шорапит байлағандықтан, сасқалактап шеше алсаши. Жұлқылады, тістеледі, қызып жіберер пышақ жоқ және буынған жіпті бірден кеспей не шешіп, не кісіні көтеріп алу керек, оқыс өліп кетеді деген сөзді естігенді бар. Қан-сөлсіз бозарған жігіттің екі қолтығына қол салып, алға қарай сүйреп жылжытты. Ағыл-тегіл аққан көз жасы омырауын бояп, өзі қылқынғандай жанталасқан Айна жіп босаған соң ғана діңгектен шешіп, Тағанның басынан ағытып, дөйдалаға ашудан лақтырып жіберген. Таған қимылсыз, демсіз. Жата қалып, құлағын жүргегіне басып тың тыңдаған еді, анда-санда ғана бұлк-бұлк етіп әлсіз сокқандай ма... тамырын ұстады – болар-болмас діріл бар. Аппақ қыраудың үстіне шалқасынан түсіп, койлекшен сұлаган жігіттің үстіне құпәйкесін шешіп жапты да, үйге қарай зыр жүгірді.

Нұркे кемпір басын көтеріп, тәспиығын санап күбірлеп отырған. Алқын-жұлқын кірген келіннің айдахар қуғандай жүзіне шошына қарады:

- Не болды, қарағым?
- Әлгі... қонақ... Таған... буынып қалыпты...
- Не дейт, ойбай, тірі ме?
- Тірі секілді.
- Алла байғұс-ай, енді жетпегені осы еді... түбіне өз ұлым жетті-ау. Енда ғана ес-акылын жинай бергенде, қайта ішкізіп...
- Қойыңызшы, апа, қайдарыны айтпай, Еріктің жазығы не?
- Шамаң жетсе ары-бері шайқа, баяғыда буынған кісіні сырмаққа салып тербеуші едік... Жалғыз өзіннің шамаң жетпейді.

Сенкеде ілулі тұрған тонды ала салып қайта жүгірді. Сұлық жатқан Тағанды екі қолтығынан алып ары-бері шайқады. Жүрек тұсын үқалады, қолын созғылап жаттығу жасатты. Әбден қара тери шығып шаршаған Айна құлағын сол жақ кеудесіне тосып еді, бағанадан гөрі жүрек қағысы жиілеп, жан кірген секілді. Ыңырсыған үн шыққанда еңбегінің зая кетпегеніне қуанған Айна тонды төсеп аунатып жатқызды, құпәйкесін үстіне жапты. Маңдайынан сорғалаған терді жаулығымен сүрткілеп шоқайып жанында отырды. Көптен бері алынбай бобыраған қою шашы сырлылып, аппақ маңдайы жарқыраған Тағанның қан

қашқан беті таң нұрымен таласа әдемі көрініп еді. Қыр мұрны, әсіресе, қамасып жатқан ұзын кірпіктері назар салдырмай, сұқтандырмай қоймайды. Айна өз өмірінде алғаш рет әйелдік әуестікпен, әйелдік таза сезіммен қызыға қараған. «Ажарлы жігіт, – деп ойлады ішінен, – бір кезде жігіттің сұлтаны болған-ау». Ол өз ойынан өзі өлердей қорқып әрі осы қылмысымды біреу біліп қоймады ма дегендей, екі беті қызара ұялды да. Таған тағы да ынырсыды, қол-аяғы қимылдағандай болды да, наркоздан кейін есін енді ғана жинағандай, кірпігін дірілдетіп барып, көзін жасқана ашты. Ең әуелі көргені – төбесіне тіккен көк шатырдай аспан... Содан соң көргені – көзі жаудырап қасында отырған Айна. Иә, Аспан мен Айна... Оған керегі де осы еді... Жүзіне қуаныштың ба, жұбаныштың ба, жанын жарылқар киелі сәулесі таусағандай құлімсіреген. – Мен өлген жоқпын ба? – деп сұрады.

– Тірісіз, аға, – деді Айна, – шаманыз жетсе тұрыңыз, сыз өтер.

– Мен көтеріп пақырға сыз өтпейді, – деді Таған осынау жатысына ұялған сыңайда.

Басын көтермек болып еді, қозгалта алмады, шегелеп тастағандай ауыр.

– Маған не болды, Айна, білесің бе?

– Сыры іздеп шықсам, буынып жатыр екенсіз, енді бір бесон минут кешікsem...

– Кешіккениң жақсы еді. Айнам, мен үшін ендігі қалған өмірдің қызығы жоқ. Нюра апа мен өзіңе ризамын, адам қалпына келтірудің барлық әрекетін жасадындар... Мен бұл дүниеде шіріген жұмыртқамын, ешкімге керегім жоқ...

Жүйе-жүйесі босап, өз-өзін ұстай алмаған Тағанның үлкен кара көзінен ағыл-тегіл жас акты, бұлақ акты, бірақ ықылық атып өксімей, бырсылдамай, аспанға тесіле қараған қалпында екі самайына құйылды...

– Керексіз, аға, ешкімге керегі жоқ адам болмайды. Қатарға қайта қосылу өз ықтиярыңызда... Менің таң қалғаным, сіз жіпті діңгектің түбіне байлан шегінгеніңіз... Егер шын өлгіңіз келсе, жіпті жоғары неге байламадыңыз...

– Буынамын деп ойламағаным рас, жіпті қайдан тауып алғаным да белгісіз... Менің көз алдымға терең ор елестеді, алға еңбектесем, өлімнен қаштым, өлімнен қашып өліп қала

жаздағанымды қайдан ғана сезейін... Қызық, бұрын түндегідей ләйліп ішкенде, тілім аузыма сыймай, қаталап похмель іздейтінмін, есімді жинай алмайтынын. Қазір... мұлдем басқаша... анадан жаңа тұғандай тыңмын... Тегінде, ара-тұра буынып тұрганның артығы жок-ау, – деп қалжыңдаған болды. Айна еріксіз мырс етіп күліп жіберді.

– Күн көтеріліп қалған екен-ау, сиырларды тауып алайын, сіз шамаңыз жетесе тұрып, сергініз, қан тарасын, әрі-бері жүріп, жуыныңыз, шайга келіңіз.

– Рақмет, Айнам, менің құтқарушым сенсін... Одан арғысын айта алмаспын...

Орнынан тұрып, кетуге ыңғайланған Айна:

– Аға, – деді майда үнмен қыла қарап. – Жалғандагы жалғыз өтінішім болсын, енді қайта басымды кесіп алса да, ішпеймін деп ант беріңіші. Бұл тіпті өлімнен құтқарып қалған жақсылығымның өтеуі болсын. Сіз, әйтесуір, бір адамға бәрібір керексіз... Ол адамды іздеу үшін де ес-ақыл бүтін, көңіл таза, сезім сергек болуы керек қой.

– Бердім уәдемді, – деді Таған басын көтеріп. – А намның атымен ант етейін!

* * *

Түске дейін ашық тұрган аспанның әр жерінен шабарман бұлт шығып, біріге қоғамдасып кетуге бір-бірін менсінбегендей, көк жузінде быттырай жұз-жұзге бөлініп жеке-дара жүзеді. Кейбірі жамбасқа ойысқан күннің бетін тұмшалай бастаса, күн сыйыла шығып, нұр саулаған дидарына көлеңке түсіргісі келмейтіндей. Алтайдың құзар басына күз демі алғашқы болып жетіп, табиғаттың әр затынан, кеспір-келбетінен аңғаруға болушы еді. Аспанды сыналай үшқан тырналар тәспиығы да бұрынғыдай сабылыспай, саябырлап, үйрек-қаздың да үні бәсекси бастаған. Көптен бері жаңбыр жау маған, әмбесінде Мұстаудың қаспақ қары, салқын түссе, жылбысықылана ерімей қайта қатып, Қатын өзені қорынан айырылған соң ба, қорылын азайтып, қорлана ағады. Құзгі жиын-терін шаруасын тез аяқтауға асыққан аралар ғана жан ұшыра ұшып, әр сәтін сәтті пайдаланып қалуға жанталасады. Аналық пен ерекк аралар науқанын аяқтаған сыңайлышы... Тек еңбек аралары ғана мұрнынан шаншила жұмыс істеп, қимылдан жүрген. Өз салмағынан

жиырма есе ауыр жүкті көтере алатын еңбекқор араның өмір үшін, ұрпақ үшін, АНАНЫ асырау үшін арпалысқан тіршілігін омарта маңынан, орман арасынан айқын аңғаруга болушы еді. Таңтерен шық ерімей ызғар себезгілеген шақта қырылып қалғандай жым-жырт жатқан омарта, омаргадағы жәшік ұялар, күн көтеріле гүілге бөленіп оймақтай ғана тесіктен қайшыласып бірі кіріп, бірі шыққан араның жын-ойнағына айнала жөнеледі. Шөп қасанданып, гүл солған, балдыры курайлана бастаған шақта шырын іздел аласұрған аралар ендігі қоректі ағаш жапырақтарынан әлі де дес бермей жасаң тұрган су жағасындағы шалғыннан іздей бастаған.

Таған бүгін де ерте тұрды. Қанша ерте тұрдым дегенмен, елең-алаңдан атқа қонып, аң қарап кеткен Ерікке ілесе алмады. Әрқашанда сырттай болып, ұлы-жіңір майданның барлауышында сақадай-сай әрі сақ та, елгезек те, сенімді жүретін досының құс үйқысына қайран қалмасқа, қызғанбасқа шарасы жоқ еді. Бір есептен өмірлік философиясына тәнті де болатын; іштей құптайтын. Ал елден бөліне еңбек еткен тірлігі бағамдаған адамға семьялық мердігерліктің өзі іргетасын қалап берген кооператив шаруашылықтың сыр-сипатын бес саусақтай білуші еді және экономикалық саясатты көсем көз жұма сала, тым жойып жібергеніне наразы-тын. Диссертациясының бір тарауында осы мәселені буге-шігесіне дейін ашып, таратып жазып еді-ау... Амал не, бұл әрекеті де саяси соқырлық, идеялық қателік деп табылып, тауаны шағылды... Енді ойлап отырса, сол бір тақырып миында актаңдақтанып, оқығаны мен тоқығанының толайымы ұмытылуға айналған екен-ау...

«Иә, осыдан кісі болып кетсем, аяқсыз қалған жұмысты жалғастыру әлі де кеш емес-ау», – деп күбірледі. Өлім аузынан қайтқан күннен бері Айнаға берген антында тұрды, ұрттап алған жоқ. Шешесі кейіп, қатты ұрысқан соң, Ерік те қыстамай, тіпті мұның бұл өмірде бар-жоғын ұмытқандай, сырғақсып жоламай кетті. Есендереді, халін сұрайды, кейір тапсырмалар береді де, өзі көбестісіне мініп, мылтығын асынып, итін ертіп орманға сіңіп кетеді. Сапарынан кеш оралады. Соңғы кездे үйдің айналасын сұыр терісіне толтырып таstadtы. Денесінен сыптылған жылбысқы жас теріні шелінен тазартып, қашаға іліп кептіру Айнаның мойнында; осынау қаршадай ғана

келіншектің өмір бақи шаршамайтын бейнетқорлығы, әмісө төзімділігі Тағанның таңдайын қактыра таң-тамаша күйге бөлейтін. Сол бір оспадар уақығадан кейін шексіз жақсы көріп, жүргегінің түбіне шоқ түскендей, мазасыз күй кешкен. Ол сол шоқтың тұтанбауын, қоздап жанбауын құдайдан тіледі-ай... Амал не, өз еркінен тыс, өзіне бағынудан кетіп қалған сезім сергелдеңі ішіп жүрген мәңгүрт шағынан қауіптірек пе, қалай... Барлығына: мынау қара орман, тыныш өмір, уайым-қайғысыз тоқшылықтың бәр-бәрін талақ тастап, ауыл қайдасың деп тартып-ақ кетуге сан рет оқталды, бірақ азап қамытын қайта киемін бе деп қорыққан, өзінен, өзінің тұрақсыздығынан қорықкан...

Суық сумен жуынып, шөп тұнбасын ішіп, жаттығу жасап, шай ішкен соң, Қатын сұын өрлеп жолға шықты. Осында келгелі алғаш рет үйден ұзап, орман аралағаны еді, бір түрлі тынысы кеніп, шайыр аңқыған ағаш ісінен құшырлана жүтті. Санасы сау, бойы сергек. Жұз қадам журмей ентігетін көкірегі тың, айқыш-ұйқыш сұлап жатқан молақтардан жеңіл секіріп өтіп, ойнақтай басады. Қолында қабығын аршып, қатырған қайың таяғы бар, мүк басып шіріген томарды соққылап, жолшыбай кездескен барша тышқанға дәлдеп, жас балаша еріге желе-жортады. Қаңсып қалған қайран көнілінде желік бар, ол кайдан пайда бола қалған желік, өзі де білмейді, әйтеуір, жиырма бес жасы қайтып оралғандай ырғиды, ысқырынып әндетееді. Өзен жиегіндегі әбден пісіп, бүрісіп тұсуге айналған қарақатты уысын толтыра асайды. Самырсынның басында самсап өскен балқарағай бүршігін қолындағы таяқпен дәлдеп ұрып құлатып, шағып көріп еді, қарамұрттанып пісіу әбден жеткен еken. Бала кезде бұзау жайып жүріп талай терген, аузы мен қолын шайырлап талай шаққан балқарағай осы елдің бірсынырасын ашаршылықтан алып қалып еді. Енді, міне, керексіз болып, шауқарға мен тиін, барша тышқанның ғана азығына жарап қалған-ды. Дегенмен, осыны Өр Алтайдың балқарағайынан Ерік қыруар табыс тауып отыр. Қызыл қырман қылып жинап, үгіп, кептіріп, қаптап қойған дәнді вертолетші досы қалаға алып ұшып кетеді еken де, одан түскен пайданы тең бөлісетін көрінеді. Кешегі бір сөзде Ерік «енді екі-үш күннен соң балқарағай соғамыз» деген-ди. Сондықтан қырман науқаны басталмай тұрып, Қатын сұының бауыздыауына отырған Шалға

барып қайтуды ниет қылып, жолға шықкан беті... Баяғыда... арып-ашып ауылдан келе жатқанда, Жылқышының үйінде жөнді көз салмап еді... Итін абалатып келіп түскен салт аттыға назар аударатын, кішілік жолмен сәлем беретін хал мұнда жоқ та еді...

«Егер Еріктің айтқаны рас болса, ғажап Шал, – деп ойлады. – Жиырмасыншы ғасырдың қашқыны тек мен ғана емес екенмін-ау. Қызық, өмірдің философиясы қандай? Екі баланы етегіне орап тауға тығылғанда, жалғанның жамандығынан құтыла ма? Жо-жоқ, екі баланы қайткен күнде де жалғыздықтан құтқару керек, әйтпесе Лыковтік тағылықтың апатына тап болуы мүмкін...» Ойды ой қуалап, біраз жерге келіп қалған екен... Өрге қарай жүргендіктен ентігіп, шаршау тартқанын сезді. Бағанадан бері тек төмен қарап, кураған ағаштарды санағандай басын жерден бір алмап еді, өзенде жиектей шатқалға біткен орман сиреп, он жағындағы жотаға көтерілгенінде тұра алдынан маңдайы жарқыраған, наизадай шаншылған аппақ шоқыны қөрді. Ұшар басында жаулықтай байланып, төбесін перделеп тұрар бұлт жоқ, қырқүйектің таза аспанына сұғынып кірген аппақ алып найза жарықтық Мұзтаудың дәл өзі еді. Ал дегенде көзі шағылысып жасқанып қалған Таған көз үйрете келе сілейе қарады. Ол Мұзтаудың нақ қазіргідей тыр-жалаңаш, асқақ та асаяу, сұлу, бар бітімін жоғалтпай, тұтас тұлғасын жарқыратса ашқан күйінде тұңғыш көруі. «Айналайын, табиғат ием-ай, тамашан қандай көп еді» деп, көзі жасаурап отыра кетті. Ол шын шаттана куанған, шалқып тебіренген, мынау дүниеге жаңа келгендей немесе әлемдегі ең асылын тапқандай, бала көңіл, сәби жүрек, сабырлы ақылмен тұған жерінің көркемдігін сонырқаған; саумалауа, таза көріністің бәр-бәрін жұтына жұтып, ішіп таусардай таусаған... «Табиғат жаратқан алқам-салқам болмайды, ол – әмісе әдемі, әмісе сүймейді, әрі шыншыл, әрі ақылды, сондықтан да адамдар секілді қателеспейді. Табиғат – мәңгілік тірі, өтірік айтпауды, алдап-арбамауды табиғаттан үйрену керек, өйткені ОНЫҢ (табиғаттың) жүрегі таза. Табиғат бізді алдаған емес, тек өзімізді өзіміз ғана қан қақсатамыз, қан жоса қыламыз. Табиғат қате жібермейді, егер «ақымақты» дүниеге келтірсе, онда сол ақымақтың да бір нәрсеге қажет болатыны; Табиғатта АДАМНАН басқа артық нәсте жоқ, тек

БІЗДЕР ғана жаратушының гармониялық берік байланыстағы тізбегіне кіре алмаймыз...»

Осы бір пәлсапаны не бір жерден оқыған, не өзі ойлап тапты, қалай болғанда да есіліп-есіліп есіне түскеніне іштей мәз болып қуанды. «Демек, менің де тым керексіз болмағаным... Әйтеуір, бір қажеттілікке жараганым... Ерік те солай...»

Тағаның қуанғаны осы тым-тым ақылгөй сөзді жүйелі түрде есіне түсіргені емес, сол сөзді сана сарабына салу қабілетін жоғалтпағаны еді, демек, өзінің де құрдымға мүлде кетпегені де... Айнадай жарқыраған Мұзтау мұның бала кезіндегі аппак арманында болып, жан дүниесін жайлап алды. Өлең әуелі киялдау, түйсіну, сезіну, яғни әлемге ақыл көзімен қарау сынды ұлы ұғымдарды бірсіндеп болмысына дарытып, жас шағындағы тайдай тулаған таланттын бүтіндей болмаса да, тым құрығанда, жарым-жартылай қайтаруын мінәжат айтып тіледі, жалбарына сұрады құдайдан. Ал оның қазіргі табынары да, құдайы да сонау кек төсіне ракетадай атылғалы түрған айналайын Мұзтау еді. «Мұзтауды оның алып бейнесін көрген адам бақытқа кенеледі деуші еді, қариялар, маган аста-төк бақыттың керегі жоқ, тіпті маган көп нәрсе керек те емес, тек өз басымдағыны ала көрме, алла тағала, ақылымнан алжастырма, тәнірім, тағы да ашыға құмар қылышп, досқа күлкі, дүшпанға таба қыла көрме, құдайым, жалғыз-ақ сұрапым – көктен түскендей ғып ештеңе бермей-ақ қой, тек бойымдағы барымды алмасаң болады». Намаз оқығандай жүрелеп отырып, Мұзтауга алақаңын жая жалбарынған Таған имандай сыр, жүрекжарды тілегін дауыстап айтты, іштей иланып, селкеусіз сеніммен айтты, жанынан шыққан шыншыл да мөлдір жас жанарын жуып омырауына сорғалады. Оның бар ділімен жаратқанға жалбарынған үнің, оңашада оқыған өз «намазын» сонау сай табанынан атылған мылтықтың гүрс-гүрс даусы бұзды. Алғашында өзін атып жібергендей селк етіп, артына шошына қараған-ды – ешкім жоқ. Кімді, нені, кім көздеді, тидіре алды ма, жоқ па, білмейді, оның білетіні – жер бетіндегі мылтық атаулы жақсылыққа атылмайтыны. Аңшылар шығар... Жаңғырығып барып басылған тау ендігі сәтте мәңгілік мылқаулықпен телміріп тұр еді. «Тау мылқау деп кім айтты, жүрегі, тілі бар, тек естір құлақ керек; ал, құлағы мен көзі барлардың да естімейтіні, көрмейтіні толып жатыр. Дүниені

алатайдай бұлдіретін де солар. Құлағы бар – керен, жанары бар – сокырлар... сондыктан да, жан дүлейлігінен сақтасын...» Міне-міне, Тағанның – маскунемдікten сауыға бастаған, Тағанның баяғыдағы санағы тоқтап қалған сағатты бұрап қайта жүргізгендей, сыртылдан істей бастады... Ұзағынан бере көрсін деп, бәріміз тілейік те... Қызығанбайық, ағайын; шаужайына жармаспайық, ағайын; айылын ағытып аударып тастамайық, ағайын... тыныштығын бұзбайықшы, ағайын.

– Оу, жігітім, сен қайдан жүрсің? – деген жуан дауыс және шошытты. Бұрынырақта «Сырдың сұзы сирағынан келмей» жүрген диуана шағында үстінен трактор жүріп өтсе де, былқ етпейтін Таған соңғы ішүін тыйған уақыттан бермен, жоқтан өзгеден секем алып, коян жүректеніп кетіп еді. Бәлкім, қорқыныш екі аяқты жұмырь басты пендениң асыл қасиеттерінің бірі шығар. Неге екені белгісіз, кейінгі дәуір ұрпағы осы табиғи қасиеттен жүрдай болып, бірынғай міз бақпас «батырлар» көбейіп кеткен секілді...

– Оу, тілің байланып қалған ба, неге үндемейсің? – деді үстінен өңкіе қарап тұрған қаба сақал Шал. Жаны бойынан ұшып кетіп, құр қаңқасы ғана қалғандай қалшиған жігіттің жанына малдас құра жайғасқан Шал қалтасын қарманып, темекі алып тұтатты. Шылымды көп шегеді білем, көк бурыл мұрты мен сақалы текенікіндей саржағалданыпты. Көз ұясы шүнірейген, мұрны қоңқақ, қабағы дөң, қалың қасы жанарын жаба тұтасып кеткен. Тағанға «темекіні» ыргайды ыңғырулап қолдан жасаған мундуштукке нығарлай тығып, сораптай сорған Шалдың сексеуілдің бұтағындағы тарбиған қуатты саусақтары мен соя саусақтардың үстін қалаған білеу-білеу тамыр Алтайдың омырауынан ағып түсетін бұлактар секілді елестеді. Малдасын құра жайғасқан ақсақал темекіні құны қалғандай құныға сорады екен де, тұтінін жұтып қойғандай жок қылып жіберіп, біраздан соң шым-шымдай сыздықтатып қайта шығарады екен. Шарықтаған қиялына қиянат жасаған Шалды Таған ә дегенде суқаны сүймегені рас-ты. Аузын буғандай булығып қалуы қырсықтанғанынан да емес еді, өзі де анық-қанығын ажыратпаған ой-арманынан қапелімде айырылып қалған қас қағымдық сәт ақыл-есін де алжастырып кеткендей еді. Ендігі тымпи ойнаудың, яғни көгерптесін сезді ме, қағып кеткен кісідей:

– Ассалау мағалейкүм, ата, мен сізді бір жерден көрген секілдімін! – деп, ырсия күліп, құйрығымен жылжып жақындай отырды.

– Шырағым, денің сау ма осы сенің? – деп қарт сығырая қарады.

– Саусыз ба, ақсақал? – деді ол тағы түйеден түскендей...

– Мен саумын ғой, шырағым, өзіңнің шалығын жоқ па?...

Киялимисың, қиналып журмісің?

– Соңғысы, ақсақал, соңғысы. Ой түбіне кетіп оспадарлық жасағаныма кешірім сұраймын. Мен сізді шырамытып отырмын.

– Немене, әкеңді жоғалтып па едің?..

– Кешіріңіз, әкені қара жерге бергеміз. Көрген кісім болған соң...

– Оның жөн-ақ. Бірақ жоқтан өзгеге шыбындаған аттай бас шүлгышып, кешірім сұрай берме. Қазақ тек о дүниеге аттанар сәтте ғана бақұлдастып, артық ісім болса кеш деп, иек қаққан.

– Халқымыздың жол-жоралғы, дәстүр-салтын ұмыттырғалы қа-а-а-ша-ан... – деп жартасты жарып өскен шынардай шынықкан бітіміне қызыға қарады. Малдас құрып мығым отырған Шал басынан тақиясын шешіп, шор-шор болып қыртыстанған тақыр басын сипады. Ептеп жіпсіген екен, күректей алақанымен құшырлана сүрткіледі де, тақиясын қайта киді. Жарланған қабақ, шұңғіл көзін жаба жабағыланған қою қас, қонқақ мұрын, ұзын иегін тұғастыра жұтып қойған сақал – ақшулана бастаган қаба сақал, – дәл осы қалпында Шалдың пошымын қазақ нәсіліне үқастырмай түр еді.

Тігісі жатпас тік мінезін бет-әлпеті-ақ әйгілеп айтып қоятында ма...

– Әкеңді жоғалтып па едің дегенім, неге тінтесің өн бойымды? – деді «Арқардың» мундуштукте иектен қалған тұқылын алақанына салып-салып қалып, ұшырып жіберген Шал.

– Сізді өз жұрағатымызға үқсата алмай... таңырқап...

– Сенің жұрағатың кім еді?

– Қазақ деген жамиғат кой...

– Қимаганың ба?

– Жоқ, осында да ірі туысқанымды тапқаныма қуанамын.

– Қарай гөр... тілің майда, шүйіркелескін келіп қышынып отырсың-ау, шырак...

— Оным рас. Қара тілді қазақпен қажаспағалы қашан. — Таған өзі әдей іздеп шыққан Шалды ойда-жоқта жолықтырганына шексіз куанулы. Сөзге шақыру үшін ептеп тұрткілей сөйлегені де содан-ды. Бұл жымсыма ойын ол да сезгендей.

— Әкендей адаммен қажассаң — қарық болғаның. «Қарт шалдың тілін бір қайтар» деп досың Ерік өзінің қолы тимей жатқан соң сені тыңшылыққа жіберді ме? — деп, сәл түксіп, бар еткізіп сінбіріп тастап, «Арқарды» қайта бықсытты.

— О не дегеніңіз, ата, бұра сөйлесем, шабыттандырам ба деп, дәмелегенім фой.

— Шабыттым шабандаған шақта жолығып отырсың, шырак. Ерік Үлкен Жерден бір «құл» ерте келді деп естіп едім, сол пәтшагар сен болмай...

— Бәрібір шамданбаймын.

— Шамы жоқ адам — намысы жоқ адам.

— Ендеше, ақсақал, Маралкөл жақта әр таудың басын көксеп маңып жүрген кісікік Шал бар деп еді, сол «тағы» сіз екенсіз фой.

— Міне, енді таныстық, табыса алсақ жарап еді...

— Оны сіздің қонақжайлышыңыз біледі. Қой сойып, қол қусырмасаңыз да, ақ құйып жөнелтерсіз...

— Бопсаң бодаусыз емес. Бәсе-бәсе, тегін кісі таз болмас... Әттең, итаршылығың ғана жаныма батады.

— Жену үшін, жең түріп төбелесе беру шарт емес шығар, ақсақал, кейде шегініп, арбага жегіліп те алмаушы ма еді. Түбінің қайырлы боларын білген адам жауын арқалап жүрсе де арсынбайды деген сөзді бекер айтпаған шығар...

— Жүр кеттік! Құдайы қонағым бол, — деп орнынан лақтай ырғып тұрып кетті. Бұл Шалдың мынау қаңғыбас жігіттің сөзінен өзін танығаны еді.

Орнынан орғып тұрған Шал «мок-мок» деп алақанын қаққанда, сол жақтағы салба-салба самырсынның арасынан ауыздығын сылдырлатып күрең ат, «кә-кә» дегеніне жұндес жуан қара төбет шыға-шыға келгені.

Алғашында сескеніңкіреп қалған Таған есін тез жиып:

— «Мә-мә» деңізші, ақсақал, адам шыға келер ме екен, — деп әзілге бұрган.

— Шақырмай-ақ еріп келеді емес пе?

— Бәрібір шамданбаймын.

– Жұрт не десе де ме?
– Жоқ, сіздің сөзге ғана.

– Сенің қасында үш күн жүрсем, мен де милау болып кетермін. Сынықтан басқаның бәрі жұғады деуші еді.

Ақсақал оқыранып қасына келген қуренің кеңсірігін сипап, аялап ауыздығын салды. Иті де иесін көрген соң, еркелеп құйрығын бұлғап арсаландап жүр.

– Ал, азаматым, арсынбасаң, мінгесесің. Біздің үйге дейін едәуір, – деп қуренді қолденең тартты. Неге еkenі белгісіз, Шалдың қара төбеті Тағанды бөтенсіген жоқ, айналсоқтаң іскелеп алды да, өз жайына жүрді.

– Бұл жалғанда тек мінгесіп өту ғана мандайыма жазылған шығар. Қайбір кергитін кеспір қалды дейсің. – Атына лып етіп тез мінген, Шал қайта түсті.

– Арсынсаң алдына отыр, қонақсың ғой.
– Жай, әзіл, жаяу еріп отырайын.

– Ендеше, мен де қуренді жетекке алайын, – деп, тізгінді білегіне орап, алға түсті. Алға бәрінен бұрын қара төбет түскен. Анда-санда тұмсығын шүйіріп, желдең алады да, тышқан қорық, бұта-қарағанның тубін тінткілеп, желе-жорта жөнеледі. Қатар аяңдаған қос жаяу біразға дейін тілдерін жұтқандай ұнсіз жүрді. Күн жамбасқа ауып, аспан аясын армансыз кезген шарбы бұлт Мұзтаудың ұшпа басына ұжымдаса бастаған. Не пысыннатар ыстық, не жауратар сүйк емес тау тесінің салқын самалы есіп, осынау ластанған әлемнің әлі де болса рахыманды жері қалғанын есіңе түсіргендей. Алтай тауының жонында шөп тундрадағыдан тақыр өсетін. Тұнгі тон кигізер салқыны бойлап өсуіне қысымшылық жасап, әлдекім шауып әкеткендей теп-тегіс, біркелкі. Оқта-текте осы өнірдің моласы іспепті, сары топырағы шығып үйілген, аузы үңірейген тарбағанның іні ағарандай ұшырасады. Ұзап жайылған сұыр ініне жете алмай жер бауырлай тоңқандайды, тоңқандап барып қос аяктап, дедиіп жолаушыларға таңырқай қарайды. Аңшы шал мойнындағы мылтығына жалғыз рет те жармаспады, ал иті құр бекер иіскелегені болмаса жарбандаң құған жоқ, иесіне жалтаң-жалтаң қарайлап алыш, албатын лағады.

– Әбден тойынғасыздар-ау, – деді Таған әлгі көрініске түсінбеген кейінде.

– Бұйырғаның алдық қой, – деп самарқау жауап берді. – Байғұс сұырлар біз желдің ық жағында келе жатқан соң, сезбей

қалып тырбандал жүр той. Егер жел жағынан шықсақ күншілік жерден ісінді сезеді.

Бұлар ылдилап, қиялай аяңдап, ағаштары жаназага жиналғандай иін тірескен сайға түсті. Сай табанынан арқырай аккан бұлак шуылы естіліп, осы өнірдегі тіршіліктің жалғыз әншісіндей құлағының құрышын қандырады. Сырттай қарағанда жан аяғы баспағандай тузырап жатқан таудың қайсыбір жерінен де жауын-шашиң шайып, көмекілекен, бірақ әлі де сұлбасын жоғалтпаған жалғыз аяқ сүрлеу байқалатын. Бәлкім, ата-бабаның көшпелі өмірі мен мазасыз да жойқын жорықтарын әлемге әйгілекен, осына асқар тау, жынысты орманның мәңгілік иегерлігінайғақтайдынайқүш-ұйқышжолдың жоғалып кетпеуі мынау атын жетелеп келе жатқан ақсақалдың арқасы шығар-ау. Бәлкім, мынау өксігі мен өкініші көп өмірден күдер үзгендей болғанында, сан тарау соқпақтың иесі өзің секілді адам екені, солардың табанынан жаратылған тіршіліктің күре тамыры екені есіне түсіп, «мен қандай із қалдырыдым» деген сықылды сұрақ көнілінді ұялап, әлгі-әзірдегі түнілді ойына ұялатын шығарсын...

— Осы саймен құлдан құйғанға дейін барамыз, — деген Шал сөзі Тағанның бір сәттік онаша ойын бұзды.

Мұзтаудың омырауынан саулаған бұлақтың жұмыр тастардың үстінен шапшып, мөнкіп-мөнкіп атқаңтап ағуы — сабалақ-сабалақ самырсынды аңғарды азан-қазан ұнғе бөлейді екен. Айғайлап сөйлемесен, қасындағы кісімен шүйіркелесіп әңгімелесу мүмкін емес. Бетін бағзы жылдар бойы су шайып жуса да, қожыр да қожалық қүйін сақтап дөңайбат жасаған тастардан да салқын леп ескендей. Оқта-текте кездесер каракат үағында термей, тандайынды тамсанта желінбей, өзгеше бір өгей пішінмен иесіз жетімсірейді. Асаяу бұлақты жұрымдай есken жасыл құрақ пен білекті балдыр күн көзі аз түсетін мекенінде дымқыл мен шылқыған суга малынып, жасаң жайқалады. Барған сайын, жолаушылар сұғына құлдаған сайын сай ішінің ағашы қалындал, екіндіге еңкейген күннің сәулесі қашаңдаған сайын ымырт тез үйіріліп, әрі-беріден соң ешкі самырсын, шыршалардың түбі қарауыта бастаған-ды. Қарауыта бастаған орман іші елегізітер, еңсенді басар; бірақ сонау таудың жонарқасында алаулы шапақ бар — жайнаған жарық дүниенің ал қызыл шатырындаш шалқып та балқып жатыр.

— Ақсақал, оу, ақсақал, жетер жерімізге енді қанша қалды?
— деп айқайлады Таған. Жығылып-сүрінген жүрісі шаршастың сыңайын андатты.

— Келіп те қалдық, — деп Шал да дауыстай жауап берген. Ен гажабы орман шорт таусылып, әлгі айғайдан қорыққандай, алдарынан айнадай болып көл жарқырады-ай... Айнала жапжарық болып кетті. Күн өскелен асуыңдағы қасқая өскен қарагайдың ұшар басында ілініп тұр. Мұзтаудан бүктетіле аққан бұлақ көлдін дәл құярында алып қара тастан тік саулап, сарқырамаға айналып, елу кез биіктікten құлайды еken. Мың-миллион моншақ-тамшылар жамырап, ақ көбікті аспанға ата бүркырап қайнап, сап-салқын дым бүркеді. Жолаушы жігіт осына қапелімде пайда болған сұлу көрініске елтігендей қаздыып тұрып қалып еді, озынқырап кеткен Шал:

— Оу, сарқырама көрмеп пе едің, айда, кеттік, — деп асықтырды.

— Рас, мұндай кереметін көрмеп едім.

— Ендеше, түнеп шық. Жалықсан, сонау тұтіні будақтаған Тас үйге келерсін, — деп аялдамай аяңдай берді.

Таңдай қаға тамсана қараган Таған, ақсақалдың соңғы сөзін естіген жоқ, көз алдында табиғат құдіреті орната салған көркем көріністі қызықтаумен тұр. Қына мен мүк басқан жақпар тас салқын сазарады. Сол жақпар тастың саңылауын қуалай, жер бауырлап тарбая өскен аршаның бір талын сындырып алып иіскең еді, сарайыңды ашар хош иісі бүркырады, осынау дәрілік қасиеті бар бұтанаң мәнгі қуатын сездіргендей еді. Тас аяғына кілемдей жұмсақ тиеді, жылдар бойғы өне бойын жабағылап жапқан мүк пен қынадан күпі киіп, көрінбей қалған. Бұл өндірдің елі қанжапырақ атайтын өсімдіктердің де атамекені осындај жақпар тастар-тын. Батуға иек артқан күннің жалқын нұры сарқырамаға түсіп, мың-миллион тамшы-тозаның ішінен шұғыла пайда болды. Шұғылаға шомылған кемпірқосақтың сан бояуын, сұмдық сұлұлығын тілмен айтып, қаламмен жазып, суретке салып – бүткіл сымбатын жеткізу мумкін емес еді. Тіпті Маралкөлдің күн батар алдындағы бой жасағандай немесе ұзатылар кыздай қырмызы қылық, көз карықтырап көрініспен ажарлана сыландауы өлген адамды тірілтердей сиқырмен тұла бойыңа тамыр жас тарап, жаныңды жарылқайтын. Сен сәл дірілмен әрі қуана, әрі қорқа сұқтанасың, сұқтанған сайын

көнілінді мұн қабыздап, пейіштің ішіне кіргендей рақатты жүрексіну, рақатты сүйсіну, рақатты курсініс пайда болмақ. Самала саумалға шомылып, тәңірдің тарысын теріп жеп, аманесен жүрген бір күнің – тіршіліктің жалғыз сәтіне аса риза сезіммен батар күнге қол бұлғап, ертең атар таңнан ұміт күтер едік: «Құдайым-ау, айналайын, алла тағалам-ау, мен бұл өмірде бармын!» деген қанағаты мол сөздің қадіріне жетуден, алдағы аз ба, көп пе ғұмырыңның құранына – ұранына айналдырудан озық не бар бұл жалғанда. Бұл жалғанда: асықпай, аптықпай, арбамен күйп су ішкіліктің қоянын аулап жеуден артық не бар... Бұл жалғанда: табиғат-ананың аясында еркелеп, саф ауа, мөлдір суды қанағаттап, шайқалмаған көнілімен өз ажалыңда армансыз аттанудан бақытты не бар. Иә, бұл жалғанда тұтінінді будақтатып, түннің жарымына дейін алау оттың басында бейбіт те берекелі әңгіменің шоғын көсеп, «неге біз осы...» деген сұрақтың жауабын іздеуден ізгілікті не бар... не бар?..

Иә бұл жалғанда адам баласына көп нәрсе керегі жоқ. Ал не керек екенін өздері де білмейді. ОЛАРДЫҢ – пенделердің білетіні – неғұрлым жанталасып, неғұрлым тағдырының жағасына жармасып жан сақтаса, мәңгілік мұңсыз-қамсыз ғұмыр кешетіндей, өз-өзінен тарылу, өз-өзінен кектену, өзін-өзі азаптың арқанымен буындыру, өздерін-өздері отқа қактап, оққа байлап беру ғана... тек сол ғана ма? Тек сол ғана болса, айықпас опаттың жаржағасына асырып келіп ат басын тірер ме... Бұл жалғанда бар екенің шүкіршілік ету – кержалқаулыққа жоримыз да, бұл жалғанның барымтасына кірісп, лақсаланған тіршіліктің лағына таласып, көкбөрі мінезben көкпар-таласқа түсеміз.

«Тауда көкпар тарта алмайсың, – деп ойлады Таған. – Демек, таулы жердің тартысы бәсек болмақ. Бірақ ұрымталдан ұрап ұрысы, қаны тасыр қаныпезерлігі көп емес пе екен» деген ой және көлденендеді.

Осы шақта таудың жығылмас жалындай құдірейген қарағайдың ара-арасынан саулаған күннің ең соңғы шуағы көл бетін талақ тастап, со-о-н-ау ұшар басы тазданған шоқының тас кепешін ғана жалқындейді. Маралкөлдің бетінде жыбырлаған майда толқын бар. Әлгінде ғана қандалған, содан соң жезденген су жүзі алабұртқан кейпінен лезде айырылып, қарәкөк барқыттан ақирем киімін кигендей өкпелі өксікпен

кешкүримның құрым киізін де біртіндеп қымтана тұсті. «Міне, өмір дегеніміз – осы» деп күбірлеген Тағандогаланған кемпірқосақ жоғалған соң жолға шықты. Таудың қуысынан Шал жаққан от жылтылдайды... «Міне, өмір деген – сол...»

Алайда... өмір дегеніміз – ОСЫЛАР ғана емес еді...

«НЕГЕ БІЗ ОСЫ...»

Атын тұсап, алдынан шыққан Шал қонағын қалжындағы қарсы алды.

– Перінің қызы Бекторы жолығып, азғырындыға еріп кетті ме деп шошыдым.

– Ондай бақытты кім беріпті. Мен кейде сол сайқал қызды сағынамын...

– Су иесі Сұлейменнің қыздарына да қызығатын шығарсың...

– Сөз жоқ. Бірақ – олардың бәрі, тіпті қазақтың қасы, көзі қыылған қылышты аруларының бәрі ереккеке еріп кетіп қалдығой...

– Қатынсырап жүр екенсің, шырақ, – деп төтеден қойып қалды Шал.

– Оныңыз рас, ақсақал, – деп, шыншыл қоңілмен күрсінген Таған. – Құдайдың құтты құні аузым құрғамай ішіп жүрген кезімде әйел мен еркекті айырмаушы едім. Өзімді қайта тапқандай болған соңғы құндері ақмұнардың арасына сіңіп кеткен сол бір қызыл жаулықтылар қайтадан шығып, қол бұлғағандай көлеңдейді мұндарлар. Кей құндері сыйқылықтан күліп, қытықшыл қылышпен түсіме кіреді, түрткілеп оятады...

Жігіттің қоңырқай жүзі батар құннің батсайысындағы ах ұрған арманмен алабұрттып, ішінде жыландаған жанған өкініштің бе, өксіктің бе, бәлкім, әлі де үміткер, әлі де қоламтасы суи қоймаған еркектік сезімнің сергелден шағы туган шығар. Мынау қарсы алдындағы ағынан актарылып тұрған Тағанның құнәдан ада сыры Шалды да шалт жібермей ойлантып еді. Ұзақ та ирелең азапты сапардан – мән-мағынасы жоқ мақсатсыз сандалбай тірлікten запы болған азamat ақылшы аға, қамқор қол, аялар алақанға сусап, егер осылар дәл қазір қатыгездік танытып өгейсітсе, өте-мөте өкінішті боларын, қазақ қайратты да қасіретті тағы бір азamatынан айырыларын бағамдады Шал. Маңдайдан сипар ықылас балаға ғана емес, үлкендерге де керегін үқтү Шал. Тәлімі мол тәрбие, көш басшы көшелі сөз

жастарға ғана емес, ересектерге де керегін сезді Шал. Кең де тар дүниенің кеселді кесірінен, зіл-зала кесепатынан сақтап қалу үшін осына екі тастың үстінде талтайып, қалай қарай аттарын біле алмай аласұрған жігітке ертеңгі өмірінің мінәжатына айналар байсалды бата беру керегін кәперледі Шал. «Рас, рас, қазіргі ұрпақ батасыз, батасыз болған соң, бәтуасыз лағып бара ма, қалай» деп ойлады Шал.

— Шырағым, үйге жүр, қонып, қонақасынды же. Әңгімелесейік. Мен саған балаларымды таныстырайын.

Осы шақта тау қуысындағы үйден: — Ата, ата, қайдасын? — деген баланың даусы естілді.

Алтайдың аскар тауларында не көп — сай-саласын қуалай ағатын бұлақ көп: койнау-койнауларында құдайдың ба, табиғат-ананың ба, әйтеуір, адамзатқа өкпелеп жылағанда тамып кеткен көз жасындай мөлдіреген көл көп. Сол көп көлдің бірі — Маралкөл еді. Бұл өзі құнгей жақ жиегі тақыр немесе қорым тасты, ал теріскеі қалың ағашты, балығы тайдай тулаған, әлімсақтан бері де ортаймай, не болмаса ернеуінен асып тасымайтын момакан да байсалды жаратылған ғажап көл. Оңтүстігінде Өскелен деп аталар жүндес асуы бар. Сондықтан да бұл өнірді баяғыдан жайларған қазактар... «Үстіне Өскеленің шыға келсем, көрінер көл айналасы жапжалаңаш» деп, әнге қосып, ойдағы ауылдан ат арылтып әрен жететін төр жайларуды жердің жұмағына балайды. Көлдің аяқ жағынан көпіршіп шығар суды — көлдің шүмегі деседі. Міне, осы шүмектің бауыздаяуна тақау, Маралкөлге мінбелеп түрған таудың алқымындағы алып қара тастардың үңгіріне орналаскан үй — қазіргі заманың көрме үшін әдейі салған ғажабындей өзгеше таңсық әрі айға адам ұшырып отырған озық дәуірдегі адамзат ақылын мазақ етердей өгей де бөтен еді. Әсіреле, түн баласында үңгір-үйдің аядай аузынан жылтылдаған от уақыт көшінен әбден шаршап, шөгіп-шөгіп жусаған жуас таудың жалғыз көзіндей алыстан шалынатын; заманың ұмытып кеткен ұлындай жетімсірекен өмірдің өңменінен жарып жарқыраған сәуле ата-бабамыздың ендігі қалған сарқынды аманат шырағындей, қай-қайдағынды, ата кәсібінді, қайдан шыққандығынды еріксіз есіне түсіріп, әлдебір сиқырлы күшпен меммұндалайды. Жанарың ашып, көкірегің көбенсіп, жүргегің сазады; даңғаза дүниенің айғай-шуы мен арпалысын,

күш күрес пен ит-қырқылжынын шаршau тартқан жаңыңа сауап болғандай, көптен көксеген беймарал, жым-жырт өмірді жолықтырганыңа іштей жарылқанып, жасанаңың.

Тағанның таң қалғаны бұл да емес – тыныш тіршілік Қатын сүйнен жағасында да бар. Тағанның таң қалғаны – осынау өр Алтайдың малшылар мен аңшылардан басқа жан аяғы баспайтын қуысында, ерте дүние дәүіріндегі секілді, тас ұңгірді баспана, табиғаттың тағыларын қорек етіп отырган Шалдың қаймана жүрттan қашаң тартқан тірлігі – қомақты қоғам, дүбірлі дәүірден өгейсі көшіп, өз қотырын өзі қасыған оқшау қәсібі еді. Тағанды таң қалдырган бұл ғана емес – ауыл-аймақ, бота-тайлактан тек қара басы ғана ауа көшсе, саяқтаса жарап еді-ау, пендеге берілер санаулы жасының көбі кетіп, келтеленген шағында оған бәрі жарасар; өзімен бірге т-у-у ит арқасы қиян – ел-жүртты жоқ жетімсіреген жерге қаршадай екі баланы ерте кеткені. Олар күні ертең – ер жете келе қар адамы секілді жабайыланып, жан адамға жұымайтын тағыға айналып кетсе, мынау мәре-сәре өмірдің қызылқырман қызығынан мақұрымданып, маңып қалса қайтер... Шалға лағнет жаудырып, өкінішті өмір кешпей ме? Бұл қалай сонда?

Ұңғір-үйдің ішіне еңкейіп кіргенде туған осы ойлардың ұшығын таба алмаган жігіт айналасына аңтарыла қараумен болды. Үлпершектей үлбіреген ұл мен қыз аса бір ізет, иманды инабаттылықпен сәлем берді де, атасының мойнына асылып, аймалап, сағыныш-мауқын басты.

Ұңғірдің іші кең. Кеңдігі соншама, тас қанатты ағаш дөнбекпен қантап, еденін тақтайлад, екіге бөліп екі бөлме жасаған. Алдыңғы бөлме – ас ішетін, ал, анау төргі бөлме жатын үйге ұқсайды. Бір қараған адамға қарапайым ғана тіршілік үшін керекті заттың бәрі бар деуге болады. Тап-таза жиналған. Қабыргаға қағылған аюдың терісі, оның азу тісі ақсиган басына арбайған бұғы мүйізі қағылған. Мүйіздің әр саласы бос емес, мылтық, оқшантай, тағы да басқа керек-жарақтар ілінген. Қамшының неше түрі бар екен, сан түрлі өрім, сан түрлі сап, Шалдың еріккендердегі ермегі қамшы өру секілді... Ыдыс-аяқ та ағаштан ойылған. Қалай мен шыныдан жасалғандары жоқ деуге де болады. Кіреберіс іргедегі пеш те тастан қаланған, тек үстіне ғана темір плита төсөлген. Есік алдында көзге шалынбағанымен, мал басы бар секілді. Айран ұйытулы түр.

Қайың салмада сүрленген ет ілінген. Қазір күн жылы болған соң, отты есік алдындағы жер ошаққа жағып, тамакты далада пісіреді білем. Жерошақтағы шағын ғана шойын қазаншада бұлқілдең қайнаған еттің иісі есіктен кіріп, мұрныңды жарады, қарныңың ашқанын есіце салады...

– Анда-санда тілінді жұтып қоятының бар екен, – деді, сырт киімін, саптама етігін шешіп жеңілденген Шал.

– Ондай әдетімнің бары рас. Лекция үстінде де сабактыңдамай қиялдан кетіп, ұстаздан талай ұрыс естігенмін.

– Балалар, тамактарыңды қамдаңдар, – деді Шал білте шамды жағып. Ұл мен қыз жарыса жүгірді. Таудың ымырты лезде үйіріліп, үңгір-үйдің іші қараңғыланған. Ашық түрған есіктен көлдің бір пүшпағы, ар жағындағы алып тау тұтас тұлғасымен көрінеді екен. Етегі киіздене тұтасқан орман; сол орман занғартаудың басына жете алмай шаршап таусылып, корым тас, таз шоқы басталады. Шоқының айыр өркеш шошағында әлі жұқалаң шапақ бар.

– Ұлымның аты – Қозы, қызымның есімі – Баян, ырымдап әдейі қойдым, – деді ақсақал әңгімеге ықылас білдіріп. – Егер тегін қуаласаң, бірі – батыстан, бірі – шығыстан. Әдейі Қазақстанның екі қыыр шетіндегі балалар үйінен алып келдім. Қандары араласып, балталаса бөлінбейтін ұжымды ел болсын дегенім...

– Шынымды айтсам, ағасы, сіздің осы әрекетіңізге түсінбей отырмын. Не үшін? Жаман айтпай-жақсы жоқ, ешкім де мың жасай алмайды...

– Өліп кетсөн, екі бала кәмелетке толмай далада қалады деген уайымың шығар. – Айтшы, шырақ, маған қанша жас бересің?

– Шамамен... – деп, ойланды Таған. – Кем дегенде жетпіске жақындан қалдыңыз.

– Сақалым мен шашымның ағына қарап ажыратсан, солай, әрине. Нақтысы – 1924 жылғымын, демек, елу сегіздемін. Енді бір он бес жылсыз өлімнің дүзағына іліне қоймаспын деген сенім бар. Ендеше, менің екі балам ол кезде бірі бой жетеді; екіншісі ер жетеді, яғни жиырманың үстінен келеді деген сөз... Одан ары менің керегім жоқ, өз күндерін өздері көреді, атамекеннің атппал азаматы болады.

– Қызық екен... ертектегідей... бәрібір түпкі мақсатының тұманды. Елдің ішінде отырып ер жеткізсеңіз, кім таршылық жасар еді. Обал ғой, аға, обал...

– Бұғіндеелқалдыма? – деп сақалынсаумалады Шал. – «Бұлін-геннен бұлдіргі алма» деген... Егер мен елден қашсам, баламның саудайы қылық, арзан қызықтан таза өссін дегенім.

– Ағайыннан көңіліңіз қалған-ау. Әйтпесе Үлкен Жердегінің бәрі ақымақ дегенге кім сенер. Рас, көшіліктің ортасында жүріп те жалғызысырайсың, ондай ауыр сәт өз басымда да болған. Бірақ, айналайын халықпен қақтығысып жүргенге не жетсін.

– Адам-орманның ортасында жүріп күнәға батқанша, ағаш-орманның арасында таза өскеніне не жетсін. Мен қазақтың атом апатынан да, бұлінген ауадан да; ішімдік пен аяқтан шалар ағайын алауыздығынан да ада, таза да тәкаппар ұрпағын тәрбиелеймін. Иә, пәле – қала, өсек – жаладан... мендуана жегендей желіктірер әуен мен әумесер қылар айғай-шудан да алып қашып отырымын.

– Адамзаттың өмірі Алтайдан басталған деуші еді, әрі жазушы әрі тарихшы бір досым. Соның сөзін, бәлкім, сіз дәлелдеп шығарсыз, – деп күлді Таған. – Сонда қалай, екеуін үйлендіресіз бе?

– Дәм жазса, ондай ойым жоқ емес.

– Өз бауырыңызда, бір үйде ағалы-қарындас секілді тел өскен балаларыңызды ерлі-зайыпты етіп қосқаныңыз ата жолын бұзғандық емес пе, ағасы...

– Ашып айтамын деп, қанын шығара қасып айтып отырсың-ау, шырақ. Екі бала ақыл тоқтатқан соң, анығын ашармын, өздері шешер... Болмаған жағдайда ауылдан адам табылmas деймісің. Өссінші әуелі... Жә, доғарайық, тамақ дайын...

Ағаш табаққа салған етті буын бұркыратып Қозы, сонын ала сорпа құйған ыдысы бар Баян кірді.

– Жүр, шырақ, қол шайып келейік, – деп, сыртқа беттеген Шалмен қабаттаса шыққан Тағанның ең әуелі көзіне түскені беті шымырлап, жайбарақат жатқан көл болды. Аумағы ат шаптырым. Үй іргесіндегі жақпар тастан өз-өзінен сорғалап тұратын суға науа орнатып мәдениеттендірген екен. Қолдарын сол саулаған сұық сумен жуды.

Ауқат үстінде көп әңгіме болған жоқ. Қонақ жігіттің қарны ашып қалса керек, қарбытып асап, тұтінге ысталған шала сүрі етті сүйсіне жеді. Балалардың зауқы бұл үйреншікті асқа онша шаба қойған жоқ, атасы ұсынған сүйекті шұқылап, шоқып жеген болды да:

– Мал жайғаймыз, ата, – деп, астың қайырылуына қарамай, балалық женеілтектікпен шыға жөнеліскең.

– Мал ұстайсыздар ма? – деп сұрады Таған шайнаң қағып.

– Иә, он шақты қой-ешкі, бір бұзаулы сиыр, екі жылқымыз бар.

– Бай екенсіздер-ау... ал енді оған айғыр мен бұқаны қайдан табасыздар? – Өзінің орынсыз қалжынына Шалренжіп қалмады ма деген күдікпен көз қызын салып еді, ол қаперсіз екен.

– Мынау Өскеленің аргы бетінде жаз жайлauғa келген сиыр табыны мен жылқылы ауыл бар. Ұргашы жұртына бай қай-қайдан да табылар. Мына екеумізге қатын табылмай ма деп қорқамын...

– Менікі болған...

– Ендеше, менікі де болған, – деп, Шал шатынай дoғарып тастады. Бұл әңгіме отағасының оң жамбасына келмесін сезген соңары қарай өрбімеді. Сүзбе қосқан ақ сорпаны аяқпен сораптап, бабымен ішкен екеуі көпке дейін ләм дескен жоқ. Дастарқан жиналмады, балалардың еншісіне қалдырыды білем. Тысқа шыққанда, бағанағы шапақ шаршau тартып, айналаны ымырт жайлай бастапты. Сонадай жердегі дәу самырсының түбін қоршай жасалған қашаның ішінде үй иесі айтқан он шақты ұсақ мал қамаулы түр. Ал ақ шап қызыл сиырдың бауырына тас кенедей жабысқан қаршадай қыз созғылап сиыр сауып отыр. Қолының күші жетіңкіремесе де, онысын білдірмеуге тырысып, құнжың-құнжың етеді. Ер бала – Қозы бұзаудың мойын жібін ұстап, қасында андып түр. Он жастан енді ғана асқан балалардың шаруақой пысықтығы Тағанға қатты әсер етті. «Тәнірім-ау, өмір дегеніміз осы емес пе» деп ойлады. Әсері жүректі шабақтап, жанарға жас ұялатар кино іспетті, мынау қоңырқай ғана қарапайым тірлікте өміріміздің барлық мазмұны мен о бастағы бастауы, мәні мен сәні табиғи күйінде құжынап жатқанын түйсінді. Тағанның алғаш рет балаға деген маҳаббаты оянды. «Тәнірім-ау, өмір дегеніміз, өмір сұру дегеніміз – артыңа ат ұстар, сиыр сауар ұрпақ қалдыру

екен-ау...» Бүгінде өзінің тұңғыш ұлы жиырмаға толғанын есіне алды. Не істеп жур? Өлі ме, тірі ме? Фамилиясы қалай? Әкесін сұрай ма, әлде әйелі күлге аунап таптым деп тусіндіреп ме екен, әлде әкең ішкіш, маскүнем, баяғыда өліп қалған деп, біржола түңілдірді ме... Кім білсін?..

Малды жайғаган Қозы мен Баян асыр сала жарысып, үнгір-үйге кіріп кетті. Мынау аспанмен таласқан меніреу таулардың ішінен естілген бала күлкісі, бала ойыны қандай жарасымды еді. Кеспелтек ағаштың үстінде «Арқарын» асықпай тартып отырған Шал жігітті жанына шақырды.

— Қой сойып, бас тартпады деп, күрен қабақ болып тұрган жоқсың ба, шырақ?

— Жоқ, аға.— Шал бағана жасын айтқан соң, өзінен он бес жас-ақ үлкендігін біліп, «ақсақалды» «ағага» ауыстырған.

— Қайдан білейін, сыңайың нәумез секілді.

— Октан-текте менірейіп алар әдетім барын ескертіп едім-ау. Тұғаннан бері арнайы сойылар малға бата жасап, бас ұстап көрмеген пақырмын.

— Малға бата жасау дегеннен шығады, баяғыда осы өр Алтайда Мақажан деген өлеңші болған, естуің бар шығар. Сол кісі тәменгі жаққа – Үлкен Нарын өніріндегі Андағұлдарға жолаушылай барыпты. Елге еркелеп еркін жүретін ақын Қатпа деген болыстың үйіне түскен екен. «Алыстан алты алашты аузына қаратқан Мақаң келді» деп, қонақасына серке соймақ болады да, ақынның алдына көлденең тартып бата сұрайды. Қойдан гөрі ешкі етінің жеңіл екенін айтып, сырғақсыған болыстың сараң сыңайын таныған Мақажан бұл да болса олжа дегендей, қанағат тұтып, үндемеген көрінеді. Тамақ пісіп, алдарына тартылған табаққа қараса, бағанағы серкенің басы тым кішірейіп қалғанын байқаса керек. «Ал, ақын, бата жасаныз», – деген Қатпа байға былайша өлеңмен бата беріпті:

Заман, заман, заман-ай,
Жылдан-жылға заманы
Жұмбақ болған заман-ай,
Сарқыраған өзені
Бұлақ болған заман-ай,
Алғаш қонақасыға келгенде,
Атан ақ серке еді,

Тамақ болып піскенде,
Лақ болған заман-ай
Аллауакпар, –

деп, бетін сипапты.

Қайткенмен Қатпа болыста сөз төркінін ұғар намыс бар екен, түн ішінде қотаннан қой алдырып сойдырыпты дейді.

– Мақажан ақын менің атам, әкемнің әкесі... – деп мінгірлеп төмен қарады.

Шал:

– Рас па, шырақ. Асылдың сынығы екенсің гой, – деп қайран қалды. – Бәсе, бәсе, тұқымы бар деуші еді. «Алты күн аш отыrsaң да, ата жолын ұмытпа» деген казекем, ұят болды ау. Бүгін балаларды әуре қылмай-ақ қоялық, ертең де еру бол, атаулы малыңың басын мұжі. Мақаңның аруағынан ұят болар...

– Ракмет, аға, еттен еттің жорғасы бар дейсіз бе, жедік қой бүйірғаны.

– Апыр-ай, ә. – Шал шыншыл көңілмен сабырсызданды.

– Ең өкініштісі сол, аға, ел-жұрттың аузында жүрген Мақаңның бір ауыз өлеңін жатқа білмеймін. Әлгінде сіз айтқан өленді мен де ішіп алып шоқырақтататынын, бірақ кімдікі екенине мән берген емеспін. Ол кісіні көруге жазбады. Әкеден де ерте айырылдық. Білім қуып Алматыға кеттік. Есім бүтін кезімде ауылға барған жоқпын. Арақкеш атанып, аузымызды ит жалап жатқан жерімізден Ерік тауып алды. Онысина да ризамын, осы өзініз көріп отырған кейіпке келдік. Еріктің шешесі Нюра шешеміз мықты адам екен, сол кісінің арқасындағана аман қалдым. Атамның акқұла ақын болғанын сол кісіден алғаш естідім. Кірерге жердің тесігін таптай, бетімнен отым шықты...

– Ой, ол көк көз кемпір мық-т-е-е, – деді Шал. – Білем, естігем, ұлы өзіне тартпаған.

– Ерікпен неге дүрдаразсыздар, Алтайдың тауы мен ағашын бөлісі алмай жүрсіздер мे?

– Оны өзім де білмеймін, әйтеуір, әлекедей жаланған соны көрсем, иткөргенешкідей боламын. Бәлкім, дүниекоңыздығынан коңсылас бола алмайтын шығармын.

– Дүние жиса, бір діттеген ойы бар шығар. Ағайын-туғаны жоқ. Ол да жалғызілік жігіт қой, жасқа аға, ақылға сақа ұлкен адамсыз, артық-ауысын кеңдікпен кешіре салмайсыз ба...

– Сен, шырак, бітімшілікке келгеннен саумысың. Менің жанымға бататыны – байлығы деп кім айтты. Алдына келсөң тістер, артынан келсөң тебер қазымыр шошқа мінезі де. Ана жылы үсті-басына бал жағып барып, көрші омартаның бір рой арасын ұрлап кетіпти.

– Араны қалай ұрлайды? – деп таңдана сұрады Таған.

– Олоңдай. Балдың балауызын үстіңежапсырып ұясынажақын-дасаң, ара біткен жапырлап тәттіге қонады. Сол қалпымен үйіне алып келіп өз жәшігіне кіргізеді. Адам баласына қайыры жоқ. Не орыс емес, не қазақ емес, өгей неме...

Таудың тұні шапшаң түседі. Жерошақтағы от қана шоқтана жылтырайды. Маралқөлден салқан саулады. Қөлден шығар шүмек-судың даусы естіледі. Әзерше бөтен үн жоқ. Балалар үйшік-үйден кіріп-шығып, тісқақты тіршіліктерімен жүр-ау. Көшелі әңгімеге шөліркеп қалған Таған тағы да не айтады дегендей, Шалға жалтақтай қараған. Асыр салып ойнаған балалардың күлкісі естіледі.

– Оу, Қозы, Баян, ыдыс-аяқты жинап болсаңдар, ұйық-таңдар, – деп дауыстады Шал. – Күз де жақындаған қалды, байқайсың ба, тұн сұнта бастаған. – Шоқтандып қалған отқа көсеп-көсеп бұтақ тастанды. – Таудың тұні осылай, шырағым, алдың терлеп, арқаң мұздап отырасың.

– Әсіресе, қыста қын болатын шығар, аға. Ат бұза алмайтын ақ қар, ақырған аязда қалай жан сақтайсыздар?

– Кар қалың түсетіні рас, оған шаңғымыз сайлаулы. Ал ақырған аяз тау ішінде болмайды. Жан аман болса, жан сақтау деген не, тәйірі. Чукчалардың да тұқымы сұықтан құрып кеткен жоқ қой.

– Бұл тіршілігіңізден әрі қорқамын, әрі қызығамын...

– Оның несіне басынды катырасың, адам баласының таңдаған алған тағы бір ғұмыр жолы да... Дұниенің бері лас болып ластанып жатқанда, ағаңың қашып тығылған үңгірі де. Жоқ, шырағым, мен қара басымды сауғалап келгенім жоқ бұл қу мекиен жерге; анау екі қозымның амандығын ойлап, солардың дені сау, рухы таза өссін деп келдім бұл жерге; жарықтарымның айналып, аумалы-төкпелі заман-ның залымы болып кетпесінші деп келдім бұл жерге; жалған-ның үзірінен, бірін-бірі алқымынан алып шайнап тастар қаскөй бірлігінен не пайда, күндердің күні болғанда адамның өзін

опат етер ілім-білімнен не пайда... Аспанға ұшып асыққаннан, арпалысып қаруланғаннан не пайда; апыр-ау, осыншалық асыққанда қайда барамыз, қойторы аяқмен мың-миллион жыл ғұмыр кештік, енді, міне, әбден кемелімізге келіп, болдық-тoldық, табиғаттың барлық құпиясын білдік, ғылым мен техниканың самғау биігіне шықтық деп айдарымыздан жел есіп мақтанған сэтте – табиғаттың жарты ғасырлық ғұмырын ұзартуды көксеп уайымдап отырмыз...

Шалдың шалқып бір сейлеген сөзінен іштей үндестік тапты ма, Таған жанған отқа тесіле қарап, ұндеңей тыңдал отыр. Тұн сүйтты. Ай әлі шыққан жоқ. Қыркүйектің алғашқы күні жаңбырысyz басталғанмен, көп сағындырмай келетін жаңбырдың хабаршысы кісінеп жатыр. Ол орман қүшігені еді. Көл көрінбей қалды. Таудың бүкір белі де тегістеле сұлделеніп, тек қаруытқан қара жоны ғана болжанады. Оттың жарығы от басындағы екеудің сұлбасын ажарлап, жанарларында жалын жанып, бозарыңқы тартқан боз дүние кешкендей мұңлы да жуас кейіпте. «Бұл дүниеде қашып тығылатын жерін, сыйырласар сырласың, еркелетер елің болғанға не жетсін» деп ойлады Таған.

– Бәйбішем қайтыс болған соң, қайтып үйленбедім, – деді Шал «Арқарын» отты шаламен тұтатып, – бала көтермеген кісі еді. Кінәлі ол емес – мен. Менде емес – соғыс... Он жетіге толмай әскерге алды. Колхоз бастығы өз ұлының орнына жасымды үлкейтіп мені аттандырып жіберді. Бізді Сталинград қырғынына салды. Екі солдатта бір мылтық. Жаныңдағы мылтықтасың өліп, өз қолыңа қару жеке тиген сәтті армандайсың – қунәлі болсан да армандайсың. Біз әншайін маскировка екенбіз. Нағыз майдан, негізгі күш басқа жақта жүріп жатыпты. Ол жойқын күштен бейхабар жау барлық қаруын бізге жұмсап, ажал бүркіп төпелей берді. Осы кезде, әбден әлсіреген Паулюстың ту сыртынан айналып етіп, коршауда қалдырады ғой. Ал дұшпанның мешені болған біз қынадай қырылдық. Эне, сол алапат арпалыста қатты жараландым. Ер адамға ең керегі – белден айырылдым. Ұрпақсyz қалдым. Қайтейін, бір әuletten түргеліп дәрет сындыrap біr өzіm еdіm...

Жігіт жұлынына біз сұғып алғандай селк етіп, жалт қарады. Шалдың жанарынан саулаған жас сақалын суарып жатыр екен. Жұбатқысы, жылы сөз айтқысы келеді. Жұбату мүмкін де емес

еді. Шырқын, шыншыл әңгімесін бұзғысы келмеді. Өзінің де кенсірігі ашып, жүргегі шымырлап, ұзын кірпіктері дымданды.

— Эне, шырақ, ат төбеліндей аз қазақтың тұқымы осылайша азайған. Кім кінәлі? Тауып көр... Бұл жалғанның қитүркісі сонда — мынау кінәлі деп ешкім айта алмайсың. Айтқан адам гана нағыз кінәлі болып шығады. Сондықтан да үндемейміз. Үндемейтін себебіміз — үйдегі пәлеге қаламыз. Ал енді үндемеу жағынан қазақтар алдына жан салмайды. Ішқұса болған жүрт жұдышырың жүргагатына жұмсайды, бірін-бірі бауыздап жатқан ағайынға айдаладан қызыға қарап тұрған озады түбінде... Ең сорлылығымыз сол — жауды сырттан іздейміз, өз ішімізде жүргенін ескермейміз.

— Сіздің жау Маралкөлдің ар жағында ғой, — деп ерікесіз айтып қалды.

— Сол екені рас, жасырмаймын, шырақ.

«Ұлттың азын ұлттан көруге болмайды ғой». Бірақ Таған бұл ойын дауыстап айтқан жоқ. Айтпаған себебі: «Енді кімнен көреміз?» деп Шал шақшия қалар...

— Көп мыжымай жатсақ қайтеді, шырақ, — деп орнынан тұрды Шал.

— Ошақтағы отты сөндірейік. Өрт кетер...

— Тиіспе, өзі-ақ өшеді. Өз оттарынды өздерің сөндіріп, әбден жаман үйренген екенсіндер... — Егер етекке түсіп, елге қайтқың келмесе, мен саған ақыл айтайын. Мынау қарсы беттегі таудың үстінде, осы жерден алыс та емес, осы заманың патшасына арнап салынған ағаш үй бар. Бір кезде астанадан азулы азаматтар келіп, ан аулайды деп, әшекейлеп қиган керемет үй. Алтай жаратылғалы ондай әдемі үй салынған емес бұл өнірде. Тіпті Шыңғысханның да түсіне кірмеген шығар. Сол үй бос тұр. Облыс басшылары жалғыз рет вертолетпен ұшып келді де, неге екенін білмеймін, жым-жырт болды. Қазір иесіз. Қатын ал да, сол сарайда сайран сал. Маған көрші бол. Қауымдасайық. Аңшылар косшысын құрайық. Осылайша ел болайық...

— Ойлану керек екен...

— Сен ойлама. Әрекет жаса. Адам баласын құртатын сол ой.

— Адам баласын құртатын ой емес, ойсыздық шығар, аға.

— Ендеше, жағынды таянып, тамсан да отыр. Ондай ойсоқтыларды біздің жақта ләуки дейді.

Шал үйге кіріп кеткен соң, Таған ежелгі әдетінше сыртта қалды. Шалдың әңгімесі шым-шымдап бойына тарап, жанын жадылап тастағандай, жабырқау хәлден айыға алмады. Болмыстың болар-болмас тірлігіне алданып, арпалысып өте шығар адам өмірінен аянышты не бар бұл жалғанда. Шал ағасының сараптай айтқанынан ұққаны: мәңгіліктің алдында пенде шіркін әрқашанда ұтылары, женеміз деп жеңіліс табатыны, сөйте тұра кештік ғұмыры үшін түстік мал жиятындығы. Бұл дүниеден кімдер өтпеді: қаһарынан қан тамған хан, байлықтан бастау ағызған бай, мұқым әлемді аузына қаратқан ғұламалар... Кәне, солардың мың жасағаны, кәне, солардың о дүниеден қайтып оралғаны? Сонда не үшін өмір сұру керек? Бәлкім, ұрпақ үшін, ұлт үшін... бірақ сол ұлтқа мен секілді «алқаш», жоқ болмаса Ерік секілді топас та тоғышар ұрпақ керек пе? НЕГЕ БІЗ ОСЫ ұрпақтың рухы мықты, дені сау, даулескер де курескер, ана тілін ғашығынан да артық ардақтайтын асыл тектілігі үшін, ізгілікті әрекеттер үшін тәрбиелемейміз? Азап шегіп, жарымжан да жарымес, делқұлы да дүбәра ұлтқа айналып, азып-тозып, азғынды құрып кеткені ләзім-ау... Ал Шалдың әрекеті ше? Тығырықтан шығудың жалғыз жолы осы фана ма? Жо-жоқ, бұл амалсыздың күйін кешкен тым-тым жінішке жол. Сонда не істеу керек? Егер қаладағы қазактардың қалың ортасына барып, былай десек: «Оу, ағайын, ес-ақылдарынды жиындар! БІЗ қатыгезденіп барамыз. БІЗ имансызданып барамыз. БІЗ айналайын анамыздың ақ сүтін актай алмай жүрміз, бір күнгі қызды-қызды қызыққа мастанып, тасырандап кеттік, көзімізді шел басты, көніліміз көр, жігеріміз күм болып, құрдым дәуреннің әләуләйін шырқап жүрміз; тамаша өмірдің тасқынымен ығып, ығысып ағамыз келіп, ағыска қарсы жүзу не жагалауга қарай ұмтылу жоқ. Өмір сұрудің ең оңай тәсілін тауып алдық та, жер бетінде өзімізден артық адам жоқтай жоқтан өзгеге сілеміз қатқанша күлеміз, сілікпеміз шыққанша бір-бірімізге үреміз. Оу, сондағы мақсатымыз не? Tipi жүру, тіміскі өмір сұру ме? Ел болудың енбір онтайлы сәтінде оспадарлық танытсак, етегімізді жел көтеріп, еңкейіп шапқылай берсек, берекесіз де бекер ішіп-жемнің құлы болсақ, БІЗ үшін жалғыз жанын садақалаған ата-баба аруағынан ұят емес пе? Иә, аруаққа адалдық, өткенге иман болмайынша, тірілерге салауат жоқ, тіпті

дүние дур сілкініп жаңара алмайды да. БІЗ күні бүгінге дейін ұлттық адамгершілік, имандық бет-бейнесі мен болмысын, келбеті мен лайықтылығын анықтай алмай жүрміз. Әсіресе, қазақтардың... Ең әуелі бізге кімдер керегін, яғни ұлттымыздың ар-ождандық идеалын білмейміз. Мінездік ерекшелікті артықшылығымыз деп асыра мақтанамыз, ал рухымызды, жадымызды жаңғыртпаймыз немесе біліктілігіміз аз, жалған білімімізді солақай, рәсуга пайдаланамыз. Бұл меммендік, әсіресе, тарихшылар мен философтарға, сонымен қатар орысша оқып, ойласп, жазатындарға немесе өз ұлттың тым-тым сүйетіндерге тән сипат. Мениңше, ұлтты жақсы көру дегеніміз – тек жақсылығын ғана көру емес. Ұлттың рухани түлеуі мен өсуі үшін оның жетістіктеріне таңдай қага тамсану, ұдайы табыну ғана ма? Кемшіліктерін де көріп, қайтып қайталанбауы үшін күресу емес пе... Мұны орыс ғұламалары әлдеқашан мойындаған. Мәдени топырағы құнарлы қазақ халқы Абай, Шоқан, Мұхтардың сәүлесін ғана теріп, ынғай-ылғи жарылқана берген жоқ, сұрқиялары мен сатқындарының да сан алуан түрін көрді, көріп те жүр. ОЛАР осы тауда да бар... Төтеден төнген қысым да, қауіп те жоқ, қой үстіне бозторғай жұмыртқалаған мамырстан заманда биікке шыққанымызды күнделеп, етекте қалғанымызды тілдеп, ішегімізге қыл айналмайтын қызғаныш отына жылынып, қызара бөртіп жүре береміз бе? Анау, тағдырың таланына таланған ШАЛ БАРЛЫҒЫМЫЗДЫ мансұқ етіп неге кетті? Ал мен неге қайтпаймын ел-жұрттыма? Неге?! Жамандықтан құтылудың жолы, сол жамандықтың батпағын кешіп жүріп күресу емес пе еді. Мен тазардым! Мен енді ішімдік атаулыға қарғыс айтып өтемін. Дүниедегі ең киелі нәрсе – әйелге берген ант. Мен түзелдім, ағайын! Осымен бүкіл халықтың дені тазарып кетті ме? Осы ойларымды халықтың ортасына барып, жар салып айтайыншы – ақылынан алжасты деп ақымаққа балар. Адам қараптан-қарап ақымақ болмайды, ақымақ етер адамдар... Кемшіліктің киімін киіп ешкім тумайды, кемшілікті үйрететін ұлкендер. Ишімдікке салыну, ана тілінен жеріну, дәстүр мен салтты саудалау да солай... Үйретеді, үйренеді... Алдында үш жол бар: бірі – осында қалу; екіншісі Еріктің үйіне бару; үшіншісі – ауылға қайтып, бар-барлығын қайта бастау; айтпақшы, Алматыны ұмытып кетіппін-ау, балықтың басын тазалау керек екен-ау, оған енді қалған құлаш

бойы ғұмырым жете қояр ма екен, әуре болмайын, онда да оң жамбасымен тұрган азаматтар бар шығар, онда да оң-солын танып қалған есті жұрт, еңсесі көтерілген жігерлі жігіттер жүрген шығар...»

Таған санасының сау кезіндегідей сартылдап істей бастағанына қуанды. Бейне тоқтап қалған сағатты бұрап қайта жүргізгендей. Қара шапанды тұннің етегін түріп ай шықты. Дүние сүттене бастады.

* * *

Ерікті тоса-тоса таң алдында көзі ілініп кеткен Айна өз түсінен өзі шошып оянды: ағаш бөлменің іші салқын болса да, ақ тер, қара терге шомылып, ауа жетпей қысылып оянды. Жүргегінің соғысы қатты естіледі. Қөрпеге оранған күйі, қөрген түсін есіне түсірді... Жап-жасыл дала, сол далада астарына сары ала сырмақ төсеп, қымыз сапырып ішіп отырған анасы мен енесі жас ботадай тәй-тәй басқан Айнаны аймалап толғанып, қаз тұрганын қызықтайды. Тұсауын кеседі... Енді бір мезетте екі бірдей ананың арасында мәз болып күлгендеген қос ана аспан төсіне сіңіп, көзден ғайып болды... Айна жылады... Зар еңіреп жылап оянды...

Нұрке кемпір терезенің пердесін сиыра ашып тастап көгілжім тартқан әйнектен далаға үнсіз телміріп отыр екен. Төргі бөлмеден шыққан келінің сыйбырына бұрылған. Шашы қобырап, көзі жасаураған Айнаның үйпа-түйпа ұсқынына бөтен әйел шыға келгендей, үркे қарады.

— Айналайын-ая, не болды саған?

— Түсімнен шошып... — сөзінің аяғын жұтып қойды. Енесінің алдында ешқашан да жалаңбас жүрмейтін әдеттің әдібін сөгіп алғаны енді ғана есіне түскендей, «ой-буу, ұт-ай» деп, шашын баса төргі бөлмеге кіріп кеткен. Нұрке кемпір келіннің ибалығына сүйсіне жымиды. Жаулығын байлап кері оралғанда:

— Тұс – тұлкінің боғы, беті-қолыңды сұық сумен шайып жібер, қалқам, – деді. Өзі төсекте отырған күйі күбірлеп, намазын окуға кірісті.

Айна есік алдына шыққанда, әлемді әктеп таставаған аппак шықты көрді. Құндыңде де бүгін қалың түскен екен. Тұн сұық болғанға ұқсайды. Биылғы күздің ұзак әрі жауын-шашыны

аз боларына осы таңғы шықтың тым қалың түсүі кепілдік бергендей... Кеше аң қарауға аттанған Еріктен де, Шалды ізделет кеткен Тағаннан да сыйбыс білінбейді. «Бәлкім, ұйықтап жатқан шығар» деп, қойма сарайдың жыртиған сыңар терезесінен үніліп еді, келімсек жігіттің белі кеткен жайдақ нары бос көрінді. Маңайда жан баласы жоқтығына еркелей еркінсіп, рақаттана есіней керілді. Таңғы салқын ұрган денесі сәл қалтырағандай болып, үйдің бұрышын айнала беріп еді, аппақ болып теңкиіп, шық үстінде тыр жалаңаш жатқан кісіні көрді. Ал дегенде таңғалды, қорқыныштан ғөрі әуестік билеген. Өлітірісі белгісіз сұлық жатқан кісінің екі жағында қыбырсыз құлаған екі баланың анадан туғандай қызыл шақа денесін байқағанда, бақыра шошып көрі шегінді. Өңменіне мірдің оғы тигендей, ес-ақылдан айырыла шалқалай құлады. Шалқалай құлағанда, өкшесінен қаққан дөңбек те себепші болып еді. Талып түсті. «Ап-а-а-а!» деген айқайға Нұрке кемпір қанша елеңдесе де, орнынан қозғалар дәрмен жоқ. «Не болды, құдай, не болды?»—дей қарманнан өзге қайранға бара алмаған. «Апалаған» дауысты әжетханада іш босатып отырған Ерік те естіді. Бірақ табиғи қажеттілікті өтегенше тырп етпеген. Ол жортуылдан құлқын сәріде оралған. Кеше кешке сәті түсіп атып өлтірген кірекейдің екі конжығын қоса өңгеріп сүйрелеп жеткізгенше, таң атып еді. Алғашында орман ішінде сойып, терісін сырпырып алып, денелерін тастап кетейін деп тұрды да, етін қимады. Етінен бұрын жараға мында бір дауа өтін бүлдірмей алу керек еді... Содан үйдің іргесіне әкеліп сойған... терілерін шелдеп тазартып, тұздап жайған соң, «уң» деп жаңағана отырған беті еді...

«Апа» деген дауыс қайтып қайталанбады. Жым-жырт. Қатын өзені де мұз болып қалған секілді ме-ау... Жоқ, солға шеке тамырынды солқылдатып арқыраған. Әдеттегі үйректей шайқалып басар жүрісіне салып үйге жақындағы берген еді, аюдың ар жағында жайрап жатқан эйелін көрді. Дегенмен, жүрісін, өзгерктен жоқ, асықпай адымдаған қалпы, жанына келіп тұрды.

— Әй, не болды саған, ішіп алғаннан саумысың? — деп, қаздиган қалпы аса бір қатыгездікпен аяғымен тұртті. Айна қимылсыз. Жүрелеп отырып тамырын ұстады... Саспас, міз бақпас мінезімен үйге кірді. Есіктен кірген ұлына алая қараган шешесі:

— Айна неге мені шақырды, қол жұмсағаннан саумысың? —
деп қадала сұрап еді...

— Білмеймін, талып жатыр. Аюдан шошыған секілді, — деп,
дүңк-дүңк жауап берді.

— Құдай-ау, аюы несі... Не деп мінгірлеп тұрсың. Ұшықта,
ойбай, ұшықта! — деп, зарлаған анасының сөзінен тез құтылғысы
келді ме, бір аяқ су алғы шыға берген.— Сүт араластыр, сүт.
Тәнірім-ай, осыншашық неге тоң мойын фып жараттың екен...

— Басталды,—деді суға сүт құйып тұрган Ерік.—Көздеріне
күйік болып жүрген мен болсам, қарамды батырайын...
Күндерің не болар екен!

— Құдай үшін, тез баршы, ұшықташи. Әкелші менің
қасыма!

Еріктің бетіне бүркіп жіберген қыламық сұзы әсер еткен
Айна денесі дір етіп, көзін ашты. Құп-ку болып кеткен жүзі
жан кіргендей, сәл лыпығандай. Қүйеуі ұртын толтыра
ұрттаған суды тағы да бүркей берем дегенде, басын шайқап,
өте әлсіз үнмен: «Керек емес, — деді, — қолтығымнан сүйеші,
тұрайын». Ерік қапсыра құшақтаған күйі тік көтеріп алды да,
үйге жөнелді. Еріктің мығым мойынан құшақтай асылып,
әлдеқандай бір әлди билеп көзін жұмып, осы бір тәтті сәтті
көксегендей әсерленді. «Саған еркелеу үшін анда-санда талып
қалу керек екен», — деді баяу да жұмсақ үнмен құлағына
сыбырлап. «Ерегістірме, тастай саламын». «Тастасаң таста,
енді арманым жок». Көтерген қалпы Айнаның «Апамнан ұят
болады, түсір» дегенін тыңдамай, шешесінің жанына жатқыза
салды. Нұрке кемпірдің ызыңын естуден зәрезептенді ме, лезде
шығып кетті.

Айна енесінің омырауына бетін басып, өксіп-өксіп
жылады-ай... — Сұмдық қой, сұмдық қой, адамнан айнымайды.
Емшегінен сүт ағып жатыр...

Келініне күбірлеп дем салып, шашынан сипаған кемпірдің
де жанары шыланып еді.

Аюдың ішін жарып, өтін алған Ерік жонаркасына тығыз
біткен майын да далаға тастағысы келмеді. Сан етінен де кесіп
алып, тұздал, самырсынның бұтағына ілді. Бұдан соң қалған
мүшелерін қонжыққа қоса сүйреп ағаш арасына апарды да,
жер қазып көмді. Осы қарекетті бейне соғым сойғандай аса бір
ықыласты ниет өте пысықтықпен атқарған соң, қолының қанын

жуып, үсті-басын тазалады. Қандай іс болмасын тиянақты істейтін Ерікке ерген адам ешқашанда ерігіп, жұмыссыз қалмайтығын. Нанын жеп, жалықпай жасар еңбектің игілігін көріп, өзінше рақат дәнін де тастан көрген жоқ. Әйтеуір, бір ұшы-кыры жоқ, көзің жұмылғанша таусылмас шаруаның қойторысына міндің екен, өзің секіріп түсіп қалмасан... мөңкіп жығып кетпесі тағы хақ. Ерік ең әуелі өз тірлігінің, өз мақсатының (егер мақсат десек) құлы еді. Дүниедегі ең азап та сол – біздіңше, өзінді-өзің құл ретінде пайдалану. Ал оның қаншалықты пайдалы іс екенін сана сарабына салмаудан озған жетесіздік жоғы және рас. Мениң кейіпкерім өзін ешқашанда «қателестім» деп есептеген емес және «косының қате емес пе» деген адаммен тап жауындан алысады. Алайда айнала шашырай қоныстаған біраз көршілестерімен тек осы пиғылдың атбайларына келгенде айырылысты, көрместей болып кетісп тынды. Бұған батыра айтатын, бетіне баса айтатын шешесі ғана еді, соңғы кезде ол кісінің гөй-гөй ақылын да қаша тыңдайтын құлаққашты мінезге мінген. Үйге көп аялдамай, нендей де амал тауып, көбінесе түзде жүретіні де сондықтан ба екен... Бойда қуаты мол, тірі жанға жалынышты емес, ісі түспейтін емін-еркін жігіт әрқашан да өзімшіл келеді фой. Соңғы он бес жылдың жүзінде көпшілік, ел-жүрт дегенді білмей, саяқ кеткен Ерік желді құнгі қара қарғадай шулаған топырлақтардың топтап баққан қойдан айырмасы шамалы, әрі біреу бақпаса, айғайлап қайырмаса, бет-бетімен ит-кұска таланып кетер берекесіздерге балап мойындаған емес. Өзін қыран құсса сезінетін. Ал қырандар әмісе жалғыз. Өзін Алтайдың аюына теңеятін. Ол да топтанип жайылмайды. Тіпті табиғатта мықты нәрсенің бәр-бәрі жалғыз-жалғыздан... Жалғызыда – күштілік! Амал не, адамдардың әмісе бақты, әрі соры да сол... сол... сол... – күш ертең алдында не күтіп тұргандығын білмей білімситіні еді...

Мениң кейіпкерімнің алабөтен әдеті бар еді. Қабағат жұмыстан катты шаршаған сәтте, шалқасынан түсіп, екі аяғын шалжайта жатып дем алатын. Бұл шакта оны трактормен сүйреп тұрғыза алмайсың әрі маңына жолап мазасын алған адам үшін аса қауіпті де, қауып жіберуі мүмкін. Әуелі аспанға, не төбеге телмірген күйі үнсіз жататын да, біраздан соң жанары жабылып, шұр ете түсер еді. Қандай себептен қырынан, жоқ болмаса етпетінен емес, шалқасынан жату сырын тірі жан, тіпті өзі де

білмейді. Қазір де үйге барса, тыныштық бермейтін болған соң, койма сарайға кіріп, «қонағына» арнаған нарға ұзынынан сұлай жатты. Тақтай төбеге тесілді. Ең әуелі ойына Таған оралған. «Шалмен ауыз жаласайын деген екен, араларына от жакпаса болмас... бірігіп алып, өзімешабуылжасарығажап емес, олардан күтуге болады. Коллектив құрып, құқай көрсетпесіне кім кепіл, сол итті бекер, бекер-ақ ертіп келген екенмін... Онсыз да өзімнен артылар қабағат жұмыс жоқ еді фой. Шешем де, байқаймын, әйелім де сол сорлының ыңғайында секілді. Өп-өтірік жаны ашығансиды... Сенбеймін... Біреуге біреудің шын жаны ашырына иланбаймын. Көлгірсіді. Жақсы атанғысы келеді. Жо-жоқ, ондай өлі мен тірінің ортасында аяқта оралғы бол жүретіндерді өлтіріп тастау керек. Құдай-ау, әлжуаздан құтылу, көзін құрту, сөйтіп, тазару – табиғаттың барлық жан-жануар, орман-тогайына тән емес пе. Шіріген ағашты да жел соғып құлатып кетпей ме, койдың да ақсағын қасқыр жемей ме? Ендеше, осы жаратылыстың заңдылығын адамзат неге мойындармайды, неге қолданбайды? БІЗДЕРден өткен эгоист жоқ жарық дүниеде; маған салса... анау алжыған шалды алқаш Тағанға қосақтап байлап, Катын сұына ағызып жіберер едім... Иә, бұл өмірде ағызып жіберетін керексіз адамдар көп, тым көп... Көп болған соң да білінбей ме? Осы «көп» деген сөзден қорқатыным-ай... Бәлкім, өмір дегеніміздің өзі – көп пен ЖАЛҒЫЗДЫҚТЫҢ мәнгі бітіспес майданы шығар...» Есінеді. Көзіне үйқы тығылды. Маужырады. Ойы үзіліп-үзіліп, басы бірікпей ірімтіктене бастады. «Құрысыншы бәрі. Денім сау болса, көрсетермін әлі... НЕГЕ БІЗ ОСЫ? Сайтан алғыр, Тағанның былшылы қайдан түсті есіме, құрысыншы бәрі»... Үйықтап кетті.

Ол ойлағандай, дүниенің бәрі құрыған, тіршілік куарған, су суалған жоқ еді. Өмір өз бетінше, жекелеген адамдардың өкпе-наз, нала-мұңымен санарапай-ақ, ағысын ағыл-тегіл жалғастырды-ай! Өмір өзекті жанға бір өлім екенін канша рет дәлелдесе де, осы пәлсәпаның мәнін түсіне тұрып, өр серпітіндерді мазақ еткісі келгендей қасақана дамитын, өсіп-өркендейтін, барған сайын аласапыран қызығын, алдамшы қызылын алға тартып, үміт жібімен байлап-матап, дуалап, тастар еді. Өмір – ол да бір апиын іспетті еркінен айрып, есірік күй кештіретін. Табиғаттың ең ақылды да саналы түлегі

болып есептелеңін АДАМ, ең бір аңқау да ақымағы еді. БІЗДІҢ ақымақтығымызды жаратқанның басқа-басқа мүшелері – жанды, жансыз күн-күн, жыл-жыл, гасыр-гасыр сайын көзге шұқып көрсетіп жатса да, жанкешті айқас пен айға шабар арынымыздан арылған емеспіз. Тұп атамыз Түркіден бермен түсінде, үнін де өзгерпей, мәнгіліктің қыл қобызы секілді Алтайды құйге бөлеген Қатын өзені-ақ БІЗДІҢ бейшара тірлігіміздің мазақшысы емес пе. Енді... енді сол қаһарлы Қатынга қыл бұрау түсіп, дәл бауыздауынан бөгеп ГРЭС салмақ. Бұл хабардан осы өнірдің өр кеудесін жайлаған қазақтар хабарсыз еді. Өйткені, жоспаршылар жойқын құрылыс саларда, жергілікті халықпен ешқашан санақсан, ақылдастып, кенескен емес. Есептемейді де, есептесе есептен жаңылады. Алтайдың көс бұрымы бар десек, бірі мынау Қатын сүы болса, екіншісі Бұқтырма болатын. Сол жарықтық Бұқтырманы бұрқытып бөгерде де сейткен, тұрғылықты жұртшылықтан рұқсат сұраған емес, ал енді сол бөгесіннен пайда болған жасанды теңіздің астында не қалмады: атамекен, бабалардың бейіті, екі ауданның егістік жері қалды. Тәнірім-ау, толайым тарихымыз су астында қалды! Кәне осы сорақылықтан дүниенің қылшығы қисайғаны?! Әне, Қатынга да қауіп төнді. Асыл Қатын бұғауланбақ.

Шалдың үйінен ертелеңіп шығып, өзенді жағалаған Тағанға мұндаидай ой келді ме, келмеді ме, білмеймін, әйтеуір, табиғаттың қазіргі сұлулығын қызықтай құлдаған-ды. Газет оқып, радио тындағағалы не заман... Жұз жыл өтіп кеткендей-ау. Жантыныштығы үшін оқымаудан озған ештеңе жоқ. Жүйкен жіңішкермейді еш нәрсені ойлап аланғамайсын, төрткүл дүниеде болып жатқанынан бейхабар даланың аңындағы далбаса күй кешесің. Бәлкім, мұның өзі – Ерік секілді еркін өмір сүрудің таптырмас тәсілі шығар. Әсіреле, денсаулықта пайдалы ма деп қалды...

Әлі есінде, Алтай тарихына қатысты, яғни онда мекендереген уранхайлықтар туралы бір кітапты оқып отырып, козі қарауытып басы айналып кеткені. Қан қысымы көтерілді ме, неге екені белгісіз көпке дейін ес-акылын жия алмады. «В 1862 году десять семейств уйманских раскольников (река Уйман – один из двух истоков – реки Катунь. Долина ее издавна заселена была раскольниками) вышли в Улукемскую степь

и обосновались на р. Урон...» деген сөйлемдерден солтүстік Алтайдың, яғни Россия құрамындағы Алтайдың тарихын танығандай болған. Ары қарай құмартса оқып келе жатып: «В дело русской колонизации Криссанского края, роль искали «Беловодья» имели выдающееся значение» деген тұсқа келгенде, өз ауданындағы Ақсу – Беловодья аталар ауыл есіне түскен. Сол жерді қоныстанған кержақтар тарихын танып, түп-төркініне үңілгендей болған. Ал енді «Вся история России представляет из себя картину постепенного продвижения славянского племени на восток и ассимиляции им менее культурных народностей...» дегенін қалай түсінуге болады? Совет өкіметі орнаған тұста жазылған, басылған бұл кітаптың әр ұлттың өз ерекшелігі мен тілін, ділін, генетикасын сактау керекке саятын лениндік методологияға қайшы емес пе? Оны былай қойғанда, «Земля тому – кто ее отрабатываеттың» кері емес пе. Ой айтудағы концептуальдық қателік әрқашанда ұлт наразылығын тудырарын ескере бермеуіміз, әлбетте, өз нәтижесін, қайғылы нәтижесін бермей қоймайды. Міне, Тағанның қан қысымын көтерген де осынау тұжырымдар еді. Ендеше, тарихты терең білген сайын, денсаулықтан айырыласын...

Иә, Таған екінші рет жазған ғылыми жұмысына «Алтайды мекендең ұлттардың тарихын» тақырып етіп алғанына және өкінген. Өкініші сол – мұны «ұлтшылсың» деген жалғыз сөзben басқа ұрып қызыл табан қылып қаңғыртып жіберген. Таған болса... «мен ұлтшыл емеспін, ұлтжандымын, екі ұғымның арасы жер мен көктей» деп шырылдан бармаған жері, ашпаған есіргі жоқ. Бір күні КГБ-ның жігіттері шақырып алғып, қысып-қысып жіберген соң ғана, байырқалап, аш құлақтан тыныш құлақ, басы ауған жаққа безіп еді... Өлердей ішіп еді... таз кепешін қайта киіп еді.

«Қызық, өткен өмірімнің барлығы біртіндеп орала бастағаны қалай» деп таңданды Таған. Қолындағы балқарағай жаңғағының қабығын аршып, дәнін суырып шағып, аузы тыным таппағанмен, ойы баяғысын баяндайды.

Ағалар-ау, мен осы диссертациямдағы мысалдардың бірде-біреуін өз жанымнан шығарғаным жоқ, түгелдей орыс ғалымдарының еңбектері ішінен «история русской колонизационного движения» деген сөйлем алсам, ол да сол

қалпында орысша текстен көшірілген және менің айтып отырғаным – Советтік емес, патшалық Россияның саясаты той!».

«Өйтіп көлгірсіме. Өз бидайын өздеріне қуырып бергің келеді ғой. Не айтпақ екенінді білеміз. Тапқан екенсің акымақты», – деп зекіді.

«Үлт мәселесі жөніндегі Лениннің еңбектерін қайда қоямыз?»

«Лениннің айтқандарының барлығы бірдей заман талабына сай келе бермейді» деген сөзді өзі құдайдай табынып жүрген, ғұлама тарихшыға балап жүрген ағасының аузынан естігенде, талып қала жаздаған... Дүние біткен екен деп ойлады... Сол күні «Русская водканың» бір шөлмегін бір өзі ішіп алып, партия мектебінің мандайына ілінген Брежnevтің дәү суретіне жабыса ұйықтап қалыпты... Он бес күн жатып шықты... Он бес күн арактан аузы босап дем алып шықты... Мас болғаны үшін емес, әрине, ұлы қайраткердің суретінің дәл түбіне құсып қойып, «саяси хулигандық» жасағаны үшін. «Мен үлкен кісіні жақсы көргендіктен, құша сүйіп түбіне түнеп шығып едім» деп жалтармаса, сотталып кетуі ғажап емес еді.

Сыртылдатып балқарагай шағып келе жатқан Таған өз-өзінен жымынып құлді. «Сол бір емес-ау, екі рет жазған диссертациям қайда қалды екен?» Есіне түсіре алмады. Енді керексіз деп ұйғарды. Тазарған өмірінің ендігі мақсатын айқындау керек, тек тезек теріп кетсе де, ғылыми жұмыспен айналыспайды. Ол алғаш рет: «Шалдың мемлекетіне кіріп, екі баласына білім берсем қайтеді?» деп ойлады да, оқыс шешіміне мәре-сәре қуанды.

Рас, Шалдың «мемлекетіне» подданство алу керек...

Тихой өзеншесін белуардан кешіп өте шыққанда, алдынан Аламойнақ көлденендей еркелеп карсы алды. Үй жақ жымжырт. Әншейінде көйлегі көлендеп есік алдында тыным таптай жүретін Айнаның да төбесі көрінбейді. Осын-о-а-ау қазактың ит өлген жер деп алыссынатын Алтайдың ұры қойнауын мекендерген жалғыз үйдің бар тіршілігін үрлеп жағып отырған Айна екеніне Тағанның көзі жетіп, көңілі сене түсті. Қазір сол осы өнірге өң беріп жүретін әйел көрінбеген соң, маңайдың барлығы жансызданып, иесінен айырылған иен үйдей тымтырыс, өлі күй кешкендей тым жүдеу, тым сұрықсыз да сұсты.

Жетімсіреген. Ошақ оты сөнген. Ылғи есік алдында буы бұрқырап, екі иінінен будак-будак дем алатын самаурын да жоқ, әне, төрт тұяғы аспанға қарап, қазық басында тоңкерулі түр. Аламойнақ қанша ырбандаса да, адамсыз өмірдің ажарын аша алмады. «Апыр-ай, Айна ауырып қалған жоқ па еken...» деп ойлады Таған. Жүрісін шапшандаты тұсті.

Асығып-ұсігіп үйге кіргенде, енесінің төсіне басын қойып, бір қырындей, тар төсекте таласқандай болып жатқан Айнаны көріп, көңілі орнына тұсті.

– Тү-үү, зәрем қалмады ғой. Есік алды жым-жырт... Есенсіздер мे?

– Шайды өздерің қойып ішпесендер, келіннің шамасы жоқ, шошынып ауырып жатыр,— деді қабагы салыңқы Нұркө кемпір.

– Неден?!

– Оны досындан сұра. Эй, еркектер-ай, есер қылыштарың ғой әйел затын зэтте қылатын.

Бұдан әрі делдиіп тұра берудің ешбір реті жоғын сезген Таған ептеп басып шығып кетті. Нұркө кемпірдің де таңғы оразасын ашпағанын білді. Тоңқайып тұрган самаурынды алып, су құйды. Жерошаққа от жақты. Осы шақта оның көзіне қашада жаюлы тұрган аюдың терісі шалынды. Өуестікпен ұстап, әсіресе, екі қонжықтың терісіне жаны аши қараган. «Дегеніне жеткен еken,— деп ойлады.— Өлтіріп тынышты».

Озінің үйреншікті сарайына салдырылғанда кіргенде, нардың үстінде шалқасынан кәперсіз жатқан Ерік атып тұрды. Оқыс оянған ол тыныштығын бұзған Тағанга жауыға қарады.

– Қайда жүрсің? — деді өгей баласына ұрыскан әкедей зекіп.

– Аңшы Шалға барып қайттым.

– Озім де сезіп едім. Ақыры су ішкен құдыққа түкірген екенсің ғой.

– Түсінбедім...

– Жыланнның жусағанын білетін білімің қарапайым нәстені түсінуіңе жетпей қалады еken. Шал — менің ата жауым. Ал сен менің дәмімді аттаң, сол «жаумен» ауыз жаласасың. Осы есіргенің, осы семіргенің жетер, есің барда елінді тап.

– Бұл бопсаңа тағы да түсінбедім. Қыс жақындағанда, тамаққа ортақ қылмай, ұядан айдалап шығатын еркек ара болғаным ба?

– Бұл – бопса емес. Бұйрық. Қар жаумай тұрып қайқай.
– Мен үшін қыын шаруа емес, соңғы бұйрығың орындалады,
– деп есікті сарт жауып шығып кетті.

– Қайта ашар есігінді қатты жаппа! – деп соңынан айқайлады Ерік. – Жаман айғырға жал бітейін деген екен. Көзіне көк шыбын үймелетермін әлі. Бәлем токтай тұр. – Ендігі жатыстың мазасы болмасын сезіп, өзі де тысқа шықты. Омартасын арапады. Араптар күннің қызының күтіп әлі де тым-тырыс жатыр еді. Ұяның қақпағын ашып, раманың бірін суырып балын тексерді. Балауызданған раманың өн бойына жабысқан арапар жыбыр-жыбыр қыбырлап, уақызы уақта тыныштығын бұзған адамға лағнет айтқандай. «Енді бір аптадан соң балын шайқау керек екен», – деп ойлады Ерік.

Біздің кейіпкеріміздің көп замандастарында бола бермейтін қасиеті дейміз бе, ерекшелігі дейміз бе, әйтеуір, өз жұлынжүйесін жұқартпас тағы да бір тамаша ғадеті бар еді. Қанша тұлан-тұтып ашуланып кетіссе де, миын шаршатпайтын. Болған дүрдараздықты пышақ кескендей тез ұмытып, басын ауыртып терендең ойламайтын. Еш нәрсе болмағандай, мұлдем басқа-басқа нәрсенің қамына көшіп, өзегін қүйдірген уайымды өзге дүниемен ауыстыра салатын.

Міне, қазір де, ара деп аталар бағып-қағу арқылы байып отырған «малының» қамын қүйттеуге кірісті. Санасында – тек ара. Сыртқы болмыстың бүкіл тыныс-қимылын тұла бойымен сезетін арапардың ала жаздай арпалысқан шаруасының шалғайы жинақталып қалғанға ұқсайды. Ерек арапардан кәдір, расында да, кеткен секілді, бүрсіп-бүрсіп босағада жабысып отыр; кейбірі өлген, кейбірі тырмысып ұяның ішіне кірмек болады да, ар жағынан теперіш көреді білем, сүйретіліп кери шыгады. «Ерек жазғанның көрер күні осы, – деп ойлады Ерік, – тіршілікті жалғастырушы ұлы күш бола тұра, құрбандыққа шалынасың немесе қадіріңнен айырылып керексіз болып қалмаксың. Қараши енді... әлгі Таған сүмпайы айтпақшы, қыстай тاماққа ортактасады деп, тепкілеп шығарып тастағанын. Енді біраз күнде үсіп қатып өледі де, жел айдал ұшырып әкетеді бұл бейшараларды. Иә, ерек ара... обал-ак... Өзім де жетісіп жүргем жоқ».

Қаз-қатар тізілген ағаш жәшіктерді әлдекім ұрлап әкетпеді ме дегендей, қақпағын ашып түгендер шықты да, кері

оралды. Үйге кіруге зауқы болмады. Аспанға қарап еді, қошқыл бұлт батыста жатыр еken. Шығыс жақ көкжиек ашық, көп ұзамай шығар күннің шапағы байқалады. Таңғы шық тұтасқан күйінде жатыр. Жүргегі сазып, өз-өзінен жүдеу тартты. Алғаш рет жалғызырағандай болды. Жінішке сағынышпен ауылдағы көңілдесі Бекзатты көкседі. Әсіреле, асап қоярдай қомағай-ланы өліп-өшіп аймалайтын қылышы мен мезі қылмас төсек ләззатының рақатын ансады-ай... Осы өмірдің қожасы өзі бола тұра, жалғыз артық адам өзі секілді ынғайсыз күйден жеріді ме, қашада жаюлы тұрған кірекей мен қонжықтың терісін керінкіреп жайып, баяғы бір үйреншікті жолына – жасырын махаббат соқпағына түсіп, Қатын суын жагалай құлдаған. Ақ боз атқа мінген көк көйлекті Қызбен бейне бір уағдаласып қойғандай-ак, дәметкіш көңілдің жетегінде кеткен. Жалпак жаһандагы жалғыз көз куанышы, жапа шеккен, жалыққан жанының қалтасында қалған ендігі жұбанышы да осы – сол еді...

Таған Қатын өзенінің жиегінде бүктеғіле аққан толқынға қарап ойланып отыр. Оның да шұрық-шұрық тесілген көңілі коленқеленіп, енді-енді ғана қарақотырлана бастаған жарасы қайта сыздап, уайымның уысында тыптырышығандай сүлінкі хәлде. Адамның жаны – сірне. Тағдыр табанына салып, уақыттың оты қанша шыжқырғанмен, майын ерітіп тауыса алмайды еken. Адамның жаны топырақтағы өсімдіктің дәні іспетті, қанша рет тілгіле, айғыздап жырт; бетін өрт шалып, көк сіреу мұз бассын – айналайын күннің сәулесі бойына жылу таратып, аспаннан таңдайына тамшы тамып, тыныштықтың заманы туа қалғанда, тереңде қалған дән қайта қаулап, желпілдеп көк шығады. Тек дән өлмесін, дән аман болсын, жоғалмасын. Ендеше, Таған тауқымет тасын жарып, қайта көктер дәнге шүкіршілік айтып, дәнекер күтер еді... Дегенмен, жасына жетпей жасық тартуынан ғана құдіктенеді. Табигат сыйга тартқан таланттың таптатып алғаны да, күрескерлік рухының әлсіздігінен емес пе еді... Мұртынан айырылған ара іспетті күн кешіп жүрген сандалбай шағы артта қалып, азапты күндерден арылдым-ак деген сәтінде Еріктің есігін торып күй кешу, әрине, азаматтың намысын наиззалағы-ак, амал не, ат құйрығын кесісіп ауылға – Үлкен Жерге аттанып кетуге тәуекелі жетпеген. Тәуекелі – бұл үйден алыс кетуге жеткенімен, бұл өмірмен

өкпелесуге жетпеген. Қиналса да қимады. Неге? Не үшін? Өзі де саналай алмады. Бәлкім... көзінде үнемі бір мұң жасырынып жататын Айнаны қимайтын шығар. Ол – күнә. Оның аудай ақырган күйеуі бар. Олай болса, махаббат атты әркімнің илеуіне көне берер көне де мәңгі сезімді желеу етіп, адамгершіліктен шығандайга болмайды ғой... Ол тектілік емес, әрқашаңда себеп-салдары сай тұрар тентектік қана. Тіпті Айна үшін қыздай қосылған қосағынан айырылу – ақырзаман орнағандай ақиред екені де әлемге аян. Ерік – Айнаның актық махаббаты, күйеуі емес... Тек қойным құр жатпасын дер күйге ғана баласа, осына тағы таудың қойнауында байласаң тұрмасы тағы да аян. Не істей керек сонда? Аңшы шалдың посольствосына барып, сол мемлекеттің азаматтығын қабылдау... Осы ойды тұжырымдаған Таған, дегенмен, әлі де екі-үш күн, егер Ерік басы-көзге сабалап, бағанағыдай абалап куаламаса, алғашқы қар түскенше, аялдай тұруға тиянақтатты ойын.

Күн шықты. Қызысyz. Еш нәрсе өзгерте алған жок. Тұмса өмірдің туырлығы тұтас күйінде. Суықсыраған денесі енді қайтып – келер көттемге дейін мазаламасын сезгендей, салқын сазарады. Сары ала күзден сән кетіп, әшекейі мен айшығы біртіндеп оңып, өзенде қуалай өскен тал-қайыңың жапырағы ақырғы әнін айтып қалғысы келгендей, сумакылау желдің өтінде дәрменсіз дірілдейді. «Ағаш жапырағы азайып қалған екен-ау» деп ойлады Таған. Біртіндеп мінтеліп, тоналып бара жатқан табиғат көркі адам сезімін де ойлы жадаулыққа жетелер еді... Өз-өзінен сезіктеніп артына жалт қараған Таған күйеуінің шолақ қара тонын жамылып, үнсіз тұрған Айнаны көрді. Әншейінде мәңгілікке ұялғандай, бүкіл жер бетіндегі әйел атаулы үшін жалғыз өзі ұялғандай қызырып тұрар бетінің үшінан қан қашқан, жұқалан ерні де көгіс тартқан, тікесінен тұр демесен, әлдеқашан өліп қалғандай – көзге жат, көңілге салқын. Құлыштадай құлпырып жүретін ай сипатты келіншек айналдырған аз уақытта бар ажарынан айырылып, күзгі ормандай қуаң да сидам тартуы жымысқылана тақап қалған елестей, үндеңей тиісер үрейдей... Алтайдың қырмызы гүліндей көздің жауын алар сұлулық су сорған салынды дерсін... жалғыз-ақ күнде солған, үнемі жанып тұрар тостағандай көзінің аясы одан ары ауқымдана бақырайып тұнжырағаны болмаса, нұры сөнген. Орашолақ мұсінші асығыс оя салғандай,

қорқыныш шақырғаны болмаса, баяғыша көрген адамның қоңіліне құрт түсірмейді. Жалғаннан жалыққан, әбден сілік-песі шығып шаршаған жанның қудерсіздігі, сенімсіздігі, алғы өмірден үмітін үзген сергелден мұскіні ғана қалғандай қалжыранқы; енді қайтып ешкім уата алмас, басынан сипап жұбата да алмас қайғының, нала мен өкпенің өксігі кептеп, баз кешер ғұмырды бақылықтың оралмас сапарына айыр-бастағандай... Ишін қеуlep құрт жеп, тек сырты ғана бүтін қалқайып тұrap қарағайдай... Қапелімде не дерін білмей, шошына сұқтанған Тағанға сұлық та сұық қараған қалпы:

– Жүрініз, шай ішіңіз, – деді. Осы сөзді Айна емес, мұлдем жат та бөтен біреу айтқаңдай, тіпті ерні де қозғалмап еді.

– Рақмет, Айнам, рақмет, қазір, – деп сасқалақтап тұрған жігіт келіншекке енді бір қараса талып қалатындей, қалбалалақтап алдына түсті.

Шай үстінде мардумды әнгіме болған жоқ. Нұркे кемпір өні сынық, қабагы қатулы.

– Бір жаққа барып қайттың ба, балам, кешеден бері көрінбедің ғой? – деді шырайын бұзбай.

– Аңшы Шалдың мекен-жайын көріп қайттым.

– Иә... Жұрт ауыстырмақ ойым бар деші... Оның да жөн шығар...

– Сіздерге, әсіреле, сізге алғысымды айтайын, апа. Егер сіз болмасаңыз, адам болуым...

– Жә-жә, жетер, – деді кемпір қолын көтеріп. – Мен шешен жасаған жақсылықтың мысқалын да қайтарғаным жоқ.

– Жақсылық қарызға жасалмайды ғой.

– Ендеше, осыны ұқсаң болды. Атаңның атына кіркел-тірмеуден артық не бар бұл жалғанда. Тек саған екі тілек айтам: енді қайтып басынды кесем десе де арақтан татып алмайтын бол, басынды құра – әкенін тұтінін сөндіре көрме. Шалға еремін деп те шал болып қалма. Ерік екеуінің жайың жарасатын түрі жоқ, қайтам десен, батамды беремін, жолың болсын. Тек екі-үш күн аялдай тұр.

– Өзім де солай ойладап отырмын. Ерік досым ғой, өкпеге де, өлімге де қия алмаймын, шошқадай батпақтап жатқан жерімнен тауып алып, ертіп келді. Рақметтен басқа не айтайын. Татуласып аттансам деп едім.

Осы кезде вертолеттің дүрілі естіліп, үшеуі бірдей елеңдей қалған.

Катын сұнының жағасында басын суга малып, тамыры адырая құлаған самырсынды атша мініп, арғы жағалаудан көз айырмай отырған Ерік те аспанда арқыраған вертолеттің дырылын естіген. Естіген бойы орнынан атып тұрып, үйіне қарай сүріне-қабына жүгіріп еді. Өзеннің арғы бетіне қашама көз талдыра караса да, ақ боз атты Қызды көре алмай, қоңыр күздің соңғы күнін аңдығандай, жылдың дәл осы уағында нұр бейнесін жалт еткізіп бір көрсетіп кетер әдетін бұзғанына налып отыр еді; азапты ойдан әуелеп үшқан вертолет үні құтқарған. Қызға деген сағынышы келте қайырылды. Үшқыш досы Прохордың өз уәдесінде тұрар жігіттігіне риза сезім жан адамға сездірмей жүрер жасырын махаббатын лезде ұмыттырған.

Қапалағы зырылдаған алып «инелік» үй алдындағы алаңқайға дәл қонды да қалышылдап, дірілдеп, барып үні өшті. Кабина терезесінен әуелі басын қылтитқан үшқыш ыржия күліп, қолын бұлғады. Бұл кезде екі өкпесін қолына ала жүгіріп Ерік те жетіп еді. Айна мен Таған есік көзінде қарап тұр, орындарынан қозғалған жоқ. Вертолеттен қарғып түскен Прохор Александрович пен Ерік бір-бірін аса сағынып қалғанға ұқсайды, адап да айнымас достарша қауыша құшақтасып, арқаларынан қағысып амандасты. Екінші пилот тым жас көрінді. Ол да қол беріп есендерекен. Вертолеттің қапалағы тудырған дауыл қонған тұстағы шалғынды жапырып таставды. Алғашында үрке едірейіскен тұлік мал мотор үні сап болған соң... «е, өзіміздің кісі екенсің фой!» дегендей, жайбарақат жайыла бастаган, тек құйын-перен зыта жөнелген құлындарғана енесінің маңына сактықпен жақындал, құлағын тіге әлі де тосырқап тұр. Жас жігіт вертолеттен жүктеді түсіре бастады. Екі дос оған қайырылып қарамады да, шүйіркелескен күйі үй жаққа беттеді. Қашада тұздап жайып қойған аюдың терісін көргенде, Прохор есі қалмай қуанды.

— Какой ты молоток, Ерик... Это мне? — деп, таңырқап, тамсанып, қонжықтың терісін сипалап мәз болды.

— Да, тамыр. Это все тебе. Мой подарок.

— Вот это подарок! Не знаю даже, чем отблагодарить! — Ерікті қайта құшақтап бетінен сүйді. Осы көрініске қарап тұрған Айна шұғыл бұрылып үйге кіріп кеткен.

—Ей, Таған, көмектесаңажігітке, —деп дауыстады Ерік. —Жүктөрдің бәрін сарайға кіргізіндер.

Тағанның таң қалғаны: дүкеннен алған қалпы аузы әлі сөгілмеген қап-қап ұсақ қант болды. Расында да, бір ауылға қыстай жетер мол еді. «Бұл аралардың қысқы азығы болар» деп ойлады. Жас жігіт екеуі қант салған қапты қоймаға, ал қоймадағы бал құйылған флягтарды вертолетке тасып, зілдей ауыр тәттілердің орнын ауыстырам деп, әбден сілелері қата шаршады. Айна әйелдік, қонақжайлық әдетінен танған жоқ. Қысқа әрі қөңілсіздеу есендіктен соң, шай қамына кіріскең. Үйге кіріп Нұрке кемпірге сәлем беріп шыққан Прохор:

— Айнаша не в настроений? — деп жұқалап сұрап еді, Ерік:
— «Болеет», — деп жалғыз сөзben жауап берді.

Қонақтар көп айналған жоқ. Зырянь қаласына, одан ары Өскеменге баруымыз керек деп, шайды асығыс ішті де, қожайын сыйлаған аюдың терісі мен қол арақты дорбаларына салып, қоштаса бастаған.

— Енді бірер алтадан соң қайта соқ. Биылғы жылдың акырығы балы шайқалмай түр ұяда, — деді Ерік ере сөйлеп. — Мылтықтың жаңа түрін тапсан... қарастырсың.

— Родной мой, если ты прикажешь, автомат доставлю, — деп, тісін аксита күліп, мойнынан құшактады. «Да, — деді ішінен Таған, — вот где обитает настоящий интернационализм». Бұл сөз неге орысша есіне түскеніне өзі де түсінбеді.

Вертолеттің қапалағы қайта айнала бастағанда енді ғана ес-акылын жинаған құлышндар қайта үркіп, тырағайлады.

Айна үйден шыққан жоқ. Ерік қол бұлғап, желден шашы дудырап, үлкен жүректі достықпен шығарып салды.

Моторлы «инелік» тік көтеріле ұшып, омартаның үстін бір айналып шықты. Бұл да қазак досына деген құрметтің үлкені еді...

Вертолет ұшып кеткен соң, Таған:

— Ерік-ая, қап-қап қантты жейтін ие табылар-ая, көп мылтықты қайтесің? Өзіндейдебес-алтауыбаремеспе, соғысқадайындалып жүргеннен саумысың? — деп өзімсі әзілдеді. Татулыққа шақырғансымагы.

— Иә, дайындалып журмін...

— Кіммен соғысасың?

— Сендермен... анау, қырт Шалмен...

- Ол сенен де өткен мерген деп естідім ғой...
- Көреміз оны.
- Мұны «братоубийственная война» дейді...
- «Братоубийственная война»ның көкесі «гражданская войнада» болмап па еді... Несіне мұләйімсисің, тарихшым, – деп қойма сарайға кіріп, Прохор әкелген жүктерді түгендей бастады.

– Иә, – деді Таған, – ағайын болып атысу үшін бас-басына мылтық ұстау керек шығар қазаққа...

Ең соңғы шуағын қызықтасын дегендей, күн бүгін өрескел ашық болды. Жарықтық жаз қайта шығатында тау салқынын лезде түре қуып таставады да, елжірген жылышық жайлап, маужыратады-ай... Айнаның өні әлі сынық қалпында, әйелдің тиесілі қарекетін зауықсыз болса да, күбен-күйбен істеп, қабагы ашылмаған қалпы бір кіріп, бір шығып жүр. Бағана, таңертен, қүренқабак ішілген шай үстінде Ерік «бүгін күннің ашығын пайдаланып бал шайқаймыз» деп ескерткен. Бұл – биылғы қырманның соңғы жиын-теріні еді. Әншейінде сөзге араласпай отыра алмайтын Нұрке кемпір де ұлына өкпеледі ме, кім білсін, ләм-мим жақ ашқан жоқ. Осы таңның жалғыз сөзін Еріктің өзі айтты да, типыл болды. Ара ұяларына түтін салып, балы мен балауызы ылжыраған ағаш рамаларды сұрып әкеліп Тағанға береді, ол болса бал шайқайтын аппаратқа салып, құлағын бұрап, шұмектен сорғалаған таза балды қотарып алышп тұр. Келісім бойынша ол ақырғы рет қолғабыс тигізіп, ертең ерте аттанбақ.

Күннің бүгін тым жанға жайлы болып тұрғанын білген Нұрке кемпір, бұлар бал шайқау науқанына кіріспес бұрын, бір өтініш айтқан. Онда да ұнжырғасы түскен ұлына емес, келіні мен Тағанға қаратып айтқан.

– Карактартым, бүгін күн ашық екен, келер күзді көрем бе, көрмеймін бе, оны бір алланың өзі білер, мені тыска шығарып отырғызындар, намаз арасында шуақтайын, – деді үні дірілдеп. Әрқашанда ажарлы да айбынды отыратын қарттың жас баладай жаутаңдап айтқан сөзі Тағанды толқытып жіберді. Осына қара шаңырактың бақыт құсына оқ тигендей, сұқытау ой ұялап, секем алғандай болды. Кемпірдің екі аяқ, екі қолтығынан көтеріп, далаға шығарып отырғызғанда, күннің шымқай жарығы қарықтырып, көзі қарауытып, басы айналды.

Жан-жағына жалақтап қарап, өңім бе, түсім бе, дегендей сәл тосырқады да: «Е, құдіреті қүшті Құдайым, мен осы дүниеден аттанып кетсем де, осылайша масайрап тұра бересің-ау», – деп күрсінді. Бұл жасарын жасаған, асарын асаған қарияның жарық дүниенің жақсылығын өзгелерден – өзінен кейін қалатында-рдан қызғанғаны емес, бұл дүниенің ешкімге де мәңгілікіздігін, бейопалығын мойындағаны еді... Күннің шуағы сұрлау тартқан жүзін жуды ма, Нұрке кемпірдің ажары ашыла түскендей, шұңғарек тартқан көк көзі де табиғаттың нұрын сіміріп, шоқ түскен тамыздықтай ұшқындана бастаған.

– Апа-ау, керемет әдеміленіп кеттіңіз, – деп күле әзілдеді Таған да таң қалғанын жасыра алмай.

– Мені айттыратын адам жоқ енді... Қызы кезімнен қалған жүрнақ шығар. Қаранғыда қамалған қаздай қаңқылдап отыр едім, далаға шығып, жаным жарылқанып қалды-ау. Ал енді сендер жұмыстарына барындар. Ерік іздең жатқан шығар, – деді серги сөйлеген кемпір.

Міне, енді сол аралар әuletінің арпалысып тірнектеп жинаған шырынын аузынан жырып алу қарекетіне кіріспін кеткен. Бал айырғыш аппараттың құлағын бұрап тұрган Таған анда-санда кемпір отырған жакқа қарап қояды. Анадайдан басында кимешек-шылауышы бар, ақ шатырдай болып көрінген Нюора апасы Қатын суының сарынына құлақ қойғандай, қозғалмастан арғы бетке телмірді-ай. Не ойлап отыр? Кім білсін... Еріктің қолындағы тұтіннен үріккен аралар тынымсыз айналсоқтап, тыныштығын бұзған бұзақыны нәллеттегендей гу-гу етеді. Кейбірі ұзап ұшады, кейбірі Тағанды жағаттап, мөлдірленген балға қонып, малтығып қалады. Ондай сәтте еппен қанатынан сүйреп шығарып, былайырақ таставайды. Мұның да басында бетіне перде тұтқан ақ қақпағы бар-ды, abiыр болғанда, ешбіріне шақтыра қойған жоқ, қанша тоңіректесе де, пісіп алар саңылау таба алмаған өн бойынан. «Егер баяғыдай тұла бойымнан арақ мұнқіп тұрса, мұқым ара біткен маған шабуыл жасар еді» деп ойлады.

Бал алу кезегі Америкадан келген «қауіпті гибридтерге» жетті. Бұлармен аса сақ әрі сыпайы қарым-қатынасқа көшпесе болмайды. Бағанадан бері тор перденің шалғайын қайрып тастанап, жүзін ашық ұстап жүрген Ерік еріксіз маскасын түсіруге, қолына қолғап киүоге мәжбүр болды. Ұяның қақпағы

ашылғаннан-ақ, атойлаған ноян аралар ал дегеннен-ақ анталаган шабуылға көшіп, Айна мен Еріктің ес-ақылын шығарып жіберген. Амал не, қымтаулы корғаныста тұрған ерлі-зайыптылар тісіне жұмсақ бола алмады. Сонда да шебін бұзбастан, қара бұлттай қаптап көпке дейін дуылдап тұрып алды. Бірен-сараны ғана төніректі барлауға кетті. Екеу-үшеуі Тағанды тексеріп қайтты. Жергілікті аралардан едәуір өзгешелігі бар будандарды бұл да бірден байқаған. «Капиталистік тұқым сен боларсың... қандай шапшаң ұшады жауыздар» деп ойлаған да, бұл да қымтана түсken. Бұл жақтан он жамбасқа келер оңай олжа таппаган соң, самғай зулап Нұркे кемпірге беттеген. Алғашқы келген бірен-саранын қолындағы өне бойы тастамайтын бет орамалымен «кіш-кіштеп» жасқап жіберген-ді. Жалғыз-жарымы түк бітіре алмайтынын сезді ме, шырқай ұшып негізгі әскеріне оралып, болған жайды, яғни кемпірдің қару-жарағы жоқ, алан-ашық, бейқам отырғанын хабарлаған. Содан не керек, бұл табиғаттың құдырыетіне дауа бар ма, адамзат түсінбейтін тілмен түсініскең жәндік-жендертер жалғыз-ақ секундта Нюра Фадеевнаға қарай «уралай» қаптап лап берген. Мындаған араның әп-сәтте ғайып болып кеткенін омарташы ерлі-зайыптылар жұмыс бабында тұрып байқамай қалды. Ал «жауыздар» болса Алтайдың бұршағындағы көшіп, түйілген қалпы қапысыз кемпірдің шат-шалекетін шығарды. Қанша қайрат көрсеткеніне қарамастан, бет-аузын, қолын сау-тамтығын қалдырмай шағып таstadtы, ішінара болған шығынға пішту деген жоқ. «Ойбу, балалар, әй, Айна, Ерік, айдап әкет мына иттерінді!» – деп азандады, бірақ жан даусын шығара айқайламаған. Енесінің үніне елеңдей қараган Айна: «Ойбай, апамды аралар опалап жатыр» деп тұра жүгірді, тұра жүгіріп барып кері оралды да, дедідиң тұрған Еріктің қолынан тұтіндектішті жұлып алыш, қайта безілдеді. Таған да тарғаяқтай ұмтылған. «Бұлар жынданған шығар», – деп күңк еткен Ерік раманы қаперсіз сұыра берген. «Ара шаққаннан өлген кісінің бейітін көргем жоқ бұл жақтан».

...«Қауіпті будандардың» бетін тұтін қайтарды. Амал не, көмек тым кеш жетіп, кемпір әлсіреп-ақ қалған екен. Жарықтық сүйегі мықты адам ғой, сонда да сыр білдірмей сұлық отыр – құламады. Ара талаған беті мен қолында ине шанышқандай ноқат қара дақ қалып, айналасы домбыға ісініп бара жатты.

Айна мен Таған көтеріп үйге кіргізіп төсекке жатқызығанда, кісі танымайтын болып ісініп кетіп еді... Тіл-аузы байланып қалды ма, әлде ендігі арызdasып, қоштасардың түкке қажеті жоғын сезді ме: «Апатайым-ау, енді не істейміз, қандай дәрі-дәрмек қолданамыз», – деп зар еніреп басында отырган Айнаның бірде-бір сұрағына жауап қатпай, ағаш үйдін бел ағашына телміріп үнсіз жатқан. Өз қолы өзіне артық көрініп, қоярга жер таппай серейіп тұрган Таған да дегбірсізденіп құр жаны аши қарағаны болмаса, лажсыз еді. Сырттан асықпай, адымын санап басып Ерік кірді. Кірген бойда:

– Кім сендерге пысықсып далаға шығар деген?! – деп айғай салды. – Ала жаздай аман-есен үйде отырганда, астынан су шыққандай жылы орнынан қозғап... ісім сендермен болсын!

Төбеге телміріп жатқан кемпір айғайды құлағы шалды білем, ұлының ұрысына нәумез болды білем, ендігі сәтте Ерікті көздей бағжия қараған. Сұп-сұық жанарап өңменінен өтердей қорқынышты еді, адам танымастай ісініп өзгеріп кеткен шешесінің оқтаулы көзінен жасқана шегініп: «Әне, тағы да мені айыптағ жатыр», – деп, күнкілдеген күйі үйден шыға жөнелді.

Өзі құлағалы тұрган тауға қой жайғандай, Айна көз жасын көлдетумен болды.

– Бұлай тұра берудің реті жоқ, не ем-дом жасаймыз? – деді Таған бәйектеніп.

– Білмеймін, аға, білмеймін... Апамның түбіне ара жетеді деп кім ойлаған?! Апамның өзі біледі, айтпай жатыр...

«Жарықтық, өлімге біржола дайындалған шығар, – деп ойлады Таған. – Нюора Фадеевнаның түбіне жеткен әншейін ара емес, будандар екенін, әр түкимның қосындысынан шыққан «жаязыздар» екенін қайdan білсін Айна». Бұдан ары не ары жоқ, не бері жоқ дедіе берудің қисынын көре алмады ма, бұл да тыска шықты. Арғы бетке қарап ойланып, қашаға сүйеніп тұрган досының қасына барды.

– Не істейміз? Рация жоқ па, вертолет шақыртайық, – деп сұрады Еріктен.

– Сенің не қимаң қышып барады, – деп күнк етті ол. – Осының бері сенің кесірің. Айрандай үйып, шәй деспей отырган шаңырақтың ойран-ботқасын шығардың... Әттең, әттең, бекер, бекер-ақ ертіп келдім...

– Демек, өзің де кінәлісің... Бір-бірімізді айыптағаннан түк шықпайды. Апамызды ажалдан арашалап қалудың амалын іздейік.

– Ол бәрібір адам болмайды, берген дәрінді ішпейді де. Көрмейсің бе сөйлей алады, қырсығып тіліне тиек салып, үнсіз жатыр. Маған деген қысастығы. Жалғыз ұлын осыншалық жек көретін шешені көрсемші... Құдай-ау, менің жазығым не? Үстінен құс ұшырдым ба, тамақтан, киер киімнен тарықты ма? Екі сезінің бірінде «ел, ауыл» деп, зарлайды да отырады, сол елінде, сол ауылда құшақ жайып қарсы алатын ағайын, туғаны отыргандай; сол көксеген елі емес пе еді, осырган сиырдай мүйізденеп айдал шыққан. Рас, сол өтінішін орындаған жоқпын, басқа жазығым қайсы? Мұндай боларын білгенде, кеше вертолетке салып жіберер едім ғой... Ішім сезеді, енді беті бері қарамайды, маған өсінет сезін айтып, қоштаспасын да білемін...

– «Аман жүр, ұлым» деп айтпайтын ана жоқ жер бетінде, – деді Еріктің сезіне толқыған Таған. Неге екенін кім білсін, досы үшін өзі жылау керегін сезді. Жанарапында жас бар еді. Ал Еріктің беті бүлк етпестен, асқан төзімділікпен сөйлеп түр.

– Менің сорым шығар, арылмай жүрген қырсығым шығар осының бәрі де. Бостандыққа шығайыншы, азат ғұмыр кешейінші, жаманаттан қашайыншы деп, құлақ естіп, көз көрмеген жаққа саяқтанасың, бәрібір сені күшп жетеді, ізденеп тауып алады... Қыл аяғы туған анаң өз қағынан жеріп, әр басқан қадам, еткен енбегіңнен харамдық іздейді. Кімнің егініне түстім, кімнің бермесін тартып алдым, табан ет, маңдай теріммен тапқан дүниемді есеп-шотқа салып, көзге тұрткі қылатындау күпірлігім болды ма? Эне, беттің арын белбеуге түйіп, мемлекеттің байлығына белшесінен батып жүргендер не ұсталмайды, не сottалмайды, оларға бәрі кешірімді, бәрі жарасымды... түсінбеймін.

– Шынында да, сен түсінбейтін бір сыр бар шығар...

– Ей, кетші ары өзің сәуегейсімей, – деп, қолын бір-ақ сермеді. – Апам бізге жоқ енді, жыла-сықта, фактінің аты – факті.

– Ал, сендер, Айна екеуің, өп-өтірік өкіре беріндер. Па, шіркін-ай, қандай үлкен жүректі, кең пейілді гуманиссіндерей. Ана сендерге емес, мына маған керек, ендеше, монтаны

да жалған жоқтаулырыңың керегі жоқ маған. Жақсы көрген болып, сыйлаған болып, сып-сыпайы мінезben өлтірген де екеуің, мен емес. Ап-аман, таспиғын санап құдайына құлшылық жасап отырған адамды сүйрелеп далаға шығарғаны несі-ай... Құныкерім – сендерсіндер!

– Ол кісі әлі тірі гой, өтпей жатып өлдіге жорығаның не?

– Өлмесе – өледі. Тағы да мұләйімсіп тұрсың. – Көзі қанталаған Ерік: – Сенімен тәжікелесіп несіне тұрмын осы, одан да анам мәңгілік мекен етер жайлы жер іздеймін.

– Астапыралла, – деді тыптырышыған Таған жағасын ұстап. – Жынданған шығарсың.

– Кімнің жынданғанын ертең таңертен білерсін, – деді де анасын қоятын жер іздеуге жөнеді.

Тағанның көңілі ойран-асыр. Досының мінезін тағы бір қырынан таныды, алайда кім екенін, қай ұлттың ұлына жатқызыарын білмеді. Білуі мүмкін де емес еді... Оның білетіні – осындай дубәра жандардың жиырмасынышы ғасырдың соңғы ширегінде жер бетінде тым көбейіп бара жатқаны ғана... Амал не, ауырмай есінен жаңылып, шатасып шаң жұтып жүрген өзі секілділер де аз емес еді бұл дүниеде.

Біраздан бері берекесі қашқан үйдің тұтіні дәл осы күні ұшқан жоқ: от жағылмады, самаурын қойылмады, қазан көтерілмеді – онсыз да жұқарған жүйкенді мезі қылар ауыр тыныштық орнаған. Бір кіріп, бір шығып, тағат таппаған – тек Таған ғана. Досының кінә артқан айыптау сөзінен кейін, расында да, Нюра Фадеевнаның оқыс әлсірегеніне өзі себепші болғандай, осы үйдің артық адамы екенін сезінді. Айнаның жанары жастан тыйылған жоқ. Сусын әкелсе де, шипалы шөп нәрін ұсынса да, енесі бас шайқаумен болды. Анасының арғы дүниеге ықтиярлы екенін білген, білсе де ақтық парызын өтеуден танбай, аялаумен құрақ ұшқан. Енесінің көңілінде тас болып байланған қара қазандай өкпе бар... Неге? Кімге? Осының сырын ұға алмаған келіні кездейсоқ келген кеселдің бір ұшығын өзінен іздеген, тілін алып далаға шығарғанына өкінген де... Адам өмірінің бақылыш емес екенін білсе де, жер жаһандагы пенде шіркіндердің ғұмыры бір-біріне байлаулы, ауру менделп, ажал алды дегеннің өзінде бірінің өліміне бірі себепшілігін саналған. Бәлкім, Айнаның таусыла, егіле

еніреуі де осыдан шығар... өз анасы қайтқанда да, дәл осылай жыламаған.

Нюра Фадеевнаның әлі де болса суішкілігі таусыла қоймағанмен, кірпігі ғана қымылдап жатыр. Маңайында, тыскарыда болып жатқан оқиғадан хабардар секілді, анда-санда сол былайғы құбылыстың әсеріне елегізгендей... ежелгі сезімталдықпен түйсінгендей... анда-санда көзі бұлдырап, бір заттың өзі екеу, кейде үшеу, одан да көп болып кетер-ді. Өне бойының мың-миллион құмырсқа талағандай дуылдағаны болмаса, жаны қиналып, ауырған да, ес-ақылдан айырылып әлсірген де жоқ еді... Санасын дел-салдық жайлаған; мәңгілік бір терең үйкі шақырғандай... Тынысы, тамыр соғысы баяу, анда-санда ғана тіршіліктің ішегін шертіп қалғандай. Нүркे кемпір «алланың ақ өлмін» іштей мінәжат айтып тіледі-ай. Сөйлеуге, тіл қатуға қуаты жетерін біліп-ақ жатыр, бірақ мынау пәни жалғанмен бақылдасар сәтте аһылап-ұхілеп, арызарман уағыздап, балаларының үрейін алғанды жөн көрмеді. Естір құлақ, ұғар зерде болса, акыл-кенесін баяғыдай айтып келеді, енді мына жантәсілімін берер шақта, әлдекімдердей, шаңырақтың шаттығын бұзбау жайлы сөз бастаудың өзі қузытіп отырғандарды құйзелткеннен басқа, өсиет болып жарытпайтынын сезген еді. Бәр-бәрін де жаратқан иесіне аманаттайды да... Ол тіпті қазіргі өлі мен тірінің арасындағы мүшкіл халінде иманын ғана ойша қайталағаны болмаса, тірілер қамын қаперіне алмады да. Оқта-текте көзін жұмып, көзін жұмса болды, көз алдына қоленде шыға келетін аруақтармен ғана тілге келеді, сол арғы әлемнің адамдарына бар ынта-ықыласы ауып, сол үйір – сол топқа кешіге бермей қосылуды көксеген-ді. Әсіресе, жарықтық ақ сақалды Атасы мен Шешесінің жайлана жараса сырласып отырғанын байқады... Адам о дүниеге көшкен соң, дініңе, тіліңе, діліңе, нәсілге бөленбей, бар-барлығы жамырасып, ұрыс-керіс, бақталассыз, жалғыз-ақ ізгілікпен «өмір суреді» екен-ау... Ақиредеке оралған соң ғана, ақыл кіріп, әділетті «ғұмыр» кешеді екен-ау; иә-иә, арғы дүниенің, ұлты мен түзігі мен қисығы, тектісі мен әулеттісі болмайды екен-ау; иә-иә, өлімнің осыншалық рақатын, қызық-куанышын, жаның жай табатын інжілдігін кім білген, кім сезген? Әттен, сол жұмақта жүрген жұртқа жете алмай қор болып жатырмын-ау, жатырсың-ау...

«НЕГЕ БІЗ ОСЫ?...»

Ерік үйге қас қарада кіріп, анасының тамырын ұстады, алақанын маңдайына басты. Нұрке кемпір ұлының қолын сезді.

– Апа, не айтасың маган?.. – Шешесі басын шайқады.

– Артық-кемім болса кеш, анашым. – Қанша қатыгез десек те, үні дірілдеп шықты. Шешесі басын изеді.

Шамның сәулесі кемпірдің ашып-жұмып жатқан жарымжан жанаарын тіміскілей берген соң, Таған газетпен қөлегейлеп қойды.

Бұл күні ешкімнің де мардымды үйқысы болған жоқ, тек таң алажеуім тартқаңда, әбден қалжыраған екі жігіт тысқа шығып, үйдің екі бүршішінде жүрелей отырған. Талай уақыттан бері мұлдем ұмытып кеткен есқі әдеті – темекі мен арақты аңқасы кебе қайта іздеген Таған шыдамай тықыршып, қалтасынан тастамай жүретін қарағайдың шайырын аузына салып шайнап, әпігін басты.

Айнаның жөні бір басқа... Дүниедегі ең қимас затын байқамай сыйндырып, енді қайтіп құрай алмай діңкесі құрыған шарасыздық бар; немесе ең аяулы адамы көзден бұлдырай алыстап, қалың тұманның арасына сіңіп бара жатқандай; немесе Маралкөлді кешіп біртін-біртін суға баткан адамның ел-жұртына енді қайырылmas қаттылығын үққандай. Жанаарындағы жасты жылап тауысты ма, енесінің қасында жылжымастан сазарып отыр. Бір нәрсесін ұмытқандай, айналсоқтап жүрген Тағанға да, әлгінде ғана кіріп, шешесімен қоштасып шыққан күйеуіне де мойын бұрмады, ләм демеді. Нұрке кемпірдің қазіргі неге болсын белін буа бекінген сазарынқы халі бұған да жүккандай. Таң сыз бергенше, көз ілген жоқ. Қаракөлеңке бөлменің мұнды да жым-жырттыныштығы – өлім тыныштығын еске салып, салқын сабырға шақырады. Ол – Айна, шеше орнына шеше болған енесінің актық түнін күзете отырып, бұған дейінгі жүріп өткен бүкіл өміріне шолу жасап еді. Есінде қалып, есіне алғанда, езу тарттырар аяулы сэттері аз болған екен.

Осында – көңілінді қырау басып, жаның жаураған мезетте, анасының омырауын іздеген перзенттей қарманғанында, ойша таусап еміп, ашықкан рухыңа медет болар жақсы ма, жайсан құндердің мол болғанына не жетсін, шіркін!

Амал не, тағдырының тарантасы өңкей тастақты жолмен жүріп, селкілдеп өткенін неге байқамаған... Құдай-ау, осындай селкілдек ғұмыр кешкенше, неге ғана сол арбадан секіріп түсіп қалмаған.

«НЕГЕ БІЗ ОСЫ?...»

...итжандымыз, басқа қаңқ еткізіп теуіп жіберсе де, қын-сылаған күй «иеміздің» етегіне оралып, аяғын жалаймыз.

«НЕГЕ БІЗ ОСЫ?...»

...көр соқырдай қалай жетелесе, солай ере береміз... Кім үшін, не үшін өмір сүрерімізді ақыл таразысына салмай сандаламыз. Адамның қателігі – кемшілік жіберуінде емес, сол кемшілікті кешіктірмей түземеуінде. «Мүмкін, осының барлығы жастай жетім қалып, жасық та жалтақ болып өскенімнен шығар-ау, – деп күрсінді келіншек, – Бәлкім, басымнан сипап, бауырына тартар ананың ыстық ықыласын сағынған, көксеген сэтте, Нюра Фадеевнаның ақ босағасына тап болуымнан шығар. Баласынан қалған көңілді анасы ійтіп, бір-бірін толықтырган соң, алданып жүре бердім бе? Мен Ерікті адал сүйдім, табындым. Дүниедегі ең қызын нәрсе – шын сүйген адамыңнан қалған көңіл; ол – шыққан жан, кешірімі мен кеңдігі болмайды екен. «Сую дегеніміз – сол сүйген адамыңның ғұмырын кешу», деп бір данышпан сәуегейсіпті... Ал, кештім... Ақыры не болды? Осылай аяқталмақ. Жо-жоқ. Сую дегеніміз – әсте де сүйген кісінің құлы болу емес... емес... емес... Менің Ерікпен өткізген он жылым күң болумен өтіпті...» Көз еті ашып, жанары әлсін-әлі жұмыла берді. Жанары жұмылса болды: жылқылы ауыл, бие сауып отырган анасы, жайлаудың жайқалған қып-қызыл қырмызы гүлі елестейді...

– Айнаш! Ау, Айнаш! – деген үннен селк етіп оянды. Бірер минут көзі ілініп кетсе керек. Әлгі өзін шақырган үн қайдан шыққанын білмей, жан-жағына қарады. Ешкім жоқ. Енесі көзі ашық, тіпті сау кезіндегідей ажарлы.

– Айнам-ау! – дегендеге, зәре-құты қалмады. – Қорықпа, келінжан, мен гой. Су жылтыпалап әкелші, дәрет алайын, – деді кимылдан.

– Қазір, апатай, қазір. – Қатты қуанды. Сауыға бастады деген иланым биледі бойын.

Бұл – Нұркө кемпірдің бой жасағаны еді.

Асықпай дәреттеніп, ақтық дәм – атау-кере сүйн ішіп болған соң, аллатағалаға мінәжат білдіріп, рахымына көнетінін, төтеден жіберген дертіне мында бір алғысын айтып, ұзак құбірледі. Бұдан соң «бисмилла рахман-рахим» деп, екі қолын қеудесіне қойып, шалқалай жатып көзін жұмды. Енесінің әрбір қымылын қалт жібермей андып отырған келіні тынысы үзілгендей үнсіз сұлаған апасынан шынымен-ақ айырылып қалдым ба деген қоркынышпен үніле түсіп еді, қарияның жүрек соғысы әлі де әлсіз білініп жатқанын сезген.

Нюра Фадеевнаның тұла бойы, саусақтарынан бастап, сүйна бастағаны рас-ты. Бірақ шыбын жаны ұшып кете қоймаған... Оның дәл осына өлім арбасына мінер түсында, қандай құдіреттің күші екенін кім білсін, құлағына шіркеу қонырауының үні естіліп, тау-тасты жаңғырықтыра күмбірлеп ала жөнелген. Балиғатқа толмаған баланы шешесі жетелеп, шіркеуге апарады екен дейді. Ескі діншілдер шіркеуге бармауши еді ғой... Анасының мынау кержақтар сенім-нанымына мұлдем қайшы оқыс қылғына кішкентай Нюра таң-тамаша қалды. Түкке түсінбей, өне бойын діріл биледі.

Бірақ мінәжатханадан кара сақалды поптың «во имя отца и сына и святого духа» деп басталатын қоңыр да құдіретті даусы жап-жас қызды шошытқан жоқ... Анасының қапталына тығылған күйі, шіркеу табалдырығынан аттаған. Көзінің астымен жан-жагына қарап еді, мұнда кілең кержақтар ғана емес, қаптаған қазақтарды да көрді. Таң қалды... Мұқым ийн тірескен ел шоқынып тұр. Шешесі қызықтагандай аңтарыла тұрып қалған қызын бүйірден тұртіп: «Крестись, отпускай свой грех», – деп құбір етті. Нюра екі саусағын біріктіріп алды да, шоқына бастады... АナンЫҢ сутімен рухына сіңген сенім түптің-түбінде бәрібір жеңіп шыққан еді.

...Енесінен көз алмай отырған Айна бір уақта... жаңа ғана қыбырсыз жатқан: бұл түсінбейтін орысша әлденені айтып құбірлеп, бұл түсінетін «о, господи, прости своего грешного...» деген сықылды сөздерді арапастыра сөйлеп, шоқына бастағанын көргенде... иә-иә, көргенде... екі көзі шарасынан шыға шошынғаны соншама, «апатайым-ау, мұның не?!» деп айқайлап барып құлады. Талып қалды. Бұл – Айнаның өз өмірінде екінші рет онбай қорыққаны, талғаны еді.

...Әне, Нюра Фадеевнаның алдынан ескі діндарлар (староверы) жұмағының есігі айқара ашылған... Ол мәңгілікке сапар шекті.

Үйдің бұрышында шөкелей отырып, сәл көз шырымын алған Таған әлдекім түртіп жібергендей, селк етіп оянып еді. Күн бұлышты, аспанда тұтасқан бұлт бар. Сондығынан ба, таң атса да, маңай қаракөлеңке. Кемпірдің жағдайың білмеккеп үйге кіріп еді, өліп жатқан кемпір мен талып жатқан Айнаның үстінен түсті. Жан ұшыра Ерікті шакырды.

Келесі күні тұске таман Нюра Фадеевнаның сүйегін Қатын өзенінің жағасын жерлейтін болды. Өзі өмір бойы кекsep өткен туған ауылынан бір уыс топырак бүйірмады. Жер мойны қашық, мәйтін шыдас бермейтін болған соң, анасының арманын орындай алмады Ерік. «Ақсақалды ұлкен адам ғой, аңшы Шалды шақырайық» деген Тағаның өтініші аяқсыз қалды. Сонымен, жас қабірдің басында ұшеуі ғана тұрды. Дегенмен, осынау үш адамның иығында үш жұз адамның қасірет-мұны бар еді. Амал не, қайғырудан қайтып оралған пенде жоқ. Неге екені белгісіз, өлікті үйден екі жігіт көтеріп шығарғанда, Айна анасына арнап жоқтау айтты, бірақ көзінен жас шықпаған. Зор да зарлы үнпаздықпен қабір басына жеткенше тоқтамаған.

Ел жайлауга қайқайды-ай,
Шаппай да жорға тайпалды-ай,
Апатайымнан айырылып,
Маңдайдан бақыт шайқалды-ай...

Аргымақ келер ағылып,
Жібектен шылбыр тағынып,
Асыл да туған апам-ай,
Келінің жүрер сағынып.

Қатынның суы тасыды-ай,
Кемерінен асады-ай,
Апатайдан айырылып,
Сүйегім менің жасыды-ай...

Жылай-жылай күн кешкен
Ешкі маңырап су кешкен...

— Жә, зарлай берме, сай-сүйегімді сырқыратып. Үндемей жыла!— деп, Ерік зекіп тастады.

Қара су болды лайлы,
Көзінің жасын бұлайды.

Бір бұл емес, апатай,
Келінің талай жылайды-ай...

«Сонғы жоқтауды өз жанынан шығарды, — деп ойлады Таған. — Апыр-ай, артында аңырап жоқтаушың қалса, қандай бақыт. Нюра Фадеевна армансыз, әрі иманды адам».

Тұнде бас алмай жауған биылғы күздің алғашқы жаңбыры осы әзірде ғана толастаған. Арты қалың тұманға айналды. Таудың боз тұманы маңайдағы барлық затты тұмшалап тастаған. Қабірдің топырағы нөсер сұымен малшынып, аяққа, күрекке жабысып, сарсанға салады. Жол бойы қыңысалап, аяққа оралып, мазаны алған Аламойнақ шоқынып отыра қалып ұлыды-ай... Ерік «өзіңе көрінсін» деп, қолындағы күргегін ала ұмтылып еді, тұманның арасына сіңіп кеткен. Әлдеқайдан, бозғылт дүниенің әйтеуір бір тұсынан ұлыған үні бәрібір естіліп тұрды. Нюра Фадеевнаны жерлеу рәсімі аяқталған соң, екі ерек, жалғыз әйел томпайған топырақ үйіндісіне салбыранқы қабақпен қарап, үнсіз ұзак тұрды. Әрқайсысы өзінше кайғырды, өзінше бақылдасты. Алтайдың жамбасқа жұп-жұмсақ қойнауы қойнына алған Нұрке кемпір қанша діндар болса да, не мұсылманша, не христианша жерленбей, өз иманын өзі айтып, өз жаназасын өзі шығарып, жарық дүниенің бар азабынан осылайша бақылыққа азаттанып еді...

Жер беттеніп, кімге екені белгісіз, кекті сыңаймен түйілген Ерік шүғыл бұрылып кете берді. Енді Таған мен Айна ғана қалған қабір басында. Басына ораган қара шәлісінен бет пішіні сәл ғана көрінген келіншек көз жасының суалып, ағыл-тегіл жылар шағында кеуіп қалғанына қайран... Таған болса не істерін білмеген. Жасқаншақтана жақындал, Айнаң қолтығынан ұстады:

— Апамыз келмеске кетті, өткенше өкін, өткен соқ бекін деген, жүр қайтайық,—деп икемдеп еді, келіншек міз баққан жоқ. Ендігі тұрыстың лажын таппаған соң, ол да үй жаққа аяндады. Жас қабірдің басында тұманға тұмшаланып Айна жападан-жалғыз қалды.

Тұн аса сүйк болды.

Ертеңінде шөп басын сілбі басып, кешегі жаңбыр мұздактап тастап еді. Айлақта отырган жалқы омартаның түтіні бұл күні шыққан жоқ, тіршіліктің барлығын кемпір өзімен ала кеткендей өгейсіген өмір басталды. Ежелден аз ұйықтап, көп жортатын Ерік тан қылаң бере, атын ерттеп, мылтығын өңгеріп аң қарап кетті! Тұні бойы дөңбекшіп, ұйқысы қашып, көрер танды көзімен атқызыған Таған тауық шақырардағана тыншыған. Ал Айна мұлдем көз ілмеді. Енесінің киімдерін жинастыруды, төсекорның сілкіп, бөлмені аршалады. Енесінің оны-мұны салынған сары ала сандығын алғаш рет ашқан. Қақпағын ашарда неге екенін өзі де байқамай «бисмилла» деген сөз аузына түсті. Сандықтың ішінде өзінен жасырған мол «байлық» жоқ екен, тек ең түбінде шетін кестелеген ақ орамалдың орауын жазғанда, өз көзіне өзі сенбеді, адамзатқа бақырая қараган көнетоз иконды қолы қалтырай алып, бүрышқа апарып сүйеп қойды.

Ерінің ертелеңтіп аттанғанын көрген. Тәуекелге бел байлап үйден шыққан. Омартаға барды. Оқыс түскен сұық арапардың да зәресін алғандай... Америкадан келген будандардың ұсыны іздеп тауып, ара кіріп-шығар танадай тесігін шүберекпен мықтап бекітті. Құшақтай ырғап орнынан көтеріп алған күйі өзен жағасына апарды. Екіншісін де жеткізді. Үйден шелекке құйып керосин әкеліп аямай лақылдатып төкті ағаш жәшіктерге. Бұдан соң шырпы тұтатып от қойды. Лап еткен жалыннан жасқана шегініп, «жауыз араның» жанғанына рақаттана қарады-ай... Сөйтіп, енесінің қазасына себепкер болған капиталистік шыбынды шырқырата құртқан еді... Амал не, Алтайдың ана аралары ОЛАРМЕН әлдеқашан шағылысып, «жауыздардың» үрпағы анау қаптаған ұяның әрқайсысында қыбырлап жатқанын сезген жоқ еді... Амал не... білген жоқ еді...

Осы кезде Таған да оқыс оянып, далаға шыққан. Ең әуелі көргені – өзен жағасында жаңып таусылуға айналған отқа қақтанып тұрған Айна. Алғашында істің мән-жайын түсінген жоқ. Қасына барып білейінші деп беттей бергенінде, теріс қарап сұлық тұрған келіншек жалт бүріліп, Тағанды көрген соң, «бұл қайдан шыға келді» дегендей, Қатын сұына қарай тұра жүгірді. Жүгірғен бойы екпінін бәсендептестен, жарқабақтан суға секірді... «Айна! Тоқта!...» – деп, айқайлай ұмтылған жігіт ағын ала қашқан әйелдің денесін куа, жар жагалай безектеп,

алдынан шыға ол да секірген. Мұздай суға қақалып-шашала малтып, Айнаның киіміне қолы іліккен соң, сынар қолдай жузіп жағаға сүйреледі. Құтқарды. Өлі-тірісін білмейді. Сілкілеп жүтқан, қойны-қонышына толған суды ағызды. Аяқ-қолын кергілеп, жаттығу жасатып дем берді...

Әйел есін жиғанда, қуанышында шек қалмаған. Көтерген күйі апарып, киімін ауыстырды. Пешке от жағып, бөлмені жылдытты.

Енесінің ағаш төсегінде безгегі ұстағандай дірілдеп жатқан Айна өз-өзіне келген соң, көзін ашып айтқаны:

– Бекер құтқардыңыз, аға... Бәрібір бұл дүниелік емеспін.

– Не басыңа күн туды, айнам. Битке өкпелеп, тонынды отқа салғаның не?

– Бит емес-ая, итке өкпелеп... Қарызыңыздан құтылдыңыз...

– Рас, мені де ажалдан ағытып алыш едің... Ыстық шай ішесің бе?

– Әуре болмаңыз... Сіз маған мынаны айтыңыз: өлімге қимадыңыз, ендеше, өлімнен де бетер қорқынышты осы қарғыс атқан үйге тастап кетесіз бе... бәрібір бұл жерде тірі журуім екітала...

– Не істеуім керек, айнам... Еріктің асын ішіп, аяғына түкіргендей боламын ғой... – деп күмілжіді. Ұяң да ұятты келіншектің неге бекініп, қандай іске бастаганын аңдаған соң, жаз бойғы арманының берекесі қашып, солқылдай бастаган.

– Олай болса сізге өкпем жоқ... Жолыңыз болсын. – Сәлүнсіз жатты да: – Мен сізге сөз салып, маған үйлен деп, қолқа артып жатқаным жоқ, мынау қасіреттен құтқарап адам баласы бар ма деп, қорланып жатырмын... Әйтеуір, сүйемелдеп тау асырып тастасаңыз boldы... өзіме өзімнің шамам жетер емес... Арага таланып өлгенше, Алтайдың аюы жегені иманды шығар...

– Олай болса, мен дайынмын! – деді ұлы тәуекелге бел буғандай ширыққан Таған. – Құдай да, адам да кешер бұл ісімізді.

– Бұл жалғанда сенерің, сүйенерің, құтқарапың, қол ұшын берерің болғанға не жетсін, – деді басын көтеріп, орнынан тұрған Айна сергек үнмен.

Таған келіншектің су-су шашынан сипап, алғаш рет мандаійнан иіскеді.

— Сен болмасаң, менің де сау-саламат жүруім екіталай, айнам, ішіп-ішіп өліп қалар едім.

— Қызық екен, ага, — деп әнтек жымиды. — Бұрын сізден ішімдіктің иісі шығатын, қазір сәбидің бе, сәби жөргегінің бе, әйтеуір, жаныңды жарылқайтын өзгеше бір таныс та бейтаныс иіс сезіледі...

Тихой өзеншесінен Айнаны көтерген күйі, белуардан кешіп өткен Таған Шалдың «мемлекетіне» жетелейтін білте жолмен Алтайдың қара орманына сіңіп бара жатты...

Оң сапар тілейік, ағайын...

«НЕГЕ БІЗ ОСЫ...»

Аңнан кештетіп оралған Ерік келіншегі мен маскунем досының жым-жылыс жоғалып кеткенін білді, сезді, іздеген жоқ. Салқын қандылықпен: «Жетісер!» — деді, тісін сақұр-сұқыр қайрап. Содан соң «Жетісерсіндер, жетісерсіндер! — деп жын ұргандай, тауды басына көшіре сақылдаپ күлген. — Прохор келсін, вертолетпен Бекзатты алдырамын. Маган бәрібір, қатын болса — болды».

Ертеңінде әлемді аппақ кебінге орап қар жауды. Биылғы жылдың алғашқы сонары...

«Аңға шығу керек, — деп ойлады ширыққан омарташы. — Дүниеде одан қызық та қымбат не бар? Қалғанының барлығы қараң қалсын!»

* * *

Келер жылдың көктемі шығып, жабағыланған сіреу қар еріп таусылып, арқырап өзен тасып ағаш бүрлеп, гүл бас жарғанда, Ерік жылдағы әдетінше Қатын сүйін құлдаپ, тарихи мекенине барған. Арғы беттегі шынарга жанарынан су аққанша қарады. Өне, көрінді! Сол! Өзі! Ақбоз ат мінген сұлу! Омарташының гашығы! Аттан түсіп жетелеген күйі, өзен жағасына келді — тым жақыннан көрінді. Қолын бұлғады. Ерікте ес қалмады. Суға түсердей болып, жағалауга мінбелей ынтыққан. «А, құдай, араға айналсам екен, ара болып арғы бетке үшсам екен» деп тізерлей отырып, қолын аспанға соза, бар болмысымен тіледі-ай, тұңғыш рет зар еніреп жылады-ай...

Құдайдың құдіретімен омарташы араға айналды... бірақ бал арасына емес, малға тыныштық бермейтін көкбас сонаға айналды. Айналуы сол екен, арғы жиектегі Қызға зымырай

ұшқан. Ұшқан қалпы ғашығына жетіп, иығына қонды. Не болғанын білмей сасып қалған Қыз қолындағы екі бүктелген қамшымен сескене салып қалғанда, енді ғана арманына жеткен «Ерік-Сона» қанатын серпуге шамасы жетпей, тыrapай асып домалап түскен... мәңгілікке...

Қатын суының айлағындағы керемет үй, көл-көсір байлық, қора толған мал, бал аралары иен қалды. Қалса – қалсын, көп ұзамай Қатынға тоған орнатылып, су көтерілгенде, бәрібір шіріп астында қалады...

Су астында Нюра Фадеевнаның жетімсіреген зираты да қалады...

«НЕГЕ БІЗ ОСЫ...»



БӘРІ ДЕ МАЙДАН

Повесть

*Ардақты әкем Бөкей мен
аяулы шешім Гүлияга арнадым.
Автор*

1

Ұлы Отан соғысының жеңіспен аяқталғанына отыз жыл толып, ұлан-асыр той, телегей-теңіз қуаныш болып жатқан мамыр айының жайма-шуақ күнінде, дәлірек айтсақ, май айының тоғызында ағаштан қып салған төрт бөлмелі үйдің есігі таңертеңнен кешке дейін ашылған жоқ. Ауыл-аймақ, көрші-қолаңның бар-барлығы тайлыш-таяғы қалмай клубта өтетін мерекелік жиналысқа кеткен. Ал тұтіні де шықпай, есігі тарс жабылып тұрған үйдің иесі – Ақан болса, ертелең тұрып, шағыр қасқа биесін ерттеген де, дәл іргеде шошайып көрінген Ұзақ тауын бетке алып, аттанып кеткен-ді. Ақан шалдың бұл жұмбакты аттанысын сиыр сауып, өріске мал қосып жүрген көршілері әр сакқа жүгіртпіп, сүт пісірімдік әнгіме-өсектің арқауына айналдырды.

– Ауырып жатқан кемпірін жалғыз тастап, қайда қанғып барады?..

– Үш күн болды тірі жанмен тілдеспей, қабагынан қар жауып жүр.

– Алыстағы баласы жаманаттан аман ба еken?

– Мұғалім қызы қайда еken?

– Облысқа жиналысқа кетіпті.

– Ескі ауруы қайта көтеріліп жүр-ау байғұстың...

– Енді өлсе де арманы жоқ. Балалары жетті.

– Алманың қаны таси берді-ау. Кешелі-бұгін тәуір ғой деймін. Көңілін де сұрамадық. Не десек те бірге өсіп, біte қайнасқан замандастымыз еді. – Бұл сөзді айтқан – ері отыз жыл бұрын соғыстан қайтпай қалған Бәтіш кемпір.

Осы кезде Ақан үйінің оң жақтағы көршісі Құмырай шықты. Есік алдындағы тақтай табалдырықта тұрып, аузын арандай аша есінеді. Содан соң аксаңдай басып басқыштан сақтана түсті де, қора айналып келді... Әйелдер жағы Құмырайдың бұл көргенсіздігін көрмегенсіді. Ақсаңдай басу өзіне соншалықты жарасарын ежелден билетін ол қойқаң-қойқаң етіп, әйелдерге жақындағы. Жатса да, тұrsa да салақтап қеудесінде жүретін жалғыз медалі сол орнында – кір басып, әбден тозығы жеткен, жаға-жені қырқылған гимнастеркасында ырған-ырған етеді.

Бұл жалғандагы жалғыз-ақ мақтанышы еді. Одан артық сый-сияпatty әсте де дәметкен емес. Осыдан үш жыл бұрын өкімет берген «Запорожец» машинасын ұлы тау мен тасқа айдан шағып тастаған, жатыр эне үй іргесінде итаяқ болып. Шырпы басын сындырмайтын кержалқау жан атасына нәлет соғыста бір сирағын тізеден төмен садақалады да, пенсиясын алып, аман қалған жанын күйттеп жатып алды. Алғашында осы ауылға жарық берер моторды кешке оталдырып, тұн орталай сөндіру жұмысында жүрді. Былтырдан бері ол жұмысты ортаныш ұлына тапсырды да, өзі өртөнді-кара кеш дүкеннің алдында, темекісін бұркыратып ары өткен, бері өткен ауыл адамдарына әр нәрсени айғайлап айтып, ерігіп отырап еді. Келімді-кетімділерден жүз грамм дәметкіш көңіл пайғамбар жасына келген қарт солдаттың беделін түсіріп-ақ жүр. Кайтеді енді, өзі қорғап қалған бейбіт өмірдің шуағына еркелегені ғой...

– Эй, Рэзия, шай қойдың ба? – деп дауыстады, екі иығы имиіп, мойын ағашпен су әкеле жатқан кемпіріне.

– Тұкпіш-ай, көрмей тұрсың ба, суды жаңа әкеле жатыр ғой. Тесік өкпесін сүйреп әрең жүр, аясаншы жазғанды.

– Жаның ашыса, анау шөпжелке қыздарыңа айтсан еді, екі шелек су әкеліп таастасын.

– Сойталдай үш ұлың бар, қатын неге әпермейсің? – деді әлгі кемпір.

– Сениң қыздарыңды тосып жүр.

– Байсыз қалса да сендей заржакпен құда болмаспын.

– Өйтіп ерегістірсең өртең-ақ алып беремін.

– Дәмесінің зорын. Пішту.

Осымен сөз бітті де, көршілер тарай бастады. Өз-өзінен ерігіп тұрган Құмырай дау-дамайын жалғастыrap адам таппағанына өкінді ме, шаптықкан дауыспен әйеліне зікір салды:

– Ыбылжымай шай қойсаншы! Бұгін женіс күні. Клубқа жинаалысқа шакырған.

– Жауды жалғыз өзің женгендей желікпеші. Өзім де өлеін десем қолым тимей, етегіме сүрініп журмін. – Күйіп кетті ғой деймін.

Ерінің бетіне тура қарап айтқан сөзінің алды осы еді. Күйеуі шатынай қарады. Тіпті жүзінде әлгі сөзді шынымен-ақ анау жел соқса құлағалы тұрған кемпірі айтты ма дегендей таңданыс бар. Қапелімде не дерін білмей сасқалақтады да. Ал анау болса түсі сұп-сұр болып, еңгезердей шалына түсінбей, тепсініп тұр.

– Соғыс кезінде қанатынан қайырылмаған сұңқар, тұяғынан айырылмаған тұлпар қалып па еді. Көбінің сырты бүтін болғанмен, іші тұтін. Екі аяқ, екі қолы сау демесең. Ақаннан артық азап шекпеген шығарсың. Отыз жылдан бері язбі жөлетке, асқазанына ас батпайды. Түйені түгімен жұтып, шелектеп арақ ішкен сенен гөрі иманды. Қартайса да аттан түспей, көштен қалмай келеді. Ұлын ұяға, қызын қияға қондырды. Сенің балаларыңа дейін өзіңе тартқан шетінен саудайы.

– Жатыры жаман ғой, жатыры...

– Одан да қаны жаман десенші.

– Эй, эй әкенді... саған не болған-ей. Түс көрдің бе? - Құмырай тұтыға тіл қатып еді, әйелі бастырмалатып, бет қаратпай қойды.

– Түс көрмейтін албасты деп пе едің... Көрдім... мойныңа қоржын асып, мәгәзіннің алдында қайыр тілеп отыр екенсін, көшеден шөлмек жинап, арақ іздел жүр екенсің. Ал, ендеше, қылатыныңды қылыш ал.

– Отыз жыл бойы тілің кесілгендей, үндемеп едің, отыз жылдан бері маған әзірлеген сыбаган осы ма... ішінде ит өліп жатыр екен-ая. Ақан итпен аранда бір пәле болған екен-ая, – деп таяғын шолтаң еткізіп ұмтылған. Ұмтылғанымен әйелінің арық қара бетіндегі жұз жылдық зілді, әйелінің шұңғарейіп ұясына әлдекашан кіріп кеткен жансыз жанарынан жанған ашу мен ызыға, зіл-залаға толы отты көріп, тайсақ тартты. Жауын құрты – жылайшандайғұрлы көрмей келген қатқан қара қатыны, әне, уытын шашып, оқ жыланша атысып тұр. Жо-жок, бұл алданған екен. Үндемегеннен үйдегі пәле шығады деген осы да... Қолындағы таяғын сау тізесіне салып морт сындырды

да, лақтырып тастап, амалы таусылғандай, кеспелтек ағаш үстіне отыра кетті.

— Е, бәссе, осылай жөніңе көш, кәрі қақпас. Жұдырық жұмсақ күнің өткен. Өне бойымда сенің таяғың тимеген жер қалмады. Гитлерден ары болдың... Құдайға шүкір, араша түсер адамым бар, балаларым ер жетті...

Айғай-шуга елендеген көрші-қолаң әрқайсысы өз үйінің есік-тесіктерінен сығалап, қызықтай құлақ түріп тұр еді, сып етіп, көрінбей кетті.

Енді, міне, отыз жыл отасқан әйеліңнен сөз естіп отырғаның. Басқасы басынбай қоя ма?

Таңғы тәтті үйқысын қимағандай манаурап жатқан ауылдың отыз жылдан бері ынғай ырғақпен келе жатқан қалыпты тіршілігі қыбыр-жыбыр басталған еді. Май айының масайраған күні адамзатқа бүгін де ұлы тыныштық, байсалды өмір тілегендей, сонау миллион жылдан бері өркештеніп, тарихтың өлі күәсі болып жатқан алып таулардың тұтқынынан сыйтылып босай берді. Тұні бойына үйқының жайлы да жайма-шуақ құшағында тұншықкан қаперсіз ауыл мәңгілік қозғалыстың – өлмейтіндей өр серпіген шаруаның дабылын қайта қақты да, қайғысыз қара сүйн сораптап ұрттай бастаған.

Бағанадан бері сен соққан балықтай мен-зен отырған Құмырай, алғаш рет тұмсығы тасқа тиген Құмырай, неге екені белгісіз, қолына мылтығын алып, атойладап жауға аттанғысы келді; сыңар аяғымен-ақ алшандай басып, алға ұмтылғысы келді; өзінің мүгедек екенін алғаш рет шындалап сезініп, әлемдегі талтаң-талтаң басып жүрген мұқым адамдарды өлердей жек көрді. «Жо-жоқ, мен емес, – деді тісін шақыр-шұқыр қайраған карт солдат, – эсте де мен емес мүгедек» деп, өз кеудесін өзі ұрып қалғанда, тозығы жеткен медаль сыйлдыр ете қалды. Сонда ғана есін жиғандай, алқанымен сипап көріп еді, орнында екен. Сол жақ аяғын кесіп отынға жаққан жоқ қой. Әуелеп ысқырып келіп, дәл жанына түскен бомбаның жаңқасы жұлып кетіп еді ғой. Қып-қызыл қанға бөгіп, шала-жансар жатқан жерінен орыстың әдемі қызы тауып алған. Бұл тірі қалды деп ешкім ойламап еді. Тек денсаулығының мықтылығынан ғана суішкілігі үзілмей, балдаққа сүйеніп елге оралған. Иә, бұл ақсандағы басып елге оралғанда осы Жұлдыз ауылының еңкейген кәріден еңбектеген жасына дейін тайлы-таяғы қалмай ұбап-шұбап алдынан шыққан. Аудан орталығына арба жіберіп алдырған майдангер

азаматты жүрекжарды қуанышпен қарсы алып, қонаққа шакырмаған бірде-бір үй қалмап еді. Сонда ауылдың алжиын деп отырган ақсақалы мұның қеудесіндегі жалғыз медальды ұстап көріп: – Шырағым, мына жарықтықтың қүші кімге жетеді? – деп сұрағанда, шімірікпестен: – Ата, осы медальдың арқасында екі кісіні сотсыз атып тастауға қақым бар, – деп, қеудесін қағып еді-ау. Содан кейінгі өмірі қызық өткен. Ақырып атқа мінді. Жастар өсіп, жарлы байығанша алақандай ауылды аузына қаратты. Баяғыда осы ауылдың Ынтымақ атанып тұрған шағында, сары жорғаның үстінде шіреніп отырган Құмырай, қолындағы қамшысын әдей түсіріп жіберетін, сол кезде үріп ауызға салғандай әдемі қызы-келіншектер таласып әперуші еді-ау. Енді міне... көрінгеннен сөз естіп... әсіресе қой аузынан шөп алмас, момын әйелінің тілі тотияйын болып тигені жанға батады да. Бұл жалғанда мәңгілік не бар дейсің, өтеді-кетеді. Атақ, даңқ, дәulet пен бақыт – осының кай-қайсысы да жыл құсы секілді, басына күн орнап, жаңың жылағандағанда ұя салады. Базарың тарқап, құздің суық желі ессе, пыр етіп ұшады да, өзгенін талайына барып конар.

– Жылан арбап отырсың ба, шайынды іш, суып қалды. Қайта-қайта самаурын қояр шамам жоқ, – деген әйелінің даусы ойын бөлді. Созаландап орнынан көтеріліп, жан-жағын қарманып еді, таяғын таппады. Әлгінде ашумен өзі сындырып тастағаны есіне түсіп, шойнаңдай басып үйге беттеді. Көптен бері майланбаған протез аяғы шиқылдан, тозығы жеткен, тіпті ұмытыла бастаған әуенде қайталады. Осыдан отыз жыл бұрынғы құркіреп өте шыққан соғыстың салдары, бүгінде тым азайып қалған әркімнің әр жерінде сыйздатып жүргені рас-ты. Ал жанын жаралап, қекірегі мен қекейін кеміктеп жатқаны қаншама? Солардың бірі Ақан десек, ол да, әне, шағыр қасқа биесін мініп, тау-тасты кезіп барады.

2

Бір ғана ағыспен өтіп жатқан өмірдің аяқ астынан айран тамған сүттей іріп шыға келуі Ақанның көңілінде көгіс тартқан баяғы бір көне жарапарын тырнап алғандай еді. Женіс күніне бұл да бір кісідей дайындалған. Соңғы аптада ескі сырқатынан ептеп сергігендей болған әйел Алма:

– Шал, елмен көрген ұлы тойға біз де тышқан мұрнын қанаталық. Тоқтының бірін сой, көршілерге тاماқ ауыз

тигізелік. Осы үйден дәм татпағалы да талай уақыт өтті. Сараңдық жасама, – деп өтніш айтып еді. Соятын тоқтысын таңдаң, кешеден бері жем бермей, қорага қамап, пышағын қайрап дайын отырған. Ертең жеңістің құрметіне ұлы жиын болады. Соғыс кезінде жаумен шайқасқан азаматтарды арнайы шақырып, төрге отырғызады екен. Орден-медаль, сый-сияпат үлестіреді деп, ауыл адамдары қатты дүрлігісіп журді. Сый-сияпатын қойшы, оқ пен оттың ортасынан аман қалғандары үлкен сыйлық емес пе; елеп, тамам жұрттың көзінше сахнаға шығарғаны қандай қуаныш. Кейінгі жастардың бірі біліп, бірі білмейтін, сол азапты жылдарды еске алу, есімін атау құрметінен айналмай ма. Егер зәуде сұрай қалса, Ақанның да айтары көп еді. Неге екені белгісіз, соғыс кезінде қолына қару алғып соғыскандарды, тіпті тылдағы әйелдердің ерлігі көп айтылып, шүкіршілік, назардан тыс қалып көрген жоқ, ал өзінің, иә-иә, «трудовойда» болған өздерінің енбегі ше... Эйтеуір, бір күн ескерілер, еленер деп үміттенуші еді, ондай атты күн де туды-ау, эйтеуір.

Кеше кешке болатын. Малын жайғап, кора маңының бәкін-шүкін шаруаларымен сыртта біраз бөгеліп қалған. Жарықтық күн де қып-қызыл болып, әдемі батты. Баяғыда батыс көкжиекті осы секілді ал қызыл шапақ шарбыласа, жұрт тағы да соғыс болады деп, жаман ырымға жорушы еді. Қазір табиғат бояуының қайсыбір түсіне де көз үйреніп кетті ғой... Иә, енді үйге кіре берем дегенде, астындағы атын арындағы, кекілі шолтандарған бала келді шапқылап. Алғашында оның сүйт жүрісінен секем ала тіксініп қалған. Баяғыда, 1941 жылы да дәл осындаид қара бала жеткізіп еді қаралы хабарды.

– Ақсақал, – деді ат үстінен түспей айғайлад. – Құмырай атам үйінде ме екен?

– Жайша ма, ұлым? Үйінде болар.

– Шақырып жібермейсіз бе?

– Шақырайын, – деп қалбалақ қакты. Шапқыншының өні жылы, жақсылық шығар деген ой жендең, көршісінің есігін ашты. – Құмеке, ау, Құмеке, үйдемісің?

Ақсандай басып Құмырай шықты.

– Не болды? Тағы да жау ма?

– Жағыңа жылан жұмыртқаласын. Анау бала ізден келіпті сені.

– Не керек, ей, саған? Қожақтың жынды ұлымысың?

– Иә, сол жынды менмін. Сізді өртең кешке клубта өтер тойға келсін дейді. Ешқайда кетіп қалмасын, жақсылап дайындалсын, сөз береміз, – дейді.

– Өзім де білемін. Қазір бастаса да дайынмын. Атаңа нәлеть жауды қалай әкесіне танытқанымды өртегі-жыр ғып айтып берейін.

Атты бала шүғыл бұрылып, құйын-перен шапқылай жөнелді. Құмырай өзіне-өзі риза болған кейіппен, омырауындағы жалғыз медалін ыргақтата басқыштан түсіп, Ақанға жақыннадады:

– Қалай, құрдас, сені де шақырды ма?

– Жоқ, маған еш нәрсе айтпады.

– Енді, ол жынды ұлдың жазығы не. Тізім бойынша хабарлап жүр фой. Және де бұл «трудармияның» емес, соғыс армиясының тойы фой...

– Сен өйтіп оспақтама, – деп шалт кетті әншейінде үнде-мейтін Ақан. – Сенің де қиратқаның белгілі. Немістің тұрттысін көрмей жатып, жараланып қайтып келгеніне мактанағысың.

– Былжырапсың, – деп қарқ-қарқ күлді Құмырай. – Алты жыл бойы көртышқан секілді топырақ қазған сенен гөрі тәуірмін.

Одан ары тәжікелесіп тұра беруді ар санады ма, Ақан жедел басып, үйіне кіріп кеткен. «Еще артиллериспен дауласады» деген сезін естімді.

Содан түні бойы көз іле алмады. Шалының әлденеге ренжулі екенін сезген Алма да әр нәрсені сұрап сөзге тартқан жоқ. Екеуі екі төсекте бұк түсіп жатып қалған. Жан-жақтан қамалап келіп, миын шанышқылаған алуан түрлі ойлар таң атқанша маза бермеген. Биесін ерттеп ерте аттанып кеткені де тірі қорлыққа шыдай алмай, қашаң тартуы еді. Ол ешқашан да елден саяқ кетуді қөксеген емес, тек анда-санда өзатына айтылар қаңқу сезден ғана безінетін. Алпыстан асқан ғұмырында ешкімнің ала жібін аттап, «Әй, сен сондайсың», – деп көрген жоқ. Ен өкініштің сол – әлгіайбат сездер бұған арналатын. «Тек жүрсөң – тоқжүресің» деген сездің бекерлігін енді ғана түсінгендей. Бұл жалғанда жамандықтан қашып құтылған адамның жоқ екенін білсе де, ізгіліктен де үмітін үзбекен. Адамзат жаратылғаннан бермен жағаласа жарысып, өмір атты

дәү шананы қосақтала сүйреп келе жатқан Жақсылық пен Жамандық – осы екі ұғымның қай-қайсысы да жер бетінде желе-жортып, сайран салуга қақылы екенін дәлелдеп-ак келеді. Итжығыспен жеңісі алмай, діңкесі құруға тақағанда, сөз жоқ, сол екі ұғым өкпеге қиса да өлімге қимас туыстықпен аймаласып, бірінің көріне бірі топырақ салар еді. Ендеше, ғұмыр бақида да жеке дара өмір кеше алмас Жақсылық пен Жамандықты таразылап, керегін фана аламын деуден сорлылық бар ма? «Мен бақыттымын!» деп әлемде ешкім айта алар ма екен; ал егер зәуде айтқан адамнан сорлы тағы ешкім жоқ. Құн шықса соңынан қалмайтын, бұлт басса, іздел таба алмай қалатын сол бақытты Ақан әсте де соңынан түсіп, әлдекімдердей сүмендеп іздеғен емес. Төрткүл дүниені миллиондаған адам секілді бұның да жалғыз-ақ мақсаты болған: тірі журу, өзінің қалқайып тірі журуі арқылы бала-шағасын асырау. Сөйтіп, өмірдің алтын арқауына айналған ұрпак атты ұлы көшті жалғастыру. Кіндіктен тарар жібек жіпті үзіп алмау. Бұдан артық бақытты тауып көрші! Өмір дегеніміз ешқашан да шешуі табылmas жұмбақ, ешкім шығара алмас қын есеп десек, жауабын ізде, жанталасып жан тапсырғандар қаншама. Осының барлығын пенде егер де анасының құрсағында жатып сезсе ғой, онда жарық дүниеге келмей-ақ қояр еді. Келген соң, бойында шыбын жаңың шырқырап тұрганда тәуекел жасап кетіп көр. Мәңгі таусылмас жолға бір түсken соң, өзегің талып, жұлдының үзілгенше алға, тек қана алға енбектейсің. Әрине, қасында өзіңмен коса енбектеп келе жатқан азаптасың ба, сапарласың ба кім болса – ол болсын, содан озуға тырысасың. Реті келсе ептеп, кейде шындалап тірсектен қағып, бақайдан шалып жол ортага ұлтытып, тастап кеткің келер... Сен тырбанып бара жатқан жақтан өзіңе қарай қарсы тағы біреулер жолығады. Екеуің қызыл шеке болып сүзесің, қызыл тұмсық болып төбелесесің, содан қай жеңгенің алға ұмтыласың. Сынаптай толқып, шортандай шоршып ұстаптаған, бірақ жақындаған сайын алысталап, алыстаған сайын жақындай беретін сайтан сағымды қуа-қуа түпсіз зынданға келіп қалғаныңды байқап, шошына кейін шегінер едің. Амал не, шегінер жер жоқ, сенің соңынан өкшелей ерген сансыз пенделер, сен секілді сайтан сағым – алдамшы арманды қуғандар сүзіп, әлгі бір түссе құс патшасы – зымыран да ұшып шаға алмас терең зынданға қүйрығынан бір теуіп құлатады, содан соң – өзі... өзінен соң...

өзгелер, міне осылайша арғы дүниенің салулы төсек, самалды пейішінен мәңгілік орын алып, жандары жай табады. Ертеге еңбектегендердің жалғызы-ақ бақты – осы қағиданы ұқпай, ұрандауы десек, шағыр биені шаужайлап келе жатқан біздің Ақан шал солардың тобында, алдындағы қазулы орга жетуіне, әне, аз-ақ қалды...

Шағыр қасқа басқа ұрғандай табандап тұр – соңғы кезде қартайғандікі ме, қырга шықса болды, көзінің алды бұлдырап, сулана беруші еді, байқамапты, Ұзақ тауындағы Құлаған жарға тіреліп қалған екен. «Құдай сақтады-ау» деп кері бұрылды. Бұта-қарағанның арасындағы жалғыз аяқ сүрлеумен сонау көрінген Көбен тауына қарай қабырғалай тартты. Аппак болып гүлдеп тұрган мойылдың иісі танауды жарып, түшкіре берген соң, жан қалтасынан шақшасын алып, насыбай атты. Мамыр айының тамылжыған тамаша шағы, әсіресе таң ата өзгеше соны сипатпен түрленіп, көңілдегі құдігінді айдал шығарады білем. Кісі деген қанша қартайдым, қайғы ойладым дегенмен, оның көңілі сәби секілді ғой, жоқтан өзгеге қуанады, жоқтан өзгеге өкпелей қалады. Шыр етіп дүниеге келгеннен бермен сезініп, түйсініп келе жатқан көріністері болса да: анау тау басынан етекке қарай қалың жыныстынып келіп, сиреп таусылатын қапсағай қарағайлар, сонау ұшар басындағы қары әлі де ерімей ағарандап жатқан алып шоқылар, сол қар-мұздактан бастау алып, құлындаі құлдырықтап ойга қарай шапқылаған тентек бұлақтар мен баласын құткен анадай аңыраған Бұқтырма өзені, әне асықтай үйіріліп, тұтіннен жалау байлаған туған ауылы – барлығы да Ақаның көзін ашып көргендери, бірақ ешқашан да мезі қылышып жалықтырған емес. Тіршіліктің тірегіне айналған туған жерінің сарқылмас байлығы да осы жансыз суреттер. Ол отыз жылдан бері шебін шауып, малға талшық, үйелменіне азық етіп келген Райс шабындығының жанынан өтті. Бұл бір тал, қайыны аралас өскен масаты жер еді. Қандай құргақшылық жылда да қүренесе күлтеленіп, кунге күймей ал жасылданып жататын саздау. Шоқ шіліктің түбінен жылышп тұма қайнап шығатын да, шабындықта өз-өзінен суландырып, кенезесін әсте де кептірмейтін. Райс тұмасындағы шабындыққа қызығып, көз алартқандар көп болды. Әсіресе, Құмырайдың ит жыны келетін. Ит жыны келетін себебі: былайғы жұрт сандалып пішендік таба алмай жүргенде Ақан жайқалған қүренесін көртіп шауып, керіседей мая тұрғызатын. «Отан соғысының

мүгедегімін, Райс тұмасын маған беріндер», – деп арызданбаған мекемесі қалмаған. Амал не, Ақанның ата-бабасынан бері ауысып келе жатқан шабындығын тартып эпермеді.

Жауыңның іргеде болғаны, бір есептен дұрыс па деп те ойлайтын Ақан ақсақал. Ерегестен бе екен, жоқ немесе, іштей бәсекелесетіндіктен бе екен, зәредей де кемшіндік жібермеуге тырысып, шаруасын дөңгелетіп ұстайтын, әрі тың, әрі сақ жүретін өзімен салыстырғанда, әлдекайда салақ, есік алдында ыбырсып жатқан сиырдың жапасын күрекпен іліп алып тастауга мойны жар бермейтін еріншек Құмырайдың аяғы ақсақ демесен, аудай денсаулығының тым болмағанда, жартысын бермеген құдайды ғайбаттаушы еді. Үрттап қалған қара суға дейін қайтадан құсып төсек тартып жатса да, үй тірлігін жұтатып көрген жоқ.

Алғаш қара жұмысқа шыдай алмай қатты ауырғанда, бұған өкімет отыз сом пенсия тағайындала еді. Сол отыз соммен бес кызы, бір ұлын асырап сақтады. Басыңа тартсаң етегіңе, етегіңе тартсаң басыңа жетпес болымсыз дүниені боз өкпе балаларына тен бөліп, басқалардың ұл-қыздары алдында ұялтпай ішін-діріп, киіндіруінің өзі асқан ерлік еді. Сырқатының беті бері қараған соң, отыз соммен мұлдем қоштасты да, осы ауылдың газет-журнал тасу жұмысына тұрды. Міне, содан бері ширек ғасырдай уақыт өткен екен, жасы асып, еңбек демалысына шықса да аттан түспей келеді. Баяғыдай емес, дәүлеті бар, шүкіршілік, неге екенін өзі де білмейді, аттан тақымы айырылса болды ауырып қалады. «Ақшаны қапшықтап жинап, Меккеге барайын деп пе едің, қойсаңшы бұл жұмысты» дегендерге: «Мен айлық үшін жүрген жоқпын, денсаулығыма бола почта тасимын», – деп жауап беретін. Басқа-басқа, мазасыз көршісінің дәл осы сөзіне Құмырай жалғанда сенбейтін. Ишіп алған күні: – Дүние қуған жалмауыз, ашқоз, – деп талай рет балағаттады да. Амалы қайсы, Отан соғысының мүгедегіне қол жұмсан, тіл тигізуге болмайды.

Жауды жалғыз өзі жеңгендей кеудесіне нан пісіп, өз-өзінен бұлданып, өз-өзінен кергіп, боғын боталы түйеге балап жүрер Құмырай жалғыз Ақанды ғана емес, осы Жұлдыз ауылының тамамын ерқашты қылышы еді. Жалғыз ұлынан айырылған аналар, ерінен айырылған жесірлер мен әкесінен айырылған жетімдер қаншама дейсіз жер бетінде, бірақ солардың қай-қайсысы да Құмырай құсан ел үстіне әңгіртаяқ ойната берсе

не болар еді, – деп ойлайтын Ақан. – Онда ақырзаман орнар еді... Отанды корғауға кімдер катыспады, әркім өз әлінше үлес қости. Аяғынан айырылмағанның барлығы – ақымақ, қоян жүрек қорқақ па еken, тәнірім-ау. Бұқіл іш құрылышымен мен рухымнан айырылған мен де жүрмін ғой ешкімнің қазанын сындырмай-ақ.

– Осының барлығы, кеше кештегі уақиғаның кесірі. Кісінің бағызыда ұйықтап қалған, қай-қайдагысын есіне түсіріп не керек еді, – деп күбірледі Ақан. – Мені неге шақырмады еken, ырысын ішіп кетем бе. Президиумға шығармай-ақ қойсын, даңғарадай клубтың бір бұрышында отырсаң жетер еді ғой.

Менің кінәм не сонда. Бар жазығым қолыма мылтық орнына күрек ұстағаным ба. Біле-білсе күрек те қару ғой. Осы ғой жанға бататыны. Эйтпесе, батыр атағын бермегі деп жүрген мен жоқ. Дегенмен бармай қалғаным да ақыл болды-ау. Құмырай-ақ таяғын тоқылдатып төрде отырсын. «Мен қуып барамын, неміс тырағайлап қашып барады» деп басталар элеулайымын сол бөспе-ақ айтсын. Бірақ «мен» деген сөзді «Біз қуып барамыз», – деп неге айтпайды, ит-ау.

Күн едәүір көтеріліп қалған. Өзін тоқтататын ешқандай күш жоқ екенін сезе ме, соншалықты кербез де кірпияз жайбарақат мінезben қызара бөртіп, көк тәнірісіне еркелейді. Суықсай деп аталатын анғарды өрлеп барып, Түйетастың иығына көтерілгенде ғана дүниенің маздал, жанып тұрғанын байқады. Жап-жасыл шапан жамылған аймақта ессіздеу, бірақ жарасымды қуаныш бар еді. Енді қайтып күз туып, қыс түспейтіндег мәзмейрам, сәбілік аңқаулық пен тазалықтың шуағына жапырағын жая талпынады. Табиғат атаулының ұзатылған қыздай сылануы, көктемде аса сұлу болып көрінгенімен, күні ертең-ақ көп-көп жылаулар мен сыңсулар күтіп тұрғанын қайдан білсін, жарықтық. Тау-тас, орман-тогайды қойып, ақыл-есі бар адамдардың өзі бір күндік токтыққа мәз емес пе. Азаптың да шегі болар екен-ау деп айналайын бейбіт күннің қызыуына жылынбай ма...

Түйетастың иығына шыққанында алдынан Көбеннің көлі көрінді. Сырлы аяққа тұндырылған судай, дөңгеленіп жатқан көлге Түйетастың алқымын тесіп шыққан бастау-бұлақ барып құятын.Шілденің ми қайнатар ыстығында ұрттап қалсаң тісінді зыр еткізер сүзық сүзы жыл өткен сайын сарқылып, азайып барады. Коры азайған Көбен көлінің шеті сортанданып,

кейбір жерін қалың сор басқан. Баяғыда Ақанның бала кезінде көл жиегі сор батпақты келетін де, тай үйрететін. Қанша қыршаңыланғанымен жануарлар батпаққа батып мөңки алмай дымы құрып, үстіндегі қара домалақ қазақтың ырқына қөнуші еді... Одан бері жарты ғасыр уақыт өтті емес пе. Ойлап қараса су да адам секілді, жылдар жылжыған сайын суалады екен-ау...

Көлдің ар жағында ағаштан қалай болса солай қилюластыра салған дара үй бар. Үйді жapsарластыра ұп-ұзын қылып қой кора салған. Баспанага қараганда әлдеқайды әдемі салынған корадан жас төлдің маңырағаны естіледі. Қой төлдетьу аяқталып қалған кез, сакманшылар ауылға оралып, бар ауыртпалық шопанға түскен. Бұл қыстакты қатарынан бірнеше жыл бойына Орынбай деген жас жігіт мекендеп келеді. Мал десе ішкен асын жерге қоятын-ақ жігіт, амал не, жолы болмай жүр. Түйетастың кейкенін бері қарай құлдыраған салт аттыны қөрген соң, екі қолын артына ұстап, қалт тұрып тосып алды.

Иығынан зіл-батпан болып басқан жұмыстан ба екен, жоқ болмаса ұзын бойы еңкіш тарта бастады ма, сырт көзге бүкірейіп көрінеді. Ұстара дүзі тимеген, ұстара дүзін тигізуге қолы тимеген бет-аузын қайратты қара сақал басқан.

– Иә, Орынбай, мал-жан аман ба? – деді Ақан ат үстінен.
– Шүкіршілік, аға. Бұғін қоржынсыз шығыпсыз ғой.
– Почтасыз бір аралайын дегенім де...
– Ендеши, бұғін қонақсыз. Аттан түсіп тамақ ауыз тиіңіз.
– Әуре болмай-ақ қойындар. Жастығын есіне түсіріп, ерігіп жүрген шалды қайтесіндер.

– Бұғін ауылда үлкен той деп еді, сізді шақырмаған ба?
– Шақырмады.

– Қызық екен, – деді таңданған Орынбай. - Сізсіз өткен тойдың сән-салтанаты болушы ма еді.

– Пейіліңе рахмет, – деді Ақан өні күреңітіп. Жүрегін әлдекім шабақтап қалғандай болды. Шалдың жүзі алакүйінданып кеткенін қөрген Орынбай:

– Қымыз ішіңіз, – деп құрақ ұшты.
– Ендеши, акты аттап кету жарамас, – деп созалаңдап түсті.
Шағыр қасқаны үйдің бұрышына жетелеп апарып байлаған жігіт: «Әй, Күміс, атаң келді, дастарқаныңды жай» деп дауыстады.

Аядай бөлменің іші қапырық ыстық екен. Тамак әзірлеу үшін бұрыштағы темір пешке лаулатып от жағады. Бәрі де амалдың жоқтығы. Орынбай есікті бір теуіп шалқасынан ашып тастанды. «Тентектігі әлі де қалмаған-ау, – деп ойлады. – Ауылды ала тайдай бүлдіріп жүретін Орынбайдан сокталдай азамат шығады деп кім болжаган».

Күміс қымызың құйып берді де:

– Мен қозыларды байқап келейін, – деп, тысқа шығып кетті.

– Биыл жүзінен қанша алдың? – деді қымызды сораптай ішкен Ақан аузын сұртіп.

– Жұз он бестен.

– Ой, онда сенің алдыңа түсер ешкім жоқ. Ең мықтымын дегені жұз оннан ғана.

– Бәрібір солар озады, мен қаламын.

– Неге? – деп сұрады Ақан.

– Өйткені олардың ерек қойы бар.

– О заман да бұ заман ерек қой қоздаушы ма еді?!

– Ебін тапса қоздайды, аға. Тізімге «ерек қой» деп тіркеген елу шақты жасырын саулықтары бар. Соның төлін бөліп жаза салады.

– Ол қулықты совхоз білмей ме екен?

– Біледі ғой, білгендіктен де ерек қойды «туғызады».

– Эй, балам-ай, – деп күрсінді Ақан. – Сенің жолың да менікі секілді ауыр болайын деп түр екен.

– Сіздің өмір жолыңыз қалай болып еді, аға?

– Сен сұрама, мен айтпайын. Ол – ұзақ жыр, бір таң айтып таусыа алмаймын.

Осы сөзден кейін Ақан айқара ашық есіктен таудың көз жасындағы болып мөлдіреп жатқан көлге қарады. Қиястай ұшып келіп, көлге қонған кос сары ала қаз айдынға толқыннан әжім сала, мамырлай жүзе жөнелді. Қүресінде жатқан ала мойнақ ит манғаздана қарады да, керги керіліп үйдің сыртын айналып кетті. Қой қора жақтан жас төлдің маңыраған даусы еміс-еміс естіліп қалады. Көлді қаумалай қоршаган тастақты жоталардың бауырында шашып тастаған асықтай бытырай жайылған қойлар, сол тас кенедей жабыса жайылған отардың сақшысындей, жақпар тастың үстінде қайқы мүйіз қара серке түр секіп. Арада орнаған сәл-пәл үнсіздікті Орынбайдың:

– Аға, дегенмен сол әңгімені тыңдағым келеді. Бала жастан

сөзге әуес, құлағым түрік екенін өзіңіз білесіз. Бір малдың басын мужіп, қымыз ішіп, дем алыңыз осы үде. Женіс күнін өзімізше тойлайық.

Ақ көңіл жігіттің ақтарыла айтқан ақылы Ақанды толқытпай қойған жоқ.

— Алма шешең менің қайда қанғып кеткенімді де білмейді. Үйде жалғыз қалған. Елегізді ғой.

— Ой, оның жарасы жеңіл. Күмісті жібереміз. Ол тәтемнің қасында, ал мен сіздің жаңыңызда түнеймін.

— Жарайды ондай болса, — деп келісімін берді, — сен шаруанды реттей бер. Мен Көбен тауының ой-қырын аралап, күн екіндіге таянғанда ораламын.

Ақанды қолтықтап алып, аттандырып тұрган Орынбай:

— Уәде – Құдай сөзі, аға, тосамын, – деді тісі ақсия күліп.

— Тос. Тек Күмісті тәтене жіберуді ұмытпа.

— Казір-ақ ат ерттеп беремін.

Көбеннің қалың терісін бетке алып, астындағы биесін сипай қамшылап бара жатқан шалдың сыртынан көзден тасалғанша қарап қалды.

3

Соңғы екі-үш күнде басының қан тасуы бәсендер, кіріпшығуға жарап қалған Алма кемпір осы үде басқа сенер ешкім жоқ болған соң, үй ішінің таусылып бітпес шаруасына кірісken. Кенже қызы облыс орталығына кеткен күннен бері ыбырыңыцырап қалған ыдыс-аяқты жуып, әр затты тиісті орнына қойды. Белін мықтап таңып алып, ас бөлмесінің еденін шайып шықты. Біраздан бері жиналып, шоландагы мескейде мөлдіреп тұрган сүттің бетіндегі кілегейін қалқып алып пісіруге отқа қойды. Кішкентай ағаш шелекке жинаған қаймақты толқыта пісіріп, май алуға кірісken. Қабыргада ілулі тұрган төртбұрыш радиодан женіс күніне орай санқылдап хабар беріп жатыр. Устіне көшпік төсөлген орындыққа жайғасып, сыңар қолдай іркіт піскен Алма шалының өртептеп аттанып кету себебін біле алмай, жүргегін әлдеқандай уайым қабыздал, көзінің жасын жаулығының ұшымен сұртті. Аптасына бір рет телефонмен хабарын білдіріп тұратын жалғыз ұлы да, міне, бесінші күн жым-жырт. Кеше көңіл сұрап келіп кеткен үлкен қызын елеңдеп күтеді. «Қайтсін, оның да бала-шагасы, малжаны бар» деп өз-өзін жұбатты. Сырттан көршісі Күмырайдың санқ етіп, әйеліне әмір бергені естілді.

«Көзімнің қарашығындай жалғыз ұлымның от жаққан жерін көре алмай өлемін-ау» деген көкейдегі арманы жыл артынан жыл келіп, қартайған сайын сай-сүйегін сырқыратады. Жер аяғы алыс, поезд жүрмейді бұл жаққа, ал самолетпен ұшып баруға денсаулығы жарамайды, амалдың жоқтығынан ғана шыдап жүретін. Ұлымның да әке-шешесінің алдында жазығы жоқ еді. Қызметі солай. Өзі оқыды, өзі жетті, бұларға да, ағайын-туғанына да арқа сүйеп, бір сом ақша сұрап көрген жоқ. «Күдайдың бергеніне шүкір, әлдекімдердің балалары құсан, тапқан-таянғанын, тіпті әкесінің пенсиясына жармасып, араққа салынып, ақымақ болып кетсе де шыдар едік қой», – деп тәуба жасайтын. Жылына үш-төрт рет келіп қайтатын ұлына дән риза. Елді аузына қаратқан атақты болмаса да, өз кәсібі өзінде, ата-ана алдында қарызы жоқ, қолынан келгенін аяп қалған күні бар ма. Соңғы келгенінде Алманы құшақтап отырып: «Тәте, барған сайын қартайып баrasындар. Елге қайтып жандарында болам-ау деймін. Келінің де қарсы емес», – деп еді.

«Төрімізден көріміз жақын қалғанда қасымызда болғаның жасы, әрине. Бірақ, балам, ел-жүрт не дейді. Ақанның ұлын жұмыстан шығарып, Алматыда соңынан ит салып, қуып жіберіпті деп, етегін ашып күлсө қайтеміз. Әзірше шыдай тұрайық».

Енді міне, іркіт шелекті піскілеп отырған ана тағы да ұлын сағынып, сол ақылды бекер айтқанына өкініп, көзінің жасын көлдедеді-ай. «Апа, тәуірсіз бе?» – деп күніне бір рет кіріп, шығатын көрші келіншек де төбе көрсетпеді. Тері, ауыл түгелдей жеңіс тойы қамында жүрген секілді. Жалғыздыққа бір адам төзімді болса – осы Алма кемпір еді. Себебін кім білсін, дәл бүгінгідей елеңдеп, адамдарды ізdep көрген емес. Ойдан тозған, әбден қажыған санаасында әлсіз елес бар. Ол елес – бұған дейінгі ғұмыр жасында бастан кешкен үлкендікішілі оқиғалар елесі, бұған дейін тағдыр арбасына тиеген қуанышы мен қайғысы. Жаксылық пен Жамандықтың мәнгілік шайқасынан туган жаңғырық; жоқшылықтан тоқшылыққа дейінгі ауыр да азапты сапары. Қызық: көрмегенді көріп, көн тулақты киіп жүріп, алға, анадай тұстап бұлдандаң кол бұлғаған бақытқа өкпең өшіп, өзегің талғанша ұмтыласың; енді жеттім-ау, қызығын көрейін деген шағында не жан тапсырасың, не болмаса қартайып алжып қаласың. Неге? Қазір бұл шаңыракта барлығы бар: есік алдындағы гаражда қызыл машина тұр

қантарылып, қолы тигенде ғана Кенже қызы жүргізеді; төртбес бөлмелі үй болса мынау, жүгіріп ойнап шыр еткенге зар болып қаңыраған; мал болса анау, іріріп қайырып игілігін көрер кісі таба алмай кора толып тұрғаны; ақша дегенің қағаз болып қалды. Ал баяғыда ше? Шалы қатты ауырғанда Өскеменге баар қаражат таптай жалғыз сиырын сатып еді. Ортаныш қызы почтада жүріп мойнына отыз сом ақша мінгізгенде, бүкіл ауылды аралап, бір сомдап жиып, әрен құтылмады ма... Дүние-боктың осыншалық жүйке тоздыrap алдамшылығын базары тарқаған жасында ғана біліп отыр. Ендігі тілеу – өрістеп кеткен бала-шагасының, шау тартып қалған шалының амандығы. «А, Құдай, солардың алдында ал, жалғыз ұлымнан топырақ бұйырта көр» дегеннен басқа арманы арнасы кеүіп, сарқылып біткен.

Кілегей сұып қалған ба, көпіршіген көбікке айналып көпкө дейін май түсе қоймады. Орнынан піспекті таяна тұрып, төргі бөлмегегі ілүлі тұрған ұлымның суретіне барды. Шаңын сүртіп, бетінен сүйді. Құн сайынғы бес уақ намаз секілді қаза жібермейтін әдегі еді бұл.

Осы кезде сыңысп есік ашылғандай болды. Іле-шала:

- Амансыз ба, апа? – деген әдемі де майдада дауыс естілді.
- Шүкір, танымай қалдым ғой.
- Ой, апа-ай, қартаяйын дегенсіз бе? Мен – Күміспін ғой,
- деп құшақтай алды.
- Ой, айналайын-ай! – мандайынан сүйді. – Көз құрғыр көрмей барады. Тойға келдің бе, Орынбай сау ма? Су мұрындарың мектепте шығар.

– Жалғызыратпайын деп сізге келдім... Ақан атамыз біздің үйде, Орынбай екеуі бастаңғы жасап жатыр.

- Құлқын сәріден үйінен безініп, ол шалға не көрінді?
- Оларды қайтпексіз, апа, онан да біз де бастаңғы жасалық,
- деп қол дорбасынан қойдың асықты жілігін, белдеме қабырғасы мен жамбасын шығара бастады. – Ағама арнап мал сойып едік. Басын соларға қалдырып, жамбасын сізге алып келдім. Сыбаға.

– Рақмет, жаным. Шай қоя ғой.

– Газға ма?

– Гәзі құрысын, самаурынға. Жып-жылымшы қылып, шәйнектің шайын ішіп отырамыз ба. Келгенің қандай жақсы болды, Күмісжан. Не істерімді білмей, құсадан жарылып кете

жаздал отыр едім. Әлгі Ақан да жөнін айтпай аттана жөнеліп, өзі де бір қыныр, қырсық шал. Менен басқа қандай әйел қырық жылдан аса жолдас болар еді. Баладан ары бақтым гой. Өзі де кірпияз, бірбеткей, кісіні көп жақтыра бермейтін кінәз неме.

Әңгімелейтін, шер тарқатып сергітетін адам таппай жалғызыраған Алма кемпір құлімсірей жайрандал ойда-жоқта Күміс кіріп келгенде, өз келінін көргендей қатты қуанып еді. Қимылы да ширап, дабырлай сөйлеп мәз болды да қалды. Танертеңнен әуре болған іркіт шелекті Күміс дүрсілдете толғап ары-бері пісіп еді, домаланған сап-сары майға айналды. Алма шешей дастарқан жайып, Алматыдан баласы жіберген үнді шайын, тәтті дәмділерінің аузын шешті. Екеуі қатарласа отырып, буы бүркыраған самаурынды орталарына алғанда ақшам жамырап, өрістен мал қайта бастаған. Сиырды Күміс сауып келді. Тырылдал мотор от алып, ауылдың шамы жанған. Бүгін жұлдыздықтар әсіресе көңілді, абыр-сабыр. Клуб манайы ығы-жығы ел, барын тағынған азаматтар. Ауданнан келер өкілді күтіп, дайындығымыздан мін тауып қала ма деп қауіптенген атқамінерлер тықыршып жур. Бірін-бірі қуалап, мылтық атысып ойнап жүгірген балалардың қуанышында шек жок. Сынықсып басып, сыңғырлап құлп қыздар, шайқақтай аяңдал қоразданған жігіттер жиналды. Ақсандай басқан Құмырай да үйінен шығып, клубқа қарай құлдаған.

Алма мен Күміс, Ақан мен Орынбай жеңістің отыз жылдығын өздерінше тойлады.

– Е, Күміс-ай, біз не көрмедік, – деді құрсініп. – Осы жеңіс деген сөзді есту үшін желкеміз үзілгенше жұмыс істедік емес пе. Мұрнымыздан қан ағып, зорыққанша таңды-таңға ұрып қимылдадық. Бәрінен де маган қын болған...

– Айтыңызшы, тәте, – деп өтінді Күміс, – біз көп нәрсенің анық-тәніншына қанық емеспіз. Сізге осы пенсия неге бермеді?

– Алмадым гой. Ұлым мен шалымның арқасында, құдайға шүкір, жетеді дүние. Отыз сом үшін арыз жазып, шал-кемпірлерді куәландырып, жүрем бе, тәйірі. Еңбегіміз сатулы емес. Халық үшін деді, Отан үшін деді, қашан қара жер қойнына алғанша қарекеттендік. Иә, оның барлығы да көрген түс, аккан судай. Адамды қартайтатын уақыт емес, уақыға гой. Алғаш Ақанды әскерге шақырғанда, жалғыз ұлымға екіқабатпын, екі-үш айлығында іште қалды...

* * *

Қойды қоралап, төлдерді қамап келіп, етті алдарына алғандар, әбден қас қарайып, керосин шамды жаққан. Шағын бөлмені ала қөлеңке жарығымен жүқалаң сәулелендірген шамның шаңырағы қаншалықты тазартта жуылғанымен қырындай жанған біlte бір бүйірін әп-сэтте қарайтып таstadtы.

Орынбай ет желініп болған соң құрт қосқан ақ сорпа әкелді. Тамақ ішіп отырса да сыңарезулеп сорып, аузынан тастамайтын темекісін шамның мұржасына тұтатып алды да, құшырлана сорды. Шал малдас құрып төрде отырған, енді әбден нықсырап тойғанын білдіргендей, дастарқаннан кейін ысырыла бір жамбастап жатып, насыбайын атты. Тыныштық – екі еркектің үлкен әңгіме алдындағы момақан тыныштығы.

– Ал, аға, қымыз ішіп тоғымызды басайық, – деді Орынбай.

– Әуелі қолымды жуып, далаға шығып келейін, – деп, бармагының басындағы шымшып ұстаган насыбайын құшырлана иіскеді де, аяғы үйип қалған ба, кирелендей орнынан көтерілді.

Көбен тауының салба-салба самырсындарының арасынан елік әупілдеді. Шошайып жеке дара қарауытқан шоқының ұшар басын қақ жарып ай шығып келеді екен. Осы қалпында құздың зәулім басына күмістен қақтап табак орнатып қойғандай әдемі көрінеді. Маңайды қара барқын түстен арылтып, саумал сәүлесін төгеді. Көл бетінде де тіршілік тоқтағандай, күндіз бейбіт жүзген сары ала каз бен қоңыр үйректер тұмсығын қанатына тығып үйқыға кіріскең-ау. Қора жақ та тыныш, мазаны алып, маңыраған малдың да жағы семген. Қыстан қалған шөпті құрт-құрт қүйсеген жылқының дыбысы талып естіледі. Тұнгі ауа таза әрі тау жақтан ептең жел еседі. Әлі де еріп үлгермей қасарысып жатқан сүрі қардың ашулы демі секілді сезіледі. Осындай маужыраған айлы тұнде шырқалар әнді сағынасың. Бірақ казір кім айттар ол әнді?.. Айтқан адамды жындыға балар. Таңертенгідей емес, көңілі көңірсіктен тазарған Ақан енсесін басқан ауыр жүктен арылғандай өзін-өзі азат сезінді. Ол жүкті арқасынан алып тастаған аузын ашса сыйлағыш дарқан мінезі еді. Мұндайлық таза да тәкаппар қазақы мінез жыл өткен сайын азайып бара жатқанын Ақан сезетін. Сезгенімен, тұнілген емес. Астындағы жалғыз атын түсіп берер мәрттік, аузындағысын жырып берер қолы ашық-

тық осы елдің аш-арық кезінде әлдекайда мол болып көрінетін. Ал қазір ше? Жыланға түк біткен сайын қалтырауық келеді-нің кебін киіп жүрген жоқтыз ба?

— Аға, жаурап қаларсыз. Тау тұні сұық болады. Үйге кіріңіз, — деген Орынбайдың даусы әлгі бір ойын бөлген.

— Бүгінгі тұн тіпті әдемі екен, Орынбай. Көбен тауының осыншалық сұлулығын бұрын неғып байқамағанмын.

Өзі бес жылдан бері сары жұрт қылып, қыстап келе жатқан жерді жаңа көргендей антарыла қарап, дедиіп тұрған жігіт:

— Ой, аллау, расында да, кинодағыдай керемет қой өзі, — деді таңданып. — Сізге еріп көз салып тұрғаным осы, қол тимейді, ага.

— Анда-санда қарап жүр. Көнілің сергиді. Қысылтаяң шақтарда табиғатпен сырлассан, жудеген жүрегіне серік болады. Шаршаған сәттерінде бойындағы ауыр азаптан арылтып, майдаконыр мұнға жетелейді. Ал мұн — өмірбаки менің жан жолдасым болып келеді.

Шарасы күміске енді ғана тола бастаған айға қарап, бозбаладан бетер емірене қиялдап тұрған Ақан шалдың қазіргі бітімі өмірден өкінішсіз өткен бейқам адамнан гөрі алысқанмен алысып, айтысқанмен айтысқан, бірақ жоқтан өзгеге жасып, сағы сынбаған рухы мықтылықта аңғартқандай. Сәл еңкіш тартқан кеуде бұған дейін аспанды аңсап келген адамның енді бір үміті жерде қалып, ертеңіне үңілген пошымын танытады. Дегенмен жетпіске аяқ артқан ақсақалдың қиял қанаты талып, сезімі сірнеленбегеніне қайран қаласың. Қасында екі қолын артына ұстап, ай нұрына шомылып, мұнартып жатқан тауға қадала қараған Ақанға еліктең, көз салған Орынбай өзін бұл кісіден әлдекайда қарттан сезінді. «Жас болуды қарттардан үйрену керек шығар» деп ой түйді.

— Ал енді үйге кірейік, — деп Ақан шұғыл бұрылып, есікке беттеді.

Ала барқын тартқан бөлменің іші беймезгіл айтылар әңгіме, әдібін ашып сырласар шыншыл сұхбатқа әдейі арнап жасалғандай. Жым-жырт, ұядай жылы, көз құртын жыбырлатар сұлулықтан ада, жұпыны да жарасымды. Дүниедегі асыл зат, жалтырауық байлықтың көл бетіндегі көбіктей де салмагы мен сапасы жоқ алданыш екенін дәлелдегендей — қарапайым тірліктің мәңгілігін айғағағандай, осылайша жалғызың, жалғыз төсек, жалғыз пешпен-ақ мың жыл жасауга, адам деген атты

жоғалтпауға боларына Орынбайдың қыстағы күәгер іспетті. Нағыз кой үстіне бозторғай жұмыртқалаған заман, бейбіт те берекелі, баяны ұзак өмір дегеніміз осы емес пе. Баяғыда халықтың осы секілді жылқыдай жусаған тірлігін бұзған кім еді? Гитлер болатын, соғыс деген лаң болатын... Егер осы соғыс болмаса әлем бетіндегі үлкенді-кішілі мемлекеттер бүгінгідей бақайшағына дейін қаруланбас еді, иесін қырып дүниесін иемденіп қалар бомбалар ойлап табылmas еді... Демек, қазіргі қоқан-локы қауіптің басы бұдан отыз жыл бұрын басталған.

– 1942 жылдың, яғни ескіше айтсақ, жылқы жылышын қақпан айында Жұлдыз ауылынан бір топ азамат майданға аттанатын болдық, – деп бастады әңгімесін Ақан шал. Насыбайын атып, мүйіз шақшасын жан қалтасына қайта салды. Алдында мөлдіреп тұрған қымыздан бір ұрттап, кесені ысырыңқырап қойды. – Күн сұық болатын. Күннің сұығы емес еді ғой бізді кинаған. Ер жігіттің басына нелер келіп, нелер кетпейді. «Ерекек тоқты – құрмалдық» деп атамыз қазақ баяғыда айтпады ма. Табиғат екеш табиғатта да еркектері азайып, ұргашылары көбейіп жатпай ма. Бұл өзі өмірдің заны іспетті, ұялмай айтсақ, он бес биеге бір айғыр, бір қора қойға жалғыз-ақ қошқар ұстайды гой... Артымызда аңырап қалған ана, жылап-еніреген әйеліміз бен әлі қара табан болмаған шиеттей бала-шағаларымыз қалып, сарт-сұрт аттана жөнелгенде, бәріміздің көкейімізде жалғыз-ақ тілек, жалғыз-ақ арман, жалғыз ғана ой бар еді, ол ой – қара шаңырақ, қаймана жұрттымызды енді қайтып көре аламыз ба, жоқ па... Міне, осына көкейді тескен саудалды бес жыл бойы арқалап жүрдік. Иә, біз елден бір кісідей – солдат болып аттандық, бірақ бәріміз бірдей солдат болып орала алған жоқпыз. Міне, отыз жыл болды, менің қыр сонынан итше тіміскілеп қалмай келе жатқан қасірет. Ұзакқа созылған ауруым дейсің бе, жоқ, қалқам, оқыс болса быламыққа да тіс сынады, ішкениң алдында, ішпегенің артында, құс төсекте жатып та сырқаттана бересің – байқасам, жер қазып, мал бағып, егін орып жүргендерден гөри ақсаусақтар көп аурушан... Біздер, еңбек армиясында болғандар жаумен мылтықсыз шайқастық, сондықтан да, әрине, өлім-жітім аз болды, сондықтан да қадірсіз болдық. Дене жарасынан жүрек жарасы әлдекайда ауыр дегенді ширек ғасырдан бері Құмырайға түсіндіре алмай-ақ келемін... Қайтейін, тағдырдың жазузы шығар.

...Ауылдан алғаш рет улап-шулап батыс қайдасың деп жүріп кеткенде бізді майданға апармай, қара жұмысқа салады деген ой үш ұйықтасам түсіме кірген емес. Барлығымыз да тепсе темір үзердей азаматтыз. Алдымызды шақырылған жігіттер секілді екі-үш ай дайындықтан өткізіп, содан соң қолымызыға мылтық ұстап уралап жауға шабамыз деген үмітіміз Өскеменге келгенде үзілді. Кім болған күнде де пендеміз ғой, алғашында қуандықта. «Құдай сақтады-ау, бала-шағамыздың көз жасы жібермеді-ау», – деп тілеу тілеген жігіттер де болды. Несіне мактанайын, ондай жымсыма қуаныш мені де мендеген. Үлкен ағамыз Ақтайлақ пен кіші ініміз Бағдат менен бұрын шақырылғанды. Соғысқа кірдік деген алғашқы хаты келіп те үлгерген. Бір шаңырактан бір адамның аман қалар үміті жылтырағандайтын. Рас, ол арман орындалды. Бірак қалай?

Ауылдан менімен қоса Қожақ, Қаймақ, Бура және Құмырай – бес жігіт бір күні, бір тізіммен аттанғанбыз.

Сейтіп, Свердлов облысын бетке алып поезға міндік. Ол кезде, немене, поезд өте шабан, жүруінен тұруы көп, он күн дегенде діттеген жерімізге әрен жеттік-ау. Қара жұмыс, адамды адам атып жатқан соғыс емес қой, жігіттер ал дегенде-ақ қолдарына түкіріп, үлкен жігермен кірісіп-ақ кеткен. Ал менен, неге екенін білмеймін, бір усоқыдай уайым кетпей-ақ қойғаны. Майданға бармадым, кеудемді оққа тесеп Отанды қорғамадым деген, жалынды тілек дейсің бе, жо-жоқ, жарқыным, олай десем өтірік айтқаным, ал мен өлсем де өтірік аита алмаймын. Жалғыз күн болса да жан сақтай тұрғысы келмейтін адам жердің астында да, жердің үстінде де жоқ-ау... Болған күннің өзінде де ол не жарымес, не ауру... Қазір ойлаймын: егер мен соғыста, жауып тұрған оқтың астында жатсам да, қалайда тірі қалудың амалын іздер едім. Өйткені, жену дегеніміз – өзің өлу емес, өзгені өлтіре ғой.

Ал дегенде атойлап-ақ кіріскең жігіттер күн өткен сайын қалжырай бастады. Жұмысты кезек бойынша он-он екі сағаттан істейміз. Мениң еншіме таңғы сегізден шығу тиді. Қазатынымыз «Огнеупорный глина» деп аталатын ақ топырақ. Жарықтық елеген ұн секілді майда, шайнасаң тісіңе тас тимейді. Экскаватор қазған тоң карьерге қарай вагон жүретін темір жолды жылжытып отырамыз. Алғашында қырдан келген қазақ жігіттері бұл жұмыстың қыр-сырын білмей көп әүреге

түсті. Бәлкім, бізді артық шаршатып жіберген де осы істің ығын білмегеніміз шығар.

Жұз шамалы жұмысшы бір барапта жатамыз. Барап... Қазіргі жайлалаудай жап-жасыл рақат заманда, әсіресе жеңіс күнінде, сол шақта көзбен көріп, бастан өткерген ауыртпалықты айтсақ, мүмкін қысынсыз да болып көрінер.

Куаныш үстінде қайғыны қаузау – әбестік те. Қыындықтан қашу бар да, сол қыындыққа көндігу, төтеп беру бар. Бұл жерде жалаң төс батырлықтың, жалған айғайшылдық пен белсенділіктің түкке де қажеті жоқ. Тек қана қайыспас қайсарлық, неге болсын шыдап кетер көнтері итжандылық қана керек болар. Тек қана қайыспас осы көмпістіктің арқасы шығар-ау. Әрине, біздерден кереметтей ерлікті ол шақта ешкім талап еткен жоқ, ондайлар болған күннің өзінде арқасынан қағып аспандатаруақыт, неболмаса омырауынажылтыратып қадар белгі де жоқ еди. Соғыс кезінде қара жұмыста болғандар енбегі әлі де шын мәнінде бағаланбағанын жасырып керегі не. Олар туралы үлкен жиналыстарда айтылып, кітаптарда жазылған жоқ. Еңбек әскері қатарында болғандар – белгісіз ерліктің иелері. Бірак олар ешқашан да өздерін қан төгіспен келген Ұлы Женістен тыскарымыз деп есептеген емес. Айталық, қақаған аяз, қалың қардың астында жатқан топырақты қазып, күндіз-түні жөнелтпесек, ол отқа төзгіш топырақтан металл қорытатын алып қазандар жасалмаса, демек, жауға атылар қару-жарақ уағында жеткізілмесе, бақайшағына дейін қаруланған басқыншымен жұдырықтасар ма едік... Сондықтан да Белка руднигінде жілікті де сіңірлі сандаган азаматтар жанталаса жұмыс істеді, әр күрек топырақты жаудың қанағатсыз көзіне шашты.

Бірак... қызық, біз үшін Гитлермен соғысқаннан гөрі қандаламен арадағы айқас анағұрлым ауырлау болғандай еди. Ағаштан қып жасаған ат шаптырым сарайда қатар-қатар ағаш нар бар. Үстімізде жамылар көрпеміздің, төсениш пен жастығымыздың ішіне сабан тығылған. Жаздың күні болса бірсәрі, қыста сүйк тартады еken. Түні бойы тісіміз-тісімізге тимей сақылдан ұйықтай алмаймыз, тек жұмысқа шыққандаған қимылдаған соң бойымыз жылынады. Бірак әрі-беріден соң көзімізге үйқы тығылып, қалғып-шұлғып жүрер едік. Ауылдан келген бес жігіт алғашында жұбымыз жазылмай бірге үйиқтадық, бірге тамақтандық. Кісі сырт жерде жүргенде ғана

бір-бірінің қадірін біледі ғой, бұрын ауылдағ болсақ, Оралда туыс бол табыстық. Келгенімізге жарты жылдан асып кетсе де, ел-жүргіттан хабар алмадық. Ишімізден іріктең соғысқа жіберіп те жатты. Ондай жұлдызы туғандардың бақытына қызыға да қызғана қарап, шығарып саламыз...

4

Алғаш Ақанды өскерге шақырғанда, жалғыз ұлымға екіқабатпын, екі-үш айлығында іште қалды, – деп әңгімесін жалғастырды Алма кемпір. – Тамам әйелдер жылап-сықтап күйеулерін Құркіремеге дейін шығарып салды. Ауылдан екі шақырымдай жердегі Құркіреме бұлағы азаматтарды майданға аттандыраң табалдырық секілді, алғаш соғыс басталғаннан бері сол жерге қашшама рет көз жасымызды көл етіп барып қайттық десенші. Жалғыз-жарым емес, ерлері алынған немесе алады-ау деген тамам қатын құндыздай шұбап, тобымыз жазылмастан ере барап едік. Ол кезде, немене, жиырма бес шақырым жердегі аудан орталығы Катонға қатынар көлік жоқ, жолаушы шыққан адам дорбасын арқалап жаяу тартатын. Сақылдаған сары аязда арыстай бес еркек – бес бәйтерегімізді қөзімізше өлімге шығарып салып, құр сұлдеріміз ғана үйге оралдық. Басқаны білмеймін, ауылға денемді ғана алып қайтқаным болмаса, жүргегінді Ақан алып кетіп еді... Ер-азаматтың қадірі мен үшін әсіреле артық, қозімнің қараышындағы қымбат, жаным мен бойымдағы барымды садақалар ардағым еді... Отызға жана толған кезімде бір емес, үш рет тұрмысқа шығыппын, еріккеннен, женіл жүрісті болып желіккеннен бе екен... Тағдырдың иті ондырмай қапса қайтейін... Ол сырымды шешен болмаса, сен білмейтін шығарсың, қалқам. Он бес жасқа жана толған уыздай жас шағымда, он екіде бір гүлім ашылмаган бота тірсек, бұла шағымда үлкен ағамыз Сәрсенді үйлендіретін қалыңмал таба алмай, байдың бір ынжық ұлына ұзатып жіберді. Жылай-жылай кете бардым. Мениң қалыңымға алған малды айдал беріп ағайыма келіншек әперді. Үш жылдай тұрған соң екі құрсақ көтердім. Көп ұзамай күйеуім қайтыс болды. Өзі де дімкәс, жарымжан адам еді. Екі баламды алып төркініме қайтып оралдым. Үлкенін бала көтермеген әпкеме – Дүрияға бердім, ал кішісі апамның бауырында өсті. Колхоздастыру басталғанда осы Ақанның туған ағасы Ахмет сөз салған. Өзі де тепсе темір үзетіндей, иықты әрі келбетті жігіт еді марқұм. Өзіме ме, жок,

болмаса көзіме қызықты ма, екі баламен қалған жесір демей, кәдімгідей кәдесін жасап қада түсті (Жас кезімде женгелерім «жақсықөз» деп атаушы еді). Тағы да ұзатылдым. Бір жылдай отастық. Шәй деспей тату-тәтті ғұмыр кештік. Құдайдың ісіне қарсы келген кім бар, аяқ астынан ол да сырқаттанды. Төсек тартып, саржамбас болып көп жатты. Бұлардың арғы аталары батыр болған гой, тек қана тік сөйлеп, тік жүргуге жаратылған. Иненің жасуындай қорлыққа шыдамайтын, басынан сөз асырмайтан өткір де өркөкіректеу. Әсіресе, ашуланғандары жаман, қаһарланса не қан қылуға, не қан болуға баар... (Ол мінез Ақанда да, жалғыз ұлда да баар). Төр алдында ұзынынан түсіп сал болып тұра алмай жатқан Ахмет бір күні мені қасына шақырып алды да, еркелетіп шашымнан сипады. «Жудеп кетіпсің гой», – деп жүзіме үнілді. Ондай әйелжанды мінезі жоқ, қатал да сүйк жігіт еді, бұл оқыс қылығына таң қалдым. Сондағана байқадым, оты сөнуге айналған жанарында жас бар екен. Алты алашты аузына қаратқан арыстай азаматтың қатындарша босауы менің де сай-сүйегімді сырқыратты. Бас салып құшақтап, басымды бауырына тығып ботадай боздап жылап жібердім. Ол алақанымен көз жасымды сұртті де: «Ертең-ақ тұрып кетемін, – деді күліп. – Неге екенін білмеймін, таңдайым таңдайыма жабысып шөлдеп барам, сусын әкелші». – Ойымда ештеңе жоқ, су арапастырған сүйкайранды алып қайтып оралсам... қайтып оралсам... жez мойын, мүйіз сап пышақ қадалған Ахметтің кеудесінен қып-қызыл қан, қып-қызыл қан аспанға шапшып жатыр... Талып қалсам керек, Ахметті жуып-шайып он жаққа салғандағана есімді жидым. Міне, осылайша екінші күйеуімді де қара жердің қойнына беріп, екінші рет қара жамылып, қан жұтып жесір қалдым. Содан бері мал бауыздаса жанына жоламай, ішек-қарның аршуға бірақ келемін. Содан бері қызарған сүйк зат көрсем, көзім қарауытып, басым айналады. Содан бері ешқашан да қан көрген жоқ деп ойлайсың-ау, айналайын, көрдім, көп көрдім. Құдай алмаған соң жер басып, ырзығынды жеп жүреді екенсің... Ахмет қайтыс болған соң ата-енемің рұқсатынсыз төркініме кетіп қала алмадым. Тіпті, не бетіммен қайтып барамын, тіпті, барған күннің өзінде де қанды көйлек деп үйге кіргізе ме. Сыртқа шыға қалсам ауыл адамдары әзірейіл көргендей, шошына қарап, теріс айналатын болды. Су алуға өзенге барғанда Бұқтырмага ағып өлейін деп,

сан рет оқталдым да, шыбын жанымды қия алмадым. Мұмкін, бала-шагамың бақыты жіберменеген шығар.

Ақан агасы өлгенде жиырмага жаңа толған жас жігіт еді. Көп сөйлемейтін, агасындай емес, түйіктау әрі талдырмаш, жуас болатын. Колхоздың жұмысына ерте кетеді, кеш келеді. Жүзімізге дұрыстап қараған да емеспіз. Бір құні ата-енем мені шақырып алды да: «Келінжан, Ахметтің өлімі үшін жолы ауыр, аяғы құтсыз деп сені кінәлап қайтеміз. Жазмыш солай шығар, өлген азамат тіріліп келмейді. Бүкіл бала-шагамызбен сені шын жақсы көреміз. Қимаймыз. Бұл үйдің босағасына сендей келін түссе, одан артық қуаныштың керегі жоқ. Ахмет қайтқанмен, шүкіршілік, құр алақан емеспіз, інілері бар, әменгері табылады. Қарсы болмасаң Ақан екеуіне неке сұын ішкізуді қош көріп отырмыз. Онымен ақылдастық, жөн-жосықты билетін бала ғой, «женгемді қаңғырта алмаймын» деді жарығым.

Мен не дерімді білмедім, тіпті, өзіме өзім сенбедім де, бар қолымнан келгені – жыладым... Тәңірім-ау, үшінші рет... Санын қойши, құні ертең Ақан оқыс болып кетсе, қара жер қақ айырылып, түсіп кеткенім оңай емес пе. «Ол – жас қой» дедім дірілдеген сенимсіз үнмен. «Бес жас қана кішілігі бар, бес жас - бел құрдас деген».

Мен тек қана ата-енемнің қөңілін қимай түрмисқа шықтым осы шалға... Кейін жарасып кеттік. Дүниеге үш қыз келді. Төртінші балаға жүкті кезімде соғыс деген сұмдық шықты ғой...

Ер азаматтың бағасын мендей білер ешкім жоқ дегенім содан да. Бардың қадірін сезіну үшін жоғалту керек еken, тоқтықтың қадірін білу үшін ашығу керек еken. Біз бәрін де көрдік.

Бұрын Бұқтырманың жағасындағы екі бөлмелі төбесі шатырланбаған тоқал ағаш үйде тұрушу едік. Оның өзі Ережеп байдың Мағауия деген баласының қыстағы. Кәмпіске кезінде Ахмет арзан бағаға сатып алса керек. Үйелменіміз үлкен: ата-енем, қайныларым: Ботай, Қатай, Женісхан, қайын сінлілерім: Сандугаш, Қарлығаш, Әсия; өз қыздарым: Шолпан, Айман, Ләzzат бар және біреуі ішімде. Әжетке жарағандары – төртеуі ғана, қалғандары әлі жас, құстың балапаны секілді кешке шаршап-шалдығып жұмыстан келсөң аузын ашып, тамақ дәметіп отырады. Бар ауыртпалық маған түсті, колхоз басқармасы қайда жұмсаса – сонда, екі етекті түріп салып

шапқылаймын да жүремін. Ол кезде, бәлкім, заманның талабы солай болды ма, жоқ жергілікті басшылар жесір әйел, жетім балаларды тым басынып, әпербақандық жасап жіберді ме – ол жағын ашып айта алмаймын. Әйтеуір, аяушылық, жағдайға қарау дегенді білмейтін. Таң бозынан есік алдында ат ойнатып айғайлап оятады, қас қарайып жұлдыз туғанша жұмыска салады. Кейде ай жарығымен де жер жыртып, арық қазып, жазда шөп маялап жүрдік. Сондықтан да женген шығармыз... Мүмкін, солардың арқасы шығар жеті басты жауды айдан ініне тыққанымыз...

Жарықтық көктем де туды-ау. Маған, жылдағыдай емес, қар ерте еріп, жер тез қарайғандай болып сезілген. Тоңжібіп, топырақ бусанғаннан-ақ, жер жыртып, дән себуге шықтық. Он-он екі жасар балалар – ат айдаушы. Соқаға екі ат, құлышынды бие, кейде өгіз, қысыр қалған сиырларды жегетінбіз. Алғашында мен соқа ұстадым, содан соң тісті тырмаға ауыстырды. Тырманы жалғыз ат тартады, мен жетелеп жаяу жүріп отырамын. Бұл соқа ұстағаннан гөрі женілірек тиді. Байғұс Файша жаны ашыды ма, басқармаға барып, менін жүкті екенімді айтып, өзінің аспазшылық орнын маған берді. Тасқайнат ылғи санқылдан сөйлеп, жарқылдан күліп жүретін көңілді әйел еді, соғыстан соң жінішке аурудан қайтыс болды.

Аузымыздығыны жырып майданға жібереміз де, өзіміз шиқылдан аш жүретін едік. Оразамызда ашпай жер жыртып, өзегіміз талған соң азыздағы былтырдан қалған масақты теріп, қуырып жейміз. Ал колхоз сотық орындағандарға бір аяқ көжени артық беруші еді. Жалғыз қарағайдан бүгінде актаңлақ болып, сортаны шығып жатқан даласын қаражондан, таспадай тіліп тастаған әйелдер қарға адым жердегі үйіне бара алмай, кос басында түнейтін. Үйлерінен ала келген қомшасын төсей салып, әлі сызы дегдімеген топырақтың үстіне құс төсекке аунағандай жата-жата кетер едік. Қар көк аспан, сол қаракөк аспандағы сансыз жұлдыздарға телміріп, әрқайсымыз өз жарымызды емірене еске алушы едік; содан соң Файша шалқар унімен, мұқым даланы, іргеде ғана үн-тұңсіз қалғып түрган тауды жаңғырықтыра ән бастайтын; ол әнді қатар-қатар жерде жатқан әйелдер іліп әкетіп, қосыла шырқағанда зіл болып басқан ауыр шаршаудан, еңсені езген зұлмат қайғыдан арылып, бақыттың бір сәттік тәттісін таусар едік; көніліміздің көк дөненін ерттеп мініп, өзіміз де білмейтін жұмаққа аттанар едік; мұрынға жана

жыртылған жердің дымқылы келіп, сағыныштың – ер-азаматқа деген ансаудың астарында бойымыз балқып, себепсіз масаяр едік... Осы кезде кара жерді дүрсілдетіп ауыл жақтан ақ боз ат ағып келе жатар еді. Ақ боз аттың үстіндегі колхоз бастығы Нартай екені бәрімізге мәлім. Тұн жамылып келіп, үйіне қашып кеткен эйелдер жоқ па дегендей, түгенден қайтар әдеті бар. Ауыздығын қарш-қарш шайнаған атын ойнақшытып, айғай салды: – Жолдас қатындар, қазір мен аттарынды атаймын, «менмін» деп дауыстап орындарыңнан атып тұрындар.

Сұлап-сұлап жатқан эйелдердің ешқайсысы үндеген жоқ. Файша жарықтық батыл еді ғой, оның сөзін естімеген кісімсіп, тағы да бір әнді әуелете шырқап қоя бергені.

Ау, Гұлайым, Гұлайым,
Ойламашы уайым,
Майдандағы ағайдың
Денсаулығын сұраймын.

Біз қосыла жөнелдік. Нартай бастық не істерін білмеді. Бар қолынан келгені ақ боз атымен тапап кетердей омыраулата тебінді. Есті жануар есерсөк иесінің бұл қылышына көне қоя ма, ән айтқан тірі кіслерден тайсақтап қайта-қайта ала қашады.

– Ән айтасың, ә! – деп кекетті Файшаны.
– Ән айтамыз.
– Шаршамаган екенсің, ә?
– Шаршаган жоқпыз.

– Мен сені шаршатармын, кара қанышық. (Үят болса да айтайын. Ол кісі былапыт сөзді көп араластырмай сөйлей алмаушы еді ғой). Ертең кенсеге кел, – деп, атын сауырладауылға қарай құйын-перен шапқылай жөнелді.

– Қолыңнан келгенін аяма. Көп болса борананы жаяу сүйретерсің, пішту, – деп, артынан топырақ шашып долданады Файша. Біз мәз боп қүлеміз. Құлкіміздің ертең көмір боларын да білеміз, бірақ көзімізден жас ақканша қүлеміз. Бұл тіпті де құлқіден туган жас емес-ті, басқа... Қайғыдан бастау алғып, құлқіге айналған жас еді.. Тұннің бір уағында тоңазыдым ба, болмаса құлағымды жана жандана бастаған құрт-құмырсқа жыбырлатты ма – оянып кеттім. Талығып барып үйқыға бой алдырған эйелдер біреуі қорылдаپ, біреуі пысылдаپ бүрісіп-бүрісіп жатыр. Ішін тартып, өксіп барып екінші жамбасына аунап түскен Файша, ашылыңқырап қалып еді, іргесін қымтап қайта жауып қойдым. Қолым денесіне тиіп кетті ме, «Алла,

алла, бұғ кім», – деп басын қақшаң еткізіп жұлып алды. «Мен Алмамын ғой», «Түу зәрем ұшып... Нартай екен деп...» Басын бүркеп қайтадан жатып қалды. Содан соң ұйқым келсейші, көзіме ине тіреп қойғандай кірпігім-кірпігіме айқаспады. Ойыма қай-кайдағы түседі... Сон-а-ау қаракөк аспанда көз қысысып, жердегі біздерге елжірей қарап тұрған жұлдыздарды теріп алардай телміремін. Кейбіреулері зу етіп ағып түседі. Әр ақкан жұлдыз – өлген адам деуші еді, ескі көз қариялар... «Құдай сақтасын, – деп күрсіндім, – бетін ары қылсын». Ақан әскерге аттанар тұнді есіме аламын. Онда да таң бозына дейін кірпік ілмеп едік қой... Темір пешке маздатып от жағып қойып, күбір-күбір сыйырласқанбыз. Арамызда ел айта беретін сүйіспеншілік, гашықтық деген ыстық ынтызарлық болмай, тағдырдың жазуымен, ата-ананың үйгаруымен оқыстан қосыла салсақ та, күн өткен сайын өзіміз де сезіп, байқамай қалған жұқалан сезім, жұмбактай жіп мәнгі айырылмастай ғыпп матап, байлай бастаған. Ол мені есік көрген ересек әйел деп қорламады, тіпті үш қызды дүниеге әкелген әке болған соң, қалай басынамын десе де көнер едім, өйткені менің бұл үйден басқа барап жер, басар тауым жоқ еді... Қашан шашымнан сүйреп, шығарып тастағанша қолындағы құлы, есігіндегі қүңі боп өтуге бекінгенмін. Бірақ Ақаннан ондай тәйтік мінез, сұық жүріс сезілген емес. Кейде қатындар, қалжын-шыны аралас: «Алма, сенің сикырың бар ғой деймін. Күйеу-қайның дуалап тастағандай сенен шырғалап шықпайды. Уыздай жас келіншегі бар еркектер бүйірімізден тұрткілеп тыныш журмейді. Ал ол болса бетімізге тұра қарап, көз қысқан емес», – деуші еді.

Құдайдың қарғысына қашанғы ұшырай берем, мейірімі маған да түскен шығар.

Ақанда жалғыз-ак арман бар еді. Алайда ол арманын да күйеуімсініп күйгелектеніп немесе ах ұрып күйзеліп айтпай, соғысқа шақырылған түні ғана шашымнан сипап жатып, еркелетіп назбен білдірді ғой.

– Алма, – деді ақырын ғана сыйырладап. – Мен болсам қанды жорыққа аттанамын. Оралармын, оралмаспын – екеуі де суішкілікке байланысты екіталай дүние.

– Ораласың, Ақаным, сөз жоқ, ораласың, – деп жылап, мойнынан қапсыра құшақтай алдым. – Сені де жоғалтуым мүмкін емес. Менде не қалады сонда?

– Ақырын, балаларды оятасың, – деді алақанымен жасқа толы жанаарымды сүртіп. – Жұдеп кетіпсің ғой... «Күдай-ау, – деймін ішімнен, – Күдай-ау, Ақмет ағасынан айнысайшы, ол да шашымнан сипап, осы сөзді айтып еді ғой, ол да... өлерінде осы сөзді...» Өксігімді баса алмай зар еңредім.

– Қой, жылама, жаман ырым бастап... ендігі үміт, ертеңгі ғұмырым сенің құрсағында. Өмірге құлыш келсін, ат ұстар ұлым келсін... Өзгесінің барлығы өзекті жанға түк емес. Күндей құркіреген соғыстың шегі болмас дермісін. Келермін, келмеспін кіндігімді жалғап, түтінімді өшірмесен – бұдан артық бақыттың керегі жоқ.

...Ақанымның маған қалдырған аманаты жым-жырт, ішімде жатыр. Ақырын ғана сипап қоямын. Дөңбекшіп жамбасым талған соң, тұрып кеттім. Ай әлі туда қоймаған өліара кез еді, неде болса тұн жамылып, үйге барып қайтуды ойладым. Жалғызқарагайдың сайлауына түсіп, тоғай арасындағы жалғыз аяқ соқпақпен ауылға төтелей тарттым.

Ол кезде есіктің сыртынан, не ішінен бекіту жоқ еді ғой. Үйдің ішіндегі адамдардан басқа іліп алар заты болмаса ілгек салып қайтеді. Қаранғыда сипаланып, оттық іздел жүріп, шелекке аяғым тиіп кетті. «Алмамысың», – деді енем. «Менмін». «Шүйінші, Ақаннан хат келді». «Айналайын, апам-ая, рас па». «Рас, Алмажан, рас».

Аттанғалы келген алғашқы хаты... Майшамның өлеусіреген жарығында үшбұрыштанған хатты қолым дірілдеп, асығыс аштым да, дауыстап оки бастадым. Атам, қайындарым мен қыздарым қыбырлап оянып, үрпіп-үрпіп тыңдал отыр.

Ақанның хаты: «Аса құрметті үй-ішім, бала-шагам! Алтайдың асуындей Бұқтырманың тасуындей, күннің қызыуындей, жүректің жылуындей сағынышты сәлемімді жолдаймын. Мен аман-саумын. Майданға жібермеді, Орал деген таудағы кенде жұмыс істеп жүрміз. Жағдайымыз жақсы... Тамақ тоқ, баспанамыз жылы дегендей... Жұмысы да женеіл, жанымыз қиналып жүрген жоқ, кезектесіп істейміз. Бар уайым – сендер ғанасыздар. Алма, он шақты адамды асырап-сақтау саған қын тиіп жүрген шығар. Шыда, жаным, жауып тұрган оқтың ортасында жүрген жоқпын ғой, дәм тартса мен де оралармын. Бізге осыншалық мейірімі неге түскенін білмеймін. Тәнірдің берген сыйы шығар... Тіпті жігіттер жардай болып семіріп алды... Аз-мұз айлығымыз бар. Алғашқысын сендерге жолдан

отырмын. Елде қандай жаңалық бар? Майданға аттанған ағайын-туғаннан хабар бар ма? Ақтайлақ пен Бағдаттан хабар келді ме? Сұраган жанға дүгай-дүгай сәлем айт. Бала-лардың бетінен сүй. Сәлеммен Ақаның. 1942 жыл, көкек айы».

Қуанышымыз қойнымызға сыймады. Енем: – Құлымай, аман-есен екен ғой. Бәсе, түсімде ақ боз атқа мініп, Бұқтырманың тасып жатқанына қарамастан, салып-ұшып өте шығып еді, – деп көзінің жасын шылауышының ұшымен сүртті.

– Кемпір-ай, ертең қара серкені соямын, – деді Атам. Ал мен... үнсіз отырып қалыптын. Қуанған мен қорықкан бірдей деген осы-ау... Жұз сом ақшаны атама бердім. Ол кісі құнжың-дап қойнына тығып, бата жасап, бетін сипады.

Таң құланиектене берген елең-алаңнан құстай ұшып Жалғызықарағайға қайтып оралдым. Құрбыларым пырдай болып, тұқ серіппей үйіктап жатыр екен. Баспалап келдім де, өз орныма жым-жырт жата қалдым. Ешқайсысы сезген жок. Әлгіндей ұлы қуаныштан соң үйіктау мүмкін бе, ақ боздана бастаған шығыска қарап телміремін. Таң хабаршысы бозторғай шырылдай бастады. Көкек шақырып, бытпыш дақ үн қатты қарағанның арасынан. Шанағынан асып, тас-талқан болған Бұқтырманың үні құлағыма бұрынғыдан ары жағымды естілді. Соншалықты ракат, соншалықты әдемі... «Алла тағалам осы қуанышымнан айырмаса екен. Маған көп нәрсенің керегі жок, тек барымнан айыра көрме», – деп жалбарына тіледім.

5

...Біздің ішімізден іріктең соғысқа жіберіп те жатты. Ондай жүлдізы онын тұғандардың бақытына қызыға да, қызғана қарап, шығарып саламыз, – деп Ақан ақсақал әңгімесін одан ары жалғастырды. – Дегенмен бармай, дізімге ілінбей қалғандарына іштей тәубалағандар да жоқ емес еді... Ауылда бес жігіттің ішінде ең қартаңымыз – Қаймақ, жуас та біртоға кісі ғой. «Е, өзі берген жанды құдай өзі алады да. Неге болсын бас шүлғып көнгеннен басқа амал жоқ», – деп нардың үстінде қисайып саспай жатар еді. Бура – тәпелтек кішкене жігіт. Үнемі мен-зен жүретін. Өзінің тым аласа, қауқарсыздығынан жасқана ма, жоқ болмаса бізге жұмбақтылау киялмен басы қатып жүре ме, тұра алдына келіп: «Бураш, хал қалай?» – деп

дауыстағаныңша байқамас еді. Ыржия күліп бетіңе қарайтын да, «аман-аман» деп иегін қағып, өте шығар еді. Ал Қожак аусар мінезді, өзінен басқаның барлығы санырау адамдай даңғырлап сөйлейтін, ашуның алды бар, арты жоқ. Маган үйірсегі де сол, бір төсекте жатамыз, бір қаңылтыр аяқтан тамақ ішеміз.

Аудан орталығы Серовтан әскерге шақырган қағаз келген сайын бұтына жібере қорқатын Құмырай ғана... Әрине, бәріміз де елендей, атымыз қашан аталар екен деп, адамдық жүрекпен сасқалақтарап қаларымыз рас, бірақ Құмырай құсап қалышылдан кетпейтінбіз; ол аяқ-қолы дірілдеп, аузындағы шылымын шайнап-шайнап жіберетін; бір отырып, бір тұрып есі қалмай тықыршитын.

— Құмеке-аяу, мындаған азамат соғысып жүр гой. Несіне сасқалақтайсың, — дедік бірде ауылдастымыз үшін ұялып. Ол тұлан тұта ашуланды.

— Батпақ қазып жүріп батыр бола қалуын. Көрер едім к..ді, алдыннан анталап неміс шыға келсе, былшылдамындар, — деп ат құйрығын кесісті. Содан былай бөлек жататын болды. Ишімізден ең алғашқы болып үйінен сәлем-сауқат алған да Құмырай, теріс қарап отырып ашты, теріс қарап отырып жалғыз өзі жеді... Ешқайсымызға дәм татырмады. Біз оның қотиын қылышына өкпелеген жоқпыз, тек Бура ғана тісін қайрап, кіжінетін. Кішкене кісінің мөнкіп, тулағаны қызық екен, титімдей ғана жұдырығын түйіп, тап-тап береді. Соナン соң өзінен-өзі ырсиып күледі.

Көктемнің алғашқы шуағы қалың орманда, касат қарлы Орал тауларында себезгілей бастағанда, біз де ептең сергігендей болып, қатқан денеміз жылынғандай еді. Амал қанша, қашан жер кепкенше табаныңа жабысса қырғылап кетіре алмайтын сар балышыққа тап болдық. Май айы туганша ылжырап жатып алды. Қыс бойы қоныштың орнына шұлышқа ораған шарқай бәтеңкені сүйрелеп шыққанбыз. Ал жазғытұрымғы лайсанда кісі басы бір-бір етік берді. Оның өзі дым тартады. Үнемі кигендіктен бе, резинка етігің барып тұрган құдайдың бәлесі екен, аяғым сырқырап, қақсайтынды шығарды. Қөптеген жұмысшының сіңірі тартылып қалды. Қаймақ тобанаяқ болып, дүзге әрәп шығар халі бар, жарты ай жатты. Қожак екеуміз өзімізге тиесілі азын-аулақ асымызды бөлісіп, әйтекеүір қарның аш қылған жоқпыз.

Жасырып керегі не, тамақ жағы өте нашар еді. Күніне бір мезгіл ыстық ас берген болады. Оның өзі қышымадан немесе әртүрлі шөп-шаламнан жасалған сұлы-сылпың қойыртпақ көже. Әсіреле ондай қатықсыз қара көжеге үйренбекен, алтасына бір рет ет жемесе қас-қабағы ашылмайтын қазақ жігіттері шетінен ауырып тұрды. Ұсіген картоп жеген соң бет-аузың күп болып ісіп кетеді екен. Ал қолға тиген тынын-сиынга сатып жер ештене жоқ, ол кезде сүттің жарты литрі бұрынғы бағамен жұз сом.

Санырауқұлақ жеуге де үйрендік. Алтайда аяқ астында жатқанда, байқамай басып кетсе жиіркенетін кірпияздық жайына қалды. Сөйтсек, санырауқұлақ деген жарықтық бүкіл бір халықтың атадан келе жатқан асы екен... Бір күні сол жемісті жеуге тәуекел жасап, аузыма сала бергенде ішінен қара бас құрт шығып, жүргім айнып... қатты ауырдым. Ішінде ештене қалмаған асқазаннан қан құсатын болдым.

Ішкен асым батпай, әбден зықысы кеткен маған жаны ашыды ма, Қожақ Құмырайға барды. Үйінен келген посылкада ет, қоспа бар екен деп ұзын құлақтан естігенбіз.

– Құмеке, бәріміз де бір Дәүлеттің ұрпағымыз, құрдасың қан құсып ауырып жатыр. Қоңілін сұрамадың деп өкпелемейміз. Сорпаламасақ өліп қалатын түрі бар, қол басындей ет бер, қанылтырға қайнатып берейік, – деген екен. Ол: – Тегін ет келмеске кеткен, сатамын, – деп, екі жұз сом ақша алышты.

– Ол итті қарағайдың арасына апарып өлтіріп тастасақ қайтеді, – деп, Бура бізге қарап ыржиды.

– Әуелі тышқан өлтіріп ал.– Құмырайдың өшін жұдырықтайғана жерлесінен алғысы келді ме, Қожақ қатты ашууланды. – Атаңың аузын ұрайын, аман-есен елге оралайық, көзіне кек шыбын үймелетпесем атымды басқа кой.

– Әуелі сол елге жетіп ал, жарқыным, – деді Бура суырша аңқиттап. – Барған соң ол да қарап жатпас. Ол итті жым-жылас құртатын жер – тек қана Орал.

– Қойындар, – деді ересегіміз Қаймақ, – тұқымын қуалап келе жатқан мінезін өзгертем деп пе едіндер. Кім болып туды – солай өледі. Сарандық қанына біткен қасиет... Балталасаң да арыла алмас.

Мен әңгімеге араласқан жоқпын. Жұмыршағымның басына тас байланып қалғандай батады-ай. Ауық-ауық қыжылдатып, ал деп аузымды ашсам жалын болып сыртқа шығады. Табаным күйіп, түні бойы сұп-суық жерге басып отырамын. Талығып

барыпенди-енді көзімілінді-аудегенкезде «жұмысқашығындар» деген десятниктің айғайы естіледі. Құр сүлдерімді сүйреп, топырақ қазылған үнгірге қарай ілби аяндаймын. Кеспелтек-теп кескен шпалдарды көлденең төсеп, қолмен сүйрейтін вагонша-қорапқа саламыз. Құн батып, әбден қас қарайғандა гана екінші кезектегілер келеді. Аузыма дәм салмаған қалпы, аш иттей бұралып жатып қаламын. Ойыма қай-қайдығы сумакы сұрақтар келеді. «Тым болмағанда Отанды қорғап, жаудың да қолынан қаза таппадым-ау. Санырауқұлақтан ұшынып өліпті дегенді ел естісе, қандай қасірет. Үйелменімнің бетіне шіркеу, сүйекке таңба емес пе».

Барақтың іші қанша сұық болғанымен соншалықты қапырық, ауа жетпей деміктіреді. Сыртқа шығып қарагай мен қайыңың ісі аңқыған таза ауамен кеудені кере дем алыш, қайта кіріп келгенінде, шуаш пен тер ісі сасыған жатар орнымыздан тұншығып өліп кете жаздайсың. Адам үш құннен соң көрге де үйренеді деген емес пе, бәріне төздік, бәріне көндіктік. Егер құндіз-тұні оқ бораған соғыста жүріп, жер үйде немесе ақ қар, көк мұздың үстінде тұнесек қайтер едік. Олардың жаңында біздің жағдай жұмак секілді деп жұбатамын өзімді-өзім. Дегенмен әлгі «майданға алса» деген тілек күн өткен сайын санамызға сыналай кіріп, көз алдымызда көлендей берді. Екпіндей үмтұлып ерлік жасайын деген жымсыма құлық емес, әйтеуір, ауылдағы ағайынмен «соғысқа кеттік» деп қоштасқан соң, жаумен жағаласып көру де азаматтық борыш секілді еді.

Елден алған сәлем-сауқаты таусылып калды ма, Құмырай соңғы күндері қабағынан қар жауып, құтырған иттей көрінгенге соқтығып өз-өзінен ызаланып жүрді. Кен орнында ең онай деген жұмыс – динамит қойып тоң жердің үстінгі қабатын қопару болатын. Бұл іске қауқарсыз қарттар мен ауру, әлсіз жігіттер жіберілетін. Десятниктің тілін тапты ма, Құмырай түйедей болып, осы жанға жайлы тыныш жұмысқа орналасып алған. Көрсетілген тұсты динамит қойып, бұрқ еткізіп қопарып тастайды да, темекісін құмарлана тартып, құмырсқадай қыбырлаган біздерге мұртынан күліп дем алыш отырады. Арбайған ағашты аударуға шамасы жетпей, тырбындаған Бураға, тыныш отырмай, кесек топырақ дәлдеп, оның быжтыж ызаланғанына қарқ болып күледі. Кешке баракқа келген соң Бура қалайда Құмырайдың көзін күртудың амалын басын қатырып ойлайды да жатады.

Көктем шыққанда көніліміздегі кірбің тарқап, Оралдың жайқалған орман, әдемі табиғаты сірне болып қатқан сезімтүйсігімізді қытықтағандай еді. Аш жүрсөнде, сергек жүргенге не жетсін. Үш айлық қара жұмыстан құтыла қоймағанымен, асқазанымның ауруы аздал басылған секілді, бұрынғыдай ішкенді қайта құстырып, құндіз-тұн мазаламайды, тек аш құрсаққа ас түскенде ғана ептең қыжылдайды. Өз басымдағы үлкен жаңалық, үйден тұнғыш рет хат алды. Кешігіп келсе де, көнілге медет, дәтке қуат. Тұсқі бір сағаттық үзілісте қайыңың арасына кіріп алып кубірлеп оқи бастады.

Алманың хаты: «Ақаным менің! Зар еңіреп, зар жұтып, көзіме қамшы тиген жетім ботадай боздап жүргенде айны мастиң болып табысқаным менің! Денің-қарның сау ма? Біз шүкіршілік, тағдыр сыйға тарқан тарыны теріп жеп журміз. Атам, апам, балалар, ауыл-аймақ түгелдей аман-есен. Жағдайымыз жақсы. Тамақ ток, көйлек көк дегендейін... Эскер семьясы болған соң, колхоздан не керек, соның бәрін алып тұрасың... Өзім қолмен ғана жұмыс істеймін. Аяғы ауыр деп аспазшы тағайындан қойған. Ауылдан соғысқа кеткен бірлі-жарым азаматтан шетіне бар. Оларды келесі хатымда айтартмын. Апам тұс көріпті. Сен ақ бозатқа мініп, Бұқтырманың ағаш басына шығып тасып жатқанына қарамай өте шығыпсын. Жарығым, аман-есен келеді деп отыр. Сенің оңай жұмысқа барғаның қандай жақсы болған. Хаттың ішінен жұз сом ақша шыққанда төбеміз көккө жеткендей қуандық. Пәселке салсақ кайтеді? Құмырайдың әйелі, жағдайлары өте нашар екен деп бала-шагасының аузындағысын жырып жолдап жіберген. Ал сен семіріп алдық дейсің... Майшам сөнуге айналды. Хош-сау бол.

Сені сағына күтуші, Мен және үй ішің.

1942 жыл, мамыр».

— Елден тұнғыш рет арқан бойы ұзап шықпағандықі болар, көнілім босап жылады. Алманың сойдақ-сойдақ жазуы мен үшін бүкіл Жұлдыз ауылы көшіп келгендей болып сезілді, алғаш рет жүрегім сазып, бала-шагамды өлердей сағындым. Туған жеріміз Шығыс пен соғыс болып жатқан Батыстың екі ортасындағы Орал тауы екі жаққа кезек аландай қараған алып түйе секілді. Біз сол алып қара нардың қомына жармасқан атымыз бар, атағымыз жоқ жұмыс әскерлеріміз. Қимыл-әрекетімізге, мұрнымызға су жетпей істеген жұмысымызға

қарап, қандай қайсар жандар, деп ойлауға болар еді. Бірақ біз тіпті де олай емеспіз, дүниедегі бар жақсылықпен жамандықтан құр алакан қалған керен де кепірсіз қалған жандармыз. Радио тыңдай алмадық, газет оки алмадық, ең ақыры саяси хабардың өзін мардымсыз, тиіп-қашып өткізеді. Цех бастығы, директордың орынбасары деп аталатын кісілер құдай секілді, ақырып-бақырып ойна келгенін істейді. Жанымызға батқаны да сол – не өлім, не өмір деп бүкіл әлем арпалысып жатқанда, жер астынан шықкан жік секілді тайрандалап, оқтау жүткандай кердендең жүргендері. Жасырып керегі не, жұмысшылардың арасында ауру-сырқау, өлім-жітім көбейді. Балшықтан адам жасай алмай, қиналған шақта, осыншалық сорақылыққа жол беру, әрине, әркімді де ойландырады. Арыз-арманымызды айтар жер таба алмай іштей мүжілеміз. Біз майданды көкседік. Амал не, мені тағы да бронмен алып қалды.

Құмырайдың зәресін зәр түбіне жібере бір топ жігіттерді соғысқа жіберді.

Құмырай екеуміз көп болды амандаспаймыз. Бұл ескі кекті күу, жоқ болмаса жеке бастың бақастығынан қоздаған дүрдараздық емес еді; бұл, жалпы мінездің өзгешелігі, рухымыздың бір қазанда қайнаса да қабыспайтын қарама-қайшылығы тудырған бітіспес майдан сықылды еді. Қолымызға қару алып атыспағанымыз болмаса, бір-бірімізге өзгеше дүшпанбыз, өлердей жатпыз. Егер тағдырды жалғыз ғана шана десек, сөз жоқ, ол шананы екеуміз екі жаққа сүйреп жүрміз. Ағайындық та, ауылдастық та, барактастық та дәнекер бола алмас өгейлік пен өшпенді суықтық күн өткен сайын қабына түсті. Неге? Өзім де білмеймін, көре қалсам болды өне бойымнан жылан жорғалап өткендей тітіркенемін. Қайта елде жүргенде еркін араласа беруші едік.

Елде жүргенде демекші, соғыс басталмас бүрін Жұлдыз ауылы Октябрь тойын ерекше өткізгені әлі есімде. Ат жарыстырып, балуандарды құрестірді. Бас балуанға осы Құмырай шыққан. Екі иығына екі кісі мінгендей, еңгезердей жігіт беліне белбеу байлап, мықынын таяна ортада тұрды. Оның сұсынан қорықты ма, мұқым елдің ішінен суырылып ешкім шыға қоймады. Маган оның көпшілікке менсінбей қарап, менменсіген түрі ұнамады. Шыдай алмадым. «Жығылсам жер көтерер» деген тәуекелмен ортага атып шығып, алаканымға түкіріп ұстаса кеттім. Төрешілер мені әрең тоқтатты. Сөйтсем,

белбеу байлауым керек еken. Құмырай әлі шіреніп тұр. Әсіресе, саған не керек дегендей, мырс етіп мысылдай құлғені жанға батты. Белдесіп, бір-бірімізді толғай ыргап, құшімізді сынап көрдік. Ол менің құлағыма: «Жамбасың сынып қалса қайтесің, құрдас», – деп сыйырлап үлгерді. Қаумалай қоршаған халық дүрліге жақындалап, күрес шенберін тарылтып жіберді. Біз аңдысып, ал дегендे әдіс қолдана қойған жоқпыз. «Құмекен қоймайды, талай рет палуанға тұскен нар емес пе», «Ақан да осал емес, таутекенің асығында шымыр әрі шапшаш» деген сөздерді еміс-еміс естіп қаламыз. «Болсандаршы, құдалар құсан құшақтасып жүремісіндер», – деген сөз естілгенде, қарсыласым ежелгі тәсіліне салып, «ауп» деп мені өзіне жақындана жұлқа тартып, оң жамбасқа сала бергенде, осы сәтті табандап аңдыған мен сарт еткізіп іштен шалдым да, өзім шалқалай аударғанда, ол гұрс етіп астыма тұсіп қалғаны... Әбден ызам келсе керек еткызумен: «Күш менікі, сор сенікі!», – деп басынан аттап кетіппін. Жұрт шу ете қалды. Құмырайдың ағайын-туғандары ауырсына жатып қалған жігітті жерден тік көтеріп әкетіп, ұлы айғайға, бітіспес дауға басты. «Азаматымызды корлап, басынан аттады, сүйегімізге таңба болды, ру намысына тиді, тұрысатын жерін айтсын», – деп кіжінді. Біздің Ұзақ деп аталар рудың да жігіттері мен атайын, сен тұр, өңкей бір жындысүрейлер еді, білек түріп сыйбанып олар шықты. Әйтеуір, не керек, бұл дау-дамай, жанжал күні бойы басылмайды. Тіпті, екі жақтың балсырага қызып алған бас көтерер-ау деген азаматтары колхоздың аяқ артар қөлігін ұстап мініп, айылын мықтап тартып, жекпе-жекке сақадай сайланана бастады. Тымақтарының бауын байлап, сойыл, айыр, шокпар секілді қаруларын әзірледі. Сонымен екі жақ Күркіременің жазығында кездесетін болып уағдаласты. Аяқ астында туган дауды бітістіре алмаган колхоз басшылары ауданға ат шаптырып, сот пен милиция шақыртты. Сөйтіп, әрен басып еді-ау...

Міне, ол екеуміздің арамыздығы беріш болып қатқан бақастық осылай басталған. Қашан аяқталады, оны өзім де білмеймін. Тегі, өлсек те көрімізде тыныш жатпаспсыз... Әрқайсымыз «менікі жөн» деп жөнеле береміз де бұл дүниеден... Сырттан келген жауды женуге болар, ал арамыздығы ше, олардың кімдер екенін білмейміз фой. Сырттай қарағанда бәріміз бірдейміз, бетегеден биік, жусаннан аласамыз. Ешкімнің маңдайына ак-

қарасы жазылып тумайды. Осы Орал тауында еңбек әскерінде жүрген адамдардың өзін ажыратып, жақсы, жаманға іріктең бөлу мүмкін бе?.. Құмырай да, мен де бармын. Мақсатымыз жалғыз деп мақтанғанмен, пигылымыз басқа ғой. Оны пайымдап, зерттеп берер уақыт жоқ. Қазір, тіпті, содан бері отыз жыл асса да, шын мәнінде, қофамға кім керегін айқындағық па... Жауды атып тастайсың, біздегілерді ше? Мүмкін, олар жаудан да қауіпті шығар. Алманың ішіндегі құрт секілді сыртымызды жалтырата сүртіп қоямыз...

Оралдың жазы керемет екен, Алтайдан бір де кем емес, жаңынды жайсанға бастайды. Жап-жасыл болып тамылжыған дүние: қасқая қарап тұрар қарагай, ақ балтыр, көк көйлекті қайың, тенге жапырақты тереқ, жайқала өскен тау шалғыны. Егер өмірдегі қайғы-мұнды ұмытып, табиғаттығана тамашалап кетсен, мәнгі жалықтырмас жап-жарық әлемнің қойнына кіресің де, өзінің жер басып жүрген жұмыр басты пенде екенің, арман-мақсатың, келешектен күтер үміт-бақытың, жақсылық аңсан дұрсілдеп соққан жүргегің бар адам екенің есіне түседі. Осылайша, орман-тогай, тау-тасты кезіп, анау сор бол келген соғыстан, сор мандай қылған ауыр жұмыстан безіп, бейбіт те берекелі өмірді сағынасың. Жалғанда тұсқи үзілістен келте, көзді ашып-жұмғанша жай оғындан шапшандықпен зу етіп өте шығар не бар екен... Айналана қарап, тамашаға енді-енді тамсана бергенінде жұмысқа шақырап қаңылтыр темір қағылады. Кеппеген жас ағаштан жасалған жас шпал мен иығынды езіп жіберер темір жолды көтеріп, үңірейген карьерге қарай мықшындаисың. Сенің артыңнан тырмыса вагон итеріп басқалар ереді... Арпалысқан адамдар, жанталасқан кимыл, жан тапсыра қымылдаған жұмысшылар. Таусылып бітпес қозғалыстан әбден қажыған, салдары суға кете итырықтагандар орман арасында құмырсқаша құжынайды. Бәрі де майдан үшін! Бәрі де женіс үшін! Әттен, сол кездегі «трудармияны» киноға түсіріп алса ғой, өкінішке орай, газеттенбіз деген бірде-бір журналистің төбесін көрген емеспіз.

Жаздың ортасына таман майданға алынған азаматтардың орнын басуға жүздеген қызы-келіншек келді. Улап-шулап, сол кезеңнің бар қайғысын, қалған-құтқан қуанышын ала келді, айналайын әйелдер... «Енді еркектерге екі есе жұмыс істей керек шығар?» – деп ойладым.

«...Алла тағалам осы қуаныштан айырмаса екен. Маған көп нәрсениң керегі жоқ, тек барымды ала көрме», – деп жасаған иеме жалбарына тіледім.

Алма кемпір әжімді жүзін қарсы алдындағы қаргадай ғана келіншектен алмастан әңгімесін жалғастырды. – Ол кезде тұра сенің жасында едім ғой, Күмісжан. Иә, сенің жасындағы толықсыған шағым еді. Тотыдайын тараңып, сұңқардайын сыланбасам да, шайқап ішіп, шалқалақтап басатын отыздан асқан от мінез еді ғой. Қайтейін, қарағым, қайтейін, тағдырдың тепкісіне түсіп, дертесіне жегілдік. Сонда да жендік! Әрине, бақыт құсы біздің шаңыраққа кеш конды, кеш конса да біржола қонса екен деген арман бар. «Бала-шағасы жетті, шаңырақ қөтеріп, қарқарадай үй болды. Осыншама мал ұстап, дүние жинайтындей не бастарыңа күн туды. О дүниеге арқалап ала кетем деп жүр ме». Мұндай қанқу сөзді күнде естіміз. Ал ертең шал екеуміз екі жerde қиқайып қалайықшы, қай ағайын арулап қояр екен. Жан-жақтан балаларымыз жиналғанша, он жаққа салып, аруағымызды қүзетер кіміміз бар. «Өлсен де көрің кең болсын» деген бүрінғылар, жаман айтпай жақсы жоқ, қайтпайтын жолға түсер болсақ, ұл-қыздарымызға ауыртпалығымызды салмайық, жас кезімізде тойып тамақжемеп едік, тым болмаганда асымыз аста-төк болсын деген оймен жинаймыз малды. Әрине, алдымызға салып айдаң кетпейміз, артымызда қалады, күншіл ағайынның өзіне бұйырады. Ой таразысына салсам, бақыт жарық дүниемен қоштасқаннан соң қажет екен. Өзің үшін емес, үрпағыңың үялмауы үшін.

Бірді айтып, бірге кете бердім-ау, қарағым. Ақаның соғыста емес, «трудабойда» жүргенін естіген ел сан-сакқа жүгіртті. Кейбіреулер: «Бағың бар екен, Алма, Ақаның жақсы жерге орналасыпты», – деп шын ниетімен қуанса, қайсыбірі: «Тасының өрге домалауын қарашы. Біздің байымыз жауып түрған оқтың астында жаумен алысып жатса, пәленшениң күйеуі курортта жүр», – деп қызғаныш білдірді. Әсіреле, күйеуінен қара қағаз алған қаралы әйелдердің бетіне қарай алмаймыз, байларын біз өлтіргендей-ақ, амандасайын десен теріс айналып, ернін шығарар еді. Күн өткен сайын сүйкіміміз кетіп, қай-қай жердегі ең қыын жұмысқа салатын. «Ей, трудовойдың қатыны, хал қалай, байың жардай боп семіріп алышты деп естідім. Сол жақтан уыздай жас қызға үйленіп, біржола қалып қойса

қайтесін», – деп сайдың ақыны шығарды. Бар айттар жауабым: «Тірі жүрсе болды».

«Тірі жүрсе болды», бұл – менің жүргегімді жарып шыққан адал ақ тілегім еді. Байын байлап ұстаған әйелді көргенім жок, Ақанның бас бостандығы өзінде, талақ тастаса да өкінбес едім, кейбіреулер құсап қарғап-сілемес едім. Имандаш шыным осы. Қызық... Осылан бес жыл бұрын Ақан пенсияға шығатын болып, райсәбезге барған екен: – Ата, үйленгендіңіз бе, паспортыңызды белгі жок, – деп қағаз бермепті. Содан мені қызыл машинаға салып алыш, ерлі-зайыпты деген кінешке бергені. Қартайғанда қайта үйленіп, некелескен ел-жүрттадан ұят екен. Балаларым той жасандар деп мазакташ, көрші-қолаң қыңқылдан қоймаған соң, амал не, бір малымызды сойып, ырымын жасадық.

Кеше ғана өзіміз екен егін жайқалып өсіп қалды. Енді бізді сол егінді арық қазып, суару жұмысына салды. Күркіреме бұлағының ар жағындағы диірменнен бастап қиялай қазған арығымыздың орны сайрап әлі жатыр. Үш әйел қайла-күргегімді арқалап таң бозынан тұрып, солай қарай аяндаймыз. Белуардан су кешіп, қиядан саулап су жырып кеткен жерді шым, таспен бітеп әуре болып жүргеніміз. Үйден ала шыққан талқанымызды қайнамаған қара суға шылап, жүрек жалғаймыз да, тағы да қара жерді қазғылаймыз. Диірмендегі егістікке арық жүргізу жұмысын аяқтаған соң, бізді Жаманашыдағы арпаны суаруға салды. Бұрынғымыз мұның жаңында ойыншық екен, қып-қызыл тасты сүймендеп жылдар бойы соқа тісі тимеген беріш төбенің бауырын қақ тіліп, арық қазғанда, алғаш рет катты шаршағанымды сездім. Күн ыстық. Сусын жок. Ішім үлкейіп қалған. Колхоз бастығы қас қылғандай жаныма сырлас құрбым Файшаны да коспай, күйеулерінен қара қағаз алған Сақыш пен Бәтішке теліген. Олар менімен қырғи қабак, арық біреу болса да бөлек жүреді. Звенобойымыз Сақыш мені қайдағы бір қағынған жерге, шақылдаған көк тасқа салады. Екеуі өзіне тиесілі жерді бітіреді де, талдың көленкесінде дем алып, кейде ракаттанып мызғып алады. Қатты қимылдайын, олардан қалмайын-ақ деп тырмысамын, амал не, Ақанның аманатын дүниеге әкелмей түсіріп аламын ба деп корқамын. Өзіме бөліп берген жерді ломдап, қайлашап қазып бітіріп, қатындардың қасына келсем, олар үшеумізге тиесілі үш литр сүтті бөліп алып, бір-бірінің басын тарап жайбақат отыр. Үндемеуші едім, салғыласпаушы едім, дәл осы жолы ақсайтаным ойнады.

– Ау, маған тиесілі сүт қайда? – дедім қалш-қалш етіп.
– Байы тірі қатын сүт ішуші ме еді, – деп сылқ-сылқ күледі.

– Албастылар-ай қүйеулерінің өлімін менен көріп болмадындар ғой. Бір үйдегі он жан адам жалғыз сиырдың төрт емшегіне қарап ақсыз отыр, оның өзі арты бітеліп, қысыр қалған. Тым болмағанда өлмелі кемпір-шал, шикі өкпе балаларымды аясандар етті. – Қанша тасқайнат, мықты болсам да шыдай алмай дауыстап жылап жібердім. – Құдай зауалдарынды берсін!

– Сілкінбе! – деді Сақыш орнынан атып тұрып, – Қаралы үйге қарғыс жүрмейді. Өзіңнен бес жас кіші байыңа мактанағысың. Сенің де сырың белгілі. Бай құттаймайтын қанды етек қаншық! Жалғыз летір сүт үшін бидайдай қуырганы несі.

– Ей, Сақыш, тілінді тарта сөйле, білдің бе! Сенің де сырың мәлім. Азamatынның топырағы суымай жатып, шыжбындан жүрсің. Ку жатыр болған бедеулігіндегі менен қоресің бе? Қалай звенобой болғаның да алақанымда. Басыңа тартқаның қара емес, қызыл орамал, тым болмағанда аруақтан ұялсаншы!

– Не дедін? – Қуректі ала ұмтылды. Мен де қарап қалған жоқкын. Сүйменді көлденен ұстап қорғана бердім. – Қан қылайын! Қолында өлейін...

– Жақындал көр! – Неге екенін өзіміз де білмейміз, қолымыздағы қаруды тастав беріп шашымызға жабыстық. Нағыз қатын төбелес басталды. Бәтіш: «Бірің өліп, бірің қал», – деді де, үш литр сүт құйылған торсықты арқалап, ауылға тайып тұрды. Мен Сақыштан гөрі қарулы екенмін, шалқайта құлатып кеудесіне мініп алдым да, етегін түріп тастанап, май қүйрығын армансыз шапалақтадым-ай, есек айтқан бүкіл ауыл әйелдеріндегі кегімді Сақыштан алдым. Астында жатқан ол тыптырап: – Албасты-ау, өлтіремісің, қоя бер енді, – деді. Жұмсарап қалған секілді, даусы өзімсініп шықты.

Екеуміз қатар отырып алдық та, батысқа жүз беріп, ағылтегіл жыладық-ай... Бір-бірімізден кешірім сұрап, бетімізден сүйдік. Ақшам жамырап, кас қарайғанша мұндастық, сырластық, қайтып қарсы сез айтыспайтындей болып табыстық. Көйлегінің етегін көтеріп қараган Сақыш: – Албасты-ай, аямай-ақ ұрган екенсің, қарашы алақаның тиген жер қыпқызыл болып қалыпты. Удай ашиды, – деді күліп.

Ел орынға отыра арып, ашып ауылға жеттік. Сақышты үйге апарып шай бердім. Міне, осы оқиғадан соң айнымастай достастық, қайда жұмысса да жұбымыз жазылмай бірге жүретін болды.

Шілде туып, колхоз жаппай шөп шабуга кірісті. 1942 жылдың жазы әрі ыстық, әрі берекелі болды. Елдің жағдайы бір қалыпша. Майданға аттанған елу шақты азаматтың тен жартысынан қаралы қағаз келді. Қаралы қағаз келді деп, қара жамылып, жылап-сықтап жатып алған ешкім жоқ, үш күн жоқтап, төртінші күн жұмысқа шығады. Жесірлермен көрісе-көріс көзіміз қанталап кетті. Эр әйел өз мұңын айтып жоқтайды демекші, өзгенің қайғысы жаныма қанша батқанымен, іштей Ақанның есен-сая оралуын тілеймін. Өйткені, басқалар тұңғыш қосағынан айырылса, мен байғұс, үшіншісін жоғалтып аламын ба деп қорқамын. Соғысқа бармай, Оралда жер қазып жүрсе, тәнірімнің көз жасымды көргені, ракымы түсіп аяғаны шығар деп ойлаймын. Қайын сіңлілерімнің үлкені Сандуғаш ойда да, Қарлығаш жонда, жұмыста. Ботай мен Қатай да колхоздың жұмысынан қалмай, құйрықтарын өгіз ойып жүрген. Қалғандары елі жас, ауылда апасының қасында еді.

Бір күні мені колхоз бастығы Нартай шақырды. Не боп қалды дегендей, құстай ұшып кеңсеге жеттім. Ол шақта бастық немесе кеңес хатшысы іздеді десе, зәре-құтымыз қалмай қорқушы едік. Эр үйге келер қара қағазды, ең алдымен кеңсеге шакырып, басқарма мүшелері мен кеңес қызметкерлері тапсыратын... Жүрегім тарсылап, аузынан шыға жаздал есігін аштым. Нартайдың жалғыз отырғанын көрген соң ғана ес-акылымды жинай бастадым.

– Өнің айдаһар қуғандай ғой, келін, – деп әңгімесін бастады.

– Тыныштық па, аға?

– Тыныштық. Сенің үйіңе келер зауал жоқ қазір. Ақан трудабойдаға фой... Бойонкоматқа айтып, соғысқа жібертпеген мен едім...

– Оныңызға рақмет, аға, – дедім сөзіне сенбесем де.

– Жақсылығымның өтеуін алайын деп отырған жоқпын, шырақ. Бірақ судың да сұрауы бар деген... Ақанның күмістеген ері бар еді, өзі келгенше міне тұрайын, маған бер, – деді қоныр дауыспен майдалап сөйлеп.

– Бере алмаймын, аға. Мен келіскенмен, ата-енем ат тонын ала қашады. Ақаннан қалған жалғыз аманат қой, орынсыз колқа салмаңыз.

– Өкпелесем қайтесің, – деп оспақтады.

– Қайтеміз, қөнеміз де...

– Адамның жаны, касқалдақтың қанын сұрап отырған жоқпышын фой, келінжан...

– Біз үшін Ақанның ері одан да қымбат.

– Босқа қаңсып жатқанша ат арқасын ііскесін.

– Босқа қаңсып жатқан ер ғана ме екен, аға.

– Өзіміз де ереккөтерін ііскемей журміз деші. – Қарқылдан күлді. – Маған сенің осы өткір мінезің ұнайды.

– Құдайдың жаратқаны да.

– Дайындал қойындар, кісі жібертем, – деп кесіп айтты да, әңгіме осымен бітті дегендей орнынан түрді.

– Бере алмаймыз дедім фой сізге. Несіне емексисіз! – Даусым қатты шығып кетті.

– Ым... солай де... Ендеше, басқаша сөйлесерміз. Айтпақшы, Ақан кеткелі әскери салық төлемепсіндер-ау осы... Есіме түскені қандай жақсы болды...

– Әскери салықты әскерге адамы алынбаған семья ғана төлемеуші ме еді?

– Дұрыс айтасың, келінжан. Тегінде сенің күйеуің соғыста жүрген жоқ, Оралдеген жердегі курортта... Ендеше, таңертешнен бастап военсалық төлендер. – Менен бұрын шығып кетті де, кенседе жалғыз өзім қалдым.

«Ақанды әскер боласың деп алып кетпеді ме, салықты неге төлейміз» – міне, осы сауалдың жауабын таба алмай, ойым онға, санам санға бөлініп үйге оралдым. Балаларымды жинап алып, жайқалып есіп келе жатқан картоптың арамшебін жұлып, түтпеп жүрген енеді көргенде, бағанадан бері қекірегімді қысып, алқымыма кептеліп келген өксік көзімнен бұршақ-бұршақ жас болып ағылды.

– Не болды, келінжан? Ұлымнан жаманат естідің бе?! – деп, енем мені құшақтап ойбай салды.

– Жоқ, – дедімөксігімді басаалмай. – Тыныштық Нартай Ақан-ның ер-тоқымын сұрайды.

– Ту, зәремді ұшырдың-ау, – деп картоптың сабағын жапыра отыра кетті. – Құдай-ай соған да кісі ботадай боздап жылай ма екен. Шалмен ақылдасайық, жүр үйге. Әй, балалар, сендер

жұмыстарынды жалғастыра беріндер. Бұл – қыста жейтін азықтарын.

Атам намаз оқып отыр екен, бұзған жоқпыз. Ол кісі намазға ұйығанда дәл жанынан бомба жарылып, құлағының түбінен мылтық атылып жатса да тапжылмайтын діндар адам еді ғой жарықтық. Кезінде кедейлігіне қарамай Әbdікерім болыстың сөз ұстаған би, ел дауын жалғыз-ақ ауыз сезбен шеше салатын шешен болыпты деп естігенмін. Мен келін боп түскенде әбден қартайған шағы және таң атқанша басы жастыққа тимей жетелетін дімкәс ауру еді. Атама еліктей ме, бес уак намазын енем де қаза қылмайтын. Ол кісінікі сәл өтіріктеу де секілді еді, жайнамазына жығылып, алақанын жайып отырып-ақ: «Ешкіні қамадындар ма?», «Су әкелдіндер ме?», «Шай қойдындар ма?» – деп өз шаруасын қоса бітіре беретін. Эй, апам-ай, «құдайдан қайт» деп шалы қанша рет ұрысса да, осы әдетін қоймай-ақ қойғаны. «Егер бары рас болса, анау пәшистің неге сазайын тартқызбайды, адамның қанын судай ағызып қоя ма солай», енемнің алла тағалаға деген сенімі соғыс басталғалы бері азая бастағанын сезетінмін. Енді, міне, ол жарықтық жоқ екенін біліп тұра, отырсақ та, тұрсақ та аузымыздан тастамаймыз. Қайдам, қарағым, жоғына кімнің көзі жетіпті.

Атам үш ұмтылып барып орнынан әрен тұрды. Кеудесі сырсыр етеді, шаршап қалған секілді.

– Шал, ау, шал. Нартай Ақанның күмістелген ер-тоқымын сұрапты. Береміз бе?

– Атасының басы, – деді атам ентігін әлі де баса алмай. – Ахметтен қалған көзді Нартайдың сасық бұтына салайын ба. Оттаған екен. Ененді... – Маған жалт қарады да одан арғысын айтпай қоя койды.

– Ата, – дедім мен иіле төмен қарап (Қанша арып-шаршап қындық көріп жүрсем де ол кісінің жүзіне тұра қарамаған инабатты келіні едім ғой, қайтейін...) – Егер ерді бермесек, бастық үстімізден құрық түсірмейтін сынай бар. Боенсалық төлеңдер деп қиғылықты салды.

– Салықтың орнына мені алып кетсе де бермеймін, – деп кесіп айтты.

– Сен екеумізді не ғылсын, не істейміз? – деп енем қыржыннады.

– Қара ешкін ұстап беріндер.

– Келесі айда не төлейміз, ата-ay.

– Одан арғысын көре жатармыз. Құдай бай емес пе, бір есебін табармыз.

– Адыра қал, – деп енем шыға жөнелді. Атам құрк-құрк жөтеліп жатып қалды. Мен қара ешкінің лағын жетім қалдырып, колхоз кеңесінің босағасына байлап кеттім. Қияңқылығым ұстады ма, мүйізіне «боенсалық» деп қағаз жазып, байлап қойдым да, оразамды ашпастан пішенде жүрген әйелдерге тарттым.

– Қол тартпамен шөп шабу маған өте қыын болды. Қыын болған себебі – ішім ұлкейіп қалған. Бұл жұмыстан босат деп өтініш айтып, Нартайға баруга арланым. Әсіресе, анау ер дауынан кейін бізді атарға оғы жоқ. Әбден өшігіп алған. Қажыған елге би болып қалған азын-аулақ азаматтардың әспенсіп ойына келгенін істеп баққанын несіне жасырайын, көзімізбен көрдік қой.

Әрине, бәрі бір қалыптан шыққандай қазымыр емес те шығар, бірақ елуден асып, әскер жасына ілінбей қалған еркектерді соғыс әжептәүір еркелетті... Майданнан жаралы азаматтар оралып, жанымыз қалды ғой. Оқ пен оттын ортасына түсіп, бейкүнә өлімді қөрген олар бейшара елге ізгілік, жақсылық ала келді де, көксакал әпербақандарды тақтан түсіріп, орнын ала бастағандаған «үһ» деп бел жаздық.

Мен үшін отқа қүйетін Файша, оған баяғыдағы «қатын тобелестен» соң Сақыш қосылған. Екеулеп жүріп наубайханаға ауыстырыды, мен дегенде төбе шашы тік тұратын бастықты қондіріпті. Артынан естідім, әсіресе Сақыштың сінірген енбегі... Байғұс жылап отырып айтты ғой. Жарықтық, екі көзі танадай сұлу әйел еді-ау. Жанынан жалғыз ерекек тоқтамай, сұқтанып қарамай өте алмайтын. Колхоз бастығының ол дегенде есі жоқ, соңынан итше сүмендеп бір елі қалмаушы еді. Өз әйелін өзінен бұрын қартайтып қағынып жүргенінде құдай тілеуін берді. Жұлдыздың мұқым қызы-келіншектері саудырап бос қалды. Осы ауылда Нартайдан аумайтын ұқсас балалар толып жүр. Оның бәрін жіпке тізіп қайтейін. Тірі жүрсін. Олардың әкесі – Соғыс! Басқа ешкім де емес. Сақыштың: «Алма мен сен үшін алғаш рет арымды саттым, тіпті сен қатын үшін емес, анау ішіндегі сәбиің үшін. Өзіме құдай бермеген соң, сенің баланды аман алып қалғым келді». Солқылдан бетін басып ұзак жылады. Мен оны уата алмадым. Сонда ғана баяғыда Жаманашының басында егін суғарып жүріп, бір литр

сүт үшін бекер тілдегенімді түсініп, аяғына жығылдым. Ол мені кеудемнен көтеріп, тұрғызып алды. Бетін сұық сумен жуды да, қайтадан жайнап, екі жанары от болып жайнап қоя берді.

— Бастық Нартай болмақ түгіл, құдіретті құдайдың қойнына барсам да мені құрсақ көтермейсің деп талақ тастар еді. Ендігі тілек – сенің балаларыңа көмектесу. Он байға тисең де! – сен бақыттысың, Алма! Бақыттысың! Дұниеде сендей әйел жоқ!

— Рақмет, құрбым. Өлсем де жақсылығынды ұмытпаспын.
— Бетінен сүйіп, мойнынан құшақтадым.

— Ал енді масага таланбай үйге қайталық, – деп етегін сілкіп орнынан тұрды. Оның сүмбілдей сұңғақ денесі, тайқылау біткен ақ маңдай, аққудықіндей ұзын мойын, жұмыр иегі – бар-барлығы жарасымын тауып, тал бойына тарыдай мін түсірмей тұр. Оны жаңа көргендей аузымды ашып аңырайып қалыптын. Өзімнен кіші болса да замандас құрбымдай жақсы көріп, әрі аядым, әрі қызықтым да. Табиғат пендесін осыншалық сұлуғып жаратады да, сорлығып қоятыны несі екен?

— Ўй, не болды саған, жүр қайталық.

— Қандай көрімсің, Сақыш. Көрмеде көрсетер әйел сендей-ақ болсын.

— Сыландаған сұлулық тұлкіде де бар. Бірақ көп жорытқан тұлкі құйрығынан айырылады, – деп, басын шалқақ ұстап, қаздандай басып менің алдыма түсе берді.

Бозталдың бойындағы жалғыз аяқ жолмен аяңдал келеміз. Құн батып, ағаш арасы алакөлеңкелене бастаған бейуақ шақ. Шілденің шіліңгір ыстығының беті қайтып, коңыр салқын тұн қаймақши бастаған. Маңайды маужыраған тыныштық мендең, жанынды жай талттырап жұмбақты сезім билейді. Құні бойы арпалыстан сал болып шаршаң тартқан денең азаптың арқанын бытырлатып үзіп, жол шетіндегі ісің анқып жатқан шабылған шалғынға ұзыннан сұлап құлай кеткісі келеді. Әлгіден бері үнсіз аяңдаған Сақышты да осы мені мендеген дел-сал хал женді ме:

— Әй, Алма, – деді тоқтап. – Асыққанда қайда барамыз, аздап дем алайық. – Бұдан соң менің келісімімді күтпестен шөп дестенің үстіне жата кетті.

Мен де оның жанына қисайдым.

— Ешкім көріп тұрған жоқ қой, қол-аяғынды жазып, еркін жатсаншы албасты-ау, – деп, мені қүшпен итеріп шалқайты. Содан кейін менің томпайып қалған ішімді ақырын ғана сипап,

құлағын төсеп тың тыңдады. – Сен – анасың, Алма. Бұдан артық арманның керегі не. Сенің құрсағында, құдай біледі деп айтайын, титімдей ғана Ақан жатыр. Сөз жоқ ұл жатыр. Егер қарсы болмасаң, кіндігін мен кесейін.

– Әуелі аман-есен босанайын да.

– Неше құн қалды?

– Өз есебімше үш айдай уақыт бар.

– Алыс емес екен ғой. Ертеңен бастап нан пісіруші боласың. Бірақ ол жұмыс та женіл емес-ау. Әйтеуір, ауыл іші, үйіне жақын. Тамағың да аш болмас. Мен саган бір сыр айтайын ба, Алма, – деді қайтадан шалқайып, сонау енді-енді көріне бастаған әлсіз жұлдыздарға қарап. Қолындағы шөпті тістелеп, әлденені есіне түсірді ме, мен: «Бастасаңшы енді», – дегенше үндеген жоқ.

– Сен көңіліңе алмайсың ба?

– Жоқ, не деп алайын көңіліме.

– Жасырақ кезімде, ол кісінің жігіт, менің қыз кезімде... арамызда тым терендеңемеген жақындық, сырластық болып еді.

– Оның кім?

– Ол екеуміз сан рет кездестік, өмірлік жолды бірге өтеміз деп уәде беретін. Бір-бірімізді құлай сүйіп, шын ғашық жандардай қиналып та жүрдік. Ол жуас, мен шолжындан өскен тентек едім. Жолықкан сәттерімізде ол төмен қарап, тілі кесілгендей үндеңей тұрар еді, ал, мен өзім құшақтап, бетінен де алғаш рет өзім сүйгемін.

– Атын айтпайсың ба? – Сақыш менің сұрағымды тың-дамағандай әңгімесін жалғастыра берді.

– Оның бұйраланған көмірдей қара шашы, бидай өні, қыр мұрны, құлімсіреп қарайтын кішілеу, бірақ отты жанары, ойшыл да бір беткей мінезі... бүгінгідей көз алдымда. Амал не, тағдыр бізді қоспады, әрқайсымыз жеке-жеке қайықта мініп, өмір ағысымен кеттік. Қосыла алмағанымызға өкінген жоқпыз. Адамды бақытсыз ету онай ғой, ал оны бақытты ету екінің бірінің қолынан келетін ерлік емес. Ағасы өлген соң, соңғы рет менімен жолықты да, сенің мәңгілік жарың болды....

Неге екенін өзім де білмеймін, Сақыштың толқып, ұялыңқырап айтқан әңгімесін соншалықты жайбаракат, салқынқандылықпен тыңдадым. Тіпті бойымда қызғаныштың титімдей де оты тұтанған жоқ. Не деп қызғанар едім... Қалай ғана? Ақан Алтайдың ару қызын қыып тастанап, маган – екі

байды жүтқан маған жар болғанын мақтан етіп, жар салу да жараспас еді. «Жүгірген алмайды, бұйырған алады» деп казақ бекер айтпаған гой. Ал егер адалынан ақтарылған Сақышты жазғырап ма едім. Жоқ. Біз дүниеде кімді таңдап, кімді ардақтарымызда, кімнің бағы мен сорына жаратылғанымызды өсте де білмейміз. Біздің білеріміз – нәтижесі ғана. Арманға жету дегеніміз – әбден болары болып, бояуы сіңген ісінің қорытындысын жинақтау, сол арқылы ақылға келу, өткенінді еске алу, түйін түю емес пе. Ақанға қосылған күннің өзінде бақытты боларына кімнің көзі жетіпті. Оны Сақыштың өзі де мойындан жатыр гой. Ендеше, Ақан мың қызға сөз айтып, айлы түнде аймаласа да, оның мәндайына атын атамай, «Жуас қайнýм» деп жүрген тұған женгесі мен жазылған екенмін. Дегенмен жұмыр басты, ет жүректі пендемін ғой, «Ақан маған үйленгеніне өкінбей ме екен», – деген ой анда-санда мазалай беретін. Сол бір жылтындаған ойдың үнін өшіретін жалғыз-ақ нәрсе бар, ол – құрсағымдағы жылбықы нәресте. Жарық әлемге аман-есен әкелу ғана емес, ұлғып әкелу – тек сонда ғана армансызыбын.

– Сен жылап жатқаннан саумысың, – деді Сақыш маған қарай аунал түсіп.

– Жоқ, – дедім мен нығыз дауыстап.

Ол сенбеді ме, көзімді сипады:

– Сендей тасқайнат әйел, әй, енді қайтіп жаратылмас-ау.

– Сендей ақкөніл, адал әйел де тұа қоймас, – деп бетінен сүйдім.

Караңғылық басқан. Зуылдан ұшқан тұн қонызы мен бақаның даусынан өзге үн жоқ. Толайым тіршілік шалдырып барып бой алдырып жатқандай момақан. Тоғай арасындағы сиыр соқпақпен ілбіп басып, ауылға қайттық. Әрқайсымыз өз арманымызды, өз мұнымызды арқалап келеміз. Мүмкін екеуміздің ойымызда жалғыз-ақ адам шығар.

– Әттең, соғысқа да алмады-ау, – деп құрсінді Сақыш.

– Бірақ ешкі тулап ыңыршағын шаға ма. Осы ку бас болып қалғаным – қалған шығар.

Мен оны жұбата алмадым. Иә, жарықтық, ол да өтті дүниеден. Ертеңінде наубайханаға барып, нан пісіру жұмысына кірістім. Қып-қызыл тілі жалаңдаған жалынның ортасына кірдім де кеттім.

...Жаздың ортасына таман майданға алынған азаматтар-дың орнын басуға жүздеген қызы-келіншек келді. Улап-шулап, сол кезеңнің бар қайғысын, қалған-құтқан қуанышын ала келді, айналайын эйелдер... – деп, Ақан шал әңгімесін одан әрі жалғастырды. Орынбай қолындағы ожауымен кесеге қымыз үстеп құйды. – Еркектер енді екі есе жұмыс істеу керек, өйткені әйел заты нәзік, жар болуға жаратылған жан гой, қара күш қажет ететін жұмысқа ал дегенде төзе алмайды. Бұрынғыдай емес, орман арасында, үлкен өмірден кесіліп қалғандай болып жататын жүдеу де көнілсіз баракқа жан біткендей қым-куыт қызыққа айналып, жайнап, жасарып шыға келген. Жаздың жайма-шуақ күні еңбектің де екпінін қүшайте түскен-ді. Жұмысшылдардың көбі сасық барактан қашып ағаш туғын, ашық аспан астына тұнайтін. Әсіресе, тұн баласында Орал таулары шоқтықтанып, жүндес жақпар тастары айбармен үнірей қарауытатын. Шың басына дейін ерінбей ере өскен қарагай, қайың мен терек біртіндеп сирексіп, тамыры мықтылары ғана сонау ұшпа тастың жарығын сыналад өсіп шынарга айналған – шындың басына қадаған жалау секілді, етектен қараганда әдемі көрінетін. Жыл құсындай қикулап келген қызы-келіншек пен азаматтар арасында адамдық жақындастулар, сыйырлап басталып сыйызғылана жарасқан сырластықтар шешек атты. Қазір ойлаймын – ұлттар, халықтар арасындағы нағыз берік достықты нығайтқан соғыс, ауыр шақтағы тағдырластық, кара нанды қақ жарып жеген дәмдестік, бір аяқтан ас ішіп, бір шұнқырда қатар жатқан бірбүтіндік. Жау – біреу болған соң мақсат та, арман мен үміт те, сезім мен сенім де бірегейленіп, кімнің қаны қандай, жаны мен тур-түсі қандай деген сыйылды әүрешілдік әрекеттер мен болінушілкітің арасындағы уланған жіпті қиды да жамырата қосып жіберді. Әлі есімде: біз алғаш рет барғанымызда кейбір ұлт өкілдері жер бетінде қазақ деген халық барын білмейтінін жасырмай айтып еді. Мен Свердловскіден келген Иван атты орыспен достастым. Менен ғөрі ересектеу, еңгезердей денелі, көк көз, сары шаш жігіт еді. Соғыска кіре салып жарапанады да, ептеп жазылған соң «трудармияға» жібереді. Алғаш келгенде, ауруханадағы ерекше құтімнің әсері ме, аппак сазандай толықша жігіт еді, жұмысқа түскен бір-екі айдың ішінде аруаққа айналып шыға келді. Өзі біртоға, жолдастарына адал, қолы ашық анқылдаған

ақкөніл. Ол қазақша білмейді де, ал менің нан сұрап жерлік орысшам бар еді, осы Иванмен сөйлесе-сөйлесе келе етпеп жаттыға бастадым. Ол әлі үйленбекен, елінде жалғыз шешесі бар екен, сол кісіні қайта-қайта есіне алып, аяп отыруши еді. Украина мен Беларуссиядан келген қыз-келіншектердің бірін ала қайтамын ғой деп әзілдеп қоятын. Институттың үшінші курсынан әскерге алынған Иванның біздерге қарағанда сауаты бар, көзі ашық, көкірегі ояу. Әсірсе, саяси сауаты мол, қазіргі майдан жайынан хабардар.

Бір күні ол кешке барактағы барлық жұмысшыларды жинап алып соғыстың барысы, совет жауынгерлерінің жан қиярлық ерлігі жайлы әңгіме өткізді. Бұл кен басшыларының рұқсатынан тыс, өзіміз ұйымдастырған саяси хабар кеші еді. Әңгіме арнасын тауып, тұс-тұстан сұрақтар жаудырып, қанағаттанарлықтай жауап алып енді қыза берген кезде бастығымыз Шахтинский келді де, бидайдай қуырып ұрысты.

— Біздің келісімімізсіз жиналыш өткізуге кім право берді? Қане, тарандар!

- Өз ықтиярымызбен...
- Өздерің неге анда-санда айтып тұрмайсындар?
- Біз түрмеде жүрген жоқпыз... Өлдік қой әбден...
- Малды да бұлай бакпас...

Міне, осы секілді сөздер жан-жақтан жаңбырша жауып, Шахтинскийдің аузын аштырмады. Ол бір қызырып, бір сазарып түрді да: — Жарайды. Олай болса өткізіндер. Бірақ ақырғы рет. Ерігіп жүрсөндер жұмыс күнін бір сағатқа тағы ұзартамын, — деді. Көзілдірігін сүртіп киіп, кетуге ыңғайланғанда, Иван: — Тоқтай тұрыңыз, — деді жолын кесіп.

— Сіздердің бұл карьердегі іс-әрекеттерінің маған мұлдем түсініксіз. Мындаған жұмысшыны орман арасындағы андай қамап ұстап, қараңғы жұмсал, тағдырмен ойнауға болмайды.

— Сен кім едің бізді тергейтін?
— Мен — соғыста жараланған жауынгермін. Қазір жұмысшымын.

— Ендеше, жарқыным, өз жұмысынды біл. Тіл безегенше, норманды орында. Қарапайым халықтың миын қатырма. Бұл — еңбек армиясы!

— Еңбек армиясы да, негізгі армияның бір бөлігі. Оқ жауған майданда да он-солымызды танытып, ойын қоятын, хабар жүргізетін. Ал сіздер қораға қамаған қой секілді қаранғыда

ұстағыларыңыз келеді, – деп, шімірікпей бастырмалатты. Риза болып қалдық.

– Жоғары жақтың рұқсатынсыз жиын өткізуге қақың жоқ. Мұның ақыры жікшілдікке, бунтқа апарып соғады. Әлде... Өкіметке қарсы топ құрып жүрген шыгарсың... Тексереміз. Аяқсыз қалдырмаймыз. Тілің тым-тым ұзын екен... Өзің партияда бармысың? – деп қарсы шабуылға көшіп, Иваннан қоғамға жат мінездер іздей бастағанда, бағанадан едіренесіп, жұбы жазылмай тұрган жұмысшылар жылыстап тарап, біртін-деп шетінегі берді. Байқап тұрмын, алғашқы болып атып шығып кеткен Құмырай еді. Мен Иванның қасында тұрганмын, Шахтинский қойнына қол жүгіртіп мениң де аты-жөнімді, қайда, не істейтінімді тәптіштеп жазып алды.

– Партияда өзіңіз барсыз ба, соған күмәнім бар. – Иван тайынар емес.

Он жылдық стажым бар, құрметтім. Сен іштаншаң жүрген-де өткенбіз.

– Бекер-ақ болған екен, – деді Иван мысқылдай.

– Не бекер болған?

– Сіздің байқаусызыда партбилет алыш, бастық болғаныңыз.

– Қысқарт! – Шахтинский шикандай қызырып ашуланды.

– Я вам покажу где раки зимует! – Шұғыл бұрылып, шапшаң басып шығып кетті. Айналама қарасам он шақты жігіт қана қалайппыз.

– Өзіне де сол керек. Қатырдың. Міне, жігіт, – деді барақтың босағасына сүйеніп тұрган ак көйлекті, көгілдір көзді қыз.

Осы өзін қуаттаған жалғыз ауыз сөз Иванды арқаландырып жіберді ме, қыздың бетінен шөп еткізіп сүйді де: – Қыдыруға қалайсыз? Колыныз тие ме? – деп бірден ұсыныс жасады.

– Сол үшін есік күзетіп тұрган жоқпын ба, – деп қыз сыңғылрай күлді.

– Ендеше, жүрініз. Жаныңызыда құрбының бар ма? Ақан досымды жападан-жалғыз тастан кете алмаймын.

– Сіздікі қызық екен. Әдетте қыздар осылай қылымсушы еді.

– Қазір менсінбей менменсіп тұrap, жоқ болмаса қыз қылымсып, жігіт жағымсып тұrap уақыт па.

– Оныңыз рас қой, бірақ уақыт солай деп, тауыққа да айна-лып кеткен жоқпыз. Әйел намысын ешқандай жау, ешқандай қару-жарак, аштық пен жоқтық жене алған емес. Ауыр уақытты

желеу етіп, басына сөйлегеніңді қайтып алыңыз. Әйтпесе мен сізben қыдыруға шықпаймын.

— Кешіріңіз, асығыс айтылған оғаш пікірімді өзіме қайтарыңыз, — деді Иван қыз уәжіне жығылғандығын ұяла мойындал.

Біз үшеуміз түн жамылып сыртқа шықтық. Қыз өз жатын орындарына жүгіре басып кетті де, құрбысын ертіп қайта оралды.

— Ынғайсыз болды-ау, мен кетейін, — деп күнкілдедім.

— Жеп қояды деймісің. Дем алып, қыдырып қайтайтық.

— Мен сен секілді сұр бойдақ емеспін, әйелім, үш қызым бар, төртіншісін күтіп жүрмін.

— Қызық екенсің, — деп құліп арқамнан қакты Иван. — Саган үйлен деп үгіттеп тұрған жоқпын. Адам ретінде әңгімелесіп, сырласуға болады фой.

— Қазақтар танымайтын қызбен «әншейін» қыдыруға үйренбеген. Ойнаймын деп от бассам, жанасам деп жаныма жарықшаш түсіріп алсам қайтемін.

— Ой, сені де жігіт дейді-ау.

— Міне, біз келдік, — деді жадырай құлген бірінші қыз жақындей бере. — Танысып қойыңыздар, менің досым — Надежда.

— Өуелі өз есіміңді айтпайсыз ба? — деді Иван қолын ұсынып. — Менің атым — Иван, мына жігіт — Ақан деген қазак.

— Мен — Галинамын.

Осымен қыскаша таныстық аяқталды.

Иванның сөзі түйеден түскендей оғаш естілді ме, қыздар ыңғайсыздана ошарысып қалған. Ақырын басып, орманға қарай беттедік. Барактан ұзап кетуді қаламаған қыздар жүз қадамдай жүрген соң тартыншақтай бастады.

Шілденің түні жылы. Ай толып, он бесінен асқан әдемі шағы еді. Айдың сәулесі ағаш арасынан шұбарлана, сыналап сәүле шашады. Иван мендей емес еті тірі, пысық жігіт қой, Галинаны ыңғайлап бөліп алып кетті. Біз біразга дейін не айтарымызды білмей үнсіз тұрып қалып едік. Мен орысшаға шорқақтығымнан жасқанып жақ аша алмадым. Тегі, қыз әңгімені мен айтар деп күткен болуы керек, ол да алғашқы сөзді бастай қоймады. Тіпті ыңғайсыз-ақ болды. Қекейімде «бекер-ақ келдім» деген өкініш бар. Ғұмырымда бірінші рет жатжұрттық қызбен қатар тұрмын. Тұсім секілді. Оның ажарын ала көлеңке

орман арасында анықтап байқай алмадым. Ол қолындағы жапыракты жұлмалап, төмен қарап тұра берді. Өзімді-өзім жек көрдім, ыңжықтығымды ауылымнан көрдім. Қорада байлаулы өсken бұзау секілді жуастығым тілімді байлады. Дірілдеп, сескенгендеймін бе-ау... Бар қолымнан келгені, бар біletін орысша сөзімді қолданым.

– Как вас зовут – дедім.

– Я же вам сказала: Надежда, – деп қыз күлді. Кірерге жердің тесігін таппадым. Алайда осы оспадарлықтың өзі де екеу арадағы қамалды бұзғандай еді. Шоқыраптап біраз жөн сұрасқан болды.

Надежда Украинадан эвакуациядан келген екен. Ол сыртта жүргенде үйлеріне бомба түсіп, өзінен басқа тірі жан қалмай каза тауыпты. Екі көзінен жас парлап, болған уақиғаны айтып бергенде, сай-сүйегім сырқырап, жанарымнан жас қалай шыққанын байқамай қалдым. Қабыргам қайысып аядым. Оның жанында біздік еріккеннің ермегі екен-ау деген ой келді. Қарғадай қызың он екіде бір гүлі ашылмай жатып, осыншалық қасіретке ұшырағаны, менің өмірге деген бұған дейінгі салқындау көзқарасымды қатайтқан еді. Шыбық тимей шыңқ етер жігерсіздікten арылып, қайғы мен қындыққа мойымайтын беріктікті үйреткен.

– Мен қайтып туған жерім Львовқа бармаймын, – деді Надежда көзінің жасын сүртіп. – Осы Орал тауының шығысына – Сібірге аттанамын. Соғыс аяқталса болды, бақытымды сол сүйк та тыныш қалың тайғаның арасынан іздеймін.

– Неге? Kіci өз ауылынан, өз елінен қаша ма екен?

– Өйткені, соңғы ғасырда жау тек қана біз жақтан шабуыл жасай береді.

– Қызық екен, – дедім мен. – Жау тиді екен деп жан сауғалап кетуге болмайды фой.

– Ондай патриоттық сезім менде жоқ дейсіз бе? Жазығым не?

– Қайдам. Бірақ енді жау шаппас. Шапса да батыстан емес.

Алакөлеңке орман арасында тұннің жарымына дейін әңгімелесіп тұрдық. Біздің арамызда бөтен ой болған жоқ, сезімнің жетегінде де кетпедік, әрқайсымыз өз мұнымызбен әуре едік. Түү шығыстағы біздерді, түү батыстағы Надежданы Оралдың қалың қарагайлы орманына төге салған зұлматтың әсері екіудай еді. Бұған дейін көз көріп, аяғымыз жетпеген

мұлдем басқа ұлттың өкілдері бір шаңырақтың астында бірігіп, қара наң, үсіген картопты бөліп жедік. Тұр-тұсіміз, тіліміз бен дініміз бөлек демедік, бір кісінің баласында маңырап табыстық. Отан соғысы біздердің басымызға қайғының қара бұлттың ғана төндіріп қана қойған жоқ, біздерді айнымас ұлы достыққа да үйретті. Ат жалын тартып мінгеннен бері менің ұғымында: әйел мен ерек жақындассаса тек қана сүйіспеншілік, ашыналық ойдың желігі деп түсініп келген мен, жыныстық, ғашықтық қатынастан да биік, киелі Достық барын алғаш рет сана сарабына салдым. Әсіресе, Надежданың қолымнан ұстап тұрып: – Егер киім-кешегіңіз кірлеп кетсе немесе жыртылса маған бере салыңыз, қалай дегенмен әйел затымын ғой, жуып, жамап берейін, – деген қамқор сөзі көнілімдегі көк мұзымды еріткендей еді. Біз бұдан кейін де сан рет жолығып, жұбымыз жазылмай жарасып жүрдік. Елдің өсек-аяң қанқу сезін тындарадық. Ағалы-қарындастай туыстық таза сезіммен қындықты қатар тұрып қарсы алдық.

Ай қораланғанда бараққа қайттық. Иван әлі келе қойған жоқ еken, төсегі бос жатыр. Жұмысшылар шырт ұйқыда, тек қана Құмырай ояу, теріс қарап дорбасын актарып, тамақ жеп отыр еken, маған алая қарады да, ұрлығының ұстінен түсіп қалғанымды жақтырмағандай, оны-мұнысын жасыра қойды. Аузын сұртіп: – Иә, жігітім, хахолдың қыздары қандай болады еken. Ауылдастың ғой, маған да ауыз тигізсенші, – деді күлген болып.

– Эйелің жіберген сәлем-сауқаттан бөліскендей-ақ сөйлейсің-ау. Сәресі ішіп отырсын ба, тауық шақырарда тамақ іше ме еken...

– Енді әркімнің кәсібі әртүрлі ғой. Сен ойнас жасайсың, мен оразамды ашамын...

– Қанығын білмей тұрып оттама!

– Сонда қалай, мысық пен тышқан ойнадындар ма?

– Эй, қайран қазағым-ай, иегінің астындағыны ғана ойлай-сындар-ау, қайтейін. – Қажып, таусылып айттым. Надежда екеу арамыздағы терең де мөлдір сезімді оған таң атқанша айтсам да түсіндіруім мүмкін еместігіне көзім жетті де, тас бүркеніп жатып қалдым. Көзім іліне бергені сол еді, бараққа әлдекімдер кіргендей болды. Иван келген шығар деп басымды көтердім. Ол емес қасына ерткен милиционері бар, бастығымыз еken.

— Иван қайда? — деді дауыстап. Таң алдындағы оқыс айғайдан жұмысшылардың барлығы да өре турегелді. Әрқайсысы өз төсектерінде көздерін тырмалап ашып, үрпісіп отыр.

— Ол қыдыруға кеткен, қазір келеді, — дедім мен.

— Қыдырганның көкесін көрсетейін мен оған. Мүмкін қашып кеткен шығар.

— Қашатындаі не көрініпті. Жау ма екенмін, — деген үннен барлығымыз жалт қарадық. Барақтың есігінде төбесі мандашшаны тіреп серейген Иванның өзі тұр еді.

— Иә, жаусын? — деді Шахтинский. — Сен ұсталдың.

— Жазығым не?

— Жазығың сол — бүлік бастадың. Саясатқа қарсы сөз айттың. Тергейтін жер бұл емес. Оны-мұнынды тез жина да, алға тұс.

— Тұрган бойым осы.

— Тіпті жақсы.

— Жігіттер, — деді Иван есікten шыға беріп. — Жалғыз шешем бар еді, хабарлай салындар. Естерінде болсын, бұлай өмір сүруге болмайды, ауданға барындар. Соғысқа сұранындар. Біздің карьерде бір шикілік бар. Нагыз жаудың кім екенине ертең-ақ көздерін жетеді.

Менің адад да аккөніл Иван досым осылайша жазықсыз қолды болды. Қоң етімді кесіп әкеткендей бір түрлі қоңылтақсып қоңлсіз жүрдім. Ал Галина болса: «Маған осы жігітті де қимадың-ау», — деп көп жылады.

Иван ұсталып кеткен соң, жұмысшылар бұрынғыдан әрі сактыққа көшіп еді. Қиуы келіспейтін бір нәрсенің барын сезсе де іштей тынып, таскерен үнсіздікке, көнтүлақ көнбістікке көшкен. Ортамыздағы оқ көрген батыл жігітіміз істі болып, зым-зия жоғалған соң, суырылып шығып шындықты айттар өжеттердін үні өшкен. Сылп-сылп жүріс, сыйбыр-сыйбыр сөзден басқа қарекетін жоқ, артын баққаннан басқа айла таба алмай сарсанға түстік. Майдан шебінен де хабарсызбын, тіпті соңғы күндері «Жаудың беті жаман екен, біздің әскерлер шегініп барады», — деген лақап тарай бастады. Эрине, біз ондай алыпқашты сөзге сене қойған жоқпыз. Сенбесек те әркімнің кекейінде үрей елесі ұялай бастаған-ды. Жалғыз-ақ міндетіміз — топырақ қазып, болат қорытып жатқан алып заводтарға жөнелту, әрі тез, әрі мол жөнелту. Осығана ма еді? Совет адамы болған соң, тек тиісті жұмыссымызды істеп тастанап, қайғысыз,

шалқадан түсіп санасыз жату ма?.. Ел басына туған қаралы күннің ыстық-сұғына ойша болса да ортақтаспай, Отанға төнген қауіпке қабыргамыз қайыспай, көртышқанша үңгіп жер қаза берсек, азаматтығымызға, тіпті, тәнірім-ая, адамдығымызға сын емес пе. Неге біз, өндірдей-өндірдей жігіттер істі болып, айдалып келгендей, көзге көрінбейтін, әзірше белгісіз, бірақ іштей сезіп жүрген қоршаудың ортасында, баяғының құлақкесті құлдарында, мәңгірген күйде мәңгі тыныштықты шуақтап жүре беруіміз керек. Жау жағадан алғанда, бөрі етектен алды дегендей, осы жұмбақты халіміздің ар жағында қаскөй әрекет тұрған жоқ па? Міне, осындай күмән мен мазасыздық талаймыздың жүргегімізде жасырын жаңып жатқан еді. Он жігіт арыз беріп майданға сұрандық. Онымызды бірдей кенсеге шақырып алды да: – Иванның кебін киесіндер, тыныш жүріндер, соғысқа жіберер болсақ, сендерден сұрамаймыз, – деп қатты ескертіп қоя берді.

Ауылдан аттанған бес жігіттің ең кішкенесі – Бура еді ғой. Бір күні ол зым-зия жоғалып кетті. Іздемеген жерім жоқ. Көктен құдай, жерден шұнай алғаны белгісіз. Из-түсіз ғайып болды. Алғашында қашып кеттіге жорыған жігіттердің қаңку сөзіне сенбедім. Әне келеді, міне келедімен бір тәуліктея уақыт өтті, хабар жоқ. Елден келген азаматтарға бас-көз болып, олар да мені жан тартып, (Құмырайдан басқасы) үйректеп жүргендіктен, бар жауапкершілік маған түскен еді. Ал десятнігіміз болса, «осының барлығына сен кінәлісің» деп, жан алқымнан алды. Ақсакалымыз Қаймақпен ақылдастым.

– Қашып кеттіге жүргегім сенбейді, аға, – дедім. – Ақыл қосының, не істейміз? Байғұс бостан-босқа сотталады ғой.

– Мен білсем, ол бір жерде тығылып жур. Анда-санда жоғалып, табылатын әдеті бала кезден бар еді. Баяғыда Шабанбайда шөп шауып жүргенде де осылайша үш күн қарасын батырып қайтып келген. Ол кезде бәрі кешірімді, заман тыныш еді ғой. Бастықтардан бір күнге сұранып, осы маңайды ізде, – деді.

Бастықтар рұқсатын берген соң, ертелетіп тұрдым да, жолға шықтым. Жолға шықтым деп әншнейін айтамын, Оралдың таутасты қалың орманын сүзіп, әр бұта-қараған, қуыс-қуысына үңіліп, мая ішінен ине іздегендей аралап келемін. Көрмеген жердің ой-шұқыры көп дегендей, бейтаныс таудың жөнжосығын білмей, нейбетке қанғырғаным болмаса, қай тұсты

қарағанымнан хабарым жоқ. Қалың ағаштың ішіне кірген соң, батыс-шығысымды ажырата алмай, өзім адаса жаздадым. Ондай сэтте тырмысып жақпарлы тасқа шыгамын да, оң-солымды шолып, қайта етекке түсемін. Осылайша құр бекерге сандалумен кешті батырдым. Қас қарада әбден сұлдерім құрып, құдерімді үзе қайтуға бет алдым. Осы шақта сонау кепештігіне терек өскен қож-қож қара тастың тубінен от жылтырағандай болды. Салып-ұрып жетіп баруға, ал дегендегүрегім дауаламай, аңтарыла тұрып қалдым. Содан соң не де болса деген тәуекелмен бір басып, бейне бір арыстанның апанына бара жатқандай, жақындағым. Орман ішінде ұрлық жасау қыын ғой, әр бұта, қуарған бұтқа сыртылдап, дыбыс беріп, әлемге әйгілеп қояды. Бойымда қорқыныш бар. Мысықтабандап тақалғанымда, өз көзіме өзім сенбедім, әлденені отқа көміп, пысылдап Бурам отыр. Қолы, бет-аузы күйелеш-күйелеш, ертегідегі жалмауыз шалдай, бұкшің қағып, қап-қара домаланған нәрсені қомпаң-компаң асайды. Жетіп барсам, шошып қалып, өзімді тарпа бас салатындағы көрінді, тіпті тұра қашып, айырылып қалуым мүмкін. Не де болса деп, дыбыстадым. Шаланы көлденен ұстап, айбат шекті. Мені әлі көрмеген секілді.

— Бура, мұның не, менмін ғой. Ақанмын. Таста қолындағы шаланы.

— Сен неғып жүрсің? — деді көзі шоқ болып жанып.

— Сен іздел жүрмін.

— Мен немене, қашқын ба екемін. Ертең өзім-ақ оралар едім ғой.

— Таставы қолындағы қаруынды. Әңгімелесейік, — дедім жақындауға әлі де сескеніп. Ол шаланы отқа тастай салды да жүрелеп отыра кетті. Жайнап жатқан шоқты көсеп-көсеп жіберіп, қара домалақ тамағын алып шықты.

— Кел, Ақан, қарның ашып жүрген шығар. Картош жейік, — деді ыржия қарап. Мен сондағана әзірде әзірейлдей көрінген досымның қасына бардым.

— Бәтір-ау, мұның не? Ұят қой. Картошканы қайдан алдын?

— Несі ұят, — деді ол картошканың қабығын аршып. Шоқтан шыққан картошка алақанын күйдіріп, үрлеп сұытып, қалбырақ қағып аузына салды. Күйгізеді білем, шоқ шайнағандай тілін арпалыстырып, қинала жүтады. Мен оның ашқарақтанған қара ала, торы ала жүзіне қарап отырып, бұған дейін мүлдем көрмен өткізу менен біреуді жолықтығандай, жат мінезбен жек көрдім, әрі

қабырғам қайысып аядым да. Оның жүзінен қындықтан қашу, жоқ болмаса, әйтеуір, жан сақтайын, каратышқандай қыбырлап тірі жүрейін деген жымсыма құлықтан гөрі, балалығы әлі арылмаган аңқау да адад адамның бейкүнә қылығын анғардым. Осы кішкентай кезінен бері арылмай келе жатқан шолжаң мінезі өзіне сор болып тиерін біле ме екен айналайын Бура. Білмейді ғой. Білсе тапа-тал түсте, қүйіп тұрған заманда тәулік бойы жасырынып, отқа картошка көміп жер ме еді. «Ертең өзім-ақ оралар едім ғой», – деді. Кісінің күлкісі келетін қылық-ау, амал не, күлуге де уақыт жоқ. Енді мұның бұл балалығын кімге, қалай түсіндіруге болар...

– Кел, картошка же, – дейді қаперсіз. – Мына таудың аргы етегінде ауыл бар екен. Огород толған картошка. Қарным ашқан соң бір түбін қазып алдым.

– Құдай-ау, бастықтарға не дейміз? Сотталасың ғой!

– Неге? Мен қашып кеткен жоқпын. Баяғым есіме түсіп... Соттаса – соттай берсін, корқарым жоқ. Сен секілді артымда қалған бала-шағам бар ма, құйрық жалғыз қу жалғызыны. Елдің корымын.

– Үміт-тілегің алдында емес пе. Елге аман-есен барсақ үйленесің.

– Бойы бір қарыс жігітке қыз қараушы ма еді. Эйелім алдына алып әлдилеп отыра ма?

– Сен де қайдағыны айтады екенсің. Бар мәселе бойда тұр ма екен?!

– Ерекек болып жаратылған соң ер тұлғалы болғанға не жетсін, – деп күрсінді. – Ал қайтсақ, қайтайық. Бір күн жұмысқа шықпағанға қирап қалмас.

– Қызықсың-ау, Бура. Егер соғыста жүрсөң майдан шебін тастап кетіп қалшы, не болар екен.

– Не болады? – деді сол аңқау қалпымен.

– Атып тастайды.

– Атпақ түгіл, аспаққа асса да бір күн жоғалып, өз еркіммен қайтып барад едім.

– Тфу, саган айтып сөз, ұрып таяқ өтпейді екен. Дауасызың. Өз обалын өзіңе.

– Сен ара түспей-ақ қой. Арым таза, соны ғана білемін. Егер адамның жанында не жанып жатқанын зерттеп, анықтап барып жазаласа, онда Құмырай бірінші болып сотталуы керек. Амал не...

— Амал не... Ондай анықтағыш құрал ойлап табылған жоқ қой. Сондықтан да сотталасың, — дедім мен күрсініп. Біз қалың ағаштың арасынан барақ жақты тұспалдан жолға шықтық. Жанымда жұдырықтай ғана болып, бұлкек-бұлкек еріп келе жатқан Бураның ертеңгі тағдышын ойладым. «Балалық жасады», — деп кімге айтып, ұқтыра аламын. Өмірде осындағы еркелік жасап алып, ғұмыр бойы азап шегетін адамдар бар. Ал құлығына құрық бойламайтын арамзалар жалғанды жалпағынан басып жүре береді.

— Неге екенін білмеймін, баракқа барғым келмейді, — деді Бура тартыншақтап. — Жүргім бір түрлі дауаламай келе жатқаны. Сотталамын-ау деген қорқыныш емес, жо-жоқ жазадан қашпаймын. Басқа... өзім де білмейтін белгісіз үрэй бар бойымда.

— Қой енді... қыңырая берме, деп қолынан жетеледім.

— Қоя бер, — деді ол дірілдеп. — Қоя бер. Қаша жөнеледі деп қауітненесің бе? Сен ізден келмесен де өзім қайтып баар едім.

Біз сыйбыр-сыбыр аяңдап үнсіз келеміз. Жатын орынға жақындағы бергенде Бура басқа үргандай қалт тұра қалды.

— Сен сезесің бе, Акан, — деді үні дірілдеп. — Сен мені өлімге ертіп келе жатқан секілдісің.

— Былжырамашы. Барған соң көрерміз. Бастықтар да адам түсінер.

— Бірақ сен түсінбедің-ау менің қазіргі халімді. Өмірімде бірінші рет үрэй биледі мені. Үрей!

Алдымта түсті де томпандай жөнелді.

Бұл істің ақыры жақсы аяқталды. Бастықтар Бураны соттаған жоқ. Қаршадай немені түрмеге қамап қарқ болмаспзы деді ме, ұрсып-ұрсып, бір ай тегін жұмысқа кесті. Мені де тек қалдырған жоқ, сөгіс берді. Бірақ Бура аман құтылғанына қуанған жоқ, «соттағаны жақсы еді» деп, құн өткен сайын жүдеп, ұнжырғасы түсе жұмбакты журді. Үлкен жақалық ашатындағы ләм деместен оңаша отырады да қояды. Әйттеуір, қалқайып тірі жүр дегені болмаса, атам заманда өліп қалғандай, бұл дүниеде бар-жоғы белгісіз.

Сол жоғалып, қайта табылған күннен бастап, жерлесіміз Бураның өз-өзінен жансыздана бастаған тірі өлік бейнесі, оты сөніп, қоламтаға айналған жанары, тілі кесілгендей үн-түнсіз саяқ жүрісі бәрімізді таң қалдырды. Бұлайша азаптанғанша соғысқа аттандырар ма еді деп ойладым.

...Ертеңіне наубайханаға барып, нан пісіру жұмысына кірістім. Тілі жаландыған қып-қызыл жалынның ортасына кірдім де кеттім, – Алма кемпір әңгімесін одан әрі жалғастырды. – Ауыл адамдарының тайлы-таяғы қалмай шөп науқанында. Көшеде бірлі-жарлым ойнап жүрген жас балалар болмаса, ересек адамнан ешкімді көре алмаймын. Ол шақта кәрі болсын, жас болсын қол қусырып қарап отырған немесе екі қолын қалтасына салып салақтап бос жүрген кісі көрінбейтін еді, зәуде көрінсе, көзге шықкан сүйелдей оғаш сезілетін де, адам өз-өзінен ұят отына өртеніп, кірерге жердің тесігін таба алмаушы еді-ау. Тамыз аяқталуға жақын қалса да аптаптың беті қайтпаған. Сол жылы жазда күн аса ыстық болып еді. Кешелер ғана соқалап жыртып, тас қазып суарған егіндік бас жарып, Құркіреме мен Жаманашының беткейі жайқалып тұр. Қарасан көз қуантады, көңіл сергітеді. Сергелденге түскен ел үшін бұл да болса үлкен мерей, жүдеген жанға медет еді. Жарықтық табиғат екеш табиғат та бейкүнә де бейбіт халықа көмектескендей мейірімін аяған жоқ. Біз де қу жанымызды аяладық па, таңды таңға ұрып қымылдадық.

Тамақтың ортасында жүр деген аты болмаса, ұн илеп, пісіру де азабы көп жұмыс екен. Таңғы тауық шақыра сүйретіліп орнымнан тұрамын. Жалғыз сиырды қактап сауамын да, бұзауына қалдырмай сиып алған сүтті пісіремін. Содан соң құстай ұшып наубайханаға асығамын. Кеше түнде жасап кеткен ашытқы көтеріліп, ағаш күбіден аузы-мұрнынан шыға тасып тұрады. Білекті түріп жіберіп қамыр басамын, илеуі әбден қанған соң, қалыпқа салып, жалындаған пештің шаласын алып, шоғын азайтып қамырды салып, көмейіне жүгіртемін. Ақ тер, қара терім шыға сүмек болып терлеген қалпым жалынға шыдай алмай сыртқа атып шығар едім де, бетімді сүйек суға жуар едім. Шырмауық ашытып, ертең пісірер нанның қорын әзірлеймін. Міне, осылайша жанталасып жүріп күніне бір центнер нан пісіремін. Пештен шығаратын нанның салмағы – 50 килограмм болу керек, міндеп сондай.

Айы-күнім жетіп, аяғым ауырлағандықтан ба, жоқ болмаса әбден болдырып шаршағандықтан ба, білмеймін, үнемі шала үйкі болып, қалжыраған мен пешке нан салып қойып, алуды ұмытып ұйықтап қалыптын. Не кара басқанын бір тәнірім білер, әйтеуір пеш толған нанды жеуге жарамсыздай ғып

күйдіріп алдым. Колхоз бастыққа керегі осы еді, қамшы үйіріп, «қарабет» деп қатты ұрысты. Елу килограмдай нанды мойныма қойды. Эйтеүір, жұмыстан шығарып тастаған жоқ.

Әлі есімде сонда тоғытып пісіріп, топырлатып жөнелтіп жатқан нанның шетінен бір үзіп жеуге жасқанушы едім. Қарным ашып, көзім қарайып құлайын деп тұрса да, дәмін де татпастан үйге келіп, енем қарып қойған күйік-күйік қара қарманы қарбыта асаймын. Менің бұл ақ жүрек адалдығыма ол кезде, әрине, ешкім сенбеді, тіпті қазір де илана қоюы екіталай. Не десе де имандай шыным осы. Егер істеген ісімнен иненің жасуында болса да мін тапса, зәредей болса да ұрлығымның үстінен түссе – өзіде шығайын деп тұрган көзді шұқып алғанмен бірдей еді. Бұғін бе, ертең бе босанайын деп отырған сәтте, үйдің іргесінен тапқан жұмысынан айырылып қалуым оп-оңай. Ендеше, тек жүрсөң – тоқ жүресің, ақ көңілдің аты арып, тоны тозбайды деп, бекер айтпаған ғой, нанның арасында аштан өлсем де, сұғанақтық жасамайын деп ойладым.

Дәү пештің жайнаған шоғын сөндіріп алған соң, шелекке салып қоямын да, үйге ала қайтамын. Қарагайдың кесек-кесек көмірі самаурынды тез қайнататын. Нанды пештен шығарып, бетін жауып, наубайхананың құлышын салып, аяңдан үйге келе жатыр едім, әлдекімнің: – Эй, албасты, тоқта! – деген даусы санқ ете қалды. Қаранғыда оқыс үннен балам түсердей шошынып қолымдағы шелекті тастай бере «көтек» деп отыра кеттім. Дұрсілдеген жүргегімді әрең басып, көзімді ашсам – алдымда Нартай тұр. Аттан түсті де шелекті төңкеріп, ішіндегі көмірін төкті. Мен аң-таңмын.

– Не іздейсіз, аға? – дедім даусым қарлыға.

– Албасты, ұрлығыңың үстінен шықтым-ақ деп едім, бұғін үрламапсың, – деді әлі сенбегендей жайрай шашылып жатқан көмірді қамшысымен тұрткілеп.

– Ненізді ұрлап едім?

– Мұләйімсуін. Сенің семьяң үлкен. Он шақты бокташақты не беріп асырап жүрсің. Әрине, үн жымқырасың. Көмірдің астына нан, тұз ұрлап салып, күнде үйіне тасиды деген арыз бар. Қане, қаншасын алдың, шынынды айт. Ұрыспаймын, тек еңбеккүніңнен ұстап қаламын.

– Ой, ағай-ай, кім айтып жүр ондай өсекті? Алла сақтасын. Бала-шагамның атынан ант ішнейін, бір жапырақ нан ұрласам құдай төбемнен ұрсын, – деп безек қаға қарғандым.

– Эй, бәрібір сенбеймін. Сен албастыдан шығады, – деп ақ боз атына мінді. – Ертең келесі айдың военсалығын төлендер.

– Ойбай, агатай-ая, екі-үш айға бір-ақ төлеп едік қой.

– Ендеше, келесі жылдан құтылындар, – деп, астындағы атын солқылдата кеңк-кеңк күлді. Содан соң тебініп қалды да, қара жерді дүрсілдете шаба жөнелді. Тасқа шақыр-шұқыр тиғен тағадан от шығара түннің қап-қара қойнына сіңіп жоқ болды.

– Жоқ болғыр. Қараң өшкір. Ерді бермедің деп ерекіспе жүрсің-ая. Мә-мә мынаны аласың! – деп, соңынан топырақ шашып, қолымды шығарып долданым. Қатынның қолынан одан басқа не келуші еді. «Ақаным аман-есен оралсын. Аяғымды жалатармын айдаңар. Ақаным аман-есен келсін...» Үйге жеткенше ботадай боздап жыладым. Мен осылайша, ешкім жоқ оңашада көз жасымды ата-енем, бала-шағама көрсетпей төгіп-төгіп алушы едім. Жарықтық жаңбыр жауса жер көгереді гой, ал көз жасынан соң қоңілің сергіп, бойың жеңілдеп қалады екен. Егер соғыс кезінде аққан көздің жасын бір жерге жинар болса, сөз жоқ, айдың шалкар көл болар еді. Иә, біздерді соғыс қартайтқан. Біз, әйелдер, жұмыстан әсте де шаршаган да қажыған емеспіз. Біздерді уайым-қайғы шаршатқан. Енді ойлаймын, әлемдегі ең қажырлы, шыдамы берік, жаны сірне тек қана әйелдер! Біз әрқайсымыз майданда жүрген он азаматтың ауыртпалығын тартып, он азаматтың жұмысын атқардық. Рас, ерек бол деді – ерек болдық. Жесірлік пен жетімдіктің зарын біздей тартқан ешкім жоқ. Өзегіміз өртеніп, беліміз талып келіп сұп-сұзық төсекке қисая саламыз. Тұсімізден шошып оянып, «А, құдай ер-азаматты сакта, а, құдай Отанды сакта», деп тәңірге жалбарындық. Жауды женғен қаруғана ма... жауды женғен мыңдаған әйелдің тілеуі, мыңдаған әйелдің қарғысы. Жауды женғен жауынгерлердің қаны ғана ма, жауды женғен аңыраған ананың, қырмызыдай қыздардың сорғалаған көз жасы. Соғыста жесір қалған әйелдердің көбінің көзі көрмей, жанары суалып қалғаны содан, айналайын.

Бірді айтып, бірге кете бердім-ая. Арада он күн өткенде Ақанымнан хат келді. Пешке нан салып қойып, жалынның жарығымен ежіктең оқып шықтық.

Ақанның хаты: «...Алтайдың асуындей, Бұқтырманың тасуындей, асқар да мөлдір сәлем жолдаушы Ақаның. Жалғанда сенен ардақты, сенен асыл кім бар маган. Сондықтан

да алғашқы сұрарым өзіннің денсаулығын. Қара нардай қасқайып, алысқанмен алысып, айтысқанмен айтысып жүрген шығарсың, жарықтығым. Атам-анам, балалардың дені-қарны сау ма, ауыл-аймақ аман ба? Не жаңалық бар? Әскердегі Бағдат пен Ақтайлақтан хабар-ошар бар ма? Тірі ме екен өздері? Үйге хат жазса маған адресін салшы. Біз аман-саумыз. Баяғы жер копару, топырақ тиеу, басқа өзгеріс жок. Жағдайымыз жаман емес, тамақ тоқ, уайым жоқ деген секілді... Мұндағы бізді қойшы, елдегі сендер, соғыстағы азamatтар аман болсын. Басқа тілек бар ма. Екі ағайынның жаумен алысып жүргенде, көртышқанша жер қазып, бас сауғалап жатқаныма өкінемін де. Қайтейін, тағдырдың жазуы солай болған соң. Таңертен құн шыққан сайын сендерді есіме аламын, өйткені біздін ауыл сол – Күннің астындағой. Кешке құн батқан сайын Бағдат пен Ақтайлақты есіме аламын, өйткені олар күнбатыста қан кешіп жүр гой. Мені уайымдамандар. Алмажан-ай, бұл зұлпаттың да ақыры болмас деймісің. Жау жеңілер, ысқырып, ән сап біз де елге қайтармыз. Ақмет ағамнан қалған ерді атқа ерттеп, баяғыша байсалды ғұмыр кешер құн де келер. Жұрағаттарға, сұраған жанға үш қайтара сәлем айт. Айтпақшы, ұмытып барады екенмін-ау. Кеше көзім ілініп кеткен екен, түс көрдім. Қынымда сармойын, мүйіз сап пышақ, астымда аспанға атылған арғымақ уралап батысқа шауып барады екем деймін... Сенің де күнің жақындан қалды-ау... Шүйіншілі хабарға жорыдым. Ал хош сау бол! Көп қиналма, көп жылама.

Сәлеммен, Ақан».

– Күмісжан-ау, мұндаидай хаттан соң Қап тауын ас десе де аспаймын ба, – деді Алма кемпір жүзіне нұр жүгіріп.

– Ал мен ешкімнен хат алғып көргем жоқ, – деді Күміс күліп. Орынбай екеуміз ауызша сөйлестік. Ол тіпті әскерге де барған жоқ.

– Әскерге бару арман ба екен, – деді Алма кемпір күрсініп.

– Маған салса жер бетіндегі мұқым әскер атаулыны таратып жіберер едім.

Сонымен Ақанның хаты бойға қуат, жанға жігер берді. Адам қуанышты хабар естісе шаршаганың ұмытып, лактай секіріп, ойнап шыға келмей ме. Қундегідей емес, бүгін нанның бетін қүйік шалмай, сарғайып қана әдемі піскен секілді. Қундегідей емес, бүгін үш-төрт салымға жететіндей етіп, үн елеп тастадым. Қөнілім тасып, мұрнымнан ыңылдан ән

айтамын. Тіпті, құрсағымда нәресте жатқанын да ұмытып, қапшағай қимылдаймын. Жұмысты адамның қолы емес, көнілі істейтінін сонда білдім.

Маған көмекші болып Мағзия деген әйел істеуші еді. Қақ-соғы, үзіп-жұлып кетер сұғанақтығы жоқ, біртоға жуас. Мандайымнан тер сорғалап, шырмауық қайнатып тұрған маған қарап: – Алмажан-ай, қатты қимылдамасаңшы, ішіндегі баланды түсіріп аласың гой, – деп жаны ашитын. Сол кезде біз мықты болдық па, жоқ болмаса құрсақтағы сәбіміз мықты ма, білмеймін, тыным таптай арпалысқанда «Алла, белім» демеуші едік. Қазір гой, босанғанша екі ай, босанған соң бір жыл шырпы басын сындырмай үйінде жатып алады.

Күз туып, егін орағы басталған. Биылғы құздің өзі де аса бір жылы шыраймен келіп еді. Мәңгі таусылмайтын шаруаның қамымен жүрген колхозшылар шөп науқанын аяқтап үлгермей-ақ астық бастыруға кіріспей кеткен. Соғыстағы азаматтардың бірсыптырасынан қара қағаз келіп, қара жамылған әйелдердің саны күн өткен сайын көбейе берді. Жылай-жылай көзі қызара домбыққан әйелдер бәрібір қаздай тізіліп қырманға кетіп бара жатар еді. Осындағанда қайғы мен мұндан жер қайысқан күннің бірінде наубайханаға Сақыш келді. Бұрынғыдай емес, жүдеген, үнемі қызыл шырайланып тұратын беті тотыққан. Ұшқынданып, күн түскен айнадай жарқырайтын жанары шұңғрайғен, ұсына кіріп кеткен. Әлденеден көңілсіз, әлденеден шайлыққан.

– Амансың ба, Алма, – деп босага тұстағы бос шелекті төңкеріп отыра кетті. – Туу, жарықтық, наның ісін-ай!

– Өзің қалайсың. Жағдайың жақсы ма?

– Жағдайдың несін сұрайсың, өлмеген соң сүйретіліп жүрген гой.

Түйеше он екі ай көтеретін болғансың ба, неге босанбайсың, – деп езуін жымитып қалжыннады. – Енді кешіксен, баланың әкесі Ақан емесіне жұрт құмәндانا бастайды.

– Сен де қызықсың, Сақыш. Ұақыты келмесе, жұлып тастайын ба. Тезірек босанайын деп, қаттырақ қимылдаймын, болмай жүр.

– Дегенмен мықты екенсің, – деді бетіме тесіле қарап. Содан соң көкейінде іркіліп тұрған айтсам ба, айтпасам ба дегендей сәл толқып отырды. – Бағана қырман басында қаңқу сөз естідім.

— Е, ол қандай сөз, — деп мен әйелдік әуестікпен ентелей тустым.

— Сен көңіліңе алып қалма. Құмырайдың үйіндегі қара қатын тамам қызы-келіншектерді жинап алып, аузын ашып, көзін жұмып өсекті соғып отыр. Оралдағы қүйеуінен келген хатты самбырлап оқып берді. Жағдайлары нашар екен. Ит қорлығын көрсететін көрінеді. Бура трудабойдан қашамын деп, сottалып кете жаздалты. Әйтеуір, Құмырай араласып жүріп әрек алып қалған екен. Ал Ақан... өз-өзіңе берік бол, Алма, — деп мойнымнан құшақтады.

Ақанымыз... Украинадан келген бір қызға үйленіп алышты дейді...

Мен ішек-сілем қатып құлдім. Құлкім келмесе де қасақана сайдымазаққа сала сықылықтадым. Әрине, қанша иланбасам да жүргім аунап түскендей еді. Жо-жоқ, әйелдік қызғаныш оты тұтанбаган, тіпті, солай болғаның өзінде, ризамын ғой Ақаныма, түймедей нәрсени түйедей етіп ел-жүртқа дабырлаған Құмырай мен қатынына ызам келді.

— Немене, жынданып кеттің бе? — деді көзі бақырайған Сақыш.

— Мүмкін емес, — дедім сенімді түрде. — Мүмкін болған күннің өзінде де Ақанды кінәлай алмаймын.

— Сені қайдам, алғаш естігендे менің ішімді қара мысық тырнап алғандай қиналдым.

— Ағайындарға таң қаламын, Сақыш. Қан кешіп өлім мен өмірдің екі ортасында жүрсе де өсек айтқанын, өсекке сенгенін қоймайды-ау. Хат Ақаннан да келген. Мә, оқы, — деп омырауыма жасырған хатты Сақышқа ұсындым. Ол ерні жыбырлап, тез-тез оқып шықты да, шұберектенген жүзі жайнап қоя берді.

— Бәсе, Ақанжан осындаи жігіт еді ғой. Не деген бақытты әйел едің, Алма. Мұндан жүргегінді елжіретер хат жазған азамат он қатын алса да айналмайсың ба. Үң, көңілім енді ғана қөншіді ғой, — деп орнынан тұрды. Арманымның жалғасын сен жалғашы, құрбым. — Көзіне мөлтілдеп келіп қалған жасты көрсетпейін дегендей, жалт бұрылып шыға жөнелді. Иә, өмірде осындаи да әйелдер болған. Сондықтан да біз жендік кой.

Иә, жауды жендік... Бірақ өз ішіміздегі өгей мінезді, өсек-аянды жеңе алмадық. Бар болса көре алмайтын, жоқ болса бере алмайтын ағайынның азабы мені де тек қалдырған емес. Қайсыбірін айттып тауысайын. «Ақан орысқа үйленіп

алыпты» деген алышқашты сөз қаншама сағымды сындырып, жігерімді құм қылғанымен, мен домалақ басты пандемін ғой, қашан анық-қанығына жеткенше жүргегімнің бір бұрышында беріштеге қатып, ауық-ауық сызақтатып, жанымды жегідей жейтін. «Егер рас болса ше» деген сұық ой санамда итше үріп, саңқылдан тұрып алғаны. Бұрынғыдай емес, ел көзіне көп көрінбей, өз-өзімнен тұйық тартып, елең-алаңдан тұрамын, тұн ортасында қайтамын. Менің өміріме кірген осынау өзгеше өзгерісті ата-енем де сезеді білем, тағдырдың тезінен өткен көне көздер ғой, айды, аяған сайын құрақ ұшып аялай түседі. «Қойнына бай тоқтамайтын қаралы қатын» деген қанқу сөзден енді құтылдым-ау, ұмыттым-ау деген кезде! «Е, сайдың тасындағы жап-жас Ақан, кәрі сінірді не қылсын, жас қызыға үйленіп дұрыс істеген», – деп айызы қанғандар табылды. Бір күні жұмыстан шаршап, салым суға кете үйге қайтқанымда, алдынан қараң қағып атам шықты. Жарықтық, жақсы адам еді ғой, мені ойлап елегізеді білем.

– Ата-ау, негып жүрсіз қараңғыда? – дедім іштей риза болып.

– Әлгі кемпір, келін, кешікті ғой, алдынан шықшы, – деп тұртқілеп қоймаганы.

– Күнде осы уақытта қайтып жүрмін ғой, ата. Несіне әуре болдыңыз.

– Білем, келінжан... білемін. Саған қыын тиіп жүр. Жұмысың ауыр. Қазақтың ең тыныш отырғаны бір кебісті бір кебіске тығып отырады, ел не демейді, сенбе... Ақан ақылсыз жігіт емес. Рас болған күннің өзінде де бұл шаңырактың табалдырығын аттаптаймыз. Бізге сен керексің, жарығым. Қартайған шағымда қасіретінді көрмесем деп едім.

– Ракмет, ата. Өсектен өртенер болсам, ендігі күлім де қалмас еді. Маған керегі азаматтың амандығы.

Атамның сөзі дем берді, отыра қалып Ақанға хат жазды. Бірақ, «Сен туралы осындағы өсек бар, рас па?» – деп сұраган жоқпын.

Ертеңінде Ақтайлақтан қаралы қағаз келді. Ауылдық сәбеттің хатшысы көшеде ойнап жүрген бір балаға апарып бер деген екен, ол қағазда не жазылғанын оқымастан апамның қолына ұстата салған... Ал енем болса үлкен қызымыз Шолпанды шақырып:

– Оқышы, мынада не жазылған екен, – дейді. Қаралы қағаз

екенін білген Шолпан ботадай боздап, еңіреп қоя береді. Содан не керек, у да шу. Айман деген екінші қызым наубайханада жүрген маған келді: – Ақтайлақ ағам өліп қалыпты, – деді ентіге дем алып. – Апамдар жылап жатыр.

Ақтайлақ Ақаннан екі жас үлкендігі болса да, үйленбegen, соғыс басталысымен-ақ алғашқылардың бірі болып майданға аттанған, орта бойлы, ат жақты жігіт еді. Мен бұл шаңырақтың табалдырығын аттаған күннен бастап, ылғи да жылқы бағып, жаз жайлауда, қыс тебінде жүрді де, анда-санда кір-конын жудыруға ауылға түскенде ғана көретінмін. Тіпті, екеуміз бір-біріміздің бетімізге анықтап қарап тілдескен жан емеспіз. Алғаш Ахмет өлгенде мені оған емес, Ақанға қаратқанына елжүрт таң қалатын. Ал кезек Ақтайлақтық еді ғой... Енді міне, түтінін де тутете алмай шейіт болды; бір кіндік кесілді, бір ұрпак үзілді. Атам ауыл ақсақалдарына шай беріп, сыртынан жаназасын шығарды да, кісі бойындағашты арулап көмді.

Үйімізге келген алғашқы қайғыны Ақанға жазған жоқпын, жүрегін жаралағым келмеди. Мені қайран қалдырған, ауыл сәбеттің хатшысы Маржанның қылышы еді. Алыстағы азаматтың қазасын естірту рәсімін сактамай, қаралы қағазды ойын баласынан бере салғаны жаныма батты. Бұл қысастықты тағы да Нартайдан көрдім, өйткені кеңес болып жүрген Маржан колхоз бастықтың келіні еді. «Мұның не, Маржан, аруақтан үялсаң етті», – дегенімде: «Көдедей көп еркектің бірі өлді деп, жоқтау айтайық па. Өлі үш қайның бар. Ақан өлсе де байсыз қалмайсың», – дегені. Шашынан ала түспекке оқталдым да, ақылға жендірдім. Қол көтерсем болды, сыныққа сылтау іздел жүрген Нартайдың тұқымы айдатып жіберуі сөзсіз еді. Шыдадым, амал жоқ, шыдадым... Енді ойлаймын, егер сабырдың түбі сары алтын деген сөз рас болса, онда мен бүгінде алтыннан сарай орнатар едім. Олай емес екен... Ұрғызып-ұрғызып саймен жүргенше, ұрып-ұрып қырмен жүргенге не жетсін. Осы оқиғадан кейін не болса да «жаяуыммен» алысып өлуге бел байладым.

Ел-жұртқа шай беріп, қазаның қамымен бір күн жұмысқа шықпай қалып едім, ертеңінде кеңсеге шакырды. Басқарма мүшелерінің төрт көзі түгелдей жиналған. Барлығы ерт сөндіріп келгендей түнерінкі «тағы не естіртеді» дегендей зәрем ұша босағада тұрып қалдым. Нартайдың алдында қақ бөлінген нан жатыр.

– Мыналарың не? – деді нанның арасынан шоқпыт суырып.
– Ұнның ішіне шүберек салып илеп, пісіргендегі мақсатың не? Нанның салмағы ауырласын дегенің бе, жоқ болмаса колхозшылар қақалып өлсін дегенің бе? Бұл – қастандық. Жауапқа тартыласың!

– Мен қайдан білейін. Кеше жұмысқа шыға алмап едім. Мағзияның көзі нашар көреді, байқамай...

– Қастандық! – деп столды салып қалды. Айналада қоғамдаса отырған басқарма мүшелерінің бір-екеуі бастықтың сөзін қостап «қастандық» десіп қоқандады. Тек Жақияр ақсақалғана «байқамаған шығар» – деп еді, шәйі орамалын шекелей тартып, сылдырап отырған Бәтіш: – Бұл талақты тайрандатып қоя берсе, ертең біреуімізді өлтіреді. Былтыр Жаманашының бауырында Сақышты буындырып жатқанында әрең арашалап қалғанмын, – деді шімірікпей.

– Кандай жаза қолданамыз? – деді Нартай жан-жағына қарап.

– Наубайханадан шығарып, табанын тіліп қырманға салу керек, – деді есепші Қажы. Ол Нартайдың немере інісі еді. Құлағының мүкісі бар деп әскерге жарамай қалған. Ал қазір шыбынның ызыңына дейін естіп отырғанына ешкім де таңданған жоқ. Соғыс кезінде ондай-ондайлар бола береді гой, ейткені барлығына да жау «кінәлі». Иә, соғысқа сілтей салатынбыз...

– Мен қарсымын, – деді басқарма мүшесі Жақия ақсақал. – Айы-күні жетіп отырған адамды ауыр жұмысқа салып қуалауға болмайды. Босанғанша наубайханада қалғаны жөн. Нанның арасынан шоқпыт шықты деп несіне шошынамыз. Асығып жүріп, қарангыда байқамаған шығар. Баяғыда атамыз қымыз салқындасын деп, сабага бақа салып ішкенде де өлген жоқ қой.

– Ақсақал, баяғыны қоя тұрыңыз. Ол – ескіліктің қалдығы.

Алдымен шоқпыт мәселесін шешіп алайық, – деп қасын керді Нартай.

– Барлығын бітіріп шоқпыт қана қалса... шешсек шешелік.

Екіұдай болып дауласа-дауласа, әйтеуір мені бойым женілдегенше наубайханада қалдыра тұруға тиянақтады.

Дегенмен тұзым женілдеу әйел едім. Ойламаған жерден бір пәлеге ұшыраймын да жүремін. Азап пен Қайғы менің басымнан сәуірдің бұлтындағы төңіректеп, тарқамай-ақ қойды.

Осы жасыма дейін Ақанмен өткен оншақты жылым болмаса, жазғытурымдай жаудыраған шаттыққа толы шақтарым аз, тіпті жоқ екен-ау. Қаганағымнан қарқ болып тумасам да, тәнірдің маған арнаған тарысы бар емес пе еді. «Құдайдың бөліп берері жоқ, біреуден біреуге алып береді», – деп отырап атамның сөзі рас деп ойладым. Егер сол құдайың бар болса, бөліп те бермесін, алып та бермесін, дорбаға әкеліп салып та бермесін білсем де, еті тірілігімнің арқасында тірнектеп жинаған кішкентай ғана ырзығымнан айыра көрмесе екен деп тәнірге жалбарынамын. Бұл жалғанда ешкімді ешкім жарылқап тастамас, қоң етіп кесіп беретін асыл қасиеттің де тым аздығын білем, сондықтан да ешкімге телміріп, тілемсек ғұмыр кешкенім жоқ, ешкімнен де басы артық дәулет дәметкен емеспін. Ендеше, бір-бірімізге жамандық ойламай, бір-бірімізді сыртымыздан өсек айтып, аяқтан шалмай, кедергі жасап, кенірдекке жармаспай жарқын да жарасымды өмір сүргеннен артық бақыт бар ма.

Қыркүйек аяқталып, күздің қарбалас сәттері бәсекені бастаған. Ауыл адамдары бақшадағы жемістерін жинап, кораларына шөбін тасып, Алтайдың алты ай бойына сұлап жатып алар ұтсыз қысына әзірленіп жатыр. Колхозшылар биылғы күздің берекелі, жомарттығына риза, жақсылықтың нышанын сезгендей сеніммен қымылдайды. Майдандағы жағдай оңала бастапты, ентелеп келген жаудың беті қайтып, тұмсығы тасқа тиіпті, біздің айбынды әскеріміз немістің әпігін басып, әкесін танытыпты деген сыйылды жылы хабар дүркін-дүркін естіледі. Амал не, күн өткен сайын, қара қағаз да көбейіп, ауылдан аттанған азamatтардың жартысынан айрылдық. Адам баласы жамандыққа да көндігіп, үйренеді екен, қаралы үйге көніл айтып шыққанымыз болмаса, бұрынғыдай ағыл-тегіл жылау, шашымызды жайып жоқтау бәсекеніп, байсалды төзімділік женген. Қазан айы тынышты, жауын-шашиның өтерін сездіргендей жарықтық ай да орактанып қырынан әдемі туды.

Осындағ қоңыр күздің маужыраған, аспанда шүйкедей бұлт жоқ, шайдай ашық жылы күнінде мені толғақ қысты. Нан пештің лаулап жанған жалынымен алсысып, әдеттегідей, қарбалас жұмыс үстінде едім. Күнімнің тым жақын қалғанын білсем де, дәл бүгін, жиырма сегізінші сентябрьде толғақ басталады деп ойлағаным жоқ. Ал дегенде тыңдамай, ішімнің жай ауырганы шығар деп шырмауық қайнатып, білегімді түріп

тастап, арпалысып қамыр илеп бердім. Мандаіымнан ағылтегіл акқан тер бетімді жуып, иегімнен тамшылап, өніріме сорғалайды. Үнга тамып кетпесін деген оймен қайта-қайта жеңіммен сүртіп тастаймын. Әсіресе бүгін, барлық жұмысты бітіріп кетердей жанталаса қимылдағаныма көмекші әйел Мағзия таң қала қарайды, байғұс ол да маган еріп дедек қағып жүгіреді. Амал не, ерлігім ұзаққа бармады, ішім бүріп, әкетіп барады. Мықтап байлап алды да, алғашқы ауырғанын тындармай жұлқына басамын қамырды. Шыдай алатын түрім жоқ. Шөкелеп барып отыра кеттім.

— Саған не болды, Алма? Өнің бұзылып кетті ғой, — деп ұстай алды

— Мағзия! Толғақ қой деймін...

— Жүгір! Үйге жетіп үлгер. Наубайханада босанып қаларын.

Мағзияның көмегімен орнымнан әрең көтеріліп, далана шықтым.

— Өзіңе тапсырдым. Тағы да бірдемені бұлдіріп алма, — деп ішімді кос колдап басқан күйі үйге беттедім. Толғақ қыскан сайын жеделдете басамын. Толғақ қыскан сайын... «А, құдай, аман-есен үйге жеткіз», деп күбірлеймін. Шыдай аламын ба, жоқ па. Көз алдымдағы көріністің барлығы бұлдырап, аспан шыр көбелек айналып жүре берді. Бұқтырма өзені ағысын өзгертіп жоғары қарай сарқырап ағатындан. Көзім қарауытып, жүргегім айнып құксым келді, буын-буынным әлсіреп, жаңа аяқтанған жас ботадай тілерсегім дірілдейді. Өне бойымнан тер сорғалап, қара жерге тырс-тырс таматындан. Шыдау керек! Шіркін-ай, басымды ұстап, қолтығымнан демер тірі жан табылмады-ау! Етпетімнен түсіп жата кеткім келді. Әне үйге де жақыннадым. Шелектеп картошка тасып зыр жүгіріп қыздарым мен қайын сіңлілерім жүр. Дауыстап бірін шақырайын деп, аузымда ашамын, үнім шықпайды. Өлдім-ау, Ақан, қайдасың, белім сынып барады. Мың-миллион қозы маңырап қоршап алғандай құлағым тұнып, ештеңе естімей қалдым. Әйтеуір, кіресілі-шығасылы ғана есім бар — қалайда табалдырықтан аттап барып, жығылу керек. Неге екенін білмеймін, жан терім шығып қанша қиналсам да, өлемін-ау деген жаман ой санама келген жоқ. Тіпті аман-есен босанатынайма көзім жеткендей. Тек қана шыдау керек! Өз үймінің ауласына жеткенімді сездім. Жаңа қазылған дымқыл картошканы кептіру үшін

күннің көзіне жайып, дәл есік көзіне жайып тастаған еken, қырсыққанда айналып өтер жер қалмаган еken. Неде болса деп, ішімді қapsыра құшақтап, аттап-бұttап өте бергенімде тайып жығылдым. Одан арғысын білмеймін. Есімде қалғаны, қубірлеп айтқан жалғыз сөзім: «Атамнан ұят болды-ау». Әлгінде ғана құлак тұндыра маңыраған мың-миллион қозының ғана шар еткен даусы – жарық әлемге жар салған ең алғашқы айғайы естілді, естілді де кара жер қақ айырылды... Одан соң дүние шыр көбелек айналып жүре берді... Содан соң... білмеймін.

Есімді жиғанымда: төргі үйдің іргесіне таман салынған төсекте жатыр екенмін. Апам, Сақыш, Файша отыр жанымда. Сақыш қолындағы орамалымен маңдайымнан шып-шып шықкан терді дәместен сүртіп қояды.

– Арыстай ұл таптың, Алма! – деді құліп. Еңкейіп келіп бетімнен сүйді.

– Кіндігін мен кестім. Үлгердім-ау, әйтеуір.

– Бауы берік болсын, – деді Файша.

– Ақанымның арманы орындалды, құдайға шүкір, ат ұстар келді дүниеге! – деді апам шылауышының ұшымен көзін сүртіп. Атам ақ ешкінің лағын жетім қалдырып сойып тастаған еken, обал-ақ болды, бірақ лағы жетіліп қалған еді.

Міне, айналайын, жалғыз ұлды дүниеге келтірдім. Куанышымда шек жоқ. Құлыным-ай, картошканың үстінде туып еді, осы қадірсіздеу тамақты күн бүгінге дейін жақсы көретіні содан-ау. Ауылға келсе болды, әуелі сұрапы, картошка; ол келе жатыр деген хабарды естіsek, тайқазандап асып қоямыз, қызық, әйтеуір, жеңсік асына айналып кетті. Жыл бойы жертөлеге бүлдірмей сақтап қоямыз.

Жер бетіндегі аナンың, меніңше жалғыз ғана арманы бар, ол – ұл табу. Әсіресе қанды майданда, күн-түн сайын жүздеген азаматтың басы оққа ұшып жатқанда, өмірге Ұл әкелу, эрине, ұлан-асыр той – ұлы қуаныш еді. Қалжаға ақ ешкінің сорпасы бұйырып, тұла бойым жіпсіп, бұлаудай болып терлеп жатырмын. Дүниеге өзіңмен бірге қуана білетін адамың болғаны қандай жақсы. Таң құланиектенгенше әнгіме-дүкен құрып, қасымнан қарыс кетпей отырған құрбыларым – Сақыш пен Файшадан озар қымбат әйелдер жоқ еді мен үшін. Әрқайсының өз үйі, өз мұңзы бола тұрса да менің сәулелі түніме ортақтасып, емен-жарқын шыраймен қызыға қарайды.

Сонда өздері еншілемеген, тағдыр талақ қылған әйелдердің, менің бақытыма зәредей де қызганыш жасамай, жайрандаپ қызмет қыла құрақ ұшқан құрбыларымның жузінен адал да ақ ниет нұрды көріп, шыншыл көңілмен көзіме қуана жас алдым.

– Ұлымның атын Баламер қоямыз, – деді бір ауыздан. Мен келістім. Олар тек күн шыға ғана тарады.

Айналайын, Күмісжан, осынша жетпіске жақындаған өмірімде менің бір нәрсеге көзім жетті. Адамның тағдыры ауа райы секілді екен. Жаңа ғана шайдай ашық түрған аспаның әп-сәтте қара құрықтанып, бұлт басып шыға келеді. Бірыңгай бақыттың да, бірыңғай қайғының да болғанын көргенім жок. Сол секілді қара басымның қуанышы қандай оқыс келсе, соншалықты келте қайырылады. Қос құрбым Сақыш пен Файша біздің үйден шыға бере, Жакияр ақсақал кірді. Ол кісі ең әуелі: «Баланың бауы берік болсын», – деп жас нәрестені құттықтады. Содан соң төр алдына малдас құрып, жайфаса отырды да, маңына атам мен енемді шақырды.

– Оқыс болайын десе быламыққа да тіс сынады, – деп тамағын кеней оспактап бастады, – Өз-өздеріне берік болындар. Пайғамбардың жасындағы, ақыл тоқтатқан адамсындар. Еңбек аулындағы Сандугаш атты қыздарың суға кетіп, жас өмірі қыршын кеткен екен.

Енем дауыс сала жылап қоя берді. Атам сол міз бақпаған қалпында:

– Сүйегі табылған ба екен? – деп сұрады.

– Табылыпты. Бұқтырмадан арбамен шөп алып өтем деп жүріп, ірімге түсіп кетіпти.

– Қазаныма ас салып беріп отырғандай балаларымды көпсіне беруші еді, айналдырған он күнде екеуінен бір-ақ айырылдым-ау, – деп атам басын ұстап, қабыргасы сөгіле жер шүқі отырып қалды. Содан соң қолына таяна әрең дегендे орнынан түрдым. – Бәйбіше болар іс болды. Қызың енді қайтып келмейді. Арулап көміп қайтайық, сыңси бермей жол қамына кіріс.

Менің қалжама сойылған ешкінің етін арқалап, Атам мен Енем Еңбек аулына аттанды. Амал жоқ, жылай-жылай орнынан түрдым. Белімді тас қылышп байладым да, сиыр саууға шықтым. Жөргекте інгәлап жалғыз ұлым жатты.

...Бураны бұлайша азаптағанша соғысқа аттандырар ма еді, – деп ойлаймын, – Алдындағы қымыздан бірер ұрттап тاماғын жібіткен Ақан шал әңгімесін одан әрі сабақтады. – Ағайын-туғаннан ада, жалғыз басты жігіттің не ойы бар, неге ғана осыншалық түйік күйге түсті, оның себебін ол ашып айтпайды, ал біз тап басып таба алмадық. Әлденеше рет оңашада сыр тарттым, амал не, «әншейін» дегеннен басқа жарытып жауап бермеді. Аяқ астынан ұшына жабысқан ауру іспетті, әлдеқайда алысқа қарап, екі тізесін құшақтай бүрісіп, менір еді де отырады.

Қазан айы – Орал тауында салқын, ағаш жапырақтары саулап түсіп, дымқылдана бастады. Ауық-ауық жаңбыр жауып, ауа сыз тартып, жер қойбатпақтанып кетті. Бір топ жігіт қарағай кесіп, құрылыш ағашын дайындал жүр. Мен сол баяғы рельс төсеп, вагон жылжыту жұмысындамын. Жағдайымыз қалпынша, пәлендей өзгеріс бола қойған жоқ. Майданнан ұзынқұлақтан ғана хабар естіміз.

Дәрі көміп, жер қопаруда жүрген Құмырай әдетінше саяқ, жүқпалы індегіміз бардай-ак ешқайсымызға жоламайды... Оны мұлдем ұмытқандай біз де жантарта қойған жоқпыз. Ақшам жамыраған шақ еді. Сонау бір тұсқа дәрі қойып, қайтып келген Құмырай Бура екеуміздің жанымызға жайғасты.

– Иә, жігіттер, амансындар ма? – деді ойда жоқта ерлік жасап.

– Көріп отырсың ғой, – дедім мен қитығып.

– Осы, сенің мен дегендеге қозатын жының бар ма. Эй, бала, хал қалай – деп Бураның арқасынан салып қалды. – Бүгіннен бастап жер қопару жұмысын саған беремін. Шаршап жүрсің ғой.

– Рас па? – Бура қуана сұрады.

– Рас. Жалықтым.

Осы кезде десятник айғай салды. – Құмырай көмген дәрің атылмай қалды. Бар тексер.

– Сен тексеріп келші, – деді Бурага. – Мениң аяғым ауырып отыр. Неге екенін білмеймін, соңғы күндері қақсан жанымды шығарады.

Орнынан лып етіп тұрган Бура ұзай берді де: – Эй, Құмеке, осыдан бастап сенің жұмысынды мен атқаратын болайын. Үәде ме.

— Уәде, — деді Құмырай тізесін уқалап.

Құстай ұшып жүгірген Бура дәрі көмілген тұсқа енді жете бергенінде... жете бергенінде құлақ тұндыrap қатты жаңғырық естілді де, қара жердің күлі кекке ұшты. Қопарылған тас, топырақпен күйкентайдай Бура да қоса аспанға атылып еді. Тұра ұмтылдық. Ішек-қарны ақтарыла жарылған жерде бір аяқ, бір қолы жоқ Бураның сүйегі ғана жатыр еді...

Сабанға орап теректің тубіне жерледік. Сонда ғана мен оның неше күннен бері өлімін сезіп, сезіктеніп жүргенін білдім. Сонда ғана мен оның жұмыстан емес, өлімнен қашқанын, артынан бекер іздел барғанымға өкіндім, жоқ дегенде жауын жастана шейіт болмағаны жүргімді мұздатты-ақ. Қайтейін, ажал айтып келе ме.

Осы оқиғадан соң еріншек деп тапқан жігіттерге қосып, Құмырайды да соғысқа алды.

Осы оқиғадан соң, дүниеде мен үшін Құмырайдан сұмдық жау жоқ еді.

Қарашаның басын ала алғашқы қар жауды. Орман-тоғай, тау-тас, жердің беті – барлығы аппақ ұлпа қар жамылып, соншалықты әдемі түрге бөленіп, қыскы киімін киді. Биыл қар ерте түсті. Бірақ қара сұығы аз, жанға жайлыш. Қарбалас қимылдаған еңбек әскері, жылдың басындағыдей, тағы да нәумездіктерін білдіре бастаған. Ашып айтпаса да боран согар алдындағы қаргалардай топ-топ болып күңкілдесіп, бір үлкен тәуекелге дайындалыс байқалады.

Картүсे қарнымыз ашқан соң, көршілес жатқан деревнядағы иесі әлдекашан, тіпті, сентябрь айында қазып алған бақшаға барып, жер астында жасырынып байқалмай қалған картошканы күрекпен копарып іздей бастадық. Жердің беті ғана ептең тоңданғаны болмаса, ар жағындағы қара топырағы қосып шыға келеді. Едәүір жерді көртышқандай түрткілеп, итше тіміскілегенде ғана бірлі-жарым картошка күрегіне ілінеді-ау. Кейбіреулер айғайлап қуып, маңайын бастырмайды, ал кейбір иманын жоғалтпаған қожайындар қашаға сүйеніп, жағына пышақ жанығандай азып-тозған біздерге жаны аши қарап тұрар еді. Орыстың қауға сақал шалы шақырып шай берді. Дорбамызға азын-аулақ картошка салып жып-жылы сөздер айтты.

Бір күні осы кәніккен жігіттерді милиция ұстады. Еңгезердей неме екен, қолымыздағы дорбамызды тартып алды.

Байдың асын байғұс қызғанады деп, қорқытып-үркітіп, ауыр-ауыр балағат сөздермен тілдеп, Қаймақтың жағынан ұрып ұшырып жіберген соң, мен шыдап тұра алмадым. Енді маған ұмтыла берген кезінде жағасынан ұстап, қырқай шалып алып үрдым. Ол жамбасында салақтаған тапаншасына жармасты: – Скоты! Бандиты! Убью! – деп оқтана бастағанда, қолындағы қаруын бір теуіп ұшырдым да, одан бұрын ұмтылып барып, ағаш арасына қарай шырқата лақтырып жібердім. Айбаты тапаншасында екен, сасқалақтап солай қарай жүгіргенде біз қашып құтылдық. Осы үақиғаны бағанадан бері бағып тұрған қауға сақал шал, уш-төрт әйел ләм деп аузын ашқан жоқ. Болар іс болды, үлкен дауға қалғанымызды да білдік. Ертеңіне әлгі милиционер көрген адамдарды күэгे тартып, баракқа ізден келді. Біз: «Ештеңе білмейміз, олай қарай аяғымызды аттап басқан жоқпыш», – деп танып шыға келдік. Енді үш жігіттің тағдыры куәлерге барып тірелді. Олар «рас, осылар болатын» десе, «қош туған жер» деп, сұп-суық мылтықтың түрткілеуімен итжеккенге айдалып кете бермекпіз. Мен соншалықты мұнды да мұсәпір жанармен қауға сақалды шалға қарадым. Ол «саспа» дегендей көзін қысып, басын изегендей болды. Осы кезде маған тағы бір ой келді де:

- Егер шынымызды айтсақ, майданға жібересіздер ме?
- дедім.
- Жібереміз, – деді бастықтың орынбасары.
- Ендеши милицияны сабаганымыз рас.
- Осы, осы азamat менің пистолетімді тартып алған.
- Отірік айтады, – деді қауға сақал шал. – Біз оларды түсімізде де көрген жоқпыш. – Әйелдер де бір ауыздан қостады.

Бар әңгіме осымен тамамдалды. Милиционер жігіт: «Сен шалдың сақалын күзермін», – деп боктап, күш көрсете сөйлеп аттанып кетті. «Картошка» мәселесін қайтып қайталған жоқпыш. Соғысқа бару үшін жасаған бұл әрекетім нәтижесіз аяқталған соң, мандайға жазылған жұмысымды атқарып жүре бердім. Мен сонда қазақтардың «Көресінді көрмей көрге кірмейсің» деген сөзіне алғаш рет құдайдай сендім.

Иә, біз не жемедік, зардабын кейін бейбітшілік орнап, мамырстан заман қайта туғанда тарттық қой. Үсіген картошканы жей берген соң, асқазанымыз ауырып, ішіміз бұзылды. Өлмес үшін не іstemейді кісі, бәріне көнесін, бәріне көндігесін.

Пенденің басына қыншылық іс түскенде, бойындағы барлық қадәр-қасиеттері біртіндеп сөніп, жынын алған бақсыдай, өз-өзінен жүдеп жүні жығылары бар. Әншейін уақытта аяқтыға жол, ауыздыға сөз бермей жүретін ауылдың аусар мінезді жігіттері бұл күнде тасуы қайтқан тау өзеніндей жылап ағатын – жуас, арқасын желқом қажаган атандай көмпіс, көкіректегі шер, көңілдегі сырын айтартға адам таппай құсталанған мәңгүрт болып қалған. Елде жүргенде осы менің құрдасым Қожақтан қалжыңбас, бұлдіргі ешкім жоқ секілді еді, қазір өз денесін өзі әрен қөтерген қөтерем. Ал Қаймақ ағамыз әлдеқашан аш аруаққа айналып қалған. Ішіміздегі «сорпалығы бар» Құмырай еді, одан да айырылдық. Бірақ қаншалықты тағдырдан таяқ жеп, екі жастың біріне келмей жатып азып-тоңсақ та, өмірге өкпелеп, замананы ғайбаттауға болмайтын еді... Қаншалықты қайғы жұтып, қан құсып қиналсақ та жалпы ортақ тәртіпті бұзып, соғысты пайдаланып қалар сойқандыққа, сottалып кетер сатқындыққа барғамыз жоқ. Торғай екеш торғайда да ашу бар ғой, бауыздалар алдында ешкі де бір бақырап өледі деп, ертөкымымызды бауырға алып мөңкісек, қалың орманнын ара-арасын панарай қаша жөнелсек, түн жамылып ұрлыққа түссек, күндіз-түні мылтығын шошандатып түрган ешкім жоқ еді. Біз ондай Отанды сатар оспадарлыққа барған жоқпыз. Сол бір қыын-қыстау заманда ар тазалығына сызат түсірмеудің өзі аскан ерлік сынды еді. Ешкім ақыл айтып, үгіт-насихат жүргізбей-ақ, әр жұмысшының өз ожданы «ақылшы» болған кездердің кейінгілерге өнеге етер осындей-осындей мықтылықтары есіме түскен сайын, бүгінгі тоқ құлкі мезгілдің мерез қылықтарын көрген сайын сай-сүйегім сырқырайды. Неге? Өзім де әдібін сөгіп түсіне алмаспыш. Соғыс жылындағы әр адамның бойына оқу-токусыз-ақ құт болып қонған ақ көңіл, адап да аңқау мінездің азғана түлеп, қоғам қонданған сайын қоламталанып, білікті білімділіктен туған, «сауатты» сезімнің құлы болып бара жатқан жоқ па деген ұры ой ұялайды. Иә, ол шакта, әйтеуір, бір нәрсеге сенетін едік, тіпті балаша қуанып, балаша алдана алар едік. Егер қазіргі бейбіт те берекелі заманды айдын шалқар Бұқтырма су қоймасы десек, біздер жасаған ересен ерлік пен есіл еңбек сол тенізді қордаландырған мөлдір бұлақ едік-ау. Ал бұлақтың басы әрқашанда таза басталмақ, ал біз байытқан теніздің астында не барын қайдан білейік. Рас, қайықшылар жағаға шығып, ақшагаладай кемелер жүзе бастады. Сол әдемі

кемеге міне алмағанымызға өкінбейміз де, бәлкім, жағада тұрып қызықтауға жаратылған жандар шығармыз. Кейде ойлаймын, соғыс кезінде «трудармияда» болған адамдар бал арасының ішіндегі қызығын ешқашан да көрмейтін «еңбеккер» араға тым ұқсаймыз-ау, байғұс «еңбеккер» ара ең соңғысы өліп бара жатып, ең соңғы балды ана-араның аузына тосады екен. Сондықтан да бүкіл ұяның өмірін жалғастырады.

— Лагып кеттім білем. Негізгі әңгіменің арнасына қайта оралайын, — деп алақанындағы насыбайдың қалдығын қағып таставды. — Дегенмен біз де екі аяқты, жұмыр басты пендे едік қой, ал дегенде көп дүниенің парқын ажырата алмадық. Соңғы он жылдағы бейбіт өмір, берекелі тірлікке үйреніп, арқа-басы кеңіген жұрттың жалғыз-ақ күнде апай-топай болуы талайымызды-ақ мәңгіртіп тастаған. Оқу-тоқуы аз, дүниенің төрт бұрышында не болып, не қойып жатқанынан бейхабар қыр қазактары үшін «ата жау» деген сөздің мәнін жыға танып, түсінудің өзі ауырлау тиген еді. Сонау жоңғар шапқыншылығынан бергі уақытта «жау шапты» деген аттансал ұранды естіп отыргандары осы. Ол шакта дүшпандары іргеден бас салып еді... Ал «қызыл», «ақ» болып атойласқан жылдар бұдан гөрі женілдеу ме, қалай еді? Әйтеуір, айтыссаң да, атыссаң да өз ағайының, өз жұртың болатын. Сонау құлақ естіп, көз көрмеген батыстан шыққан жау бұлар үшін – казактар үшін «ата жау» санала ма, жоқ па? Тіпті, осы сұрақтың өзін Құмырай сан рет қойып, құлақ етімізді жеп еді-ау. «Идея, мақсат пен мұрат, басқарып отырган үкіметіміз біреу болғанда, жау да ортақ емес пе. Орыс ағайындар сан рет қазақ жерін қорғап қалған» деп шама-шарқым жеткенінше түсіндіріп-ақ бақтым, амал не, «әй, қайдам» деп басын шайқай береді. Ал Қаймақ шал мен аусар Қожақ, жуас Бура үнсіз тындал, басын шұлғи береді. Оларда неге болсын дау-дамайсыз келісу бар, пәлесінен аулақ, осы күйімізден айрылып қалармыз», – деп көндігу бар.

— Иә, көкейдегі көп-көп сұрақтарды соғыстың өзі-ақ ұқтырып берді гой. Сондықтан да тек немістерді кінәлап келеміз.

Жоқшылыққа қазақтардан төзімді жұрт болмай шықты. Ондай аш құрсақ күйдің зардабын талай-талай тартқан елдің азаматтары үйренбеген асын жей алмай бір ашықса, үй ішін сағынып екі ашықты. Алғашында ауыздарына нәр салмай-ақ апталап жүре беретін.

— Қышымадан жасалған көже, бір тілім нан – біздер үшін үлкен байлық. Баяғыда бұдан да зорын көргеміз, – дейді Қаймақ ақсақал алдындағы бір аяқ жап-жасыл суды сапырып отырып.

— Қайғысыз қара суға семірген заман қош-кошын айтқан. Қанағат керек, жігіттер, қанағат. Таудың бегін қазып жегенде де өлмегенбіз. Өкімет аман болса бұлайша ашықтырып қоймас. Барлық мақсат тойып тاماқ жеу ме екен. Соғымға үйірлеп жылқы, қора-қора қой сойған атақты байлар да өткен бұл дүниеден. Жоқтан өзгеге тарылмандар. Құдайдан Гитлердің өлімін тілеңдер.

— Жаудың женіліп, Гитлердің өлгенін көру үшін де аштан өлмеуіміз керек қой, – деп сөз жүгіртті аусар Қожақ. – Өл-тіріл еңбек ет, өл-тіріл тамағынды асыра. Суішкілігің таусылмаса балталаса да өлмей сол көксеген күніңе жетесін.

— Кеше станция маңына бір вагон картошка төгіп кетіпті, күзетшісімен келістім, бір дорба беретін болды, – дедім мен жолдастарымның сарыуайымын азайтқым келіп.

— Ой, ол ұрлық қой, – деді Қожақ.

— Ұрлық болғанмен, игілікті ұрлық, – дедім мен.

Үйден хат келді. Қөптен бері хабар-ошар ала алмай, уайымдап жүр едім, төбем көкке жеткендей қуанышқа кенелдім. Хат болғанда қандай десеңізші, жанымды жайлау, көңілімді көктем еткен сүйіншіл, мың жылға бір-ак жетерліктең нұрға бөлеп, жарқыраған құдіретті, бой тұмардай мәңгілікке сақтар қасиетті. Жанарымнан жас саулап, қайта-қайта көз жүгіртемін, тіпті, өзіме өзім сенбей ауылдас жігіттерге оқыттым. Олар да ойран-асыр қуанып, құттықтап жатыр. «Бәсе, – деймін ішімнен, – бәсе, менің де атар таңым, ат ұстар ұлым болу керек қой. Не жазыптын жаратқанға».

«...Аса құрметті асылым! Алыста жүрген ерім менің! Сүйінші, ұлды болдың! Аман-есен босандым. Дүниеге құлын келді. Атын – Баламер қойдық. Ұзағынан сүйіндірсін, артық қуанбайық, арты қайырлы болсын, тәубе-тәубе!

Жағдайымыз жақсы. Ауыл-аймақ аман. Апам мен Атам, балалардың дені-қарны сау. Қайнағам мен қайнамнан жалғызы-ақ хат келген, әдірісі анық емес, ауысып отырады екен. Соғыстағы кейбір жігіттерден қара қағаз келді. Атын атап жүргегінді ауыртпай-ақ қояйын. Өзім қазір наубайханада нан пісіріп журмін. Жұмысым женіл. Біздің жақта күн жылы. Шөпті жеткізіп, картошканы қазып алғанбыз. Қайғы жоқ, тاماқ тоқ

дегендей. Жалғыз-ақ арман – сендердің аман-есен оралуларын. Бізді уайымдама. Денсаулығынды күт. Босанған күні шаршап барып көзім ілініп кетіпти. Тұсіме сен кірдің. Бұлақтың басында жүзің аппак қудай болып, бетінді жуып отыр екенсін деймін. Соншалықты жүдеусің, Ақан, бір жерін ауыра ма? Эр жазған хатында: «Барлығы керемет, барлығы тамаша», – деп мактайсың... «Арқада қыс жақсы болса арқар ауып несі бар» демекші, тәнірім-ау, мынау қан сасыған заманда «тамаша» өмір болушы ма еді. Ал Құмырайдың әйелі «иткорлығын көрсетеді екен» деп зар енірейді. Жасырмай шынынды айт. Шүкіршілік, соғыста жүрсөң қайтер едім. Ақаным менің, күмістелген ертоказының сақтаулы. Атқа ер салып, Баламерді алдыңа алып, мені ертіп өзіміздін ен жайлау Көкжотаға шығар күн де туар. Шыдайық.

Жағдайынды жасырмай айтып, толық етіп хат жаз.

Көрісенше күн жақсы болсын, ерім.

Сәлеммен, Алмаң».

«Көрісенше күн жақсы болсын», – деп ішімнен қайталарадым.

1943 жылдың, яғни жаңа жылдың басында жүздеген жұмысшы аудан орталығына жаяу-жалпылы сапар шектік. Қыскы орман ішінде қар кешіп ширыға шұбырған халықты тоқтатар күш жок еді. Директор, цех бастығы, десятниктің жолымызды кес-кестеп, ақырып-бакырганына аялдаپ, сөздерін тындаған адам болмады. Жұмысты бір кісідей бірігіп бастадық та, күннің суығы, жолдың қиындығы, ауданның алыстығына қарамай соза тартып келеміз. Сандаған ұлт өкілдерінен құралған жұмысшыларда жалғыз ғана тілек бар. Жағдайымызды түсіндіру, майданға алуын өтіну. Бұл қайнаған қан, жұлқынған жүректен шыққан адал да батыл тілек. Ары қарай шыдау мүмкіндігі біткен соң, әүпірімдеп бастап кеткен орыс ағайындарына ердік те, бір женен қол, бір жағадан бас шығара дегендей білек сыйбана беттедік. Былтыр жазда менің досым Иван қозғау салған, ұттымыз бен ар-ұждандымызды оятқан бастаманың сөніп барып, қайтадан қар бетінде тұтануы еді. Не болса да көріп алмаққа аттандық.

Ауданға жетіп, райком мен райвоенкоматтың алдына топталдық. Жұбымыз жазылмастан иықтасып түрган біздерді таратпакқа әрекет жасап безектеген директорымыз Шахтинскийде зәре жоқ, амалы қайсы, бұл қарекеті өте кеш еді,

ештеңе өндіре алмады. Есік алдына аудан басшылары мен әскери комиссариат шықты. Ұзын бойлы, көзілдірікті орыс жігіті жағдайымыздың нашар екенін, сондықтан да қолымызға қару алып, Отан қорғауға жіберуді өтінген талап-тілегімізді аса мұқият тыңдады.

Біз кен орнына жеңіспен оралдық. Сол кездегі бастықтарымызды түгелдей орнынан алды. Шахтинский қой терісін жамылған пигылы жат адам екені анықталып, сотқа тартылды да, оның орнына директор болып Карпов тағайындалды. Бараққа радио орнатылды, әр күн сайын саяси хабар жүргізіліп, майдан, тыл өмірінен толық мәлімет алып отырды.

Қазақтың «Көп корқытады, терең батырады» дейтін сөзі тегінде рас екен. Соғыс басталғаннан бермен арқамызға ертеп мініп алған шолақ төрелер жалғыз-ақ құннің ішінде сайда саны, құмда іздері қалмай көзімізден құрыды, көңілімізден өшті. Сөйтсек, жат пигылды жандардың жұмысшылардың өкіметке қарсы жаппай наразылығын туғызбақ қастандық әрекеттері екен-ау. Бірақ біздер сенімізді жоғалтқан жоқпыз, сағымызды сындыра алмады. Иә, рухы мықтыларға женеді. Сондықтан да шындықтың бетіне тұра қарай аламыз. Іріткі салмақ болған арам ниеттің күл-талқанын шығардық та, жан тазалығымызды арашалап алып қалдық. Тегінде, адамның ниеті бұзылmasын де, егерадамның ниеті бүлінсе, онда оған ешбір қаруда, угіт-насихат та төтеп бере алмақ емес. «Трудармияның» солдаттары ең әуелі Отан, туган жердің алдындағы борышын шыдамдылығымен, қайсарлығымен, каншалықты тозақ отына өртеніп жүрсе де, ақиқатқа сеніп, жақсылықтан күдерін үзбеуімен дараланады. Әрине, бар кінәні, «уақыт талабы, заман солай» деген сөздерге сілтеп, өз-өзімізді алдарқаттық. Дегенмен түптің түбінде, яғни бейбітшілік орнап, қой үстіне бозторғай жұмыртқалаған мезгіл келгенде, сол уақыт пен Отан алдында есеп беретін құн болмай ма... Иә, сол шақта кімді кім жеңгені айдан анық, құннен жарық болар, бірақ кімді-кім сатқанын тайга таңба басқандай таба аламыз ба. Нағыз шындықты білетіндер шейіт болып, олардың құні ертең күә боларын алдын ала сезген соң өліміне себепкер болған АНАУЛАРДЫҢ аты-жөнін айта аламыз ба. Бізге жеңісті көксегенде сен тимесең мен тимен деп, тып-тыныш ғұмыр кешу үшін емес, адамдардың ақ-қарасын ажыратып, сатқындарды ақиқаттың сотына тарту үшін көксеген шығармыз. Шүкір, ондай атты құн туды. Шүкір,

біртінде ОНДАЙЛАРДАН арамызды аршип та жатырмыз. Жауға қызмет етіп, жау жеңілген соң бет-пердесін сыйрып тастанап, баяғыша баянды өмір сүрмек болғандарды іздең тауып та жатырмыз. Әттең, тауысып бітпегенімізге, қайсысы екенін әлі де таба алмағанымызға өкінемін де... Кімдер олар? Қандай қызметте жұр? Жаман айтпай жақсы жоқ, Отанымызға қауіп бұлты төнсө тағы кімдер бір бармағын ішіне бүгіп жүрген? Ең қыныны осы еді. Мәңгілік майдан аяқталған жоқ дейтініміз де содан-ау.

Рас, ел басына күн туганда ербитіп басын қайта көтерген ежелгі жаулардың орман арасына панарап, екі жыл бойы жұмысшыларға жасаған қысастығынан осылайша құтылдық. Іштен шалмаққа әрекет еткен ескіліктің сарқыншақтары сол шақта кең-байтақ еліміздің қай-қайсы түкпірлерінде бар еді гой. Таптық мұddenі түсінбей, саясат сауаты жетілмесе де, пенделік пасық та сасық құлық-сұмдықтардың ауылда да ойран салып, ойына келгенін істеп баққанын артынан естіп білдік қой. Әсірепе заманың тыныш, азаматтардың бар кезінде бұғып жүрген жабылардың, ит жоқта шошқа үреді кораданың керін жасап, атқа мінгені – жуас жүртты жұддырықпен, айқаймен басқарап шолақ төреліктің бағының жүргені мерейінің тасығанытын. Құрғакшылықты ауыр жылдары құрт-құмырсақ, бақашаянның қаптап кететіні секілді, соғыс жылдары одан қашқан, бұдан қашқан, жамандықпен көзін ашқан ашқарақтардың асығы алшысынан түсті. 1943 жылдан бастап жау қашып, совет әскерлерінің жер жаңғырта уралаған даусы естілгенде ондай шолақ төре, әпербақандардың да жуні жығылып, кеме келген кезде толқып жағаға лақтырып тастаған салындыдай қайрандай бастаған.

Осындай жаппай шабуыл тұсында, Ұлы Жеңістің нышандары сезіліп, сенім мен жігер ұштасқан ұмтылысты шақта коммунистік партияның қатарына өтуге өтініш бердім. Майданға сұранған тілегім қанағаттандырылмағанмен, мұнда да мықты жігіттер керек деп, броньмен мүлде қалдырған соң, қазіргі жұмысымды адал атқаруға білек сыбана кірістім. Қоқтем тұа партия қатарына қабылданып, десятник болып тағайындалдым. Бірақ асқазанымның ауруы оналмай-ақ қойды. Күн өткен сайын жүдеп, ішкен тамағымды іле-шала құсып таставмын. Елден көптен бері хабар алмай жұр едім. Тұнде кезегім бітіп, шаршап келіп ұйықтап кеттім. Тұсіме алғаш рет

Ақтайлақ пен Бағдат кірді. Екеуі де атқа мініп, өткел бермей шанағынан асып-тасыған Бұқтырмадан өтіп барады. Осы кезде асau толқын айдаһардай ысқырып, екеуін бірдей бүктеп апарып, жалмап жұтып қояды. Жар жағасында қалған мен айғайлап соңдарынан жүгіремін, дауыстап шақырамын. Жымжырт. Шошына ояндым.

Екеуінен де мәңгілікке айырылғанымды журегім сезіп еді.

10

— Белімді тас қылып байладым да, сиыр саууга шықтым. Жөргекте іңгәлаған жалғыз ұлым жатты, — деп Алма кемпір әңгімесін бұдан ары жалғастырды.

— Алғаш босанған күні жөргекте құндақтаулы жатқан баланың бетіне қарауға мұршам келмеп еді. Сиыр сауып келген соң қыңқылдаپ, қозғалақтаған нәрестені алғаш рет қолыма алдым. Мен шошынып қалар деді ме екен, баланың жалқақтанып туғанын жасырып айтпапты. Өз көзіме өзім сенбедім: денесі, беті сап-сары... Сол сарғыш түс қырқынан шыққанша тарқамай қойып еді. Көршіміз Анна деген орыс кемпірі емделдомдап әрең кетірді. Баланың сарғайып туғанын біреулер – оттың жалыны өтіп кеткен дейді, ал Аннаның топшылауынша – шырмануықты көп қайнатқандікі, у шөптің иісі сіңіп кеткен көрінеді. Не керек, әйтеуір, тірідей дүниеге келгеніне қуандым. Құлымым аумаған әкесі: қыр мұрын, жіңішкелеу көзі – бәрі-бәрі Ақанның аузынан түссе қалғандай-ау. Өзі тынышты, әбден қарны ашқанда болмаса, мұрны пысылдал ұйықтай береді. Емшек сүтіне де жарымай жетілді ғой. Туғанына жеті күн өтпей жатып-ақ оны үйге тастап, жұмысқа қайта шықтым. Енем Аннаның ақылымен ешкінің сүтіне мак қосып қайнатып береді, тойып алған нәресте мен наубайханадан келгенше масайып ұйықтай беруші еді.

Тағы да қыс түсіп, сақылдаған сары аяз келді. Сол жылы қар қалын жауып еді. Ел адам танымасты болып жүдеген, әсіресе біздің үйге ауырлау тиді. Кісі саны көп, он шақты жанбыз, тек қана картошкага қараған күн. Шиеттей балалар ертеден кешкे дейін жей-жей одан да шықты. Жалғыз сиырдың сүті Баламер мен өлсе де қара шай ішпейтін қарттарымыздан артылмайды. Төркінімнен келген бөртпе шәлімді белге байладап, Ақанның етігін алып, қол шана сүйреп сол ауылға бет түзедім. Ондағы ойым бөртпе шәлі мен етікке айырбастап жарты қап болса да

бидай сатып алу. Баламерді тырбаңдатып жалаңаш қойныма тастап жібердім, жалаңаш денеге жабысқан бала тоңбайды, естігенім бар еді.

Күн сұық. Жер шалғай. Жаяу-жалпылы салпақтап келемін. Орта жолға жеткенде артымнан шана жеккен шал күп жетті. Куана алдын кес-кестедім. «Ала кетіңіз» деп өлердегі сөзімді айтып жалбарындым. Безбүйрек кісі екен, «жүгім ауыр» деп зу етіп өте шыққаны.

Қойнымдағы ұлымның өлі-тірісін анда-санда тексеріп қоямын да, қысқа жолмен безектеймін-ай. Сонадайдан Құндыз ауыллының түтінін көргенде, алдымнан астau-астau жал-жая алып, құшағын жая қарсы алатындей көзімнен жас шыға қуандым. Куанбасқа шарам жоқ еді.

Бұл ауылда Құләнда деген қайын сіңлім тұратын еді. Бос қол шанамды сүйреп, солай қарай беттедім. Бөтен кісі екенімді сезген иттер шықты алдымнан абалап. Қолымдағы таяқпен жасқап, қорқа-қорқа межелі үйіме жеттім-ау. Құләнданың өзі де жаңа босанған, будақ-будақ сұық ала кіріп барғанымда баласын бөлеп отыр екен, алғашында тұмшалана оранған мені танымады. – Аманбысын, Құләнда, – дегендеге ғана барып: «Ойбау-ау, тәтембісін», – деп ұшып түрегелді. Ал дегенде сұрағаны:

– Тәтем-ау, жас босанды, ұл тапты деп естіп едім, ол қайда?

– Ол міне, – деп, тіршілік белгісін танытып, жалаңаш қойнымда тырбаңдап жатқан Баламерді қоянның көжегіндей сұрып алдым. Етженді денем бұлтизып тұрғанын байқамаса керек, көзі бакырайып өз баласын тастай ұмтылып бас салды.

– Құдай-ау, мұныңыз не? Тірі ме өзі? – Қолымнан жұлып алып, тынысын тыңдалап, бетінен сүйді. – Омырауың сұық шығар, мен емізейін. Айналайын-ай, құйып қойған ағатайым фой. – Өңірін ашып жіберіп, емшегін берді. Эбден қарны ашқан қызылшака бала сорпылдатып сора бастады. – Апам мен атам сау ма? Ақан ағамнан, бағдаттан хат бар ма? Ақтайлақтың құрбан болғанын естігенмін. Барайын-ақ дедім, дәл сол кезде босанып калдым фой.

– Бауы берік болсын. Тұңғыш балаң фой. Атын кім қойдыңдар? – деп бесіктегі сәбиге үңілдім.

– Клара. Тынышсыздыа. Алғашқым болған соң ба, бабын білмей көп әурелендім.

– Ал ерте күнді кеш қылмай, бұйымтайымды айта отырайын. Тамақ іздел шықтым. Бір айдан бері картошкеге қарап қалдық. Үн жоқ. – Беліме орай байлаган бөртпес шәлімді шештім. – Ақанның етігі мен мынау төркінімнен келген жалғыз жасау – шәліні алып, астық беретін адам табыла ма?

– Апыр-ай, тәтем-ай, ең бір қимас заттарынды алып шыққан екенсің, шындарап ашыққан екенсіңдер-ау. Мен көршілерге жүгіріп барып келейін, біреу болмаса біреу келісер, сен балаларға қарай тұр, – деп, асыға тонын киді де, үйден лып етіп шыға жөнелді.

Мұса деген молда шалды ертіп, қайта кірді. Мен оны бірден таныдым. Бағана шанасына отырығызбай кеткен қақбас осы кісі еді. Ол етік пен бөртпес шәліні бит қарагандай ұзак ұстап, мұқият тексерді. Іңыранып, ойланып, басын шайқап, бұлдана тіл қатты.

– Жарты қап рошқа келісем. Одан артыққа бағаласаң, басқа алушы ізде, – деді, қолына жағымсыз зат жұғып қалғандай жиіркене тастай беріп. Жыным келді-ақ, терісін басына қантап, үйден куып шығайын деп ойладым да, қайта айныдым. Расында, осы шәниген шалдан айырылып қалармын деген қауіп женді.

– Жарайды, ақсақал, сіздің айтқаныңыз болсын. – Ол шәлі мен етікті қолтығына қысып, тез шыға жөнелді. Жарты қап рошты баласы әкеліп таставды.

– Қайран, асыл заттар-ай! – деп Күләнда қатты өкінді. – Ол молда енді әлгі заттарды үш қап бидайфа да сатпайды. Етікті сықырлатып өзі киеді, шәліні жаңадан алған тоқалының басына тартады. Жұтшылық жылы ит молда семіреді деген сол. Осы ауылға қара қағаз келген сайын қақшиып төрде отырады, қақбас.

– Оның жазығы жаназа шыгарғаны ма, – дедім мен.

– Тыныштық кезінде бірсәрі, соғыста шейіт болғандарға бағыштаған құранды тегін окуға болады фой.

– Тегіннің атасын теңге теүіп өлтірген. Шайынды тездетіп қайнат, мен қайтайын.

– Қайтқаны несі, құдай-ау, кеш болды фой.

– Ертең ерте жұмысқа шығуым керек. Онсыз да құлағалы тұрған тауға қой жайғым келмейді.

– Жалғыз ұлды өлтіріп аласың фой, тәте. Қонып, ертең аттансаң қайтеді.

– Жоқ, Күләнда, қазір жүремін. Тәңірімнің мандағы жазғанынан қашып құтыламын ба. Өлер бала болса, күс төсекте жатса да өліп қалады.

– Күн ұясына конып, апақ-сапақ мезгіл түскен шақта, үстінде жарты қап астығы бар қол шананы сүйреп, Баламерді қойныма тығып қайтадан жолға шықтым. Қайын сіндім мені жылап-еңіреп ауыл шетіндегі қабакқа дейін шығарып салды. «Атам мен апама бер», – деп, аузындағысын жыргандай болып, бір аяқ ұн, бір асым ет берді.

Тәңіректі қараңғылық жайлап, жұлдыздар самсай бастады. Алтайдың шыңылтыр аязы бетті шымшылап, аузы-мұрныңнан бу болып будақтайды. Құлаққа ұрған танадай тыныштық, барлық әлем өлікке айналып, қардан жасалған аппақ кебінді жамылып жатқандай. Ақша қарды басқан табаным мен қол шананың бір қалыпты сықыры тұн ішінде алысқа талып естіледі. Қарсыдан соққан ызғырық жел бар еді, жанарымды жалап, көзімнен жас сорғалайды. Нәресте мені жылдытып, мен нәрестені жылдытып жылжып келемін. Бетімнің аяздан домбықканы болмаса, өне бойым жаураған жоқ, тынбай қозғалған соң, денемнің бала жатқан тұсы ештеп жібіген. Анда-санда омырауды далдалай ашып, Баламердің өлі-тірісін тексеріп, ауа кіргізіп қоямын. Кейде тұра қалып емшегімді аузына саламын. Іңыранып ай туды. Соқырандап келе жатқан кезінде жарықтық ай да елегізген жаңыңа сеп екен. Аппақ қарға нұры саулап, жылт-жылт етеді. Сол жақ бүйірде жағалауын тоғай көмкөрген Бұқтырма жатыр. Өзеннің өне бойын қуалап, шудадай шұбатылған ақ ұлпа тұман бар. Күндіз бері қарай келгенімде өткен тұска жақындаым. Қырсыққанда мұздың бетінен қызыл су жүріп, енді-енді ғана қаймақшып қата бастаған екен, амалым таусылып тұрып қалдым. Өзенди қуалай өткел іздедім, қызыл судың ақыры болмады. Енді не істей керек? Аяғымдағы пимамен кешіп өте шығуға тәуекел жасағым келді. Болмайды. Ай сәулесі түскен өзен беті айнадай жарқырайды. Қоңілі хош, киімі жылы, тамағы ток тұлкі тымақ, қасқыр ішік киіп еріккен адам болса, тұнгі табиғаттың анау сылқым көрінісін қызықтап, «қандай керемет» деп, таңдай қаға тамсанары рас... Менің түрім болса мынау – құлышы аққан жылқыдай олай шауып, бұлай шауып, арғы жағаға өте алмай діңкем құрып жүр. Құр бекерге тұра беру – үсіп өлумен тен. Тәуекелге бел байладым. Аяғымдағы табандаган пимамды

ішіндегі байпағымен қоса шешіп таstadtым да, «Бисмилла, су иесі Сұлеймен, жар бола гөр» деп, қызыл суды тобықтан кеше тайғанақтап жалаң аяқ ете шықтым. Құдай сақтады гой, әйтпесе су астындағы жылтыраған мұздан табаным тайып, жалпамнан түссем не болар едім... Баламерімнің көз жасы шығар алған қалған, басқа кім дейсің? Өте шықтым да, аяғындағы қар мен суды шапанымның етегімен сүртіп жіберіп, жан-дәрмен кие қойдым. Башпайларым тоқылдан қатып қалған секілді дызылдай бастады. Элгіден бері үнсіз жатқан бала қыбырлап, жылады. Қойныма қолымды тығап, емшегімді аузына салдым. Құлыным-ай, омырауымды бүлкілдетіп, сүтсіз болса да емеді... тіршілікті таусағаны фой... Құлыным-ай, сорпылдатып сорғанда менің да бойыма өзім де білмейтін тың күш бітіп, қайратыма қайта міндім. Қол шананың бас жібін мойныма іліп алдым да, қос қолдан баламды құшақтап жүгірдім. Жын ұрғандай, айлы да аязды тұннің астында елбендең келемін. Ауылға әлі де екі-үш шақырым жер бар.

Қойнымда бала, қолымда шана, қол шанада – жарты қап астық, көзімде жас, көңілімде – өмірге деген інкәрлік... безектеймін. Иә, Баламердің бақыты шығар мені ажалдан алған қалған. Солқылдан тынышы кетті ме, ол тағы да қыңқылдан жылады. Жүрісімді баяулатып, ентігімді бастым. Неге екенін өзім де білмеймін, әлде баланы уатқаным шығар, әлде әлемнен әділдік іздел, тұңғыш рет көңілім көбен тартып, жалғызысырадым ба – тамағымды кенеп, тандайымды тіліммен сулап ән бастадым. Ән бастағанда да қайырмасын қайталай беремін. Сонда аязды тұні ай астында қол шана сүйретіп, қойнына баласын тығып келе жатқан әйелдің айтқан әні мынау еді:

Ахай, Гұлдерайым,
Күн мен Айым,
Дариға-ай, арманым көп
Негылайын...

...Дариға-ай, арманым көп негылайын деп, мұң мен налаға, қайғы мен қасиретке, өкініші мен аһ ұрған уайымы мол өмірдің қысқы жолы таусылып, туған үйдің ауласына келіп кірдім. Атам мен Енем: «Жарығым-ай, тірімісін», – деп күшактарын жая қарсы алды. Сондағы Атам жарықтықтың аузына түскені «азаматым-ай» деген сөзі күні бүгінге дейін құлағымда.

Қысқы жол мұнымен де таусылған жоқ еді. Ертеңінде тұлып болып ісініп кеткен аяғымның ауырғанына қарамастан,

елең-алаңнан жұмысқа шықтым. Енем де қарап отырмайды. Майдандағы жауынгерлерге деп, көйлек тігеді, шұлық тоқиды, кендір сындырып, арқан еседі. Әйтеуір, баланың басы бар, колхоз тапсырған ұсак-түйек шаруаны тез бітіріп тастайды. Ол үшін еңбеккүнді кейде жазады, кейде жазбайды. Әсіресе, жанға батқаны «трудабойда» жүрген Ақан үшін салған «военсалық» болды. Биылғы жылдықін төлемеп едік, тіпті, беріп құтыла қоятын елу сомымыз да жоқ-ты. Бір күні едірәндеп ауыл сәбеттің хатшысы келді. Төрт емшегіне қарап отырған жалғыз сиырды аламыз деп тізімдей бастаған соң, амал жоқ, бұл үйдегі ең ақырғы байлықты ортаға салдық. Баяғыда Черново деген ауылдағы орыс байынан екі жылқы беріп алған дәү сары самаурынды ауыл сәбеттің өзіне сатып, әскери салықтың бір жылынан тағы да азаттандық-ау зорға дегенде.

Ол уайым емес, бар уайымым – жалғыз ұлды тірідей әкесіне көрсету. Басқа балалардың қашан туып, қалай баққаным да есімде жоқ. Бейне бір қыздарым емес, өзгеден асырап алған секілді, белгісіз де бейбіт өсті. Күні бүгінге дейін шеше болып мекіреніп, «айналайын» деп беттерінен сүйген емеспін. Әйтеуір, қырқынан шықса болды, ары қарай енемнің баулуымен бауырында жетілетін. Қартайғанына қарамастан еті тірі, пысық адам гой, бала бағудың азабын ешқашан көрсеткен емес. Ал үлкен кісінің тәрбиесінде өскен шағалардың біртога, ақылды болып өсеріне қазақтардың көзі баяғыда жеткен. Рас, Баламердің де ауыртпалығын түсірген жоқ. Оқта-текте, жұмыстан шаршап келгенімде, мауқымды басайын деп, алдымға алып, аймалай бастасам: «Тәйт әрі, бала көрмеп пе ең», – деп қолымнан жұлып алар еді.

Енемнің өз тағдыры да талай-талай сүргіннен өткен қияметке толы екенін кейініректе естіп білдім. Ол кісінің тегі ауқатты адамдар болған көрінеді. Алтайдың күнгей бетін жайлаган қалың Абақ Керей руынан. Атақты байдың оң жақтағы қызы болып, үлде мен бүлдеге оранып отырғанында атамыз алып қашыпты. Содан екі ел арасында үлкен дау туады. «Сілкіп салар сырмағы, шек деп қайырап лагы жоқ тақыр кедейге қызымызды бере алмаймыз», – деп, жұз шақты жігітпен келіп қайтадан алып кетіпті. Енеміз өз үйінің оң босағасында отырып босанады. Соның өзінде ар-намыс көрмей, сол жақтың бір жігітіне ұзатқалы жатқанында, баласын алдына алып, Алтай асып атамызға қашып кетіпті. Төркіннің бетін содан

қайтып көрмей кеткен еken. Екі-үш жылдай мезгіл өткен соң, әке-шешесі: «Қызын қаралатын болушы еді, өкпеге қисақ та, өлімге қия алмадық, кешсін», – деп, түйеге теңдең жасауын беріп жіберіпті. Сонда аргы беттен қойнына тығып келген бала Ақмет еken... Содан бері қанша жыл өтті, қанша су акты. Енді міне, қара шаңырақтың ару анасы болып отыр.

Мен туасы балажанды адам емеспін. Балаларым қолым тиғен шақтарым да болды. Бірақ ұрысып, соғудан өлген, жасқан-шаш болып өскен баланы көргенім жок.

Қызық, бір күні Ата-Енем құрман айтқа кеткен болатын. Бесікте қолындағы қойдың асығымен былдырлап ойнап жатқан Баламерді шешіп алды да, шөпілдетіп сүйіп, әлдилеп отырғанмын.

Әлди-әлди абайым,
Атқа тоқым жабайын,
Сенің апаң қыдырмаш,
Қайдан іздел табайын,

деп әндетеңін-ай.

Көнілімдегі әсте де кетпей жүретін уайым көлеңкесі, санамды сартап етіп сарғайтқан сағыныш, белгісіз бір аңсау, үзілмес үмітпен іздеу сынды жүректі шабактар сезімдер бойыма тарап, денем қорғасындағы еріп, көзімнен ашу-ызасыз, қуаныш-қайғысыз әдемі жас шықты. Ондайлық мұнтаздай мұңды жас кісінің жаңын жарылқайды еken. Осындағы өң мен түс арасындағы інір сәттің қоңыржай самалын таусап, әлдендім бе, омырауымнан саулап сүт шықты. Өнірімді ағытып жіберіп, емшегімді Баламердің бұлтиған аузына салып едім, қолдан сүт ішіп үйреніп қалған ол тыжырынып еме қоймады. Дәл осы мезетте Енем есік ашып, кіріп-ақ келгені.

– Оның не? Емшек сүтіне үйренбegen баланың іші өтпей ме, құдай-ау! – деп қолымнан ала қашқаны. Бетімнен отым шығып қатты ұялдым. Әне, жалғыз ұл солай өскен.

Күндер артынан күндер күндер өтіп жатты. Ауыр кезеңде тіпті осы күннің өзі жылжымай, бір орында тұрып қалғандай көрінуші еді. Ертедегі шалдардың «күнім өтіп барады» деп жылайтыны еріккендігі еken. Адам үнемі бір алдан, әлденеден жақсылық күтіп, үміттенеді. Соғыс жылдарында бізді аман алып қалған сол – үзілмес үміт пен мұқалмас сенім фой. Тамам жүрт секілді мен де әр күн, әр ай, әр мезгілді сағына тосамын. Қыс өтсе соғыс бітіп, бейбітшілік орнайтындағы асықтық, енді

көктемді көксеп жүрміз. Көктем шықса болды, осы ауылдан аттанған алпыс азамат маңдайлары жарқырап, аман-есен келе жататындей...

Қар еріп, топырақ қызып, қараган басы бүрлеген шақта жанжануар мен бірге біз де жасарып, жайнап қалғандай болдық. Қыстайғы ауыртпалық адыра қалғандай, аш жүрейік, жаланаш жүрейік, әйтеуір, құннің қызуына мәз болып, сергіп, серпілдік. Мал ұзап жайылып, балалар ауладан аулаққа шығып, асыр салып ойнайды. Қолдарында өздері жасап алған ағаш мылтық, уралап «жауды» қуады да журеді. Ертенгі әскерлер осылар той, менің Баламерім қашан ер жетіп, соңымнан еріп журеді еken деп қызыға қараймын. Кеше кешке Жұлдыз колхозының басқармалары жиналыс ашып, Ақан әскерге кетерде 170 сом қарыз ақша алған, соны төлесін деп, кісі жіберіпті. Ақанның ерін ала алмаған Нартайдың әбден өшіккені соншалық, қырық жылғыны қылға тізіп, алдымызға келтіреді де отырады. Өйтіп-бүйтіп жүріп ол қарыздан да құтылды.

Наубайханада ұн илеп түр едім, ұлкен қызыым Шолпан келді жүтіріп. Жылаған.

- Үйді бұзғалы жатыр.
- Кім, ойбай?
- Бастықтар.

Қолымдағы жабысқан қамырды етегіме сүрте салып, құстай ұштым. Келсем, есік алдында ат ойнатып, Нартай жур. Балта, ломдарын сайлап, арба жеккен адамдар үйді қопарғалы жатыр. Енемде ес жоқ, «өлемін» деп бұзаудың мойын жібін алып, Нартайға ұмтылды. «Қайран, апам-ай, «өлем» дегенше, «өлтірем» деп неге айтпайды еken», – деп ойлаймын. Атам болса сол сабырлы қалпы, қолында таспиги: – Қарғыс, – деп табалдырықта күбірлеп отыр. Ақсайтаным мұндай түспесін бе, келе дoldанып Нартайдың шаужайына жармастым.

– Не жазығым бар еді. Құдай-ау, бала-шағаны шулатып, үйді бұзғаны нес! Елім-ау, жұртый-ау, қайдасындар, қорлатпай «қой» дейтін адам табыла ма... – Зарлап барып, ақ боз аттың үстінде шіренген Нартайдың үзенгі бауынан ала түстім.

– Кет, албасты! Құтырып кеттің бе? – деп қамшымен арқамнан осып жіберді. Арқам удай ашыды, көзіме қан толды. Сол кездегі-ай десенші, ат үстіндегі еңгезердей адамды жалғыз-ақ жулқып аударып түсірдім. Тіпті, тұрықты аттың өзі

тәлтіректеп кетті. Есті жануар екен, иесі жерге топ ете түссе де, қашпай құлағын тіге осқырынып тұра берді. Аяғымның астына бір қап бидайдай былш ете қалған Нартайдың кеудесіне қарғып мініп, тыптырауга шамасын келтірмей армансыз қойғыладымай, тепкіледім-ай. Үй бұзуға келген кісілер әрен дегенде ажыратып алды. Усті-басын қағынып, орнынан тұрган Нартай қатыннан таяқ жегеніне ұяды білем: «Албасты, ашуың қандай қатты еді, өлтіріп тастай жаздадың фой», – деп әуелі ырсиып күлді. Содан соң есі жаңа кіргендей тістенді.

– Қанына қарайған қара қаншық, түрмеде шірітемін. Маган керегі де осы пәкті еді. Жаз, түгін қалдырмай актіле, сендер күә боласындар, – деді колхозшыларға. Ауыл кеңестің хатшысы болып жүрген келіні қағаз, қарындашын алып сусылдатып жаза бастады.

– Біз ештеңе көрген жоқпыз, – деді Жақияр ақсақал. – Сондықтан күә бола алмаймыз.

– Немене, көзінді шел басып тұр ма, кәрі ит! – деп ақырды Нартай. – Сені қоса айдатамын.

– Қатқаныңың басы. Жазықсыз жандарды жазалаған өзінді соттау керек. Тілінді тигізе берме. Эйтпесе жегенінді қайта құстрып, қырық жылғынды жазып беремін.

Осы сөзден кейін Нартай жуасын деді. Жақияр шалдан үнемі тайсақтай беруші еді, тегі ішіп-жеген, істеген қылмысын түгелдей жатқа біletін осы кісі секілді.

– Кәмпеске кезінде байдан қалған үйді сутегін алған, ешбір қағазы жоқ, ендеше, бұл үй колхозға қарайды. Бұзып әкетіп, қойма саламыз, – деді Нартай атына қайта мініп.

– Құдай-ау, біз қайда паналаймыз, – деді енем.

– Оны өздерің біліндер. Анау жалмауыз келіндеріңің күші тасып жур екен, қарагай қыып, үй салып алар. Эйтпесе анау монша да жетеді сендерге.

– Үйдің ақшасы төленген, – деді Атам таспиғын санаған қалпында. – Бес жұз сом ақша және қара бас қойды бергенмін. Келінің өртеп жібермесе, кенсенің бір жерінде жатқан шығар.

– Ондай қағазды көргенім жоқ, – деді хатшы әйел безбүйректеніп.

– Ендеше, сенің де көзінді шел басқан екен, – деді Атам.

– Селсәбетке тіл тигізбе, – деп ақырайды Нартай. Атам сол таспиғын санаған қалпы, құманын алып үйді айналып кетті.

Бұл қоқан-лоқыларынан түк шықпасына көзі жетті ме, Нартай атын тебініп қалып, шоқырактай жөнелді. Ұзап барып, қайта оралды.

– Тен бұзғызамын, ал сен албасты, дайындала бер, түрмеге қамаласың. Басқармаға қол көтергеніңің арты не боларын көрсетейін. – Зілмен, бітіспес кекпен айтты.

Жұрт тараған соң Атам айтты: – Жаман болса да еркек аты бар гой, азаматтың абырайын төгіп, бекер қол жұмсадың.

Асқардай тұтқан Атамның алдында Нартайдың қеудесіне міне түскенім, расында да ағаттық еді. Мұндай ұялмаспын ба.

Апам айтты: - Өзіне де сол керек. Айызым қанды-ау. Арты тыныш болсын.

Істерімді істеп алсам да, корқа бастадым. Мылтығы шошайған мелица келіп, алдына салып айдай жөнелсе, қайтемін. Бауырын көтермеген балам бар. Масқара болғанда Ақанға не деймін. Бастықты соғып абақтыға қамалыпты деген аты қандай жаман еді. Жок-жоқ, қол қусырып қарап отыруға болмайды, ауданға олардан бұрын өзім барайын.

Менің мінезім қызық еді: көп сөйлемеймін, ал бір сөйлесем тоқтау қыын; көпке дейін ашуланбаймын, ал бір ашулансан Алтайдың барлық тасын лактырып, Бұқтырманы теріс ағызып жіберердей долданатынмын. Өзімнің орныма Енемді наубайханаға жібердім де, нар тәуекел деп аудан орталығына тарттым. Шыдамның да шегі бар, жер бетінде зәредей болса да әділет, шындық дегендер қалса, тексеріп, көздерімен көрсін, ак-қарамады ажыратып берсін, бірақ қорлауы мен қорқытуды қойғызысын. Жаяу жүріп үйренген басым, отыз шақырымдағы Катонға тұс ауа жетіп баруым сөзсіз еді. Жаулығым ағарандап кара жолдың бойымен сыйдырта тартып келемін. Дәл сол ретте жылап-сықтаған жоқпын, тас-туйін дайындық бітті бойыма. Шешінген судан тайынбас, қазір атып тастаса да тайынатын түрім жоқ. Жау жағадан алғанда, бөрі етектен жармасып әбден қажытып еді, жасымызға жеткізбей әбден қартайтып еді. Осылармен алысам деп, шашымның жартысы ағарып кетті. Егер осы жолы шындыққа көздерін жеткізе алмасам, онда Бұқтырмаға ағып өлгеннен басқа амал қалмады. Елде бардың ерні қимылдайды деген, артымда қалар үш қыз, бір ұлымды өкіметтің өзі де өлтірмес. Бұдан жаман кезімде де тойға барғанмын демекші, шегінетін жер жоқ, артымда – арнамысым. Қорінгеннен сөз естіп, көлденең көк аттының көңілін

тауып, аяғына бас ұрып, жетім баладай әркімге бір жаутаңдал, жалтақтап ғұмыр кешкеннен ақ-адал өлімнің өзі иманды. Осы сапарым – соңғы сапар, не жеңем, не жеңілемін – үшіншісі жоқ. Не өлім, не өмір. Қызық, ашу қысып алжасқаныма көрінсін, кісінің есіне қайдагы-жайдагы оралады еken. «Өлемін» деген сөз ойыма түскенде, зәуде көзім жұмыла қалса, балаларымның халі қандай күйде болады, Ақан кімге үйленеді, өгей шеше ұл-қыздарыма ана бола ала ма... Міне, осы секілді мантырақ қиялдар арадай анталады. Жаныма келгенше шырамытпадым. «Апай, амансыз ба, жаяу қайда барасыз?» дегенде ғана жұздерін ажыратып бастадым. «Бәсе-бәсе, деймін ішімнен, – құдай қектеп тілегенімді жерден берді». Іздеп келе жатқан адамдарымның өздері алдыннан шықты. Қос салт атты – аудандық прокурор мен тергеуші еken.

– Мен сіздерді іздеп шықтым. Айналайындар-ай, менің жай-күйімді сезгендей-ақ, өздерің келе жатыр екенсіндер. – Көзім ашып, иегім кемсендеп ботадай боздал жылағым келді, бірақ дірлдеген ернімді қан шығара тістелеп шыдадым-ау.

– Не болды, кім жәбірледі, апай? – деп сұрады прокурор жігіт.

– Келіңіз, менің атыма мініңіз, – деді тергеуші жігіт.

– Рақмет, қалқам, мен жаяу жүргүе жаралған жанмын. – Олар аттарын ақырын аяңдатып, менің жүрісімнің ынғайына түсірді. Ауылға жеткенше көрген қорлық-зорлықты, жүректегі мұңқ, тағдырымның мән-жайын ағыл-тегіл армансыз айттым-ай.

– Өзіміз де Нартайдың үстінен түскен арызды тексерейік деп шығып едік, – деді прокурор.

Мен жендім. Ауыл сәбеттің архибін ақтарып, үйді сатып алғанымыз, он екі жылдан бері салығын төлеп келгенімізді айғақтайтын қағаз табылды. Оны хатшы әйел Нартайдың бұйрығымен тығып тастаған еken. Келесі жылдан бастап әскери салық та төлемейтін болдық.

– Азамат Ақан ойнап жүрген жоқ. Ол да майданға қызмет жасап жүр. Артында қалған семьясы үлкен, он шақты жан бар еken. Оларды асырап сақтауға жалғыз әйелдің күші қалай жетсін. Сондықтан да әскери салықты толеткендеріңіз бекершілік болған. Бұдан былай жұмыстың жеңілін беріп, үй-жайына мұмкіндігінше, – деді прокурор жігіт. – Ал басқарушы жолдас, сіздің мәселенізге келетін болсақ, асыра сілтеп

алғансыз. Халық жауының қылышын жасағансыз. Өзініз – колхоз бастығысыз, ініңіз есепші, келініңіз ауыл кеңесінің хатшысы, тіпті әйеліңізге дейін басқарманың мүшесіне сайлағансыз. Бұны қалай түсінуге болады?! Тіпті патшалар да бүкіл өкіметті семьясымен басқармаған. Ертең ауданға келініз, анық-қанығын сонда анықтап, тиісті жаза қолданамыз. Бұл не деген масқара!

Тәнір асыраған тоқтысын қасқыр жемейді деген сөз тегі рас екен. Мерейім мұндай үstem болmas-ты. Ой, бір айызым қана рақаттандым-ау. Бұл менің жеңілген ит желкелегенге жақсы деп Нартайдың аттан жығылғанын табалағаным емес еді. Бұл менің жер бетінде әділдік барына тұңғыш рет көзім жетіп, қуанғаным еді ғой. Әттен, шіркін, сол әділдік бәрімізге жете бермейді екен-ау...

Нартайдың келінін ауыл сәбеттің хатшылығынан, інісін есепшіліктен шығарғанымен, өзін колхоз бастықтықтан босаткан жоқ. Бұдан былай асыра сілтеп, шаш ал десе, бас алатын әпербақан болмауын қатаң ескертіп, сөгіс беріпті. Тіпті оны орнынан алған қүннің өзінде сауаты бар, шаруашылықтың жағдайын білетін есті ерек таба қою қын еді сол уақытта. Ауыл азаматтарының жоқтығы жанға бататыны содан-ау. Енді ойлаймын, азаматы жоқ ауыл сарғайған ескі жүрт екен де, еркексіз әйелдер қаңсыған итаяқ екен... «Бар пәле сенен келді, албасты», – деді ол ауданнан қайтып оралған күні кеңсеге шақырып алып.

– Жендей деген тұрсың ғой. Жыланды үш кессе де кесірткелік қауқары бар. Көрерміз... Ертеңнен бастап наубайханадан шығасың. Балаң жетіліп қалды. Күшің тасып жүр екен, егін суғару жұмысына бар. Сенің орныңа Бәтіш нан пісіреді. Жуындыға семірген иттей дүмпіп алып едің, енді қайтер екенсің.

– Тіліңізді тарта сөйленіз. Әттен әкемдей адамсыз, әйтпесе, әне құнгіні есінізге қайта түсіреп едім. – Есігін бір теуіп шыға жөнелдім.

Жаз шыға бес адам ауданда звеноводтың окуына бардық. Он күн бойы егін суғарудың жай-жапсарын үйреніп, қайтып оралдық та, қиядан арық қазып, құдық шығару жұмысына кіріспін кеттік. Менің бойымда қайран қалдырап бір қасиет бар еді: қандай істі болса да жан-тәніммен беріліп істейтінмін. Өзімізге бекітіп берген жерді бес әйел балаша баптап, ай

жарығымен суарып, арамшөбін жұлдық, әбден жайқалып өсіп, дәні толып сарғайып піскен соң барып бастырдық, маржандай бидайды өкіметке өткіздік. Жанталасып қол орақпен масақ орып, баулап жүргенімде білегімді ондырмай кесіп алдым (Алма шешей білегін түріп, сара тілінген тыртықты Күміске көрсетті). Міне, соғыстан қалған белгі... Қан саулап тоқтамаган соң, жаулығыммен орап, шандып байлладым да, амал жоқ, ауылға қайттым. Ол шакта дәрігер жоқ. Эйтеуір, қазақтың ем-домын жасап, қанын тыйдық. Қанжапырақ тарттық. Ауырсынып үш күн жұмысқа шыға алмадым. «Дем алу үшін әдейі істедін, албасты, – деді Нартай. – Мұғалімдерге қосылып шөп шабуға барасын».

Қайтесің, жылайсың, жылайсың шыдайсың. Баяғыда біреу: «Қарнымың ашканына емес, қадірімнің қашканына жылаймын», – деген екен. Сол айтқандайын мен де көзге шыққан сүйелдей болып, көрінгеннен сөз естігенше, көз көріп, құлақ естімейтін барсакелмес, белгісіз жаққа қаңғып кеткім келетін. Қ-ай-й-дан... балапанын ерткен қаздай, аспаннан қырғи көрінгенде қанатымды сабалап, қанқылдағаным болмаса, қолдан келер қайран бар ма. Адамның басы Алланың добы демекші, колхоз басқармасы қайда айдаса – сонда елпен қағып жүгіре бергеннен басқа шара не. Дегенмен осы мазасы жоқ, сынаптай толқып, сағымдай сусыған өміріме ризамын. Несін жасырайын, дәл сол кезде, құндіз-түні талмай, шаршап-шалдыққаныма қарамай белсенділіктен гөрі қолына қарап, қарлығаштың балапанында тамак сұрап, аузын ашып отырган бала-шағамды асырау тілегі бірінші тұратыны санамда. Мен бейбіт те жомарт, жылқының жусағанындау тыныш тіршілік үшін курестім, отбасымның амандығы үшін ку жанымды аяганым жоқ. Әрбір қиналған сәтімде ел мен жерді осындағы күйге душар қылған дұшпанды қанша рет қарғап-сіледім, қаншама рет шашымды жайып, батысқа жүз беріп лағынет айттым. Мұғалімдерге қосылып пішен шауып жүрген шакта өз нормамды ылғи да артығымен орындал тастан, шөпшілердің бәрінен бұрын үйге безектеп жүгіремін. Үйге келе салып, қара жер койнына алғанша таусылмайтын шаруаға кірісемін. Кей күндері мұғалімдер қайтып кеткен соң тартпамды шындал жападан-жалғыз қалып қоямын. Ай туда тоғайдың арасына кіріп аламын да, жалғыз сиыр мен бес-алты қой-ешкіге шөп шабамын.

Мұғалімдердің ішінде Зәбила атты сүп-сүйкімді қыз бар еді. Оны сен де білесің, Күмісжан, бұл күнде ақарлы-шақарлы семья, тіпті немере сүйіп отыр. Сол қыз мені жан тартып, аузындағысын жырып беріп, үйірсектеп жүретін. Құрбыларымен бірге ауылға қайтуға ыңғайлана берді де, менің тес темірге салып балғамен шалғын шындалап отырып қалғанымды көріп, кері оралды.

– Апай, сіз неге қайтпайсыз? – деді жаныма шоқайып отыра беріп.

– Өз малымызға арнап шөп шабамын.

– Тұнде мे? – таңдана сұрады. – Қараңғы той.

– Енді бір сағаттан соң ай тумай ма.

– Апрай, апай-ай, қалай ғана шаршамайсыз. Сізден әлдеқайда жас менің белім үзіліп, екі қарым талып әрен отырмын.

– Үйренбегендікі шығар, – дедім мен. – Басқа түссе баспақшыл деген емес пе. Жұмыс мені емес, мен жұмысты шаршатар шама бар.

– Жұмыс шаршаушы ма еді, – деді Зәбила құрсініп. – Мен от жағайын, шалғының жүзі көрінбей барады, қолыңызды кесіп аларсыз.

– Жаға той. Шәугімге шай қоя сал.

Ай тұғанша сырласып отырдық. Шегіртке шырылдап, елік әүпілдеді. Ол кезде аң-құс бықып жүруші еді той. Сымпылдап үйрек ұшады. Өзеннің беті қарабарқынданып, анда-санда бір нәрсе шолп ете қалады, тегі шабақ аулаған балық болар. Екі тізенді құшақтаап, ұн-тұңсіз отыра берсең, бойынды қуанышты да мұнлы үрей билейді екен. Бірақ сен шошынбайсың, ләззатты әсермен терең құрсінесің де әлденені іздел елеңдейсің. Іздеген затың не, білмейсің. Білмегендіктен де елегізіп іздейсің. Осындай жым-жырт ертектегідей отырғанымызды Зәбиланың майда үні бұзды.

– Апай, бақыт деген не, білесіз бе? – мен бірден жауап бере алмадым.

Осы сұрақтың төнірегінде, тіпті, ойланбаппын-ау.

– Бәлкім, бақыт дегеніміз – ер-азаматқа еркелеу шығар.

– Рас айтасыз, әйелге одан артық бақыт жоқ.

– Сен әлі жассың той. – Сөзімді аяқтатпады:

– Жас болсам да білемін. Бізді соғыс есейтті. Өзіміз қызығын көріп, қуанышын бөліспесек те, сіздерді көргенде

сай-сүйегіміз сырқырайды. Жауды женген күні Алматыға оқуға аттанбақпын.

– Оқы, айналайын, мен үшін де оқы.

Ол мені құшақтап аялады, аяғаны шығар.

Осы кезде шығыстан дөп-дөңгелек айдың шеті қылтиды да, «мені зарыға тосып отырсындар-ау» дегендей шапшаң көтеріле бастады. Мен орныман тұрып, алақанымға түкірдім де, тартпаны ептең шықтана бастаған шалғынға салдым.

– Қемектесейін, апай, – деп Зәбила да өз қол шалғысына ұмтылды.

– Әуре болмай-ақ қой.

– Ештең етпес, сізден жаным артық па, – деп менің соңымнан ересілтей жөнелді. Ай жарығына шагылысқан шалғының жүздері жалтылдағап, үйисқан шөпті жайпап барады. Артымызда түп-түзу десте қалды жол болып.

Күз тұа мен және екі-үш адам солдаттарға арнап пима басу жұмысына кірістік. Біз әуелі Пилат деген орыс шалына барып бір апта үйрендік. Пима басуды тағы да мен бірінші болып игеріп әкеттім. Қалып біреу ғана болғандықтан алғашында бір сынардан басып, кезек күтіп жүрдік. Күзді күні қозылардан қырқып алған тері жұнді ең әуелі жақсылап тұту үшін судың арғы жағындағы Еремей деген орыс шалына қапқа салып апарамыз. Оның жүн түтетін машинасы бар. Бұл жұмысты Сақыш екеумізге тапсырған. Қыс түсіп, Бұқтырмаға мұз қатқанда да қанатсыз жайдак шанаға бір центнер жұнді тиеп, ымырт жабыла жолға шығамыз. Машинаның құлағын кезек-кезек бұрап тұрып тұні бойы бұрқыратып түтеміз де, ертелеңтіп қайта ораламыз. Екі-үш сағаттай мызғып алған соң, соғушылар әзірлеген түйлектеген жұнді қазанға салып қайнатамыз. Әбден піскеннен кейін сорғытып, қол ағашпен тарсылдатып соққылаймыз. Бөлменің іші көзге түртсе көргісіз буға айналып, үсті-басымыз малмандай су болады. Дымқыл ауа тынысқа тар, тұншықтырып шыдатпайды. Атып далаға шығамыз. Соңда әбден буланған құлағымыз тарс бітіп, естімей қалуши едік. Оған қарап жатқан біз жоқ, таза аудан қарпыш-қарпыш жұтып аламыз да, қалың будың арасына қайтадан сұңгиміз. Бір күні мұздың бетін қызыл су қаптап кетті. Өзенниң дәл ортасына барғанда жамандатқыр тырақы ат бір центнер жүн мен Сақыш екеумізді тарта алмай арындаң тұрып алғаны, әрі қамшыладық,

бері қамшыладық, тіпті сабаған сайын көткеншектеп, баспай қойды. Сақыштың аяғында көн етігі бар еді, шанадан қарғып түсіп барып, дізгінен жетелеп көрді, қозғалмады. Енді шана үстіндегі мені ауырсынып тұргандай. Ал менің кигенім – табынына тактай жапсырған ескі пима. Сақыш ер еді-ау, тырақыны басқа бір салды да, долданып қайтып маған келді.

– Мін арқама, – деді.

– Денем ауыр, көтере алмайсың ғой...

Жас балаша мойнынан құшақтап арқасына жабыстым. Ол менің екі қалтамнан қыса ұстап алды да, қызыл суды шалпылдата кешіп, аргы жағаға тартты. Жағалауға енді жете берген кезде:

– Эй, қатын, қалтаңнан қарманың иісі шығады ғой, – деді.

– Бағана Енем пісіріп беріп еді.

– Аузыма сал, әйтпесе суға тастай саламын, – деп үстіндегі мені сілкіп-сілкіп қалды. Амал жоқ, бір үзіп тістеттім. Ол қарманы ұртын қомпаңдатып шайнаған қалпы мені аргы бетке алып шықты. Содан соң суды қайта кешіп барып, көлікті жетелеп еді, қырсық неме «сендерден құтылмадым-ау» дегендей тапырақтай тартты шананы. Сақыштың көн етігінен, әрине, су өтіп кетіпти. Еремейдің үйіне жеткен соң шылғауын отка қақтап кептіріп әрең жылынды. Осы оқиғадан кейін Сақыш, сүйк тисе керек, қалтырап-дірілдеп қатты ауырды. Екі аяғының қақсағаны асқына келе жүргегіне шапты. Ертең женіс деген күні бұл дүниеден қайтты жарықтық.

Еремейдің үйінде жұн түтіп жүргенде қарнымыз ашып қоймаган соң бір килодай жұн сатып, картошка қайнатып жеп едік. Енді орнын толтырудың амалын іздегенбіз. Әдетте түтілген жұнді бір бөлек, түскен қоқымды бір бөлек өлшеп, жалпы салмагын шығаратын. Амалсыз қоқымның арасына тас салуга тұра келді. Бұл жалғанда Нартайдан иісшіл кім бар екен... Біліп қойды. Кұлығымыздың беті ашылды. Аузына ақ ит кіріп, көк ит шығып ұрысты. Соттатпақ болды. Айналайын, Сақыштың сұлулығы бұл пәледен де құтқарды.

Иә, біз не көрmedік. Сонымен ұзын-ыргасы – пима бастым, нан салдым, өмір бойы шөп шаптым. Егін ордым, баян байлап, масақ тердім. Мұнымен де біткен жоқ. Келесі, 1944 жылдың қысында тері илеуге жіберді.

— Екеуінен де мәңгілікке айырылғанымды жүрегім сезіп еді,— деп Ақан шал даға шығып, бой жазып келген соң, әңгімесін одан ары соза тартты.

Жағдай жақсарып, тамақ түзелгенмен, сырқатым асқына түсті. Екі бетім суалып, көзім шұңғрайіп, мойным ыргайдай болып, адам танымастай жүдедім. Әсіресе 1945 жылдың қысында жұмысқа бір күн шықсам, екінші күні төсек тартып жатып қалатын жарымжан күй кештім. Ішкен асым батпайды, қара су ұртасам да, лақ еткізіп қайта құсамын. Көктем туда ептең сергігендей едім, «бүгін жеңіс» деген күні ішімді жалын жалап, қатты қысылып ауырдым. Ұлыстың ұлы күні қуанышында нардың үстінде аш иттей бұралып, ыңырысып жатқан менімен елдің ісі бар ма, көздеріне жас алып, жүректері жарыла жаздал бақытқа кенелуде. Иә, көптен күткен таң да атты!

Жеңіс!

«Соғыс!» деген сөздің су құйып, тамырына балта шапқан айналайын, ЖЕҢІС— сені де құлақпен еститін, көзбен көретін, төбеміз көкке жеткенше қуанатын күн бар екен-ау! — деп күбірледім басымды зорға дегенде көтеріп. Құлғе аунаған қотыр түйедей жата бергенше даға шығуға талпындым. Барактың қабырғасына сүйеніп, бір басып, екі басып тысқа шыққанда, май айының жарқыраған күні нұрын аямай-ақ төгіп түр екен, көзімді жасауратып, жанарымды жеді. Жұмысшылардың тайлы-таяғы қалмай жеңіс құрметіне арналған салтанатты жиналысқа кетіпті. Маңайда тірі жан көрінбейді, тек мен ғана асқазанымды алакаңыммен басып, жалғыздан-жалғыз бүкшип түрған. Табиғат бейне бір ұзатылатын қыздай-ақ қылымси жынысып, наздана тамылжиды. Енді-енді ғана бүршік ашып, жапырақ жая бастаған орман осы тұстан қараганда жасыл ала — бірі ерте, бірі кеш бүрлекендіктен бояу теңестіре алмай түр. Бағана басына орнатылған қара табақтан Левитанның жігерлі де қуанышты үні саңқылдан естіледі. Менің, жадымда әсіресе қалғаны: «Капитуляция» деген сөз болды. «Енді елге қайтатын шығармыз», — деп ойладым.

Жеңіс!

Бұл сөзге менің қаншалықты үлес қосқанымды күні бүгінге дейін білмеймін. Менің билетінім: өзіме жүктелген жұмысты барлық күш-куат, ынта-ықыласыммен орындағаным ғана. Тіпті кімнің қанша үлесі барын таразылап, талапайға салу артық еке-

нін сол кезде-ақ үққан едім. Ендеше ел басына күн туған шакта Отан алдында – ар-ожданың тазалығынан асқан үлес бар ма?.. Мүмкін, барлығымыздан – аяқ-қолдан айырылса да, әйтеуір, татар дәмі, атар таңы таусылмай тірі қалған барлығымыздан әлдекайда батыр, әлдекім ешкімге белгісіз қүйде шейіт болған шығар. Соғыста қаза болғандардың барлығы батыр дейтінім содан. Кейін ойладым: – бәлкім, менің еңбегім белгісіз, аты-жөні жазылмаған жауынгердің рухына айналып кеткен шығар. Иә, батыр болу дегеніміз – кеудеге алтын жұлдыз тағып, алты алашқа әйгілі болу ғана емес, есімің, еңбегің аталмай-ақ ерлік жасау мүмкін екендігін кейін білдік қой. Демек, әдемі тізімге соғыска катысқандардың барлығын тізіп шығу міндет емес, олардың адап еңбегі, асқар ерлігін ЖЕҢІС деген сөз бен БЕЛГІСІЗ БАТЫР рухынан іздейміз.

– Мен алпыс жылдық өмірімде, – деді Ақан шал қолындағы қымыз құйылған кесені шайқап, – ешкімнің ала жібін аттамаған екенмін. Міне, тұн жамылып отырмын гой, асырып айтсам, құдай тәбемнен ұрсын. Бірде-бір ескерту, сөгіс те алмаған екенмін. Егер тазалық, адалдық үшін берілер сый-құрмет болса, омырауым толып кетер еді... Мен тек қана өз қолымнан келгенін істедім, қадери-қалімше еңбек еттім, тағдырдың талайыма жазған ырзығын ғана көрдім, одан артық дүниеге иек қышытқан емеспін, ейткені алуан-алуан жүйрік бар, әліне қарай шабатын. Мен бұл өмірге алу үшін емес, беру үшін жаратылғанымды баяғыда «трудармияда» жүрген кезде-ақ үққанмын. Сондықтан шамасына қарай шанацы деген қағиданы берік ұстадым да, ешкімнің де бақытына қызықпадым, ішімді өрт жалап қызғанбадым да. Мынау қара жердің бетінде МЕН секілді озбай да қалмай қарапайым ғұмыр кешетіндер саны БЕЛГІЛІЛЕР тізімінен әлдекайда көп екенін білемін, соған шүкіршілік жасаймын да. Алайда өзім сияқты ұшпақты эсте ансамайтындардың саны азайып бара ма деп шошынамын... Аспанга үшпай тұрып, жұмыр жердің бетімен дұрыс журуді үйренбегендерді қөргенде налимын-ау.. «Кірмей тұрып, қалай шығатыныңды біліп ал» деп халық біліп айтқан гой. Осындай, ойдыңдені кейін, заман тынышталып, бейбіт өмірге еркелегендеге ғана сана сарабына түсті, әйтпесе қа-а-й-д-ан... Көктемгі көкке аузы зорға ілінген көтерем сиырдай тарамысына ілініп тұрған менің көкейімде жалғыз-ақ арман бар еді, ол – өлмей ауылға жетіп, өзім жоқта дүниеге келген Баламерді көру. Содан соң

ажал ала жөнелсे де қарсы емеспін. Бұған дейін сүйретіліп тірі жүргенім суішкілігімнің әлі де таусылмаганы шығар-ая.

Жатақтың босағасына сүйеніп тұрганымда, анадай жерден ақ көйлегі желбіреп маған қарай жүгіріп келе жатқан қызды көзім шалды. Ол анадайдан қос қолын жая ұмтылып, менің мойнымнан құшақтады да, екі бетімнен кезек шөпілдегіп сүйді-ай. Жүзінде күлкі, жанарында жас.

— Ағатай-ай, бауырым-ай, біз жендік қой. Жендік!

— Рас, жендік, айналайын, қарындастым! – дедім мен ақ сары шашынан сипап.

— Бірақ бұл жеңіс бомбаның астында қалған әке-шеше, туган-туыстарымды тауып бере ала ма? – деп өксіп жіберді.

— Жалғыз сен ғана емессің ғой, қалқам...

— Бірақ әркімнің өз қайғысы өзіне ауыр емес пе. Енді мен батысқа бармаймын. Шығысқа аттанамын.

— Қыыр Шығыстан жапон деген пәле шыққан жоқ па?

— Сіз мені түсінбедіңіз, жаудан қорқады деп ойлайсыз ба?

Жо-жоқ. Көз алдында аяқ-қолы бөлек-бөлек қалған мамам, қалай ғана сол хуторға бара аламын. Әр күн сайын есіме түсіп, жүрегімді жарапаламай ма. Одан да Сібір тайгасын аралап кетейін де. Бастықтар рұқсат етсе ертең жолға шығамын. Сіз сондай... жаксы адамсыз. Я Вас... хокаю! Бұл сөзді кейін түсінерсіз. Хош болыңыз. – Мойнымнан құшақтады да, жалт бұрылып асыға басып кете барды. Сезімім қаншалықты сірне болса да, көңілім толқып, басым айналған, масайғандай дел-сал тұрып қалдым. Ақ көйлегін жел желпіген кыз, эне, Орал ормандарына қарай беттеп барады. Өзімен бірге бір нәзік сәулені ала кеткен украин қызы менің де жүрегімнен орын алған. Ол маған ЖЕҢІС деген ұлы ұғымынң адамға айналып, дөңгелене билеп, күні бүгінге дейін жер шарын аралап жүргендей: ол мәңгілікке солмас бәйшешектей, қайта жасарып, қайта гүлдеп, мынау монданақтай жерді алақанына салып әлдилеп жүргендей...

— Әңгімем аяқталып келеді, таң жақындаған қалған секілді, жүр далаға шығып, бой сергітіп қайтайық, – деп Ақан шал орнынан тұрды.

Олар тыска шыққанда, шынында да, шығыстан таң саз берген екен. Аспан ашық, Шолпан жұлдыз ғана тұнгі арулардың, отырыңқырап қалған ең соңғы қонағындей, сөнбей жарқырайды. Батыс жақ алқаракөк те, шығыс көкжиеқ жүқаланған ағараң тарта бастаған. Қозының, жылқы

даусы естіледі. Көбен тауының оймақтай ғана көлі бетінде мойындарын қайырып, тұмсықтарын қанаттарының астына жасырған қос сары ала қаз бейбіт қалғиды. Арғы жақ шетінде судан әлдене алып жеп, таңсәріден ашқарақтанған бір топ қоңыр үйрек жүзеді. Көл жағасындағы жалғыз үйлі қойшының аң-құсқа деген адалдығын жарықтық үйрек-қаз да сезгендей, өзгеше қәперсіз, секем алар сескенісі жоқ алаңсыз... Табиғат пен адам арасындағы береке, ырыс дарыған шалқар достықтың жарасып табысқан жаршысындей. Ақан шал осына көріністі көптен бері көрген жоқ-ты, қызықтағандай екі қолын артына ұстап, сәл үнсіз тұрып қалған. «Үйге бой жазып, анау төбенің басына шығып қайтайды», – деп, алға түсіп аяңдай берді. Шопан жігіт мақұл көргендей қатарласа жөнелген.

– 1945 жылы да елге қайта алмадым, – деді Ақан шал. – Соғыстан қайтқан солдаттар емеспіз, еңбек әскері болғандықтан, тағы да бірер жыл жұмыс істеуді талап еткен соң, амалсыз қалдық. Жаз шыға қыстай асқынып келген аурудың беті бері қарап, өзімді тәуір сезінгенмін. Әйелдердің көбі дерлік тарарап, бұрынғыдан гөрі бір жайма-шуақ тыныштық орнағандай еді. Тіпті ептең көңілсіздік басып, ел деп елеңдеумен жүр едік. Өйтпеске шарамыз қайсы, түпкілікті қалып, жұмысшы болып кетудің реті жоқ, көпшілігіміздің ауылда екі көзі төрт болып тосып отырған бала-шагамыз бар, шаруа баққан адамбыз, егін екпей, шөп шаппай өмір суре аламыз ба. Ал кен қазып жүрген бәріміз көгенін ағытқан қозыдай жамырап, қайла-куректі лактырып тастап боса жөнелсек, жүрегі дүрсілдеп соғып тұрған мұқым завод, фабрика өлікке айналмай ма. Негізгі жұмысшылар майданнан толық оралған жоқ, тірі қалғандарының өзі аяқ-қолдан айырылған мүгедек, жаудан енді-енді ғана арылған ел ес-ақылын жиганша бұл жерден аттап басуға қақымыз жоқ еді. Ағайын-тұған «бұл қайда жүр» деп елендемес үшін барлық жағдайымызды айтып хат жазып жібердім. Сөйтіп, Орал тауының дәмін әлі де бір жыл татуға тұра келген. Эрине, бұрынғыдай емес, жағдай жақсарған, жұмысшылар да көнілді.

Саршатамызда ауылдан менімен бірге келген Қожақ пен Каймақ үйлеріне қайтатын болды. Партия қатарына жаңадан еткен мені босатпады.

Жігіттерді шығарып салып тұрғанда көнілім алабұртып, көзіме жас алдым. Бірге өсіп, біте қайнасқан ауылдастарымды қимай киналдым да. Оралда еткен үш-төрт жылдың ішінде бір-

бірімізге бұрынғыдан ары жақындасып, бір шаңырақтан өрген тумалардай айнымас достық, ажырамас туыстықпен үйренісіп кетіп едік. Олар кетіп, жалғыздан-жалғыз мен қалғанда үйірінен айырылған жылқыдай кісінеп, көбінесе, саяқ жүретін болдым. Қаймақ пен Қожақ мен үшін мұқым Қаратай елі екен, тұра аттанып кеткенде, ел көшкендей құлазып, жұртта қалған күшіктей қыңсылағаным, бұзауы өлген сиырдай азан-қазан мөнірегенім де содан-ау...

Қаймақшал тарамыс-тарамыс қолын ұсынып: – Ал, азаматым, аман бол. Қоріскенге жазсын, – дегенде ұмтылып барып құшақтай алдым.

– Ағатай-ай, жалғыздықтан жаным күйзелетін болды-ау.

– Көп ұзамай сені де босатар. Денсаулығынды құт. Шыда, көбі кетіп, азы қалды ғой, – деп төсіме төсін тигізіп жұбату сөзін айтты.

– Алмага не сәлем айтасың, – деді аусар Қожақ арқамнан қағып.

– Не айтайын, аман-есен де... Ауыратыным жайында жұмған аузынды аша көрме, жүрегін жарапап қайтесің. Мен үшін балаларымның бетінен сүй.

Олар аудан орталығына қарай жаяу беттеді. Арқаларында түйіншек дорбасы бар. Сырты компайғанмен, ішінде түгі жоқ бос дорбаны тек ырым үшін ғана таңып алған – жолаушылық әдет қой. Жұдеп-жадаған ауылдастарымның артынан қарап тұрып, қатты аядым. Бұлар да соғыста болдық деп барады-ау.

Жолдастарыммен қоштасып, жатын орынға қайтып оралған соң да, екеуінің бос дорбасын арқалап аяңдалап бара жатқан жүдеу бейнесі көз алдыманнан кетпей-ақ қойғаны. Тіпті, ұйқым келмеген соң, сыртқа шықтым. Тыныштық ұйып тұр екен. Жұмысшылардың барлығы да алансыз ұқыда, бейбіт күннің алғашқы алаңсыздығына еркелеп жатыр. Ауадан ептең салқын сыз сезіле бастаған. Қар биыл да ерте түсетін сыңайлы. Ағаш жапырақтары да асығыс сарғайған. Үркер көтеріліп келеді екен. Сол үркер туған жакта менің туған ауылым бар. Белгісіз бір үміт солай қарай жүр-жүрлеп жетелейді. Неге екенін білмеймін, күншығысты бетке алып еріксізден еріксіз адымдадым. Қанша жер ұзағаным есімде де жоқ, тек Шолпан жұлдызы ауа ғана кері бараққа оралдым. Одан ары ұзай берсем, сөз жоқ, қашқын атанамын. Ал мен өмір бакида ештенеден қашып, ештенеден қорықкан емеспін.

Орал өніріне тағы да қыс түсті. Күн сұық. Сырқатымнан айығып кете алған жоқпын. Бұрынғыдай күбір-күбір өз тілімде сөйлейтін жігіттен айырылған соң бір түрлі бұйығы тартып, жетімсіреп жүрдім. Ауыл-аймақты өлердей сағындым. Бала-шагам құндіз есімнен, тұнде түсімнен шықпайды. Тарамысына ілініп әрең жүрсем де жұмыстан бір рет те қалған емеспін. Кен директорының атынан мақтау естідім, озат жұмысшы, нағыз коммунист атандым. Амал не, жүректе сағыныш салғаң мұң бар. Қанша қөнілденейін, сергін десем де, қөнілімді әлде не зіл болып басады да тұрады. «Топырақ Оралда бұйырмаса игі еді», – деген ұры ой ұялай бастады.

Иә, соғыс аяқталды. Бірақ күрес аяқталды ма?..

Кімнің қайда, не істегенін есепке алып, түгендейтін уақыт келді.

Жолым түсіп аудан орталығына барып қайтып едім. Онда ұлан-асыр той: пилоткаларын бір шекелеп киіп, омыраулары сылдыраған орден-медальдар толы солдаттар қос-қостан қызы-келіншектерді құшақтап гармоньдатып, көшеде билеп жур. Оларға сонадайдан қызыға қарағаным болмаса, тіпті жақындауға сескендім әрі «бұл қайdan шыққан ақ қарға» деп сөгетіндей жерге кіре ұялдым да. «Бәрі де майдан, мұндағы біз де қарап жүргеміз жок» деп кімге дәлелдерсің, кімге түсіндірсің... Амал не, салым суға кете баракқа оралдым. Маған ондай сұрақ қоймауы да мүмкін гой, бірақ үстінде әскери киім, кеуденде соғыс куәгері медалің жоқ болған соң ба, өз-өзіңнен күистанады екенсің. Кен басшылары тарапынан алған сан алғысымды қағазға жазып алып әркімге тарататын емес... Шынымды айтсам, елге қайтуға да қорындым. Әттең, шиеттей жас бала-шагам бар, әйтпесе осы жакта түпкілікті қалып қойғым-ақ келді. Алма кезекті хатында: «Соғыстан аман қалған азаматтардың біртіндеп келіп жатқанын, оның ішінде бір аяғынан айырылған Құмырайдың да бар екенін жазыпты. Денеме сызат түспей ауылға барудан азапты не бар? Ал ішкі жараны кім көріп тұр. Бейне бір бес жыл Орал орманында тығылып жатып, жау женілген соң уралап шыға келгендей көзге күйік боларым тағы рас еді...»

«Тыл да, трудармия да – барлығы да майдан, жолдастар, – деген сөзді дәл сол кезде дәлелдеу мүмкін емес-ті. Жүрттың назары тек қана қолына мылтық ұстаған жауынгерлерге ауган. Қазірдің өзінде карт солдаттар соғыс ардагерлері атанып,

«немісті тырқыратып куып барамыз, жолдасыма оқ тиді, мен аман қалдым», – деп естелік айтып, есінеп отырганда күн демей, түн демей кен қазып, топырақ тиеп жатырмыз», – деп әңгімеге араласудың өзін әбес санаймыз. Бірақ мениң, жарылыштың астында қалған Бураның, ауылға келген соң көп ұзамай дімкәстік пен жіңішке аурудан кайтыс болған Қожақ пен Қаймақтың жазығы не? Жазығы сый-құрмет дәметпей жанталаса еңбектенгені ме, жазығы жауынгерге қару дайындал бергені ме? Отыз жыл бойы осы оймен соғысып келемін. Жеңістің отыз жылдық тойына шақырылмадық. Оны былай қойғанда, «Ата, сенің наградаларың неге жоқ. Өлде соғыска қатыспадың ба?» – деген немеремнің сұрағына жауап бере алмадым-ау. Ол сұраққа әсте де мен емес, басқа біреулер жауап беруі керек еді...

1946 жылдың жазында ақсанан ауруым асқына берген соң, еңбек әскері қатарынан біржола босатты.

– Мінеки, Орынбай, ағаңың қысқаша өмір-тариҳы осындай, – деп Ақан шал әңгімесін тамамдады.

Таң атты. Күн шықты.

* * *

Көбен тауының ирек-ирек жолымен жалғыз салт атты ауылға қарай құлдырап келе жатыр. Тұндегі ішкен қымызы батпады ма, аттың жалын құша лоқсып, қолқасы үзілердей болып ұзақ құсты... Алғашында тұндегі жеген еті мен қымызды лақылдатып еді. Аттан әрен дегенде суып түсті де, жерге найзадай кіріп жатқан тасқа сүйене отырды. Тынысы тарылып, ауа жетпей өз-өзінен тұншыға берген соң омырауын ағытып, «Уң, аллай-ай, жаным-ай» – деп ауыр күрсіне шалқалады да, анау тегенедей төңкеріліп тұрган шайдай ашық аспанға қарады. Ол тіршілігінің ең соңғы сапары дәл осы ендігі сөтте сонау етекте құмалақтай шашылып жатқан ауылға аударған. Сол көк тұтіндері қоккө өрлеген көп үйлердің ішінен өзінің қара шаңырағын ізден әрен дегенде тапты да, аса бір қимас тілекпен ұзақ қарады. «Тәнірім-ау, тұтіні шығып жатыр», – деп куанды. Амал қайсы, қолқасы үзілердей болып тағы лоқсыды. Өнешін кермек татыған қан жауып, тамыр соғысы баяулай бастағанды. Жүрек шіркін шаршаган, әбден тозығы жеткен, «бұдан ары шамам жоқ» дегендей, әлсіреген қанатын анда-санда болар-болмас қаққаны болмаса, өмір үнін шырқата алмады. Кірпігі

қатып, қарашығы бір орында тұрып қалған көзінен саулап жас ақты, бірақ сүртуге дәрмені жетпеді. Жанары жайнап жатқанымен, айдай аппақ әлем біртіндеп соңіп, дүниенің бар-барлығы қап-қара қапасқа айналды. Сол қаранды түнектің ар жағынан мойнында иін ағашы бар Алма шықты да, су толы шелекті шайқалақтатып, әне, асықпай аяңдал барады. «Тоқта, – деп жан ұшыра айғайлады Ақан. – Мені ерте кет. Суды қайда апарасың?».

Қарашығы қатып жатқан Ақан шалдың қеудесі қарсайырылды да, шыбын жаны пыр етіп ұша жөнелді...

...Мұнымен де біткен жоқ. Келесі, 1944 жылдың қысында тері илеуге жіберді, – деп Алма кемпір әңгімесін ары қарай жалғастырды. – Бұған дейінгім ойыншық екен, дүниедегі ең ауыр жұмыс – осы тері илеу болып шықты. Маған дейін істеген талай әйел шыдай алмай, ақыры ауруға ұшырап, үйлерінде төсек тартып жатқан. Сол күні де әдеттегідей ерте тұрып, сиыр сауып, шайды шала-пұла ішіп үйден шыға бергенімде Енем: – Сенің де сорың ашылмай-ақ қойды-ау, байғұс. Тірі қалсаң жарап еді, – деді.

– Олай айтпаңызышы, тәнірдің басқа салғанына көнеміз де...

– Барлық істі бір күнде бітіріп тастайтында жұлқына кірісетін мінезің бар еді, аспай-саспай байқап, байырқалап қымылдассанышы, келінжан.

– Ілбіп журе алмаймын, апа, сүйекке сінді әдет қой.

– Ақан мен Бағдаттан хабар болмай кетті-ау, – деп күрсінді.

Тері илейтін завод (солай атар еді) ағаштан қыып салған дара үйде орналасқан. Аты завод болғанымен, мұнда осы Жұлдыз аулындағы жалғыз орыстың шалы Гриша істейді. Одан басқа маман жоқ, деректіре де, жұмысшысы да бір өзі. Ал көмекшілікке келген менің міндетім – жерге қазып орнатқан әрқайсысы 300 литрлік ағаш бодияларға су тасып қую. Өзенге дейін қозы-көш жер. Иінағаштың екі басына ілінген қос шелекті салақтатып безектеймін-ай. Ағаш күбінің түбі тесіліп қалғандай, тіпті толып болмайды. Маған дейін істеген әйел екі-үш күнде әрен толтырады екен. Ертеден қас қарайғанға дейін тыным таппай жүгіріп жүріп ел орынға отыра бітіріп тастағанымда, Гриша шал өз көзіне өзі сенбеді. Суы мөлтілдеген дәү үш күбіге қарап тұрды да, таңдайын қағып, басын шайқады.

— Мықты екенсің. Бірақ ертең жатып қаласың гой. Жұмыс осымен бітті деп ойлайсың ба, келіге қабық түйіп, теріні иге салу керек.

Расында да, Гриша шалдың айтқаны келді. Екі иығым, жонарқам, қара саным удай ашып, таңтерең орнымнан қозғалуға дәрменім жетпеді. Құн арқан бойы көтерілгенше сұлық жаттым.

— Келінжан, Гриша шал шақырады сені. Шамаң жете мे?— деді Енем. Бойым жансызданып, сал болып қалғандаймын. Амал жоқ, тұру керек.

— Етпептіңнен жат, дененді үқалап берейін. — Менің ұялғаныма қараган жоқ, жұн көйлегімді түріп тастады да, тарамыс қолымен жауырынымнан ысқылай бастады. Қартайған адамның саусақтарында қайбір кару бар дейсің, кісінің қытығын келтіргені болмаса, қанын таратуға қауқары жетпеді. Енeme ересек екі қызым қосылды. Олар да өз шамаларынша, киіз басқандай түйгіштеген болады. Дегенмен, бұл әлсіз әрекеттің өзі сеп болғандай, бірер сағаттан соң қалқайып басымды көтердім. Гриша шал ақылды адам еді ғой, осы ауылдағы көп қазаққа бергісіз, кешігіп барсам да, әлдекімдердей шу көтеріп, басқармаға үстімнен арыз айтқан жоқ. Аяғыма тас байлағандай сүйретіле басып келгенімде, ол қарагайдың қабығын ұсақтап отыр екен, мені көріп күлді.

— Хал қалай, қызым? — деді.

— Мұқым колхоз жабылып сабап тастағандай.

— Эрине, үш кіслік жұмысты жалғыз өзін істесен... Жонқалаған қабықты келіге салып, ұшында үш айрық теміржүзі бар келсаппен түйгіштей бастадым. Алғашында қолым көтертпеді, екі-үш рет түйсем болды, жауырынымның екі арасы ашып, қарым талады. Әрі-беріден соң оған да көндіге бастадым. Өлсем өліп-ақ кетейін деген оймен жанталаса түйдім. Қатты қимылдаған соң, денеде ұйып тұрған кешегі шаршаш мен ауырсыну біртіндеп тарқап, маңдайымнан сұп-суық тер бүрк ете тусти. Құрыс-тырысым жазылып, тас моншаға түскендей ақ сорпам шықты. Тері илеп менің қапшағай қимылымға көз салып тұрған «деректірім» тағы да басын шайқады. Мен соңда алғаш рет еңбектен ешкімнің де өлмейтінін санама сақтап едім. Адам ересен жұмыстан емес, жанын аялағаннан ауру боларын көкірегіме түйдім. Тұске дейін қабықты талқандай түйіп, тұстен кейін иде бөгіп жатқан ауыр-ауыр үлкенді-кішілі терілерді таза

суға қайта салып иінен тазартып алған соң, келесі құбідегі қабықтың ніліне тоғытамын. Оның бер жағында отын жарып, от жағып тайқазандағы қарагайдың қабығын сакылдатып қайнату жұмысы тағы бар. Екі күннен соң, үш бірдей құбіні үш жұз литр сумен толтыру керек. Егер әр шелекке он литр су сыйды десек, өзеннен екі ортаға 45 рет қатынап, шелек су әкелу керек еken. Күбірлеп, ішімнен санаймын да жүремін.

— Сіз, апа, күніне 900 килограмм жүк көтерген екенсіз, — деді Күміс кемпірдің мойнынан құшақтап.

— Алғашқы шаршау бәсекеңсігінімен, он екі мүшем де әбден титықтап, амалсыз болдыру бар еді. Бұл қырсауы кете, қионы қаша бастаған болдырыс қанша көнтерімін деген адамның қай-қайсысының да басында болар хал фой: ой мен қырға, ұра-жыраға сала берсең машина да тозып, қажалып бітпей ме, тау мен тасқа күндіз-түні шапқылай берсе жануар екеш ат та аяғына қан түсіп, зорықпай ма?.. Жау қаша соғысып, батысқа шегінген сайын мениң де жүйке-жүргім әлсіреп, қоңілімнің көк мұзы еріп, шаттанғанмен, денем майланбаған арбадай салдырап қажи бастаған-ды. Әсіреле тері илеу жұмысында жүрген жалғыз қыстың өзі-ақ жұз жылға жетерлік азабын арқалатқандай еді. Талықсып барып төсекке құлаймын. Кісі қатты шаршағанда екі көзі үдай ашып, жанарың жұмылмай бақырайып жатып алады еken. Шеке тамырың білеулене ісініп сокпай тұрып алады да, басың тастав қатып, сана-сезімсіз тірі өлік күй кешесін. Осы кезде «тәтелеп» аяғын апыл-тапыл басқан жалғыз ұлым келеді жаныма. Мекіреніп бауырыма тартамын. Ал ол болса мұрның тыржитып қаша жөнеледі. Әбден терінің иі, қайнатқан қабықтың иісі сіңіп қалған өне бойынан, өзім үйреніп кеткенмен, өзгені жиіркендіре жағымсыз қоңыс шығады білем. «Апыр-ау, Ақан келгенде де осылайша сасып-борсып қарсы аламын ба», — деген күлкілі ой үзляйды.

Осылайша алты ай қысты артқа тастанап, 1945 жылдың көктемін қарсы алды.

ЖЕҢІС!

Осы сөзден Алтайдың алып шоқылары жаңғырықты. Бір-бірінен сүйінші сұрап, алаөкпе болып жүгірген ауыл адамдары колда бар малын сойып, ұлан-асыр той тойлады. Бұл сөздің құдіреттілігі сондай, тіпті күйеуі шейіт болған жесірлер де бастарына ал қызыл орамал тартып бар күнәдан арылғандай «бисмилла» деп Ұлы куаныштың қойнына кіріп еді. Енді бұдан

былай ЖЕСІРЛЕРДІң өмірлік жолдасы ЖЕҢІС деген сөз боларын, соғыс кезіндегіден де киын үйқысыз тұндер сұп-сұық құшагына аларын, тірі қалғандардың ермек қыла бастайтынын, осылайша жасына жетпей қартайып, қырықтан аспай шаштары ағарапын кайдан білсін бишаралар... көйлектері желбіреп: «Біз жендік!» – деп далактап жур. Осы күннен былай әкесіз балалар тұа бастарын да ойлаған кім бар. Бірақ осылардың, барлығы «жасасын өмір» деп, ертеңіне ұмтылған адамдардың иғілікті қадамдары-тын. «Дүниеде үш арсыз бар: құлкі, тамак, үйқы» деп бұрынғылар бекер айтпаған гой. Ендеше, отызға да толмай қара жамылып жесір қалған келіншектер төртінші «арсыздықты» (егер оны арсыздыққа жатқызысад) бастан кешері сөзсіз еді. Ол – нәпсі. Алдыңғы үшеуін кешіре білген жұрт төртіншісіне келгенде төменшіктең беруші еді, бетін шымшылап ұтсыздыққа балаушы еді... Неге? Оның сырына құні бүтінге дейін түсіне алмай-ақ қойдым. Бірақ тірі адам тіршілігін істейді екен. Соғысқан төрт жылдың ішінде қайғы мен жұмыстан қабыргалары қайысып жүрген әйелдер ЖЕҢІС деген сөзден соң барлығын ұмытты; әлде де сенбей, өлді деуге қимай жүрген ерлерінен мүлдем құдерін ұзді де, «айналайын, жарық дүние» деп бейбіт құннің нұрына алақанын жатып, сен болып жатқан сезімдері еріп, бөгөуі ашылған бұлақтай сарқырады-ай.

Соғыстан қайтқан солдаттардың ішінде біздің көршіміз Құмырай да бар. Құтты болсын айтайын деп үйлеріне бардым. Бір аяғынан айырылғаны болмаса, дені сау, айлап ауруханада жатқандікі ме, аппақ сазандай семіз. Омырауындағы жалғыз медалі жарқырап, қақ төрде бір шынтақтай жатыр екен. Қол алысып амандастық. Алғашқы сөзі: – Сенің байын, хахолдан қатын алып, Оралда қалды, – деген бопсадан басталды.

– Апыр-ай, төрт жылдан соң, көрдік пе, көрмедік пе деп, жылап-еңіреп табысқанда, аузыңа жөні тұзу сөз де түспеді-ай, Құмеке, – дедім шыдай алмай ширығып.

- Ашуланшақ болып кетіпсің, Алма.
- Бұл елден ашуланшақ емесін табу қиын-ау бүгінде.
- Мен шындықты айтамын. Ал сену-сенбей – өзіңнің еркінде.

– Екі айда бір хат алып тұрамын. Амандық болса ол да келер маңдайы жарқырап.

– Көреміз, – деді ол күліп. – Ақан қайтып оралса, қалған аяғымды кесіп берейін.

– Койсанышы, – деп қалды қойдан жуас әйелі.

– Олейін десек қол тимей жүргенде, жаумай жасын тұскендей қылдың-ау...

Есіктерін теуіп жауып, шыға жөнелдім. Жылайын-ақ дедім, жылай алмадым. Қозімнің жасы сарқылып, жанарым қаңсып қалғандай. Міне осы құннен бастап қорамызға қорамыз тиіп тұрған көршімізбен араласудан калдық. Бір-біріміздің есігімізді ашыспайтында жаулықтың себепкері Құмырайдың оғаш мінезінен, ішегіне қыл айналмайтын қызғаншақ, ұрынарға қара таба алмай пәле іздел жүрер қызылкөздігінен ғана көруге болар ма еді... Мениңше, оның сыры тым тереңде жатқан секілді. Бәлкім, сүтпен кірді, сүйекке сінді азбайтын да тозбайтын көнсірне «ауруымыз» шығар. Есіріп келген дүшпанды төрт жылда тас-талқанын шығарып жендік қой, ал, ағайын, ауыл-үй арасындағы мәңгілікке қатқан тонды балталап шабу, ыстық су құйып жібіту ешкімнің де қолынан келмесі рас еді. Саған өтірік, маған шын, сол Құмыраймен құні бүгінге дейін дәмтүзіміз жарасып, бір-біріміздің төрімізге шығысқан емесспіз. Міне, осылай да қатар өмір сүрге болады екен. Беттен алып, жағаға жармасып ашық айқасқа түспегенімізбен, барлық ашу-ызамызды қораға түскен малдан, бақшаға кірген ешкі мен тауықтан алатын едік. Талай ешкі мүйізінен, талай тауық сирағынан айырылды. Иесі естісін дегендей «атаңа нәллеттің малына дейін онбаған» деген балағат сөзді дауыстап айтып, жазықсыз сабап, айыр алып жүгіреміз. Құдай-ау, сиыр екеш сиыр да бір-біріне қарап мөніреп, ит жынымызға тиетін еді. Бірақ ат құйрығын кесісіп ешқайда көшіп кетпедік, ағаш үйді бұзып жіберіп ауылдың аргы басына салып алуға болушы еді, оны да істемедік, ошағымыздан тутінді қатар ұшырып, іштей егес, бітіспес бітеу жарамен өмір сүрдік.

Жаз шығып, шөп шабатын мезгіл туса да, Ақан орала қойған жоқ. Соңғы бірер айда хабар-ошар болмай кетті. Құн өткен сайын Құмырай сөзінің шындығы дәлелденгендей кісіні жындандырып жіберер үнсіздік үстемдік ала түсті. Соғыста жүрген Бағдат қайнаман «Берлинге жеттік» деген хат келді де, көп ұзамай, «1945 жылдың 8 майында қаза тапты» деген қаралы хабар алдық. Бүкіл ел-жүрттың қуанышы қойнына сыймай жүргенде біздің шаңыракты тағы бір қайғы соғып

өтті. Осы хабардан соң атам шөке түсіп, мұлдем жатып қалды. Есіктен кірген адамнан «Ақаннан хабар бар ма?» – деп сұрайды да, теріс қараган күйі ләм деместен жата береді.

Көршіміз Құмырай жаз бригадир сайланып, атқа мінген. Есік көзіне ат ойнатып, таң атпай құмысқа шығарып, айғайлайды да тұрады. Сол кезде небәрі он төртке толған қайын сіңлім Қарлығашты ертіп шөп жинауға шығамын. Қолымызда сырты күйелеш-күйелеш қара шайнек. Тұскі үзілісте шай қойып шөлімізді басамыз. Ол шақта ыдыс-аяқтың тапшы кезі ғой, ыстық шайды қақпағына құйып, аузымызды күйізге кезек-кезек ұрттаймыз. Енді-енді ғана бойымыз жазылып, талдың қоленкесіне демімізді ала бергенде Құмырайдың «тұрындар» деген айғайы естіледі.

– Күйеуің хахолдан қатын алғанына сенбекен едің, қане қайтып оралғаны, – деп мысқылдайды. – Екі үйге бір ереккетеді, көршілік қақымды орындауға әзірмін.

Айыр ала жүгіріп едім, ана бір жылы бастықты сабаганымды естіген болуы керек, зыта жөнелді.

Ақанның анық хабарын «трудабойдан» келген Қожақ пен Қаймақтан естідім.

Тағы да күз туды, тағы да бір қыс түсті, тағы да көктем шығып, жадыраған жазға жеттік. Біздің ауылдан аттанған азаматтардың ажал алмағандары түгелдей оралды. Тек қана... Ақан жок.

1946 жылдың жазында шәйнегімді арқалап дәл былтырғыдай пішен шабуга шықтым. Құмырай да бригадир сайланды. Бұл дүние өзгере ме, жоқ па деп ызадан жарылардай боламын. Шыдамның да шегі бар, бұрынғыдай емес, жүйкем жұқарып, ашуланшақ болып барамын. «Аяғынды етігін қыssa, дүниенің кеңдігі неге керек» дегендей, бір жылдан бері белі көтеріле бастаған елдің күйі, бейбіт күн барған сайын қам көңіл тартқан жанымды жарылқай алған жок. Бес жылдан бері ауыр жұмыс, азалы өлімнен арылған кезім бар ма, темірден жаратылсам да тозып, қуатым майланбаған арбадай шиқылдай бастаған еді... Жаз шыға оқудан босаған ересек балаларды Шабанбай жайлауына алып кеткен. Одардың ішінде қабырғасы қатпаған Қарлығаш та бар. Өзгелерден әлдекайда сүйкімді, ашық жарқын қайын сіңлім: «мен Ақан ағама тартқанмын» – деп, тұлымы желбіреп менен бір елі қалмай әр ісіме қолғабыс жасап жүретін. Қас-қабағымды аңдып, әсіресе жаны ашитыны да осы

Қарлығаш еді. Әпкесі Сандуғаш суға кетіп өлген соң, ой түсті ме, әйтеуір, тез есейді. Өзі де үріп ауызға салғандай қыз біткеннің әдемісі. Ол жайлауга кеткен күннен бастап бар ермегімнен, сырлас құрбымнан айырылғандай жалғызырадым-ай.

Көбен тауында шөп маялап жүргенбіз. Күн екіндіге таяп, тау ішіне қолеңке ұллай бастаған мезгіл. Колхозшылардың алды арба-саймандарын жинастырып, қайтуға кам жасай бастаған. Тамам қыз-келіншектер көлдің суына беті-қолымызды жуып, етпетімізден жата қалып, мұздай суық кәусардан шөлімізді қандыра іштік. Шілденің ыстығы кеш түсे қайтып, бой сергітер қоңыр салқын самал ескен. Файша екеуміз басымызға жабысқан шөп-шаламды тазалап, шашымызды тараپ, өріп отырғанбыз. Түйетастан бері қарай салт атты құйындан шапқылап келеді. Алғашында еріккен көп баланың біріне жорыдық. Кәперімізде ештеңе жоқ. Әлгі жолаушы шапқылаған қүйі маған қарай ентеледі. Жүрегім су ете қалды. Не жақсылыққа, не жамандыққа жорыдым – әйтеуір тегін жүріс емес. Ат үстіндегі бала: – Алма тәте, Қарлығашқа қарагай түсіп өліпті! – дегені. – Не дейт? – деп шөгө түсіп отыра кеттім. Бетіме су бүркіп есімді әрең жигызды. Файша қолтығымнан демеп түрғызған соң, орамалымды байлауга да мұршам келмей, қолыма ұстаған қүйі Көбен тауынан төмен қарай жүгіре жөнелдім. Аяғымды тас қағып, етпетімнен құладым, тіземді жарапалап, алақанымды тас тіліп қан акты, қараганым жоқ, өкпем қүйіп, жүрегім тарсылдалап, қолқам үзілердей болды, тыңдағаным жоқ. Етекке қарай енірей ұшып келемін. «Қарагым-ай, Қарлығашым-ай, қыршын кеткен ботақаным-ай». Аузымда осы сөз, бетім айғызы-айғыз жас... бәрінен де осы өлім ауыр тиді маған.

Қарлығаштың сүйегі жатқан жерге жібермей алдымды кес-кестеген кісілерді жалғыз-ақ итеріп жапырып таstadtым да, өліктін үстіндегі кебінді жұлып алдым. Бет-аузы шелпек болып жаншылған бір кесек ет жатты қанға бөгіп. Өкіре құшақтаған қүйі сылқ құлап түстім... Мені тағы да ақ бүркіп ұшықтап тірілтіпти.. Жүрек ауруым сол күннен басталып еді..

Шабанбай жайлауында шөп дайындал жүрген қыздар қас қарая қарагайдың түбінде от жағып, сауық кеш ұйымдастырған екен. Ән салып, әңгіме айтып дуылдал отырған жастар ағаштың тамырын кеулеп жанған отқа мән бермеген. Тек қана қарагай күтірлеп, қопарыла құлағандаған шыңғыра шулап, тым-тырақай қашады. Қарлығаш та орнынан ұша түрегеліп,

енді жүгіре берген кезінде аяғын бұтақ шалып етпетінен құлайды. Жығылған жерінен қайта тұра берем деген мезетте ұшар басы аспан тіреген алып қарагай үстінен басып қалады... Тұқ қарында шамасы да келмей, тіл тартпай кеткен он бес жасар қызды ағаштың астынан арамен үш жерден кесіп жүріп әрең суырып алады. Сонда мыжылған денеге бірде-бір адам қарауға дәті жетпеген. Балаларға бас-көз болуга жіберген тартпа шындаитын шалғана жанына жақындалап, өліктің үстінен шапанын шешіп жауыпты.

Қарлығаштың сау-тамтығы қалмаған жас денесін жууга да қорқып, өлікке бір адам түспеді. Өзім сатып әперген тасқа басқан гүлі бар шыт көйлектің ырымы ғана қалған, пәршепәршесі шығып жыртылған. Өне бойы қатқан қан. Сол үйынан қап-қара қаннның қағын жуып тұрганымда, уыздай мәйіттің бас жағына қарауға менің де шыдамым жетпеді, бет емес, езіліп қалған бір нәрсе. Қарағайдың қапсағай бұтағы тұра белден кірген... Мұндай аянышты өлімді бұрын-соңды ешкім көрмеген шығар. Қарлығаштың бейнесі күні бүгінге дейін түсімнен шықпай, шошып оянатыным, сол бір өрім талдай жастың бытшыт болған қан-қан денесі мәңгілікке көз алдында қалғанынан болар-ау... Сүйекті орайтын ақырет таба алмадық. «Ақ дәкे тек Нартайда ғана бар» деген соң, алғаш рет басқарма үйінің есігін ашуға тұра келді. Дөнен иттей кергіп төрде отырған бастық төре табақ етті буын бұрқыратып енді ғана алдына ала берген екен, мені көрген соң әйелі бетін жауып, қайтадан алып кетті. Бұйымтайымды айттый. Ол қыржып, салқын тындағы. Іші кепкен түйедей төңкерілген қарнына сүйсінгендей алақанымен сипалап, ыңырана тіл қатты.

– Каңғырып жүріп, қарағай басып өлген қарғадай қызға мәрлі берер жайым жоқ, – деді.

– Колхоз жұмысында жүріп қаза тапты фой.

– Оларға от жақ, өртengен ағаштың астында отыр деген біреу бар ма? Ерігіп жүріп етпетінен қулады.

– Әй, Нартай, имансыз екенсің. – «Сіз» деп сызылуудан айырылдым. – Тасжүрек екенсің! Бұл өлім өз балаңның басына келсе қайтер едің. Жүйрікке де бір томар шығар, тостым құдайдан... Алдыңа келтірермін...

– Тос, тоса бер... ешкі тулас ыңыршағын шақса мен де көріп алдым.

Бұдан ары шыдай алмадым. Есік жақта түрған орындық қолыма қайдан ғана ілінгенін білмеймін. Нартайдың тақыр басын көздел бар пәрменіммен лактырдым. Ол бұғып қалды да, артындағы терезесіне барып тиіп, күл-пәршесі шыға сынды.

– Сотталасың, албасты! – деген Нартайдың, «құтырган қу қанышық» деген әйелінің сөзін шала-пұла естіген күйі есіктерінде жаппастан шыға жөнелдім.

Қарлығашты қара жерге беріп, жылап-еңіреп біз қалдық. Санап отырсақ, бұл үйден айналдырган бес жылдың ішінде төрт адам арғы дүниеге аттаныпты. Екеуі – қыз, екеуі – ұл. Екеуі – ауылда, екеуі – майданда. Бірақ қайғыдан адам өлмейді екен, Атам мен енем, келмеске кеткендерден гөрі келер деген үміттегі Ақанның амандығын ойлай бастады. «Ақсағын қойып, сауын бақ» деген қазақ бекер айтпаған шығар... Менде де Ақаннан басқа қандай тілек, қандай үміт бар еді. Рас, он екіде бір гулі ашылмаған бірі суға ағып, екіншісі – колхоз малына шөп дайындеймиз деп жүріп, қарағай басып жас өмірлерімен тым ерте қоштасты. Жай ғана ойлап қараған пендеге оқыстан өлгендері де шындық. Бірақ оқыс оқиғаның да себепкері бар фой... Рас, соғыста қаза тапқан Ақтайлақ пен Бағдатты атқан немістер, ал, Сандуғаш пен Қарлығаштың қыршының қиган «су» мен «ағаш» атты тілсіз жау ғана ма... Ол кезде бұлайша терендей ойлауга мұрша болды ма, кейде жападан-жалғыз отырып, кінәлі біреулерді іздеймін де. Бәлкім, соғыс болмаса, буындары бекімей жатып ауыр жұмысқа бармас еді. Жұмысқа бармаса тірі жүрер ме еді, тірі жүрсе ендігі ақарлы-шақарлы семья құрып, үрпағын жалғар ма еді... қайдан білейін...

Айналайын, Қарлығашпен бірге жайлауда шөп шабуда болған осы ауылдағы құрбы-құрдастары, эне, барлығы да үйлі-баранды болып, сәре-сәре ғұмыр кешіп отыр. Бұл менің Қарлығаш өліп, олар тірі қалды деп баянды өмірлеріне қызғана қарағаным емес, жүректі сыздатқан арман, орны толмас өкініштерімді емірене есіме алуым фой. Мен көпке дейін қайын сіңлімді өлдіге қимай, үй ішінен елендеп жүрдім. «Алма тәте, мен келдім» деп, мойылдай қара көздері жаудырап есікті ашып қалатындаі немесе алыс бір жакқа – енемнің төркіні аталағын Алтайдың арғы бетіне ұзатылып кеткендей, күндердің күні болғанда кішкентай сәбиін алдына алып, ақ боз атпен тау асып келе жататындаі... Оң жақта шымылдықтың ар жағында жансыз жатқан Қарлығаштың сүйегін күзетіп, таң атқанша көз

ілген жоқпын. Майшамды өлеусіретіп жағып қойдым. Маган ақ кебіннің астындағы Қарлығаш қимылдағандай көрінді. Анықтап қараган сайын қозғалатын сияқты. Шошына ұшып түрдым да, Енeme жүгірдім: – Апа-ая, Қарлығаш тірі...

– Кой, қайдағыны айтпа? – деп ұрысып, өліктің жаңыны жолатпай қойды. – Шал-ая, келінінді ұшықтап жіберші, шошынған секілді. А, құдай, кәрінді бізге неге тіге бердің.

Өлгеніне құні бүгінге дейін сенбеймін де. Сол құні арауқтың қозғалғанын өз көзіммен көргенімнен шығар. Бәлкім, адам баласы жан тапсырған соң да бойы біразға дейін суымай, әйтеуір, бір жерінде шырқыраған шыбын жаңы сақталып қалар да. Мал сойғанда да еттерінің әр жері өз-өзінен дірілдеп жатпай ма... Ал Қарлығаштың қимылдағаны рас еді...

Ертеңінде колхоз кеңсесіне шақырды.

– Терезенің құнын төле, әйтпесе сотқа берем, – деп қорқытты Нартай.

– Тіреп тұрған аспаның болса тастап жібер, – дедім тілімді тартпай. Бастықтың құйрығына шала байланып, орнынан босайды деген сөз естігеммін. Жеті басты дәү пері болса да бір тықыр таянар уақыт жеткен секілді.

– Албасты, дәл осы жолы сені құртпасам ба, Нартай атым өшсін.

– Атыңның өшкеніне тілеулеспін, сотқа бергеннің көкесін мен көрсетермін.

Не де болса ауданға тарттым. Мүмкін, менің арызым себепкер болып, қызметінен ертерек қуар деген күлығым да бар. Жаяу-жалпылы жолға шықтым. Егін дән салып, жайқалып тұрған кез. Көктемде арпалысып сугарған еңбегіміз зяя кетпепті. Тау басына бұлт ілініп, ауа тымырсықтанып, көп ұзамай жауар нөсерден хабар береді. Терістікten сусылдан ып-ыстық жел соғып еді, егін теніздей толқиды. Әлгінде ғана қунбатыстан пайда болған бұлт жел айдады ма, әп-сәтте қоғамдасып, қордасын жинап келеді. «Бұршақ жаумаса жарап еді», – деп ойладым. Алтай жауыны оқыс басталушы еді. Шайдай ашық тұрған аспанда, қара жолдың шаңын бұрқыратада үйіріп, әуелі қүйінға айналдырады, артынша бармақтай-бармақтай тамшылар қигаштау ұшып, төпеп ала жөнеледі.

Мен шапшандата аяндал, екі шақырымдай жердегі Құркіреме бұлағына жете бергенімде, қаңсып жатқан даланың

шаң-тозаңын қопара қатты жел түрдү. Көзіме кірген тозаңды уқалай Күркіремені әдіптең өскен қалың талдың арасына жасырындым. Бетімді жуайыншы деп еңкейе бергенімде... екі қолы бұлаққа малынып етпетінен жатқан адамды көрдім. Капелімде шошына шегініп кеттім. Соңғы жылдары соғыстан қашқан белгісіз біреу жүр дегенді талай рет естігенбіз. Наубайханадан нан, колхоз қоймасынан ет ұрлағаны да есімде. Тура безейін деп бір ойладым да: «Жат адам болса ес-түссіз былайша жата ма», – деп біртіндеп жақындағым. Алғашында өліп қалған шығар деген сезік женедеді. Үсті-басы адам көргісіз, әбден азып-тозған: аяғында тісі ақсиган шәркей бәтенке, колтығы сөгіліп, жаға-жені қырқылған ескі күпәйке, бұтында тізесі жыртылып, құйрығы тесіліп қалған шалбар (Ыстық күнде күпәйке кигені несі деп ойладым), жалаң бас, шаң басқан кір-кір шашы білтеленіп қобырап жатыр. Бұлаққа салақтан қалған екі қолын ағынды су тербеп, денеге жан бітіргендей қозгалқтады. Неге екенін білмеймін, жүрегім тайдай тулап, тізем дірілдеді. Дүниедегі ең қимас адамым жатқандай әрі қорқынышты, әрі аянышты сезім биледі. «Әй, кімсіз, тірімісіз» – деп, үнім қарлыға дауыстап едім, тіл қатпады. Бойымдағы бар қуатымды жинағын да, тәуекелге басып аунатып қалдым... Суалған жақ шұнірейіп ұясына кіріп кеткен көз, тілім-тілім болып жарылған жүзі өте таныс... таныс болғанда да – өзімнің жанымнан да қымбат көретін затымның баяғыда жоғалтып алып, тот басып жатқан жерінен қайта тауып алғандай толқып кеттім. Жұлынымды қуалай ып-ыстық бір нәрсе жүгіріп өтті де «алла, алла» деп, белімді ұстаған күйі талықсып бара жаттым. Қызық, кенеттен пайда болған әлгі ып-ыстық пәле арқа омыртқаларымды аса шапшандықпен қуалап өтіп тура белімнен ұрганы... Көзім қарауытып, басым айналды. Сонда да ырық бермей ернімді жымқыра тістеген күйі сүйретіліп бұлаққа жақындағым. Сылдырай аққан мөлдір судан алақаныммен көсіп алдым да, бетіме шаштым, ұрттадым. Кеүіп қалған таңдайым жібіп, сарайым салқын тартты. Сондағана есімді әрең жинап, кеуде кере ауа жұттым. Әлгі ып-ыстық пәленің уыты тарқағандай болған соң қолыма таянып қайта түрдым. Неге екенін білмеймін, омырауым дымқылданғандай... Өнірімді ағытып, үңіле қарасам, мына ғажапты естігенің немесе көргенің бар ма, екі емшегімнен сүт тамшылап түр. Тәнірім-ау,

мұнысы несі?! Баламер емшектен әлдекашан шығып кетіп еді гой. Сол уақыттан бері беріштеніп суалған омырауым өз-өзінен иігені қалай? Зәрем ұшып қорыққандікі ме, әлде әлгі ып-ыстық пәленің әсері ме, әлде қуанғаннан шығар.

Күркімененің жағасында етпетінен жатқан беймәлім адам ыңырысқандай болды. Қапсыра құшактаған күйі етпетімнен үстіне құладым. Сол! Сол! Сол!

Сол дегенім – Ақан еді!.. Сенейін бе көзіме, сенбейін бе.

Сенсөң де осы, сенбесөң де осы дегендей еді қу тағдыр.

Жел тербекен ағаштың басы жан ұшыра қозғалып сұлдайды. Қап-қара болып тұнерген аспанда бауыры қап-қара бұлттар жөңкіледі. Алдымен бірер тамшы жаңбыр жауды да, іле койдың құмалагындаі ірі-ірі бұршақ төпеп ала жөнелді. Бұршақтың қаттылығы сондай біз паналаган қайың мен талдың жапырағын тесіп өтіп, төбемізден тарсылдата бастады. Сол әлем-тапырық аспанға жүз беріп жатқан Ақанның жағына пышақ жанығандай бетін далдалай құшактап, бұк түсіп отырып қалдым. Бұршақ көп әурелеген жоқ, сонадай жерде ауылға қарай жосып барады. Күркіреме бұлағынан аппак моншактар акты. Табиғаттың алты айрығынан тер сорғалап, қалжасы жағып түргандай. Абырой болғанда жаңа ғана масақтанып, дәні тола бастаған егінді бұршақ соқпапты. Бастьарын сәл иіп, қара жерге тағзым еткендей суланып тұр. Ауылдың дәл үстінде доғаланып кемпірқосақ орнады. Осы тұстан қарағанда қайғы-қасіреттен енді-енди серпіле бастаған Жұлдыз соншалықты әдемі көрінді. Аспанның батыс жағы түріле ашылып, құрымданған бұлт бұршақтың артынан еріп кетті. Қүннің көзі көрінгенде мұқым тау, дала, тоғай жарқырап, шөлі қанғандай жымия күлімсіреп рақатты күй кешіп еді. Ал мен ше...

Ақан жұмулы көзін ашты да, әлемнің осы бір көрінісін таңырқағандай, қадала қарады. Жүзіне сәл ғана жылу пайда болып, ерні дірілдеп күбірлекен. «Арысым-ау, аман келдің бе?» – деп жас балаша басын бауырима баса ботадай боздап жылап жібердім. Оның алғашқы айтқан сөзі: «Шаршадым ғой, шаршатты ғой», – болды.

Ерлі-зайыпты екеуміз сағынышпен, ақсаумен өткен бес жылдан соң осылайша табыстық. Қойнында шиелеп тұрып шүберекке түйген партбилетінен басқа дәнене де жоқ «трудармияны» сүйемелдей ауылға беттедім. Үй-ішіміз ғана

жогы табылғандай шексіз бақытқа кенелдік. Бес жыл бойы жаумен жым-жырт соғысқан Ақанымды ешбір батырга айырбастармын ба. Иә, ол шакта бәрі де майдан еді гой... майдан болатын...

«Кісі екен десем, трудабой ғой» – деген қаңқу сөз сол жылдардан қалған, – деп Алма кемпір әңгімесін аяқтады. Күмістің көзінде жас. Бір түннің ішінде бүтін бір ауылдың тағдырына ортакасып, қөнілі босап жылағаны, Ақан, Алма секілді белгісіз батырларды аяғаны шығар-ау.

Таң атты. Шамды сөндіріп, терезелердің пердесін ашқанда, үй ішіне саулап табиғаттың нұры құйылды. Дәл осы шакта Алма кемпір орнынан түрмак болып үш ұмтылды, бірақ өз денесін өзі көтеріп кете алмады, жазған...

– Күміс-ай, басымды сүйеші, – деп оң жамбасына қарай қисая берген.

– Апа, не болды сізге? – деп жан ұшыра ұмтылды. Құрақ көрпенің үстіне сұлық құлаған Алма кемпір: – Ақан кешікті ғой, – деп құбірлеуге шамасы әрең жетті де, қол-аяғы суып, аппақ әлеммен қош айтсыып, қап-қара түнекке сіңіп бара жатты...

ОЛ КҮМІСТЕГЕН ЕР-ТОҚЫМЫ БАР КӨК ЖОРҒАФА МІНІП, АСЫҒЫС АТТАНҒАН АҚАННЫҢ АРТЫНАН ЕРІП КЕТКЕН ЕДІ!..

Тыныштық.

Таңғы сағат алты болып, радиодан гимн ойнады.

Автордан: Мен бұл шығарманы жазу үстінде зәредей де өтірік қоспауға тырыстым. Қазіргі заман әдебиетіндегі озық үлгілерді біле тұрсам да, ой айтудағы ондай тәсілдерді пайдаланғым келмеді. Философиялық терендік пен психологиялық иірімдерге құрмай, естіген оқиғаны қаз-қалпында баяндағаным, қиялдан алынған образды сылап-сипап, әдемілеуден қашқаным шығар. Таланды тағдыр мен қия-қалтарыстары мол өмірді сол қүйінде қағазға түсіруіме себепкер болған – қара жерде қарбанып жүрген қарапайым ауылдастарымның болмыс тіршілігін, қайғы-қасірет, жақсы-жаманын шыншылдықпен окушымға әңгімелеп беруге ұмтылғаным еді.

Переделкино – Алматы. 1982 жыл, қаңтар



ҚҮМ МИНЕЗІ

(Бархан)

Повесть

*Еспенбеттей ер қайда,
Ерді сыйлар ел қайда?!
Дулат Бабатайұлы*

Алқара аспаннан тағы бір самолет ұшты...

* * *

Күйек аяқталған соң да Барханның мазасы болмады. Адам тірлігінің ұшы-қыры жоқ, таусылмас күйбені бүйдалап алып, ой мен қырға дедектетіп кеп жүргені.

Меніреу даланың мен-зен етер тыныштығын маңыраған қой, жамыраған төл бұзса, осы мәңгіртіп жіберер үннің өзі әлдебір тылсым қуаныштан ентек хабар таратқандай да еді.

Бархан міне қырықтың бесеуіне келді – ертеңнен қара кешкे тыным таппай қанша енбектенсе де, буыны босап шаршаган да, көnlіне қаяу түсіп жалыққан да емес. Ол жалғыздықтан – айналасында даңғыр-дұнғыр айғайласып, оқта-текте сыр шертісер адам табылмай талықсыр еді. Қойын қоралап, жұбайы қайнатып берген шайды терлеп-тепшіп ішіп алған соңғы бос уақыты жүйкесін тоздырады-ай.

Ой десек, оны күні бойы аттың ұсті, қойдың сонында ілбіп жүргенде таусап біткен. Радио деген шуылдақты бұрап қалса болды, шүлдір-шүлдір етіп не басқа тіл шыға келеді, не анау бір әрі композитор, әрі әнші жалғыз өзі қақсан кеп тұрганы. Бұлардан да әбден мезі болды. Ал, айнаға бір рет үйіп-төгіп тастайтын газеттің бетін ашып қалса, баяғы бір кісілердің, баяғы сол көрші Сейітқұлдың сығырайып өзіне қарап отырган етектей суретін көреді, оған жазылған етектей мақаланы оқиды.

Іргелес қойшы Сейітқұл туралы ауданнан бастап, тіпті сонау Алматының газет-журналы өкіртіп жазып жатады. Әнеугүні бүйра бас жас жігіт келіп кітап жазам деп, деректер алып кеткен.

Сейітқұлдың үйінде бір ай жатқан жігіт қарға адым жердегі Барханның баспанасына бас сұқкан жок.

«О несі екен? Есенбісіз десе, есінен адасар ма еді?»

Күйекті алдымен аяқтаған Барханның жылдағы әдеті Сейітқұлға қол ұшын беру. Міне, аттай зулап бес жыл өтті, құдай көршісі – қыстық қытымыр суығын, жайлаудың салқын самалын бірдей көріп келеді. Тоннын ішкі бауындан араласып кетпегенімен, «Кемедегінің жаны бір деп», көмектесе алмай тұрмайтын. Сейітқұл он жас кішілігіне қарамастан, жанкешті пысық, қолды-аяққа тұрмайтын жылпостау. Алғашында Барханға көмекші шопан болып жүрді де, кейін келе өз қолымен үйлендірді де. Қашан қаз тұрып кеткенше қамқор қанатына алған Барханға кейін жалдана, қондана келе, қорс етіп мінез көрсететінді шығарды. Бірақ, табиғатынан жуас, кісі бетін қайтарып көрмеген ол кешегі айрандай аптарап, күбідей пісіп өз үйінде тайрандап жүрген жігіттің бұл әбестігіне налып, пәлендей мән бермеді.

«О несі екен?»

Қарашаның қан құстырап көп-көп қарбаласы артта қалды. Жылдағыдай емес, ауа райы жайлы болып тұр еді. Тек күні бойы ызындалап, сүп-суық жел еседі демесең, күн ашық. Қас қылғандай қойды қүйекке түсірер шакта қар аралас жаңбыр жауып, онтүстік өнірінде бұрынды-сонды бола бермейтін лайсаң күз болып еді. Табиғаттың осы бір қылтқи берер қытымырылығы дәл мұрынға су жетпей, екі қолыңды төртеу ете алмай арпалысып, күш күресіп жатқан шағында қағынуы онсыз да жұқарған жүйкенді тоздыра түсер еді. Үлкен науқан есен-сая аяқталып, ун деп бел шеше бергенде, күн шайдай ашылған. Шайдай ашылған күннің ендігі жан жадыратар қоңыржайлышы Барханның шамына әбден тиіп болды. Қойды құм шағылдардың ара-арасына қаптата өргізіп жіберді де, анау төбенің ар жағында құдық қазып жатқандарға барады. Ермек іздегені болар. Машиналарын дүрілдетіп, беріштеніп қалған құм қырышықты бұрғылаған үш-төрт жігіт, олар да ермек іздейді білем, жуас түие жүндеуге жақсы дегендей, мұны қажап, қайдағы-жайдағыны шұқылап, сұрай беретін. Ішіндеңі ересегі Серіктің жасы Барханмен шамалас, «құрдас» деп қатты қалжындасады. Куакы, сөзге жүйрік, үнемі көңілді

жүретін, үнемі күлімдеп, үнемі мұрнынан әлдебір әннің әуенін ыңылданап айта жүрер еді. Олардың міндегі, бастығы Серіктің әмірін тыңдалап, қойшыға арналған әрбір қалжынына жосықсыз тырқылданап күле беру. Құдық қазушы үш азамат Барханның үйіне қонып, ертелі-кеш ыстық шайын айырып жүр. Алғашында Сейітқұлдың үйін торуылданап көріп еді, теріс қабак танытқан соң, олай қарауды да қойған. Тіпті құңқілдеп, «әйелі жас болған соң қызығанады, шық бермес Шығайбай» екен десіп, жамандап та қойысады. Ондайда Бархан ойда-жокта тауып алған «туыстарына» тәйт деп жекіп тастайтын. Жекіп тастамас та еді, өзін майлыш шелпек, ит-құс іше берер жайдақ су көрмесін деген өкіс мінезі-ау. Өзі де ұл-қызы өсіріп, ешкімнің ала жібін аттамай, адад ғұмыр кешіп келе жатқан азамат екенін анғарту-ма екен...

Барханның әйелі қой аузынан шөп алмас момын, өз шаруасына берік тұйықтау адам. Апама жездем сай осынау жұбайлардың белдеу-белдеу құмның арасына тұтін тутеткеніне он бес жылдан асып бара жатса да, шәй десіп бірінің бетінен бірі алған кезі болған емес. Қандай қыын-қыстау шақта ақылменғана қимылданап, өзара үнсіз келісумен кірісетін жұмысқа. Айрандай үйыған осыншалық әдемі семьяны жер-көктен іздесе де табылмасы, бірақ бәрібір байқалмай, бағаланбай, құмға сіңген судай жогалары хақ еді. Бес баланың үшеуі ауылда, апайының қолында тұрып оқу оқиды, екеуі әлі кішкене, қозысын құшақтап үйде отыр. Киіз үйден қыстауға көшіп келгелі балаларының да өңі кіріп, пештің қызуына қақтанып, мәз болысып жүрген.

Бұдан он бес жыл бұрын дәл осындай қарашаның күзінде әйелі Жұмагұлғе үйленген. Әке-шешеден ерте айрылған жалғызлік жігіт Егемқұл қарттың қолында қысы-жазы қемекші болып, бауыр басып алған. Біртоға, жол саудасы жоқ, Барханды туған ұлынан бетер жақсы көріп, қызымен көніл қосуын іштей көксеп те жүретін. Бала мен бала бата сұрап келгенде, көзінен жас шыға қуанған, маңдайларынан алма-кезек сүйіп, «бағың ашылсын, қос ботам» деген, сонсоң қолын жайып: «ендігі мал да, осы үйдегі жан да екеуінің еншің. Кемпірім екеумізге кештік ғана ғұмыр қалды. Тату-тәтті, жүптарың жазылмай өмір сүріндер» деп еді. Қарттың тілеулі батасы қабыл болды, құдайға шүкір, он бес жыл от басының берекесі кеткен жоқ...

* * *

Бархан бүгін отарын ерте өргізді. Ауыз үйде тырайып үйшіктап жатқан үш жігіт те, кіші қызы Нұргулдің аузы үылып, жылап мазаны алған соң, тұн ортасы ауғанша көз ілмеген әйелі де, енді ғана таңғы тәтті үйқының құшағына енгендей еді. Сыртқа шыққанда ептеп тоңазыған дene жылы төсекті қайта сағынды. Күн шыққан жоқ. Ала дөнденіп мінгесіп-ұшқаса келенсіз далага қарай жарыса созылған құм төбелер, сол құм төбелер, сол құм төбенің қырқасына ойдым-ойдым қойнауына жармаса өскен сексеуілдер жағаласа жарысып, көзге суық тартады, көнілді жүдеткендей болады. Бархан алды-артына – иә, айналасына, қарашибандың салқынына бедіреиे арқасын беріп, бетпақ жатқан қүйқалы құмды тұнғыш рет аяғандай, жанарын тайдырмастан көпке дейін қарайды-ай. Ойлап тұрса, он бес жыл мекен жай болған Талдыөзектің бойынан зәредей өзгеріс таппаған екен. Сол есіліп-есіліп қалған бұйра құм, сол ербіген сексеуіл, албастыдай алба-жұлба түзген, жер тағандап өсер жыңғыл; сол аспан – бірде бұлтты, бірде ашық, бірде қар, бірде жаңбыр; сол күн – өз орнынан шығады, өз орнына асықпай, аяңдап барып батады; сол бір мал – маңыраған қой – ол да өмір бақида кісіней алмайды; сол көрші Сейітқұл – күні кеше жап-жас елгезек жігіт еді, бүгінде құм санайтын ку болды. Енді Бархан сол Сейітқұлдың қыстағына қараган. Жым-жырт, тұяқ серіппей қаперсіз үйшіктап жатыр. Қорасына совхоз ерте бастан жеткізіп берген шөп қаздай тізліп, кеше ғана мектеп окушылары қазып берген қой қораның қынан әлі де бу шығады. Кеше балалар опыр-топыр іске кіріскенде, бұл да қолына құрегін алып, жападан-жалғыз ат шалтырым корага беттеп еді, әйелі Жұмагул: «Еруліге қарулы болып қайтесін, Сейітқұлдың басына пыр етіп қонған баққа таласқандай болмайық, ертең де күн бар», деген соң, атына мініп қиқайып өріске кеткен. Өріске беттеген Барханның соынан Сейітқұл айқай салды:

- Отагасы десе, менің де отарыма көз қырынды сала жүр.
- Жарайды, батыр-еке, – дегеннен басқа жарытып жауап таба алмады.

«Анау балаларға біздің қоралардың да қын ойғыза сал» дегісі келді-ақ, эттең мінезінде жоқ бөтендік танытуға дәт шіркін бара алмаған. Бірақ, Бархан бұдан соң көпке дейін өз-өзінен күнкілдеп, сөйлемп жүрді қой шетінде.

– «Осы совхоз басшылары қызық, Сейітқұлға жіберген окушыларға маған неге көмектес демейді?»

– «Осы совхоз басшылары қызық, Сейітқұлдың шебін жер қара, күн жылыда тартып береді, ал маған тышқан ізін салған жок.»

– «Осы совхоз басшылары қызық, саулық қойдың ең іштісін, егіз қозылайтынын Сейітқұлға жиып-теріп бергені несі?»

– «Осы совхоз басшылары қызық, Сейітқұлды екі күннің бірінде ауданға, облыска, тіпті анау Алматыға машина жіберіп, шақырып жатыр, мал-жанына сен ие бол. Ой, пәтшагарлар-ай, «ие бола тұрыңыз» демейді, «ие бол!» деп кесіп айтады. Егер есептеп беретін есі бар адам табылса, Сейітқұлдың қойын одан ғөрі мен көп бағып келемін».

Сонсоң ол «жоқтан өзегеге басымды ауыртып қайтемін», – деп өз-өзіне басу айтады. Сонсоң, құдық қазушы сырыйтай ұзын Серік ыңылдай беретін әуен қайдан есінде қалып қойғанын білмейді, әйтеуір сол түсініксіз де мұндылау әнді ысқырып, әлгінде ғана алай-дүлей болған көнілін жұбататын. Бұл оқиға кеше еді ғой. Бүтін болса мынау, бір қызығы, Бархан күнде ертеңгілік тұрганда мұны да ауданнан машинаға салып, алып кететіндей сезінетін. Тың-тыңдал, сол үлкен қаладан – шулы өмірден шұбатылып келер қара жолға көз сатып, әйтеуір бір бедеу үмітпен ұзак-ұзак қарайтын. Тағы ешкім жок... Қыл аяғы қара құйрықта, былтыр қолынан жем жеген қара құйрықта, шаң бермеді-ау. Жасқана күрсінетін... Қатты күрсінсе әлдекім естіп қойып, «ел аман, жұрт тынышта неге үйлесін, не жетпейді саған» деп ұрсарай қорқар еді. Қазір де сол шулы өмірден жалғасар шұбатылған жолға көз қыығын тастады да, көнілі әбден қалғандай жанарын тез тайдырып әкетті, бұдан соң бір құшак сексеул құшақтап, үйге қайта кірді.

Үш жігіт басын басып кетсе де, қыңқ етіп сезер емес, өлі үйқы қылғындырып, кор-кор етеді. Енді ғана кірпігі кірпігіне айқасқан Жұмагүл кішкентай қызына омырауын емізген күйі ол да әдемі үйқыға берілген. Бархан әйелінің ашық қалған төсіне бұрынды-сонды бола бермейтін лыпыған сезіммен таңырқай, қызықтап, сексеулін құшақтаған күйі серейіп тұрып қалды. Тәнірім-ау, он бес жыл бойы қалайша байқамаған. Таңғы нұр құйылған жұбайының қос анары не деген аппақ еді; құдайым-ау, шынымен-ақ анау сәбиін бауырына қысып, күнәсіз сұп-сүйкімді болып албырап жатқан өз әйелі Жұмагүл ме?

Бархан сексеулді пеш қасына оқыс тастай беріп, жүрегі тулаған күйі еңбектеп, әйелінің жанына барды. Сексеулдің бұтағы секілді тарбиган саусақтары дірілдеп, тесін ақырын сипай беріп еді, Жұмагұл селк етіп, шошып оянып кеткен. Сонсоң ол:

– Албасты, не көрінді саған, әбден таң атқанда? – деп көрпесін қымтап, жауып алды. Бархан соң да, көпке дейін әлгі бір алғаш рет сен бол қалған сезімін қытықтаған әдемі әсерден арыла алмай жүрді. Баяғыда, ерте-ерте, ертеде... құм басып қалған асылын енді қайтып тауып алғандай алабұртты. Пештің отын тездетіп жақты да, қойды өріске айдады. Қайтып келіп қой қораның қыын апыр-топыр жалғыз өзі қаза бастады. Данғарадай қораның жалғыз-ақ пүшпағынан – жалғыз күрек қи алынғанда әбден таң атып, анау белдің астынан күн жарықтықтың құлағы қылтиған. Сонау қырдың ар жағынан құннің шекесі көрінгенде Сейітқұл да тыскә шығып, керенау есінеген. Мұнан соң рақаттанып тұрып қасынды да, топ сексеулдің түбін айналып кетті. Жастығына қарамай, ерте есейген кеспелтек денесі, аласа бойына конымызында іркілдеп, алыстан қарағанда қорбандаған аюға ұқсайтын. Май баса бастаған соң ба, онсыз да қысықтау көзі шылқамай бетке кіріп, жоғалу сыңайда. Кенкілдеп өп-өтірік қулуі, реті келгенде кенірдектеп женістік бермей дауласуы, орайы келсе тізеге салып тізерлетіп, омырауга салып опырып жіберер ожарлық бас-аяғы бес-ақ жылда пайды болды. Озат шопан десен де Сейітқұл мен Барханның арасында жер мен көктей өзгешелік бар. Ол өзгешелік бәлкім, мінез-құлықта да, сыртқы пошымда да емес шығар. Ол өзгешелік тіпті, бұл екеуіне ғана тән емес, жер бетінде тырбанып жүрген пендениң бәріне ортақ қасиет те?

Топ сексеулді айналып келген Сейітқұл сым тордың коршауында маңырап өзіне қарай лап қойған қойдың бір-екеуін басқа теуіп жіберді де, есігін ашып қалды. Темір тордан босаған отар «әріптестерінің» оттауға бағана өріп кеткені жындарына әбден тиген болуга керек, алды-арттарына қарамай, боздақтап барады-ай. Сейітқұл құзғын сәріден тұрып алып, жыбыр-қыбыр мазаны алатын құс ұйқы қөршісіне жек көре қарады. Әсірессе, биылғы мінезі ұнап жүрген жоқ. Ұят та болса, іргесін аластап, қоңыслыққа басқа қойшы сұрасам ба деп бір ойлады. Сонсоң, «Москвич» тұрған сарайдың тесігінен сығалап, машинасының

амандығына көзі жеткен соң, күпісін сүйреткен күйі үйіне қайта кірді.

Осы кезде бір апта бойы құдық қазамыз деп әуре-сарсаңы шығып жүрген үш жігіт те ербиіп далаға шыққан, олар да әлгі Сейітқұл паналаган топ сексеуілді бір-бір айналып, қой корада ақ тер, қара тер қи ойып жүрген Барханның жанына барды. Әуелгі сөзді әрине, аға бұрышы Серік бастады.

– Эй, құрдас, казар көбейсін.

Екі жігіт тырқылдаپ еп-өтірік күледі. Бархан жауап қатқан жоқ. Мәндайдағы мөлдіреп-мөлдіреп түрган таңғы шық секілді терді сұқ саусағымен сырып тастанды да, борсып, сартаптанып жатқан қиды төрт бұрыштап алып аударып жатыр.

– Жарықтықтың иісін-ай, – деді Серік қидың шетінен опырып алып ііскең. Екі жігіт мәз, тағы күлді. - Қоршің он шақты окушымен бір күн қазып әрен тауысқан қиды жалғыз өзін неше айда бітірер екенсің, жазған.

– Оған несіне басынды ауыртасың. Жылда ойып жүрген үйреншікті шаруам, ешкімнің жаны қиналмас. Мені мүжігеннен бір нәрсе түсе ме, одан да беті-колдарынды жуып, шайларынды ішіндер түге.

– Эй, адальм-ай, ертенгі күнің не болар екен. Шайға өзің де жүр, сонсоң төртеуlep ойып тастармыз, бүгін жұмыстық қойдық, жарты ғасыр қазасақ та бәрі-бір шықпайды су құрғыры.

Осы кезде үй жақтан «эй, шайға келіндер» деген Жұмагұлдің жіңішке дауысы естілді.

Бұлар дөңгелек столды қоғамдай отырып, құла шайды сораптауга кіріскенде, самолеттің даусы естілді.

– Сағат сегіз болған екен, – деді Бархан. Қолындағы сағатына қараған Серік таңырқан:

– Оны қалай білдің? – деді.

– Осы қыстақтың үстінен әрбір екі сағат сайын самолет ұшады, сондықтан сағат салмаймын қолыма, – деген Бархан түні бойы, қыңқылдаپ, ауырып шыққан қызын қолына алып. Жұмагұл самауырды тағы бір үстеп, шоқ салды. Серікке кезекті кесені ұсына беріп, көзінің астымен ұрлана қарап қойды. Сонсоң Барханға жалт бұрылды да, өз қылғына өзі ұялғандай жасып, жанарын төмен салды. Азғана уақыт мендеген тыныштықты тағы да Серік бұзған:

– Құрдас, осы сен самолетке отырып көрдің бе?

Тосын сұрақ Барханды мұрттай ұшыра жаздады. «Не десем екен?» Аз-кем қипақтап отырды да шынын айтты.

– Жоқ.

Екі жігіт шайға шашала тырқылдай жөнеліп еді, Бархан одан әрі кірерге тесік таба алмай қысылды. Ал Жұмагүл болса, бетінен оты шыға, бүкіл семьясы, ата-бабасы атынан ұялды. Екі күлегешті Серік «Тәйт әрі, ырсаландамай» деп тиып таstadtы да, замандасының тотықсан тікенек-тікенек жez бетіне аяй қарады. Осының бәріне... көрінген жерді тыртықтап, айлап, жылдан құдық қазып су шығара алмай итшілеп жүрген өзін кінәлағандай, кесені асыға төңкерді де, далаға атып шығып кетті. – Эй, – деді үй сыртынан, – эй болыңдар, кораның қын оямыз.

Сейітқұл атын ерттеп тұр екен, қой қораға бір-бір күрек арқалай жөнелген самаладай төрт жігітten тайсақтағандай атының шап тартпасын тартып бүгежектеп басын көтермеді.

– Аман-ей, – деді Серік айғай салып. – Неғып мықшыңдаң тұрысын, әйелің сау ма?

– Соқтықпай жүр, – деп қайырып таstadtы Сейітқұл.

Қызылқұмның арасындағы адасқан қаздай ғана төрт-бес адамның таңғы тілдесуі осымен тәмамдалды да, маңайды тағы мылқау тыныштық басқан. Осынау меніреу тыныштықты тек әрбір екі сағатта әуелей ұшқан самолеттің гүрлі тілгілейді, – иә, тым-тырыс тірлікті тілгілеп өтеді.

* * *

Бархан қой сонына ерген жылдарда қаншама су акты, қаншама жапырақ сарғайды, қаншама рет құстар келіп қайтты; құдай-ау, қанша рет самолет ұшып өтті... Тек баяғыда сусылдан, қоныс таппайтын ұшқалақ құмдар ғана іштей тынып, жым-жырт жатып алған. Қызылқұмның көшіп-қонбай безбүйректеніп, бүк түсіп жатуы бұл өнірді мекен етер елді елеңдетпей қойған жоқ. Кайсыбірі жаман ырымға жорыса, енді бірі «берекемізді алар сусылынан ғөрі осы момакан мінезі дұрыс, құм көшпесе, жер беті құйқаланады. Шымданып шөп шығады, малға өріс болады» десті. Қазақпен бірге табиғат жарықтықтың құмы да ірге теүіп, отырықтануы, бағамдаған кісіге ғажап бір көрініс сезілетін. Баяғыдай емес, ит тұмсығы өтпейтін қалың сексеуілдің бұл күнде мінтеліп, етек-жеңі түрліліп бара жатқаны Барханның қабыргасына қатты бататын.

Трос тағып, трактормен қопарып-қопарып, жөн-жосықсыз отынға жөнелтіп жатқан қайран сексеуілдің, әне, тек ойдым-ойдым орны ғана қалған. Тамырымен жұлып әкеткен әлгі сексеуілдің орны алыстан қараған адамға зенбірек снарядтары түсken ұлы бір ұрыс даласындай шұрық-шұрық жыртық еді.

Әлі есінде, баяғыда, баяғыда емес те-ау, ұлken ұлы туган жылы осы Қызылқұмның сексеуілі мен түзгені есен-сau шақта бұл өнірде аң-құстан аяқ алып жүргісіз еді. Қоймен бірге өріп, қоймен бірге жусайтын аң екеш аңын да тұқымы құрып, азыппозып барады-ау. Бір-бір женіл машинаға мініп алып, шамын жарқыратып, таң атқанша не қасқыр, не қарақұйрық қуады. Қуатындардың көбі облыстан, ауданнан келіп ерігіп жүрген қызметкерлер болушы еді. Олардың анық кімдер, аты-жөні қалай, не қызмет істейді – Бархан күні бүгінге дейін білмейді. Білмейтіні – олардың қай-қайсысы да жол соғып шаршағандай болса, таңдайы кеуіп шөліркегендай болса, ат басын озат шопан Сейітқұлдың үйіне тірейтін. Әйтеуір, «Газ-69», «УАЗ» деген маркалы машина мінгендердің бәрі атқа мінер болып көрінетін оған. «Кеше кімдер келді үйіне» деп тақуалап сұрап Бархан ба? Сейітқұл өз еркімен айтпаған соң, томага-түйік жүре беретін.

Барханның анық жыға танитыны «Талды» совхозының директоры, бас зоотехнігі мен бөлімше басқарушысы Әліқұл ғана. Әсіреле, Әліқұлды құншілік жерден шырамытар еді. Оны ылғи да Сейітқұл ауылдан өз «Москвичімен» арнайы барып алғып келетін. Қонақасын беріп, түнеткен соң қыстақ манында өріп жүрген сидам сирақ тамам түйе тауықтың екеу-үшеуін сойып, жүнін жұлып, машинасына тиейтін де, қайтадан ала жөнелетін. Әліқұл келген күні кеште Барханда тыным болмайды. Алдына тұрғызып қойып, дем алмастан екі-үш сағат жерлеп, жер-жебірі жекен сұына жетіп ұрсатын, ал оның неге ұрсатының әлі күнге дейін білмейді.

* * *

Ат үстінде алыска қарап, мелшиіп тұрған Бархан күн ұясына қона қалың түлейдің ішіне бытырай жайылып кеткен отарын кіш-кіштеп жинастыра бастады. Қар баспаған жынғыл мен изенге әбден құнығып алған, ақтылы қой айдауға көнбей, жер табандай оттап жүр. Құн қызыу ептеп қайтқан соң, Қызылқұмның ызырырығы ести. Бүтін болмаса ертең қылышын сүйретіп, жетіп келер қыстың тықыры таянғалы Барханда

маза жоқ. Бағымындағы 700 бас қойдың әзіргі күйі жақсы болғанымен, жаман айтпай жақсы жоқ, қар тобықтан жауып қалса қайтпек... Наурыздың қара сұзығында қарны жер сзызып жүрген саулық жем-шөпсіз тістей қатып, іш тастамай ма? Тым болмағанда бірер машина шөп жеткізіп берсе...

Санаында масадай ызындал, тыныш таппаған осынау ойдан арылған күні өлеңтінін білді. Дәурені өтіңкіреп бара жатқан күздің соңғы сонысын қызықтап қалғысы келгендей, изенге тас кенеше жабысқан қой жан-жаққа бытырай қашысып, көпке дейін құрықты қолға қайыру бермеді. Өстіп арпалысып, әр саулықты сүйрелегендей боп қыстаққа беттеп келе жатқанда Талды жақтан құстай ұшкан машинаның қарасы көрінді. Тура Барханға қарай атылған оқ боп зымырап келеді.

«Әкесі өлгендей айдауын», – деді даусын шығара. Авто-клубтың данғарадай машинасы түп-тұра жанына келіп, қойды үркіте солқ етіп тоқтағанда, Барханның жаман тырақысы да жалт етіп, үстінен бейқам отырған иесін түсіріп кете жаздаған. Кабинадан жап-жалпақ болып бөлімше бастығы Әліқұл шыға бергенде, Бархан әлгіндегі бір ешкім жоқта оқыс айтып қалған «әкесі өлгендей» деген сөзін шынымен-ақ біреу естіп қойғандай, шошынып қалды. Әліқұлдың «хал қалай?» деген морт сәлемін алған жоқ, бар болғаны қалбалақтап: «Мал аман, мал аман...» дей берді.

– Негіп дегбірің қашып тұр?! – Әліқұлдың жарқаштана шыққан ожар сөзін тағы да ести алмаган сыңайда. Жаман торысын тепендей, тақай берді де: «ассалаумагалейкум», – деді күс қолын ұсынып. Қамшысы түсіп кетті. Басқарушы быж-тыж болды. Қолын қалтасынан алмай шіренген қалпы зілдене әмір берді.

– Тұс аттан!

– Кой қайырусыз қалды ғой, үй жаққа барып әңгімелессек қайтеді.

– Әңгімелескішін.

Әліқұлдың апшысы тіптен қуырылды. Жел жакта арсыладап тұрған оның жайтаң аузынан абын бір иіс мұңқіп Барханның қолқасын қапты. Ішпей жүргенде мас кісішіне әкірендеп, әнгір таяқ ойнататын әкімнің дәл қазір қармағына жем болудың ешқандай реті жоғын сезді ме, атынан түсті де, бір басып, екі басып жасқана жанына барды.

– Сен оңбайсың, – деп бастады сөзін Әліқұл. – Он жыл болды сөзін осылайша бастаудан таңған емес. – Егер сен онды шопан болсаң, менің төбем көрінгеннен қарсы шауып, қарсы алуың керек еді. Егер сен онсаң...

– Әлеке-ау, сіздің төбенізден көз жазып қала берем, ылғи да Сейітқұлдың қызыл машинасымен келуші едіңіз...

– Тоқтат! – деді қолын сермей кесіп айтып. – Көргенді шопан, сөзді бөлмес болар. Мен жаяу жүруден арланбаймын, қарапайым басшымын. Мына сендер жерден аяқтарың екі елі көтерілсе, едірендеңеп, ел үстінен құрық түсірмейтін. Әттең, сендейлерді менің орныма үш күн тағайындаса, Қызылқұмнан бір түйір қалдырмай сатып, саудалап жіберер едіңдер, мұндарлар.

Бархан көзін етігінің басынан алып, анадай жерде қыстаққа қарай жөңкіліп бара жатқан отарға аудара беріп еді, Әліқұлдың саңқ еткен үні селк еткізді.

– Оңбайсындар, қыс болса мынау, тойдан құр қалғандай сықсиып келіп қалған. Сен болсаң мынау, не қораңың қыс ойылмаган, не бүтінделмеген, жағаң жайлауда, есінеп-құсынап жүргенің. Анау өзің секілді, өзің секілді деймін-ау, бобыңмен жасты Сейітқұлды қарашы, қандай азamat, жем-шебі мол, қорасы сандай, алты ай қыс болса да қыстырмаймын... деп отыр. Қырықтан асқанша қыртып, айналдырған алты жүз тұяққа ие бола алмай...

– Жеті жүз деңіз.

– Қарашо, жеті жүз-ақ болсын, какой разница... сөзді бөлме, өсетін, қосымша ақы алатын шопан сөзді бөлмес болар. Ал, сенде жиырма жыл мал бақсаң да анау есіктей қеудене қадар значок те жоқ. Ана...

– Он бес жыл деңіз.

– Қарашо, он бес... сөзді бөлме... ана өзіндей, өзіндей деп оттаппын-ау, қаршадай ғана Сейітқұлда бір емес, кос орден бар, осы бесжылдықтың аяғында тағы да наградаға ұсынамыз.

– Оныңыз рас.

– Не рас.

– Сейітқұлды наградаға ұсынатыныңыз деймін, аға...

– Е, солай жөніце көш, қалқам. Қалай, мал-жан аман ба? Келіннің дені-қарны сау болар. Балалар өсіп жатыр... Кешке Сейітқұлдың үйінде жолығармыз. Эйда, отарға шапқыла.

Қане, шапқылашы қойға қарай, мен артыңнан қарап тұрайын.
Шапқылай бер, жарқыным...

Әлікүл осы сөзді асығыс айтты да, автоклубқа мініп, қыстакқа қарай доңғалай жөнелді. Атына мінбей аң-таң селтип тұрған Бархан екі кештің арасында зымырап бара жатқан машинаның соңынан көпке дейін көз алмады.

Осы мезетте Барханның дәл үстінен тағы бір самолет ұшып етті...

* * *

Бұғін құдық қазушылар келмеді. Тегі ауылға қайтып кетсе керек. Құнде кешке сайдандарын сылдырлатып, желіп келетін үш жігіттің орнын жоқтағандай, Барханның қыстағын асыранды көңілсіздік қайта басты-ай. Қойды қотандап, бәкун-шүкүн шаруамен сыртта көп айналғаны – үйге кіргенде көрері де, естірі де бәз баяғы... екенін білгені және осы көңіл қалды тірліктің өзі әбден зерезеп қылғаны еді. Бағана бөлімше басқарушысы машина ойнақтатып кеткен соң да, ертенгі атар таң, кешер ғұмырына көз салған, шабандau болса да ой жүгірткен-сымақ болған. Көсіле шабар, иә немесе көлдей толқып шығандап, шалқыр мардымды ойдың жалына жармаса алмағанымен, жеті жұз саулықты өлім-жітімге ұшыратпай қыстан қалай алып шығамын, қалай төлдетем, бесжылдықтың айқындаушы жылында 140 қозы ала аламын ба? секілді тағы сол үйреншікті, он бес жылдың бедерінде санасына қонақтаған ой – баяғы ой тыныш таптырмадан. Ол тіпті Әлікүлдың бақырып-шақырған сөзін шыбын шаққан құрлы көріп, елеген жоқ. Оны бас қатырып есіне де түсірмеді, тек күндіз-түні қөленкедей қөлендеп, еріп қалмайтын өз пікірі, өз мақсаты – өз иманымен әуре-сарсаң.

Қағынып-сілкініп үйге кіргенде Сейітқұл «движогін» от алдырған. Қатар отырған екі қыстакқа бір мотордан берілетін. Сейітқұл аға шопан саналғандықтан «движок» та соңың иелігінде: көнілі түсे от алдырады, көніл хошы жоқ болса, «бұзылып тұр» деп Барханның үйін май шамға қаратады. Мотор дырылдай жөнелгенде ен әуелі анау Сейітқұл отарының шыр айналасы самаладай жарқырайтын. Аямай-ақ онды-солды орната берген электр лампалары бейне-бір шашар көшелеріндей көз қарықтырады. Көз қарықтыра жайнап, алыстан қарағанда адамға осынау шағыл-шағыл құмның ортасында отырған тіпті

қойлы ауыл емес, Ніл бойының тұнгі аспаны бір пүшпағын кесіп алып осында тастап жібергендей, сонадайдан жымыңжымың сиқырлы сәуле шашар еді. Сейітқұл соңғы рет облысқа жиналысқа барып келгелі әр лампаны сан түсті: қызыл, жасыл, көк, сары бояумен бояп қойғаннан бермен тіпті ғажап көрініске бөлөнген. Ал, Барханның екі үйінде екі жарық, есік алдына бірді орнатып бер, тұнде күзетке шыққанда құлай берем деп қолқа артқанына үш жыл болды, «мотордың қуаты жетпейді» деп міз бақпады. Расында да, ескі ай батып, жаңасы тумай, өліара болып тұрган шақта тұн түнекті жамылып, қоздайтын саулықты бас-басына түгендеп шыққаннан азап не бар? Қолында фонарь болушы еді, оның да батареясы таусылып, қаңсып көрінген жерде шашылып қала беретін. Айналасы ат аунағандай ғана ойпаңда бірге, бір мақсатпен өмір сүріп жатқан екі қойшының екеуі арасындағы осыншалық кереғар, таңба басты айырмашылықтың сыры неде? – осының түп тамырын іздел, сарсанға түсер Бархан ба? Барханның міндегі – өз ісіне адал, бұлкек-бұлкек желіп, шаруасын тиянақты атқару; атақтың, құрметтің; аяққа тұсау, арқаға артық жүк болар байлықтың, тіпті аспандағы жұлдыздай тұнде бар, күндіз жоқ қылтқып кеп тұрар алдамшы бақыттың да бұған бес тыныңдық құны жоқ.

Шам жана шайға отырған шағын семьяны өзгеше қоңыр, іргеден құздің қара сұығы аңырағандай, аса бір көңілсіздік басқан еді. Әркім өз ойымен болып, оңаша тұнжырған. Бес жасар қызы Әтіркүл «әкелеп» Барханның мойнына асылып еді, «қоңыр қозым» деп мекірене маңдайынан иіскеді де, «шешене бара ғой», – деп тезірек жөнелтіп жіберді. Күні бойғы салан-салаң ат үсті жүріс енді ғана бел шеше білініп, екі қарасаны шоқпармен ұргандай талып жатқан. Қырықтың бесеуіне ілінбей-ақ, кәрілік деген иттің қаба бастағаны ма? Бұрын мұншалық бой-бойы салдырап, ондырмай сойылға жыққандай езіліп, шаршамауышы еді ғой. Баяғыда ауданның атақты шопаны атанып, сый-құрметке қолым міне-міне жетеді деп, дәмеленіп жүрген шағында, тіпті талдығу.. жалығу дегенді білмейтін, қайта жап-жас бала Сейітқұлдың еріншектігіне налып, «әй, інішек, ерте тұрганның бір ісі артық деген, жайбасарды – май басар. Елгезек бол» – деп ақыл айтатын. Сонда Сейітқұл күліп:

«Ой, отағасы десе, асықпаған арбамен қоян алады, жүгірген алмайды, бұйырған алады» деген нақылды қазакем бекер

айтпаған» – дейтін де теріс қарап қор етіп қаперсіз ұйықтап кетер еді. Енді ойлап отырса, сол, Сейітқұл сөзінің жаңы бар екен, әне бұған бұйырған бар дүниені сол, кешегі тоңқайып пыс-пыс ұйықтап жатар көмекші бала еншілеп кетті; әне, сол жайбасардың асыры алшысынан түсіп отыр.

Барханның ойын Жұмагұлдің майда үні бөлді.

– Құдық қазушылар, тегі, бүтін келмейді-ау... – Күйеуі үндеңеген соң мұңая бір қарады да, терең күрсінді... Былайғы жұрт байқай бермейтін ұлбіреген мамық сағыныштың әрі ракат, әрі тұншықпа жұмсагына батқандай. Сол сағыныштың ба, әлденеге өкінудің бе – әйттеір, бір жіңішке шарасыздықтың шарабын сіміргендей, шамның болымсыз жарығы түсіп, боталай жасаурап тұрған жанарын майда жұмды. Жұпышығана үйдегі жұбайлар тірлігі жалқы сәт жусап, жалқы сәт мызғи бергенде, үйдің іргесі дыңылдан, қабырғасы солқылдан, жер сілкінгендей тербеледі-ай.

– Бармаймын! Атып жіберсе де тырп етпеймін ғой осы, – деді Бархан жүккө арқасын тістене тіреп.

– Неге? Неменеге бармайсың? – деді анқау әйелі.

– Эй, Жұмагұл-ай, бес жылдан бері осы үйдің бұрышы солқылдаса, Упр шақырып жатқанын сезбей-ақ қойдың-ау.

– Бұл қыздай алған өз қосағына тұңғыш рет ренжігені-тін.

– Е-е, – деді Жұмагұл самауырының сұын сарқып. – «Айғай ағам» келіп қалған екен ғой.

– Иә, келіп қалғаны да... Қой, барып бір-ер сағат лекциясын тыңдамасам, құйрығына қауға байлағандай тулап жүрер.

– Бар, – деді әйелі, – бар, тында, тыңдай бер, басынды шыбындаған атша шүлғи бер. – Бұл Жұмагұлдің жігіттей қосылған қосағына тұңғыш рет тік айтуы еді.

Бархан далага шықкан соң өз тамы мен Сейітқұлдың үйі арасына керіле тартылған сым темірге жиіркене қарады. Оны бұдан тағы бес жыл бұрын Әліқұлдың бұйрығы бойынша орнатқан еді. «Мен келген сайын озат шопан басынмен бала құсап безектеп жүресін бе? Жүгіртіп жіберетін қолды-аяқты балан жоқ. Одан да саған мен бір адам білмейтін әдіс айтайын. Анау есік көзіндегі ат байлайтын мама ағаштан Барханның үйінің бұрышына сым темір тартып таста. Шырағым, мұның өзі – аға шопанның телефоны секілді, қатып кетер еді. Бархан керек бола қалса, есік алдына жүтіріп шығасың да, сол сым темірді бар пәрменінмен періп-періп қаласың. Жаман үйі

поездың үстінде келе жатқандай солқылдан кеп бергенде... ха-ха... Бәкен ағын қолтығына қысып алғып, безектесін.

Сонда Сейітқұл кеше ғана ағасында болған Барханнан үялды ма, «кішкентай сәбілері бар, шошымалды болып жүрер» деп тартыншақтаған. Бірақ, артынан бөлімше басқарушысы із сүйтпай жиі келіп, ары-бері жүгіре-жүгіре шаршап қалар болған соң, «телефонды» орнатып тынған. Пенде шіркіннің үйренбейтін, көнтулаққа айналмайтын кезі бар ма, Барханның үй іші де бұл құқайға ырықтанғандай еді.

Әліқұл өзінің меншікті орнында бір шынтақтай, балшықтан соғылған орыс пештей бол теңкіп жатыр екен. Алды-арты құс жастық. Қазіргі қалпында ер-азаматтан гөрі, кеше ғана босанып, қалжа жеп, сорпаланып жатқан әйелге көбірек үқсайтын. Барханның ойына осы азғырынды салыстырманың қайдан ғана сап ете қалғанын шыдай алмай мырс етіп күліп жіберді. Упр:

- Неменеңе жетісіп күлесің-е? – деп жекірді.
 - Жәй, өзім ғой, ағасы.
 - Сен ағасыны қой, неге күлгенінді айт.
 - Жәй өзім ғой, аға.
 - Сен, «өзімді, өзім ғойды» – қой, неге күлгенінді айт.
- Әңгімеге Сейітқұл килікті.
- Отагасы десе, Бәкенің ойына әлдене түсіп күлгенде. Несіне тақуалайсыз.

Ол бұл сөзін иесін көрген иттей еркелеп, ыржалақтай айтты. Сосын дастарқан басына жүрелей отырған Барханға стақанға толтыра арақ құйды, жартылай желініп, тоқазып қалған етті табағымен жылжытты. Әліқұл әпігін әлі баса алмай отыр, жүрттың көзінше осына ешкімге жалынуды, жалпақтауды білмей, өз бетімен оттап, өз бетімен жусайтын жүген-құрыққа ырық бермейтін тоңмойынды мықтап тұрып, мұқатып алмақ сыңайда. Шынында да, Барханның үйінен Әліқұл басқарушы болғалы бір малдың басын мұжімепті. Бұл не деген масқаралық!

– Сайтан қытықтағандай күледі-е, жоқ-ау, несіне жетісіп күледі деймін-ау. Он жыл болды, жүзіне 110 қозы, әр қойдан 2,5 килограмм жүн қырқып келеді, не озбай, не қалмай сүмендейді де отырады. Қырықтан асты, медалі жоқ... күлгені несі, жүдә.

– Қойыңызышы... Отагасы десе, Бәкеме тіпті сол сый-құрметтің керегі шамалы-ау.

– Эй, қара құрт шаққандай қипақтамай отыр. Сенің де сырын белгілі. Иә, бұған түктің, еш нәрсенің абсолютна наркы жок, подумаешь қызықтырмайды... Рас, итке темір не керек.

Әлікүл шаптығып, тіл тигізе берген соң Бархан алая қарады да, тамағын кенеп ыргалды. Бұдан соң бет-аузын қүректей алақанымен құшырлана үқалап әкелді де, жұдырыққа айналдырып, өз тізесін өзі бір нұқыды. Қөршісінің мәнгі бақи ұйықтап келген арыстан ашуы атылмай тұрғанда екі жақты бірдей бітімге шақыру ниетімен Сейітқұл болымсыздау өзіл тастады.

– Отагасы десе, әзірде сіз қара құрт шаққандай дедіңіз.

Багамдап отырсам, сол қара құртты біз де жейді екенбіз-ау.

– Кет-ей, оттамай, – деді Әлікүл бар денесімен еңсеріле бұрылып.

– Рас айтам, отагасы десе. Тіпті қазір жеп отырмыз.

– Ал, дәлелде.

– Не дәлел керек. Өйткені, қара құртты қой жейді, қойды біз жейміз.

– Ой, ит-ай, ойлап таппайтының жок-ау. – Әлікүл ірі денесі саба піскендей іркілдеп, ракаттана қатты құлді. Бархан болса алдында мәлдіреп тұрған жоян стақан араққа телмірген күйі езу тартпастан сұлық отыр.

– Ей, – деді упр, – сен неге құлмейсің, понимаешь.

– Сіз ұрсасыз ғой.

– Неге?

– Құлсем деймін...

– Фу... понимаешь, мынау не деген мылжың еді. Мен ұрыссам, қоса ұрыспайсың ба? Давай, анау алдындағы арақты ішіп қой, сосын сөйлесерміз.

–Мен қашан ішуші едім, ағасы.–Бархан алдындағы мәлдіреп мұрын жарып тұрған арақты ары таман қолының сыртымен ысырыңқырап қойды. Әлікүл енді оң жақ жамбасына аунап жатты. Шынтағындағы жастық бір уыс болып иленіп қалған.

Сейітқұлдың әйелі ас үйге кіріп-шығып, ыдыс-аяқты жинастырып, шай қойып, тыным таппай жүр. Өзі де тасырайған, қара торының өндісі еді. Маған десе, алдында әкесі тұрсын, бетің бар, жүзің бар демей, дурс еткізіп тұрасын айтатын. Бархан оның жайтаң қағып, лыпыған жүрісі мен бедеу бейнесіне көзінің астымен барлай қарап отырып: «Жұрттың қатыны да өзіне тартып туады?» деп ойлады.

— Сонымен, — деді басқаруши,— бағанағыдай емес, дауысын қонырлай созып, — арак ішпеуші едім де. Жө-ө-н, әттең заманнан не бұрын, не кейін тұғансын. Колхоздың қара өгізіндегі жұмысты мұрның пысылдап, істейсің келіп, істейсің келіп, жарқынам-ау, қазір өгіз адам емес, түлкі адам керек бізге. Мына өзінен он жас кіші Сейітқұлды қарашы, майға тыққан күміс қасық секілді, иненің көзінен өтердей болып, жылпылдап түр-ау, жылпылдап түр. Анау күні жұмысшылар комитетінің жиналысында қалай қатырып сөйлеп берді. Эй, бала, — деді Сейітқұлды сұқ саусағымен нұқи. — Сен ғой, сонда аздал бесіңкіреп жібердің, ә... понимаешь...

— Отагасы десе, өзінізден озып қайда барам... Ептең су қосып, ұрып жібергенім рас.

— Айттым ғой, бұл тұлкінің күшігі өлмейді деп. — Мәз болып күліп алды. — Ал жігіттер, — деді бұдан соң, — мал қыстатуды, ойдағыдай аяқтап, көктемгі төл алу науқанына сақадай-сай болу үшін осы тосты алып қоялық.— Өзі қырлы стақанды шүпілдей толған арақты аузына апарып, ақтара салды да, шенгелдеп-шенгелдеп ет асады. Екі ұрты бұлтылдап, шайнаң қаққан Әлікұлдың қап-қалың қорасан бетіне қарап отырып, тойып қалғандайсын.

Барханның бағана кеткісі келген.

— Ағасы, ақылынызды айтып болсаңыз, қайтайын деп едім. Әлгі кішкентай қызымыз да аузы уылып, ауырып жүр еді.

— Сен кеткенді қоя түр, — деді аузындағы етті шайнап біте алмай жалмаң қағып. — Осы бесжылдықта жұз қойдан қанша қозы өндіретінінді, әр бастан неше килограмм жун қырқатыныңды айт. Кіммен жарысасың? Тағы да мына Сейітқұлмен бе? Айтпақшы, бағана еріс басында қатты кетіппін, кешір, білмеген у ішеді деген осы емес пе, қораның қын тазалап тастаған екенсің, көрдім, оныңа рақмет. Бірақ анау он күн бойы он жерді құр бекерге қазғылап, көзге тамызатын су шығара алмаған құдықшы қуларды үйір қыла берме, олар бүгін қи тазалауға көмектессе, ертең, әйеліңе... тоист, басқасына көмектесуі мүмкін. Ол дала безер бездельниктерді мен ауданға айтып, аяғын аспаннан келтірейін, понимаешь, ал бара бер?

Бархан шығып бара жатып:

— Биыл Сейітқұлмен жарыспай-ақ қойсам қайтеді. Бәрі бір оздырарсыздар... — деді. Көршісінің бұл астарлы сөзін бөлімше басқарушысы ұқпағанымен, Сейітқұл анғарып қалған.

Мысқылдай мырс етіп күлді де: «Өзіңіз білесіз, отағасы десе, маған бәрібір.

Атақты Жазылбек Куанышбаевтың өзімен рұқсат етсе, жарыса берем», – деді. Әліқұл айғайға басты:

– Сен немене, понимаешь, соц. соревнованиеиң қылжаққа айналдырасың? Саяси сауатсыздық бұл. Эй, Сейітқұл коммунистің ғой, мына мотының сауатын аш. Баяғыда партияға мұны емес, сені алғанымыз қандай дұрыс болған, бәрібір көгерптейді екен.

Бархан ары қарай тындаған жоқ. Есікті тарс жауып шыға жөнелді. Әліқұлдың «понимаешь жаман айғырға жал біте бастапты» дегені босағаға қыстырылып қалды.

Аспан ашық, тұнгі аудан құздің қара суығы сезіледі. Қас қарайып, алқара қектегі сансыз жұлдыздар тым алыстан сиқырлана көз қысысады. Сол тұп-тұннық аспаннан самолет ұшып барады-ау. Гүлдеп, жүрекке нендей бір қаяу тастар үнін естігені болмаса, Бархан сол «құсты» әлі көрген жоқ. Көргісі-ақ келетін, ұшқысы-ақ келетін құрғыр, жол түспейді. Өз қыстағының дәл төбесінен ұшар самолетті, кейде ойша санайтын. Және қай уақытта өтерін де жатқа айтар еді, бірақ сол шіркіндердің қайдан ұшарын, қайда қонарын, қандай адамдар ұшып бара жатқанын білмейтін. Оған төбесінен өткен самолеттің бәр-бәрінде өнкей бір төрт құбыласы тең, қағанағы қарқ бақытты адамдар мініп отырғандай сезілетін.

Неге екені белгісіз көnlі жасып, үйге кіргісі келмеді. Анадай жерде үркердей үйірліп, жусап жатқан отарын бір айналып шықты да, екі қолын артына ұстаған қалпы құм төбеге қарай асықпай аяңдады. Құндізгі өкпек жел толастамай, тұннің бар еркіндігін өзі билеп-төстеп, еркелей еседі. Жылдар бойы суырыла-суырыла есіліп қалған бұйра құм баяғыша жер бауырлап, сусымай, албатты лағып көше бермей байыз тауып, біржола қоныстанған. Соңғы кезде Қызылқұм міnezі мулдем өзгеріп, мынау қазақтарша отырықшы болғандай еді. Арпалысып, көшіп-қонып жатар мазасыз дәурен әлдекашан қош-қошын айтып, ендігі бұйығы да жуас «Сен тимесен, мен тимен» тағдырды таңдал алғандай еді. Сумаңдал кеп, сусылдан кеп суыртпақтала жортар жорға жүрісі саябырысып, тобан аяқ болып, томпайып-томпайып қалған құмдақ, енді саябыр тауып, қызыл қүрендене топыракқа айнала бастаған. Төбе-төбенің шекесінен мап-майда ұнтақ құмғана жылбысқы жылжиды.

Оның өзі де ендігі пананы мал тұяғы мен қотан, қораның іргесі яки, киіз үйдің маңайынан іздең, үп етіп жел тұрса болды, төрө шығады. Егер шайнап қалған асындан шақыр етіп құм шыкса, әлгі тұқымы азып, есік көзінде қалған қайран құмның адамдарға көрсеткен ақырғы қысастығы сыйылды еді. Ең ғажабы, осына жота көрсетіп, беріштене бастаған құмның әр жері сорланып, ақтаңдана жауырға айналған. Бұл өңірде тұз төгіп тастағандай әктеніп, шыт-шыт айырылып жатар жер барған сайын молайып келеді. Әлгі аппақ сортаңға тіл тигізсең – ап-ашы.

Осыншалық кеспірсіз ұлан-ғайыр даланы шекпен киген қазақтың ғасырлар бойы қимауы, анау қып-қызыл, әрі сұп-сұр жосыған құмды жер жәннатына балап, қаншалық қорлық, қаншалық зорлық көріп азсын, тозсын, таңдайы кеберсіп, шөлден қatalап өлсін, жан бағып, өзге ел, өзге жүртттан жұмақ іздең, кешіп кетпей, осы сорда, осы қатығез құмда рақаттана жан тапсыруы – неліктен? Кей күндері мынау шымдауыттана бастаған құмның сыңып, әлде бір аянышты үн шығарарын, кейде мынау тарихтың бар шежіресін қойнына тығып, бұк түсіп жатқан қызыл құм өз-өзінен өксігендей, демігіп, сирыйдарын Бархан естігендей болушы еді. Сонда жаздың жаймашуақ күндерінің бірінде киіз үйдің керегесін түріп қойып, таң атқанша құлақ түрер еді. Құлақ түре-түре өзінен басқа тірі жан естіп, ұға бермейтін сыйыр естігендей екі көзін тас қып жұмып, елітетін, ерте – тым ерте айырылған әке-шешенің сол қызыл құмның астынан әлді талып жетіп, мәпелеп тербеткендей, жабырқаңқы жанын уатқандай болушы еді. Содан айдың аппақ нұрына шомылып жатқан сонау құм төбелер жазықсыз жапа шеккен, өмірден өз орнын, өз еншісін, өзіне лайық сый-құрметін ала алмаған жандардың моласына ұқсар еді. Сол, ай астында мұнарланған құм төбеге өзінің де әні-міне айнала бастауы есіне түсіп, селк етіп шошынып, керегені оқыс жауып алар еді...

- Иә, құм жылайтын...
- Иә, құм сөйлейтін... Иә, құм жырлайтын...
- Иә, құм толғайтын...
- Иә, құм ән айтатын...
- Иә, құдая құм құлетін, кәдімгідей сақ-сақ құлетін...
- Иә, құмның даусы қандай әдемі еді десенізші. Көзден де, көнілден де шалғай жұмақ дүниеден хабар жеткізгендей, сол бір тым алыста, әрі тым жақында жатқан сиқырлы дүниені аңсан,

жалғызырағанда, жабыққанда айтар әсем әні, әмәнда ұзак-сонар толғауға барып, бебеу қаға тоғысар еді. Қызылқұмның тілін тек өзі ғана білетін Бархан онымен күбір-күбір әңгіме шертісер еді. Шынында да, ол ғажап үн естігендей өзгеше бір шыншылдықпен иланатын. Ол өзінің ішкі үні, сырласар, мұндасар адам таппағанда сойлеп қоя берер жан сарайы екенін ұға бермейтін, оның құлағына, тәнірім-ау, әйтеуір үн келері хак еді.

– «Күні кеше жер қайыстыра жортып жүрер аң-құс қайда?»

– Бір жағы Жамбыл, бір жағы Фрунзеден келіп түні бойы машинаның жарығымен аулап құртқан».

– «Ей, Қызылқұм, баяғыдай неге көшпейсің?»

– «Көше бергеннен көрген пәтуаң кәне?»

– «Адамдар үшін жалғыз жұттым суынды неге қимайсың? Қазган сайын қаша бересін?»

– «Қазір адамдардан су ғана емес, табиғаттың орман-тоғайы, аң-құсы бәр-бәрі қашып барады».

– «Ей, Қызылқұм неге күлесін?»

– «Сені мазақтап... Алдыңдағы малдың амандығына мәзсін. Жалпақ жаһанда не болып жатқанынан хабарың жоқ. Ана самолеттер қайда үшты? Онымен кімдер ұшуға міндетті?

– «Менен горі Қызылқұмның тірлігі озық,— деп ойлады бұдан соң Бархан. – Қыста сүп-сүр боп, қанын ішіне тартып, кетеуі кетіп жатқанымен, көктем шыға құлпырып, қып-қызыл қызғалдақтан көйлек киіп сексеуілі мен тұзғені, жыңғылы мен изені жайқалып, азын-аулақ адасып жүрген аң-құсымен ойнал, қуанышы келте болса да, мәз-мейрам. Ал мен, менің түрім мынау: ес біліп, етек жапқалы көрген қызық, кешкен ғұмыр

– караша үйдің тұтінін тутетіп, арқандаған аттай қотаннан ұзап шыға алмаймын шырғалап, жоспар орындау, міндеттеме қабылдау, Сейітқұлмен жарысу, өмір баки озбайтын жарыс... Әліқұлдың айғайы... Дегенмен осындағы тасбақа тірлікті тастап кетпей, төзудің өзі – ерлік екен-ау... Өзінің адалдығына – өзің сенуің батырлық екен-ау».

Құмтөбенің басында күпісін жамылып, омырауын аңырайта аша сонау батысқа қарап ой үстінде тұрған Бархан тағы да, тағы да сол көп кешеуілдемей, салып ұрып келер қыстың қамын ойлады. Бұл өнірдің қысы қызық, алдамшы болушы еді. Жер бауырлай сусып соғар ұскірік желі құм мен қарды

араластыра ұшырып, бұйрат-бұйраттың ықтасынын, сексеуіл мен жыңғылдың түбін қасат қармен қымтайтын. Құм жалдың үстін қар жалдары жауып, шымкай құргакта сары аяз буады-ай. Жұмсақ жылдары төрт түлікті ылғи тебінмен шығаратын ел кейде қамсыз қалып, жемшөптің тапшылығынан малын жұтқа ұшыратып алатын. Жайшылықта отарды неғұрлым қалың құмның ара-арасына өргізіп, ықтасын қуып, қыстақтан жылыстай жылы жер, соны тебін іздел кетер Бархан енді елмен бірге меншікке тиер жемшөпті сыйымдап, кой қоздар шаққа сақтар сақтыққа көшкен. Мұндай ауыр жылдарда төлдемейтін бойдақ мал болса, қардың шеті тесіле кен жазира, құйқалы жер Арқаға айдал кетер еді. Қарындары жер сызып жүрген саулық қолды байлайтын.

Анау жылдар жақсы еді... Ақпан айында май тоңғысыз жылымық тұратын. Бетін қар қабыршақтары құптеген құмды көсіп қалсаң, буы бұркырап, жып-жылы леп шығатын. Әсіреле, шабылып құм көшкенде қатты суық болмайтын. Егер мелшип, үн-тұңсіз тұншығып жатса, екпіні жоқ, өті қатты қара суық сексеуіл сындыра зәрін шашатын, кәрін тігетін. Жарықтық құмның ара-тұра көшіп-қонарына не жетсін. Не нәрсе де қоныс аудармай, жер тағандап жатып алса, көргені де азайып, қатығезденіп, жидіп кетеді білем. Ие, көшу керек-ау... Бірак, қайда?

Қыста мұның сенері совхоз берген там-тұм азық емес, анау құмның арасындағы аяз берен қасат қарға ырық бермей тұрар кемпіршаш, қүйреуік, дәндікара секілді малға жұғымды, жұмыр шөптер. Биылғы қыстың қандай айбармен келерін күні бұрын болжай қын. Тұлқі бұлаңға салып алдап кете береді. Табиғат жарықтықтың да соңғы жылдары осындей бір мінезсіз, жұмбактана қылтқып тұрар қылғы қісінің жынына тиетін. Ал совхоз болса, Сейітқұлдың қорасын тотияйындей көкпенбек шөпке толтырды да Барханды ұмыт қалдырды. «Беретін шығар,- деді күбірлеп – кешіксе де жеткізіп берер...»

Құмтөбенің басында тұрған Барханның көз алдынан қара құйрық жүгіріп өткендей болды. Бұл не, елес шығар... жел барған сайын ішін тартып, үдей соқты. Отар үркердей үйіріліп, әне қаперсіз жатыр. Сейітқұлдың қыстағы самаладай жарқырап, көз шағылыстырады, сайқалдана көңілді қытықтайды. Өзі қаперсіз үйқыға берілген-ау, сым шарбақтың ішіндегі қойларды даланың бөрісі түгіл (егер бар болса), қаланың әккі үркесі ебін

тауып ала алмайды. Ол айтады: «Тордың сыртынан тағы бір тікенек тор тартамын да ток жүргізіп тастаймын. Сөйтіп, кой құзету деген ата-баба азабымен мәңгілік қоштасамын», – деп. Сонда Бархан айтқан: «Қойды қүзепсесе несі қызық»

«Тіршілікшіл, әйтеуір арам өлмейтін жігіт» – деді ішінен.

«Тіршілікшіл» жігіттің үйінде қонып қалған Әліқұл тәлтіректеп далаға шықты. Электр жарығымен шағылысып, от болып жанған қойлардың көзіне бағжия қарап, арбасып тұрды да: «Понимаешь, дәл Бархан сияқты бедіреюін» – деп қолын бір сілтеді де, үйге қайта кірді. Бағанағана ашық тұрған аспан да, сол аспандагы сансыз жұлдыз да – жым-жылас, әлдекім теріп алғандай. Табанының астынан басталып, анау Бетпак далаға ұласар шетсіз де, шексіз құм дариясы бейне бір асау толқынды, асығыс толқынды теңіз жалдарының бақильтікта қатып қалғаны іспетті, өркеш-өркеш, бұйра-бұйра. Әлдебір әннің қайырмасын жалықтыра қайталап, күй сандықтың инесі бір орнында тұрып қалғандай, ызың-ызың үн шығады. Сол үнгеге желге бетін берсе де, белін бермей сидам тұрған сексеуілдің уілі қосылып, Барханнан басқа ешкім ұға алмайтын, әлдебір әнді шырқағандай. Тіпті бұл өзге жүрттың құлағына ән емес, жыр емес, толғай емес – зарлаған жоқтау сықылды естілері де мүмкін-ау. Өзге жүртқа құлазып, тісін шакүр-шұқыр қайрап, қағынып жатар Қызылқұм – аңызға айналған аңызак шөл даланың – кейуана жердің мәңгілік мойымайтын, мәңгілік өзгермейтін қайратты да қайсар мінез-құлқын таныттар ұлы елдің бел баласы екен-ау... «Осына кенезесі кеуіп, ерні кеберсіп жатар ен дала – қолқаны қабар жалмауыз құмда не құты қалды екен бұл елдің? Құдіретті қуатқа толы ғажап сиқыр бар ма?!

Кұдая-ау, сол кезде баяғы қытықшыл, жас ботаның телпегімді ала қашып ойнағанындей қылықтарын құрт өзгертіп, не бұырқанып, ашу шақырмай, жер бауырлап өксіп жатып алғаны несі? Қайда, кешегі сусылдан, әндетіп, қым-қуыт көшіп қонар көшпелі құм? Қайда, көшпелі құм?

Барханың ойын тағы да көз алдынан өткен елес бөлді. Алғашқыда селк етіп шошынып қалғанымен, еті үйрене, шынында да тұн ішінде елбенде жүрген не нәрсе дегендей алыстан өлеусірей түскен шам жарығы сәулеленіп тұрған маңайина көз талдыра қарады. Үдере соққан жел ызыңынан өзге дүние қараң. Аспаннан айрылған жер ғана қара жамылып қорқынышпен қарауытады. Анда-санда осы етпетінен құлап,

талықсып жатар жарықтық деміге ұзақ жөтелгендей, күрк-күрк үн желге мініп, жетіп келеді. Табиғатта әзірше неге соктырыры беймәлім беймазалық бар. Түн түкпірінен тағы да әлдене ағараң еткендей болды да, ақырын ғана мекіренген қара құйрықтың сүлдесі көрінді. Төбе басында серейіп түрган Барханнан үрікпей, еркелей ойнақтап жетіп келді де, етегін иіскелеп, жып-жылы, жұм-жұмсақ тұмсығымен Барханның қолын түрткілеп, жалай бастады.

— «Ү-й-й...- байғұсым-ай, сен екенсің ғой. Хайуан болсан да қолдан жем берген иеңнің жақсылығын ұмытпаған екенсің». Қарақұйрықтың арқасын сипап, құшағына қысты. Откен күзде әлдекім атып жаралап, қалың түлейдің ішінде жасырынып, қансырап жатқанын тауып алғып еді. Ай бойы аяғын емдел, жем беріп, Сейітқұлдың төрткөз сарыаяқ итінен торып, асыраған. Соңсоң қыстақтан тым алыс, Паң далага ұзатып салған. Содан бергі уақытта бір жыл өтсе де, қара үзіп кетпей, шыргалап келіп түрганы мынау.

«Хайуан екеш, хайуан да істеген жақсылықты ұмытпайды. Бара ғой, қозым, бара ғой. Сен анау шамдары түн түндігін жыртып, ежірейіп түрган сәүлетті қыстаққа жолама. Ақылың болса менен басқа адамға жуыма. Негұрлым қашық жүрсөң, неғұрлым қорқып, сасып жүрсөң – ғұмыр жасың ұзақ болады, жарқыным. Бара ғой қозым, бара ғой. Мен бейбакты іздел қайтесің... Мен бір өзің секілді оқ ерте тиғен мұндықпын... Бара ғой...»

Осы сәтте қатты құйын көтерілгендей болды да, жылдар бойы сірепсіп жатқан Қызылқұм айдаһардай ыскырыды. Әлгінде ғана желге арқасын сипатып, жым-жырт қалғыған, әлгінде ғана тәніріне табынып, дүниенің бар үзірін баз кешіп, жалыққандай есінеп-құсынап мантыраган даланың талағы тарс айрылды. Шабына кім түртті өз-өзінен буырқанып, өз-өзінен шамырқанып, екі езуі көпіріп бураша бұлқынып шыға келді. Әлдене құйын боп аспанға шапши тік көтеріліп еді, енді сол үйтқыған құйын өзі секілді мың-миллион құтырық қарабас сарбаздарын мұқым қызыл құмның бойына анталатып, қаптатып жібергендей болды. Сол, сол-ақ екен, беріштене қатқан төбе-бұйраттар бұлқілдеп, тісі-тісіне тимей, бақсы боп сақылдағандай, дірілдеп-қалышылдан безгегі ұстағандай жынын шақырды. Соңан соң бұған дейін ешқашан естімеген: өкірген, әлде өксіген үнмен жоқтау айтты, сыңсыды, булығып

барып, зар еңіреп жылады – аса бір алапат екпінмен батысқа бақанын алып лап қойды. Жер мен көк, ой мен қыр - бәрі-бәрі тұтаса қып-қызыл әлде қап-қара құмның тұтқынында, бейне бір Африкадағы ағайын құмдардай алып қуатпен алға көше жөнелді. Дәл алдындағы сексеуілден қапелімде шап беріп ұстаяға шамасы әрең келіп көзін жұма етпетінен құлаған Бархан бұдан әрі не болғанын білген жоқ әйттеуір, қалың шуыл, зор майданың басталып, үстінен жүздеген жүйрік ат тапалдан өткендей дәрменсіз халде. Едәуір мәуріттен соң құмның көшуі аяқталғандай, маңайды тағы да баяғыша жым-жырт құлақ кесті тыныштық билегендей болған. Құмға тірідей көміліп қалған денесін зорға ашып, тәлтіректей тұрган Бархан ал дегенде қыстағына қарап еді, орнында сияқты. Тек Сейітқұлдың қотанында сайқалдана жымындастын шамдар ғана сөніп, қою қараңғылықта тұншығады. Ес біліп, етек жапқалы мұншалық ұрланып келер ұрымтал құйынды көрмеген, қатты кайран қалды. Иә, бүгін Қызылқұм бөтен мінез көрсетті! Неге ашууланды, ненің ырымы бұл? Үйіне қарай сүріне-қабына балаша зыр жүгірген Бархан ашық қотанда бағана ғана бейбіт жусап жатқан отардың бірде-біреуі жоқ, тақыр таза орны ғана қалғанын көрді. Есі шыға айғай салды да жын ұргандай құм көшкен ізben дедек қағып, қос өкпесі қабына жүгіріп барады әне... Әне, Бархан көшкен құмның артынан қуып барады

– Әне, Бархан жеті жұз бас қойын ала қашқан құтырық құмды өкшелей кua жөнелді...

Ең болмағанда өзі секілді отыз жылда бір рет мінез көрсете алмаған ұлының ынжықтығына сак-сақ күліп, мазак еткен Қызылқұм ақ жүрек әрі қара қылды қақ жарған адал шопанның отарын ала қашқаны рас еді! Бірақ, бәрібір Бархан қуып жетеді! Өйткені, оның тақымында азап деген арғымак бар, жылдар бойы тамшылап жиналып, тас тесер ашу-ызасы, айта алмаған арманды сөзі бар... Бәрібір Бархан қуып жетеді: арқа еті – арша, борбай еті – борша, мойны ыргайдай – биті торғайдай болып ашаруаққа айналар – бәрібір отарын табар.. мұрнының астынан құдықшы Серік үреткен әнді ыңылданап, қойын алдына салып айдап, оралар... Жұмагул «жаным-ау, тірімісің» деп жымия күліп қарсы алар; жүкке арқасын тіреп, Нұргұлін тізесіне отырығызып, жұбайы майысып ұсынған құла шайды сораптан ұзақ ішер; соナン соң үйдің он жақ іргесі жер сілкінгендей солқылдар – Бархан Әліқұлдың шақырғанына,

құдай біледі, осы жолы бармай, жау түсіріп келгендей-ақ, аяғының басын қайқайтып, кергіп жатып алар-ау... Не деген бақытқа, шаттыққа толы өмір?! Тәнірім-ай, қайғысыз қара суга семіріп, тірлік деген түлкіні жаяу қуғанға не жетсін... Әкесі құсап ақ бас атанға мініп, көкжиекке сіңіп, жоқ болса, мәңгіге жоқ болса қайтер еді.

Әне, Бархан, отардың соңынан 42-ші размерлі керзі етігін сыптырып тастап, жас балаша жалаң аяқ безектеп барады. Бұдан отыз жыл бұрын он бес жасында дәл осылай құм кешіп жүгіріп еді... отыз жыл бұрын...

Алқара аспанда самолет ұшып өтті...

* * *

Өзгерген ештеңе де жоқ. Бархан құм құйынмен бірге ықтап кеткен отарын тауып, аман-есен қыстағына айдал келді. Мал түгел. Жұмагүл қарсы алды. Жүккө арқасын тіреп, маңдайы жіпсіп, бой-бойы балқып, шай іше бергені сол еді, үйдің оң жақ бұрышы солқылдан қоя берді. Бархан жаңа ғана ұрттай берген, шай құйылған кесені асығыс қоя салды да, күпәйкесінің сынар жеңін ғана киіп, есіктен ата жөнелді. Әйелінің: «И-и, бейшара-ай, өстіп жүріп өлеңін-ау» – деп күрсінгенін, көзіне жас алғанын естіген де, көрген де жоқ. Упр баяғы орнында жатыр екен. Жүзі синық. Барханның сәлемін ернінің ұшымен алды да, күреніткен қалпы бір нүктеге қадала, көп ойланып барып:

– Да-а... – деді даусын соза – Понимаешь, беда деген аяқ астынан. Бұлай боларын кім білген, үш ұйықтаса ойымызда бар ма тәйірі. Да-а... жиырма бес қой, тфу, безобразие, ішпей-жемей...

Әлікүлдың осыншалық жүйке тоздырар таусыла айтқан жұмбақ сөзі ішін кептірді білем, Бархан шыдай алмай:

– Не болды агасы? – деді. – Өңіңіз синық қой, Сейітқұл қайда?

– Ол ит, қой сойып жатыр, – деді саусағымен алдындағы столдың шетін шертіп.

– Тағы да қонақасы ма?

– Осы жолғы қонақасыға сойылған қой бүкіл совхозға жетеді. Түнгі құтырған құйын жиырма бес қойды жайратып кетті. Осы итке қаншама рет қақсадым, понимаешь, артық пысықтық маңдайға сыймайды деп... Түрмеге қамағандай,

қотаның сыртын темір сыммен қоршап... енді міне, дауылға шыдай алмай, өре түргеліп ықкан отар сым шарбакқа қыстырылып, бірінің ұстіне бірі шығып, бастырылықтан да қалған. Жиырма бес саулық тіл тартпай кетті он шақтысының қірпігі ғана қымылдан жатыр.

– Да... жаман болған екен, – деді Бархан басқарманың мақамымен. Әдейі айтқан жоқ, шын жаны ашып, толқығанда байқамай қайталап алған.

– Нендей ақыл бересін?

– Білмей отырмын, ага... Ел емеспіз бе, бір амалын ойлас-тырайык.

– Ендеше қазір сен Сейітқұлға барып өлген қойды сойыса бер. Терісіне пышақ тигізіп, бүлдіріп алмаңдар,— деді де ауыр денесін ып-ықшам сезініп, орнынан ырғып тұрып кетті.

– Жүрініз, Бәке, әлгі балаға көмектесіп жіберейік, мұрны пышылдан, шамасы жетпей жатқан шығар.

Екеуі қыста қой қамайтын жабық қорага беттеді.

Сейітқұл ақ тер, қара тер боп, бастырылып, арам өлген қойдың ішін жарып, терісін сыптырып жатыр екен. Барханды көріп үрліғы ашылып қалғандай алғашында сасып-ақ қалды. Қолындағы жезмойын мүйізсан қан-қан пышақ қапелімде сусып түсіп кетіп еді, актарыла бүлкілден, буы бүркыраған қойдың қарнына кірш етіп кіргенде жыны бырқырап, мұнқіп қоя берді.

– Көзіңе қара, о, несі-ей, сасқалактап... Бұдан үлкен қылмыс жасасаң, ажалынан бұрын өлерсін, понимаешь. Ауылды үйдің үрліғы жата ма, тәйірі. Бархан бөтенің емес, өз агайын. Кеше ғана емес пе еді, тұтінінді бөлек шығарған. Тумаса да туғандай болған ағаңың меселесін қайтарып, екі жастың біріне келмей кердендейсің... понимаешь...

Сейітқұлдың әншайінде кірпідей тікірейіп тұrap тұғі судан шыққан тышқандай жығылып, сүмірейіп-ақ қалған екен. Кірпігін жыпылықтатып, жасқаншақтана қарайды. Үсті-басының бәрі қан мен жынға былғанып, кеспірі кеткен. Ел аман, жүрт тынышта жиырма бес қойды жайратып тастау жанына батпайды дейсің бе? Қой өлсе, орнына қой қосар, не болмаса он жыл жинап-терген «көк кнежкесін» берер – бірақ жігіттің артынан «шаруага қыры жоқ» деп сөз ергені қинаиды. Қазір ел құлағы елу емес, жұз болып тұрганда ертең-ақ «Сейітқұл қойын қырып алышты» деп ереуілден шығар.

Бархан кісесінен бәкісін алып, қайрақ тасқа жанып-жанып жіберді де теңкіп, іші кебе бастаган қойдың бірін жәукемдей жөнелді. Қимылы шапшаң. Мықынын таянып, өрт сөндіргендей сыйданып тұрган Әліқұлдың екі көзі Барханда. Таңқала басын шайқады.

– Әй, Бәке-ай, мына қарқыныңмен Сейітқұлдың бір қора қойын бір сағатта сойып шығатын түрің бар-ау. Понимаешь, ха-ха... – деді өзі-өзі болып тауып айтқан сөзіне масаттанғандай. Бархан қараетінен қол үзбей жауап берді:

– Үйренген кәсіп қой... Өлмеліге – өткір пышақ...

– Әліқұл сөз төркінін түсінген жоқ. «Тауып айттың» деп қарқылдан күлді. Іле іске кіріспін:

– Ал, не акыл айтасың, Бәке. Ініңізді төтенше келген зауалдан қалай құтқарамыз, – деді қарнын салбырата журелей отырып. Бархан осы кезде келесі қойдың ішек-карның ақтара беріп еді, бөлімше басқарушының төңкерілген ішіне көзі түсіп кетті де, бағыша мырс етіп күлді. Бірақ осы жолы Әліқұл «Неге күлесің?» деп жер тепкілеп сұраған жоқ. Желдеген иттей шоқынп отыра берді.

– Ақыл мен сана – ата-бабадан да үлкен деген осы, – деді Бархан үйып қалған белін жазып. – Не кеңес берейін... Туғалы бері акыл-кеңес сұрап келген алғашқы адам өзіңіз. Оның ішінде де бақа-шаян, құрт-құмырсқа емес, арыстай азамат - бөлімшениң басқарушысы... Қиналып тұрмын, бір түрлі ұят сияқты...

– Енді сен бүгіннен бастап ұялмайтын бол, понимаешь.

– Рас, өз ұттымды өзім бауыздап тұргандаймын...

Баяғыдан бері құнжындан, танауы шуылдай, қой сойып жатқан Сейітқұлға үн бітті. Даусы қарлығып, бала әтештің шақырганыңдай жарықшақтан шықты.

– Отаяссы десе, «ешкінікі құнде ашылса шам емес, қойдікі бір құн ашылса шам» деген емес пе, қазекем. Қиналып тұрмын. Білген ақылынызды аяманыз. Жақсылық жерде қалмас...

– Сінірген еңбек табалдырықта қалады да, құдік пен күмән төрге шығады деген еken бағыда біреу...

– Әкесінің аузын... құдік, күмәнді қайтеміз, басымызды ауыртып. Не істеу керек? Соны айт бізге, – деді Әліқұл кешеғана үйретілген аюдай алдында билеп тұрган Барханға ала көзімен ата қарап. Одан артық суырдың айғырында шақылдауга, сен

бұзар екпінімен баяғыша омыраулауға арты белгілі – сайтанның жаны құйрығында дегендей...

– Отагасы десе, сіз не бұйырасыз, сол – заң, – деді Сейітқұл әлі де даусы дірілдеп. «Бөрі арығын білдірмес, түгін сыртқа қампайтар». Мына бала әккі қу ма десем, басына күн туса беліне қамшы тиғен жыландағы қайқаң қафатын борпылдақ осал екен-ау» – деп ойлады Бархан. Сыр берген жоқ, сыр берсе үндемегеннен үйдей пәле шығарға жорыр.

– Өзің жегенді итке де тастай отыр, тіпті ол сені қапқан ит болса да, – деген екен баяғыда біреу.

Әліқұл қүйіп кетті білем.

– Ей, сен бізге мораль оқығанды қой, понимаешь. Ақыл айт, понимаешь, «баяғыда біреу, баяғыда біреу»... баяғыда ол біреу болып осыншама ақыл айтса, біз ушеуміз...

– Рас, отагасы десе...

– Жарайды, – деді Бархан белін жазып дем алып.– Жамандық жасау жағдайы күніне жүз рет туса, ал жақсылық жасау реті жылына бір-ақ рет келеді деген екен баяғыда біреу.

– Опять «баяғыда біреу», жарқыным-ау өзің мына сен... с-с-с-ен не айтасың! – Әліқұл орнынан секіріп тұрып кетті. Соңсоң өз елгезектігіне өзі таң қалғандай ары-бері қаздандағы қораның қын бүркүратып шашпаң жүре бастады.– Апыр-ай, осыншалық ұшан-теңіз пәлсапаны бұрын неге айтпаған.

– Сіз сұраған жоқ едіңіз! – деді Бархан бәкісін саспай жанып тұрып. – Аузымды ашсам– алқымға жармастырыз. Тіпті «неге күлесің?» деп қамшы үйірдіңіз. «Неге малың өлмейді, неге жүзіне 115 қозы аласың» – деп ат ойнаттыңыз... Бәрібір орденге ұсынбаймын» деп қорыққаннан бұрын жұдышықтап байбалам салдыңыз... Маган сол сіз алып берген жалған атақтың бес тынға керегі жогын білмедіңіз.

– Құдай-ай, үндемегеннің бәрі ақылды деген осы. – Әліқұл ерсілі-қарсылы жосықсыз жортуылын доғарды да, Барханның жанына келді, көзіне тұра қарап:

– Ал сен жеңдің, мен жеңілдім, ризасың ба? Егер саған керегі сол болса.

– Маган керегі ол емес.

– Енді не, ойбай?!..

Сейітқұл да пышағын тастай беріп, ұмтылды:

– Отагасы десе, қалағаныңыздың құлы болайын.

— Маған керегі екі-үш мая шөп. Анау жеті жүз түжүн шүшүлдәкка шашымды жұлып бермеймін. Биылғы қыстың қатты боларын түндегі құмның көшуі сөздіріп кетті.

— Уай, батыр-екем-ай, соны да бүйымтай деп. Соны да жұмбақтап, бәлдеп. Мал сенің меншігің емес, өкіметтікі ғой, қырап дейсің бе, ертең-ақ қоранды шөпке толтырайын.

— Отагасы десе, менің маямды алыңыз,— деді Сейітқұл құрақ ұшып.

— Жоқ, сенікін алмаймын, сенікін алсам герой бола алмай қаласын. Маған жүрттікі жүқ болмайды, керек емес, өзіме тиесілі занды дүнием керек.— Ол осы сөзді айтты да, қанданған қолын кесіліп-кесіліп көзі ақшия домалап жатқан қойдың басына сипай сұртті. «Мен қазір келем» деп сыртқа шықты. Есік көзіндегі діңгекке тартылған сым-темірді қолына құрық алып ұрып-ұрып қалып еді, үйінен атып шыққан әйелі Жұмагүл бұған қарай құстай ұшты. Екі өкпесін қолына алып, жүгіріп жеткен әйелі ыржия күліп түрған өз күйеуі Бархан екенін жаңа байқап:

— Туу байғұс-ай, не көрінді, Упр ағай екен деп қалсам.

— Шай қоя бер, бәйбіше, — деді арқасынан қағып. — Упр ағаң шөлдеді білем.

Корада қалған екеудін:

— Мына малғұн шпион болып жүрмесін, әкесі, қалай-қалай орағытады. «Жуастан-жуан шығады» деген осы,— деп сыйырласқан әңгімесі Бархан келе сап тыилды.

— Шаршап, каталаған шығарсыздар, біздің үйге жүріп, шай ішініздер, — деді.

— Отагасы десе, келініңіз түннен тоңазып түрған етті жылдып жатыр.

— Жо-жоқ, сенің етінен тіс сарғайды, Бәкеңнің үйіне барайық, — деген Әліқұлдың өзі бастап қасқая жөнелді.

Жұпыны фана қос бөлмелі үйдің табалдырығынан едірең қағып аттай берген бойшаң Әліқұл тобесін мандайшага ондырмай соғып алды. Қарақұстан тиген ауыр сокқыдан тілін тістер, есі тана ауырсынса да, сыр берген жоқ.

— Есігің аласа екен, Бархан,— деді де төр алдына көлденендей сұлап жатты. Жұмагүл әперген екі-үш жастық шынтағына жүқ болған жоқ, бір уыс болып шипасы шырылдады да қалды. Жан-жағына соңырқай қарады да, жұпыны фана шопан үйінің байлығы көнілін тогайтпағандай әдетінше: — Да-а... — деді.

Үйіне Упран ұлкен қонақ келмеген, жайшылықта аяғына бас ұрып кіргізе алмайтын ел ағасының құдай айдан өзі келіп қалғаны Жұмагұлдің есін алды. Қанша тырысса да шаруасының қиою қашып, қолы дірілдей берді. Әйтеуір өлдім дегендे тұтіні басылмай, бықсып түрган ақ самауырды жеткізді.

Құдай қосқан қосағының әзірейіл көргендей осыншалық дірілдеп-қалшылдауы Барханның жынына тиді. «Не болды, байғұс», – деп құлағына сыйбыр етіп, мықынынан түртіп қалса да толкуы басылмаған. «Жап-жас боп Сейітқұлдың әйелі қандай пысық», – деді ішпінен. Сосын Әліқұлдың кесесін әпере беріп: – Бұл үйден ішкілік тапқаннан, Қызылқұмнан құдық қазу әлдекайда онай, – деді жадырай сөйлеп.– Өзіміз ұрттамайтын, ешкім келмейтін болған соң, әуре болып сатып алғанды қойғанбыз. Әйтеуір Сейітқұл інім іргеде түрғанда ешкім келіп, мазамызды алмайды. Жә, уәде құдай сөзі, іске көшейік. Сонымен, менен ақыл сұрайсындар, ә... Қызық. Мен осы күнді көптен тосқанмын. Сонымен былай жолдастар, жеп-ішсөніздерші, барымен базар деген, дастарқанның берекесі болмай отыр-ау, бәлкім. Қайтеміз көлдей көңіл болса, аяқтай қарын қайда барап дейсін ағасы. Сый-құрметке бұл шаңырақсыз-ақ бөленіп жүрсіз ғой. Баяғыда біреу «үнемі рақаттану – мұлдем рақаттанбаумен бірдей» деген екен...

Әліқұлдың шыдамы шарт сынды. Онсыз да әйнекте отырғандай еді:

– Шырағым, «баяғыда біреуді» қойып іске көш демедік пе, понимаешь. Ол не деген ащы ішектей таусылмайтын – «Баяғыда біреу».

– Ағасы-ау, ақыл сұраған өзініз емес пе, ендеше былай, жолдастар: арам өлген жиырма бес қойдың жарасы женіл. Дұрыстап тұрып бақшалап соялық, сосын автоклубқа тиеп, сонау Шу шаһарына аттану керек. Құмырсқаша быжынап, біреуді-біреу танымайтын қан базарында бұл қойдың, иә, һарам, иә һалал өлгенін ешкім білмейді. Килосын үш сомнан, тіпті бес сомнан пышақ үстінен үлесіп аларына кепілдік беремін.

Сейітқұл мен Әліқұл аузынан сұы ағып, еміне түсті.

– Иә, сонсоң?..

– Сонсоң қыруар ақша табасыздар. Оны қалтага мықтап басасыздар.

– Ибай-ау, жиырма бес саулықтың орнын қалай жабамыз деймін. – Упран жастықтан басын қақшаң еткізіп жұлып алды.

— Асықпаңыз ағасы, Сейітқұл Талдыға барсын да, әлгі ақшаның азын-аулағына ғана тілеу тілесін. Бөтен ешкімге дабырламай, ауыл толған осының ағайыны «ер басына күн туды» деп жұқалап шақырып, помошь сұрасын, яғни жылу-сатал дейміз. Екі жұз грамм ішкен соң, шекесі қызған туыстар бір-бір қойын сүйреп, өздері келеді. Кейбіреуі тоқты да әкелуі мүмкін. Эрине, сіздерге керегі тоқты немесе тұсақ емес, туатын саулық қой. Ендеше, ағайыннан зекеттеп жинаған тоқтының мойнына қонырау қылып, бір-бір «экстра» байлайсыздар да осы совхоздың көңілдес әр шопанын сауғалап, бас-басына базына айтып шығасыздар. Эрине, онша терендетпей, шулатпай – әзіл-қалжыңға шаптыра жіңішкелеп бастайсыздар сапарды. Сонда деймін-ау, өлген жиырма бес қойдың бесеуінің-ақ құнын шығын етіп, отардың олқылығын толтырасыздар. Арам өлген жиырма қойдың құны өз қалталарыңызда қалады.

— Мынау бір керемет ақыл екен! – деді Сейітқұл көзі жайнап.

— Ұят емес пе, – деді шай құйып отырған Жұмагұл. Тарсылап қолқасына тығылған жүрөгі байыз таппағандай. – Арам өлген қойды алдап сату – имансыздық.

– Ол жағын өздері шешсін. Мениң иманым – қысылғанда ақыл беру ғана, – деп, Бархан кесесін төңкеріп, дастарқан басынан кері ысырыла берді.

Әліқұлда үн жоқ. Тегі әлгі ақылды ойша қорытып, алдыартын тұжырымдан, пысықтап алмақ-ау.

– Ой, – деді бір уақытта. – Эбден табылған ақыл, молодец,

– Бәке, ризамын. Дәл сен айтқандай жасаймыз. Дегенмен, есінде болсын, пісміллә дегенде өзінен көмек сұраймыз. Сен берер көмек сол болады – осы операцияны тістерінен шығармайсындар.

– Макұл – деді Бархан. – Өз қолымды өзім кесемін бе? Тек қысқа жететін жем-шөппен қамтамасыз етсеніз болғаны.

– Әкел қолынды!

– Мінекі!

Бөлімше бастығы мен шопан сарт-сұрт қол алысты. Айдаладагы Қызылқұмның қойнауындағы отырған қыстактың үстінен тағы бір самолет құйрығы жылтылдап, ұшып өтті...

* * *

Қыс өтіп, көктем шықты. Ал дегенде алынбас қамалдай бол көрінген қыраулы қысты артқа тастағаннан бермен де Барханда бәрібір маза жоқ. Бел шешіп, аяқ сұytар шақ көзден бұлбұл бол ұшқалы қашан. Бірінің артынан бірі иін тіресіп келіп, желкене мініп алар қойшы тірлігінің таусылмас шаруасы қанша жалықтырса да, қашып құтыла алмас - шаңқай түстегі өз көлеңкесі іспеттес еді. Шаңқай түс демекші - қырықтың бесеуіне шыққан Бархан өз ғұмырында да ертеңге ауар сәті тым жақын қалғанын алғаш рет есіне алды. Есіне алмас та еді, қой төлдетьу науқаны басталып, сақманшылыққа келген бұлдіршіндей үш қыздың бірі - Бақшагул мұның жылдар бойы мұз сіреу болып қатып-семіп келген көңілін ептеп, тұртпі оятқандай-тын. Дүниедегі бар пәлені тақылдан сұрап, маза бермейтін зар жақ қыз «ой, ағай-ай...» деп қойып... тот басып, тозаңданып қалған сырды қазғылайтын.

Төл алу науқаны, шүкіршілік, ойдағыдай өтіп жатыр. Отары қыстан күйі таймай шықты. Қарашадағы уәде бойынша Әлікүл екі мая шөп жеткізіп берген. Содан бермен көршісі Сейітқұлдың да бұл дегенде жаны қалмай, сыйлайды. Обалы қане... рас, Упр Барханнан ғөрі оған екі төлшіні артық берген екен, енді қайтсін, бір малы екеу болсын дегені де... Алайда, осы ерлік деген не? Осы жасына дейін Барханның түсіне алмай, дал болып жүргені осы. Өзіне тапсырылған жұмысты табан ет, маңдай термен адал да абыройлы атқару емес пе? «Сайып келгенде, – деп ой түйетін – батыр болу дегеніміз, ең әуелі адад болу».

Кешке қызық оқиға болды. Құндізгі төл алу, қора тазалау сияқты кәдімгі қойшы қаракетінің жамыраган тірлігі бәсекесіп, шам жана орынға отырған тыныш сәтінде үлкен бір әңгіменің ұшығы көрінген. Үстеріндегі сatalaқ-сatalaқ жас қозының тоңғағы жабысқан киімдерін сыптырып тастан, жуынып-шайынып шайға отырған үш қыз Қызылқұмның көктемгі қызғалдағындағы құлпыра қалып еді. Қара көздері шам сәулесімен боталап, құлқі үйірілген. Бархан осына он сегізге жаңа шыққан уыздай пәк қыздардың жузіне бұрынғыша ұялшақтамай, қымсынбай тұңғыш рет тесіле қарап еді. Сонда ол қарындастары қаншама жадырап, жайнаң қағып отырғандарымен, құлқі көлегейлелеген дидардың ар жағында, тереңінде тұнып жатқан мұнның көлеңкесін көрген. Сол мұн

ертеден қара кешке дейін дамыл таппай жылбысқы төлмен төбелескен қыздардың қой көзіне шаба бастағанын, егер дәл осылай ойын-сауық, күлкі-куанышсыз ертенді қара кеш безектей берсе, арман-мақсаттарынан ерте, тым ерте тоналып, жасына жетпей шау тартары үшін өлердей аяган.

«Ертенгі күндериң не болар екен, қарақтарым, не болар екен...»

– Ой, ағай-ай, – деді түйеден түскендей Бақшагұл. – Неге осыншама қадала қарадыңыз? Женешеме айтып, сабатамыз... Сонсоң үшеуде сыңғырлап таза күлді. Дастанқан қамымен жүрген Жұмагұл де мырс етіп, шыншыл көңілмен өзіл таstadtы.

– Ағаның қырықтан асқалы жасаған үрліғи ғой, сендер өкпелемендер, мен кешірдім, – деді.

Бархан қызарақтап қалды. Сейітқұл «бенzin таусылды» деп бүгін «движогін» от алдырмаған соң, шамға кересін құйып, соның болар-болмас жарығымен отыр. Шаңырақсыз шам шалқи жанып, қоңырқай қүйге шақырады. Балалардың алды ұйықтап қалды да, өзгеше бір тыныш, әрі жуас хал мендегендей еді.

– Ой, ағай-ай, – деді тағы да сол үнсіздікті бұзған Бақшагұл.

– Сіздің мына қоңыласыңыз түк ұнамайды маған. Бағана қорасының жанынан өте беріп едім, қозысын алмай жатырқап тұрған саулықтың басына бар пәрменімен теуіп жіберді. – Бархан жауап берген жоқ.

– Мен білсем ол алдыңғы күні жоғалтқан егіз қозының сынары. Соны теліп тұр, – деді екінші қыз. Бархан одан әрі шыдамады білем:

– Қойындар, айналайындар, кісінің сыртынан ғайбат сөз айтпаңдар, – деді.

– Біз ғайбаттап отырған жоқпыз, шындықты айтып отырмыз, – деді шашын қырықтырған үшінші қыз. Бұдан соң бәрі тымтырыс отырды.

– Қой енді қызыл сөзден не пайда түге. Ертең ерте тұру керек, жатып демалындар, – Жұмагұл төсек қамына кірісе бастады. Қыздар ыдыс-аяқ жиып, күйбендең жүрді де, жымжырт жатып қалды.

Бархан шошып оянды.

Үйдің бұрышы дыңғырлағандай болып еді, елегізген екен, бөтен дыбыс сезілмейді. Сырт киімін шешпей, дастанқан басына қисая салғандікі ме, быршып терлепті. Ақырын басып,

алдыңғы бөлмеден өте беріп еді, баудай тізліп, көрпеден бастары қылтиып, башпайлары көрініп, ұйықтаң жатқан қыздардың бірі: «Конкурсттан өте алмадым» деп үйкисырап аунап түсті.

Аспан ала бұлтты екен, терістіктен жел бар. Был көктем ерте шыққанымен, сұықтың сына қоймаган бейmezгіл шағы еді. Қар әлдеқашан қашып құтылған. Онтүстіктің көктемі ұзак болады. Ақпанның аяғынан жер қарайып, шілденің басына дейін жалықтырмас әдемі кезең келетін. Ыстық түспей, жайлауга көшіп, жан сауғалайтын малшының рақаттанар күні болады десек, ол да сол жайлауга жетіп, қонғандаған туатын. Қызылқұмның жаз жайлауы паң дала – Арқа жақта: таулы, ағашты, сай-салалы болмағанымен, қалың шалғынды, ауыз суға зарықтырмайтын құйқалы жер. Қазіргі бывығып, ластана бастаған қыстақтан екі жұз, үш жұз шақырым ұзай көшіп, тек қоңыр күздеған мекенине қайтып оралар қойшының – үлкен қала, дүбірлі жаңалықтан құлак үзер уағы бұл. Көп ұзамай ол күн де туар...

Аспаннан тағы бір самолет ұшып өтті...

Жайлау әсіресе, Барханның зарығып тосар – бақытты шағы. Көш қамын елден бұрын сайлап, қалайда бұрынырақ жетіп, із тимей тұнып жатқан жап-жасыл даланың самалын қызғана жұтып, ал қызыл, ал сары гүлдерін елден бұрын қызыға жұлатын; ешкім қарап тұрған жоқ па дегендей жан-жағына жалтақтаң алып балаша тызылдағ, жалаң аяқ, жалаң бас жүгіретін, жүгіретін... бұл баяғыда, бұдан отыз жыл бұрын ак бас атанға мініп, көкжиекке сініп кеткен әкесінің соңынан қуған аянышты халдей емес, мұлдем басқа, басқа жүгіріс; Барханда балалық шақ болған жоқ, оны ерте жоғалтқан... ерте... сол батысқа, жаудың бетін қайтаруға аттанып кеткен балалығымен тек жарықтық жайлауда жолығып мұндасатын, ағыл-тегіл жыласатын, сосын мәз болып күлетін, күліп жүріп гүл теретін; жайлау дегенде, байғұс Жұмагұлдің де есі қалмаушы еді; сондықтан осыдан бес жыл бұрын қүйеуі ауданға барғанда сатып әкеп берген қызыл ала жалғыз көйлегін киіп, бейне бір той салтанатына жиналғандай бір жасап қалушы еді; Бархан екеуі бір-бірінің көңіл-күйін айтпай түсініп, қол ұстасқан, қолтықтасқан қалыпта көкпенбек тенізді армансыз кешер еді, көкпенбек шалғын шалқарын қатар жузіп бара жатар ерлі-зайыпты қойшы өздерінше шырқап, өздерінше ән салатын; ол

ән шыншыл да сезімтал жүректің, бұйығы әрі тар арнадан асып-төгіліп, еркіндігін, көптен аңсаған бостандығын бозала таңда енді-енді ғана алғандай, әуелеп алысқа... әлдеқайда жыраққа шығандап, шымшымдай тарап жатар еді; әншейінде әнді қойып бір ауыз әңгіме айтпайтын адамдарға кең тыныс қанаты талмас қиялмен әуелете шырқаған әнін үйіп тыңдағандай әрі бас іп, тағым атасынан ете таңырқағандай жайлаудың мың-миллион гүлдері ырғалып, әдемі әуезге қосылғандай болушы еді; ал, Бархан мен Жұмагұл болса осынау кең жайлау – жасыл бесіктे жылына жалқы рет құшақтасып, өзінің жұбы жазылмас жұбайлар екенін еске алысатын; сонда Бархан қыздай қосылған қосағының қуаныш пен мұң араласқан шаршаңқы қөзінен мөп-мөлдір таза жасты сұқ саусағының ұшымен сүртіп тұрып: «Жұмагұлай, сендей әйелі бар менде арман бар ма екен» – деуші еді; осына жылына жалғыз рет қана айтылар әрі келте, әрі терең сөзден кейін Жұмагұлдің де бақытында шек болмайтын; бұл өмірде бар екенін сезінетін, жылдың төрт мезгілінде осы сөздің қуатымен жүретін, жылдың төрт мезгілінде осы сөзді сағынып, санамен сарғая тосатын... Жұрттың қөзінше жаласып, ал түні бойы төбелесіп, бет-ауыздарын тырналап шығатын кейбір замандастарынан ала-бөтен өзгешелігі осы десек те, былайғы ағайын «осыларды да күйеуім бар, қатыным бар деп, қарқ болады-ау» – деп өсектеуші еді. Былтырғы жазда Бархан Сейітқұлдың әйеліне бір буда гүл теріп әкеп берді қырдан. Қоңсыласының бұл қылығын естіген Сейітқұл: «Шал шатасқан шығар, – деді миығынан күліп. – Шалдың делебесі жаз шыға қозатыны рас».

Ала бұлтты аспанның жыртық тесігінен сығалап тұрған жұлдыз ғана бүгінгі түннің шырақшысы. Бүгінгі түннің шырақшысы ол ғана емес, қолына май шам ұстап, қой қораны, қозы қамаған үйшікті аралап жүрген Бархан еді. Қой түгелге жуық төлдегенімен, он шақты саулық тумай кешеуілдеп қалған. Қуаныштысы сол биыл егіз қозылаған аналық көп болды. Қыстан екі мая шөптің арқасында қонды шыққан малдың іш тастауы, өлім-жітімі болмады. Оның бер жағында жемшөп мол екен деп отарды котаннан шығармай тырайып жатып алған жоқ, ашық шуакты құндері үнемі өріске маңқыстаратып тебіндегітіп қайтатын. Мал екеш мал да далага шығып, бой жаза сертігенді жақсы көруші еді. Бұрынғы жылдарда сынар айыр шөпсіз бір түқ жетінетпей, әйтеуір ілдалдалап қыстан шыға

беретін. Бархан совхоз екі мая шөп түсіріп бергенде соғыста өлген әкесі тіріліп келгендей қуанышы қойнына сыймаган. Енді міне, Құдайға шукір жер аяғы кеңіп, күн жылынды. Ендігі жыртың-жыртың ұрымтал соғар боран-шашынға ырық етпейді. Кеше кеште қоздаған он қойды жеке бөліп қамап еді, қолында ауа ұрып қалтыраған май шамы бар Барханға қөздері жаудырай қарағы, сонсоң өз иесі екенін таныды ма, біреусі мекіренді. Мекірентен қойға жақындалап еді, алдында қап-қара боп буы бұркырап жатқан қос қозыны көрді. Тегі, әлгінде ғана туса керек, саулықтың шуы түсіп ұлғірмеген. Бархан сәби секілді мөлдіреп, су-су болып шарбыға оранып жатқан төлдің мұрнын сыйып, құлағын үрледі де енесінің алдына қайта салды, жалап, аяқтандырысын дегендегісі. Туа салып ала қашқан қозыны енесі жатырқап алмай, әуре-сарсаңға түсіретіндері де толып жатыр. Май шамды сөндіріп, қораның бұрышына қалдырды да далаға қайта шықты.

Ала бұлтты аспаннан ғүрілдеген тағы бір самолеттің даусы естілді...

Бархан қалтырай тітірінді де, рақаттана есінеді. Есіне әлдене түскендей үйдің сыртындағы құм төбеге көтерілді. Оның санасынан сонау қарашада қағынып, көше жөнелген қызыл құмның оқыс міnezі кетпей-ақ қойды. Неге, неге міnez көрсетті! Жылдар бойы нығыздынып, дөң айбат жасап жатып алған қиқар құмның аяқ астынан ер-тоқымын бауырына алышп, тулауы қайран қаларлық. Құйын болып көтеріліп, құйғыта шапқан қызыл құм тырбиып енді-енді өсе бастаған бұта-қараған, шөп шаламды жалғыз-ақ түнде жаба салды да, ирелендеген мап-майды құмнан шашу шашты. Кешелер ғана шымдауыттана бастаған жер беті енді, міне сиыртаңдайланып, киялынды тербел, алысқа шақыра көз қытықтағандай болады. «Жарықтық қызыл құмның бой жасағаны шығар... Енді қайтып дoldанып, енді қайтып ашу шақыра шамырқанып, міnez көрсете алмайтын шығар... Жарықтық мәнгілікке көз жұмып, өлген шығар-ау...» Бархан өз ойынан өзі шошып кетті.

«Өлгені несі... Құм марқұм болар ма... Жаман ырым неге ғана иектеп алды мені... Өлгені несі... Құмның жаны жоқ... Мүмкін адамдар ұға бермес нағыз тіршілік иесі, нағыз Адам айналайын алтын құм болар...»

Маңай жым-жырт ауыр үйқының құшағында. Тек Бархан ғана ояу, мынау өзгермелі өмірдің мәні, ертеңгі атар таңы

жайлы ойлады. Сонау бір қарашадағыдай бойы мұздал, көнілі жүдеген жоқ. Азапты шақ, ауыр еңбек артта қалып, адад істің нәтижесін көрмек. Иә, енді бір аптадан соң санақ болады. Қозыны совхозга өткізеді, енді бір аптадан соң сақманшы үш қызы да жыл құсында үйлеріне қайтады... Үш қызы... Барханның көз алдына құмнан шыға-шыға келгендей каз-қатар тұра қалған елес-қыздардың мандаудынан сүйгісі келді. Екі беті бейне бір сүтке тамған қан секілді шырайланып тұрар Бақшагұл әсіресе, жеті қат түн ішінде қалың түлейдің ортасынан шыққан от секілді жанып тұр-ау, лапылдан тұр. Ал, екінші қызы ше? Біртоға, тындырымды... Үшінші қызы еліктің лағында моп-момақан, көп сөйлемейді, көбінесе іштей тынып жүретін ақылды бала...

«Ертеңгі күндерің не болар екен, қозыларым, не болар екен?»

Әліқұл осы үшеуін автоклубтың ішіне салып алып, даңғырлатып-дүңгірлетіп келгенде, Барханның көнілі толмай нәумез болып қалған. Он екіде бір гүлі ашылмаған жас қыздарға сенбеп еді алғашында.

– Саспа, – деді Упр Барханның қырын қабақ түріне қарап.
– Саспа, әлі осылар озады... Қарашы өзің... үшеуінің де мемлекеттік сапа белгісі бар. Ә, понимаешь, – деп қарқылдан кеп күлген.

Көз алдынан әлде не ербен еткендей, ізінше қарасы болжанды. Иесін жазбай таныған хайуан сексеуілдің тамыры секілді тарбиган қолын ііскелей бастады.

– «Қоңыр қозым-ай, – деді көнілі босап. – Тірі екенсің ғой, тірі... Жаман әкенді ұмытпаған екенсің ғой», – қара құйрықтың басынан сипап, бауырына қысты.

«Аман жүрші, қозым. Сен барда мен жалғызырамаймын. Құлғе аунаған қотыр түйедей болып жүдеп-жадағандай болсам көніліме медет болар жұбанышым бол. Адамның қолы қанат емес, ұшуға жаралмаған. Ұшып жүргендерді атып түсіру онай деуші еді, қаңғыған оқ, қаңғырған аңшынан сақтан, жарығым».

Тұн пердесін қақ тіліп, Талды жақтан жалғыз жарық көрінді де қыстакқа қарай жұлдызша ағып келе жатты. Сол бір тіміскіленген жарықты Барханнан бұрын сезген қарақұйрық тұра атылып, зыта жөнелді. Қас қағым сәтте құшағындағы сәбійнен айрылып қалған әке тұн жамылып, сүйт келе жатқан машинаны мықтап тұрып сыйап алды. Кім болды екен?!

Әлгі жарық құмтөбенің басында тас батырдай қасқайып тұрған Барханға түсті де көленкесін ұзарта-ұзарта алып адамға айналдырыды. Тура жанына еңкілдете келіп, зырқетіп тоқтағандаған Сейітқұлдың машинасын таныды. Үлкен шамын өшіріп, асықпай аяңдап, сөйлей жақындаған озат шопан аңдығандай алдынан шыққан көршісінің осыншалық құс үйқылығы қытығына тиді. Эйтсе де әбігер сезімін сездірмейге тырысты білем, бекерден-бекер женілтектеніп, күлген сымақ болды.

— Отагасы десе, құмнан соққан мүсіндей бол неғып тұрысыз. Хор қызындай үш сақманшы келгелі үйқының қашып жүр-ау осы,— деді де, қол беріп амандасты. Бархан жігіттің орынсыз қалжынына шамданған жоқ, бәз салмақтылықпен «онысы рас» деді де қойды.

— Өзің қайдан келесің, түнделетіп?

— Ауданға барып айналып қалдым. То анау, то мынау деп көр-жерді сұрап, кісінің басын қатырды. Сайлаушыларға есеп бер дей ме-ау, — алдымен қозының санағын өткеріп алайын дедім.

Жел жакта тұрғандікі ме, Сейітқұлдың аузынан ашқылтым иіс мұңқігендей болды. Осынысын сезді ме, ойысып Барханның ық жағына шықты.

— Отагасы десе, — биыл жүзінен қанша айналатын сыңайы бар? Егіз туғандары көп деп естідім бе...

— Қайдан білейін, маңырап жатыр фой, әйтеуір.

— Эй, сауысканнан сақсыз-ау, отагасы десе. Шыныңызды айтпай-ақ келесіз. Бірақ сізге ризамын, жиырма бес қойдың ақылын тауып, абырайымды асырдыңыз.

Осы кезде анадай жерде тұрған қызыл «Москвичтен» қозы маңырады. Екеуі бірдей елең етісіп қалды.

— Інішек, — деді Бархан күліп,— немене, сенің машинаң да қоздайтын болған ба. Ілгері басқанның иті оттайды деп.

— Жоқ, отагасы десе, өрісте туып қалса керек тауып алдым. Маған бөлінген сақманшы қатындар салақ, еттері үйреніп алған, әбден бастары ісіп, ертеңді қара кеш үйықтай береді... Бағана отарды жайылымға шығарғанда байқамаса керек, жә, не тұрыс, үйге қайтайық, — деп машинасына беттеді.

«Москвичтің» жүк салғышында маңыраған жас қозының дауысын алып қашып, қыстағына беттеген Сейітқұл әлденендей күдікті ой тастап кетті. Бүгін сақманшы әйелдердің отарды

қырға шығармағаны белгілі. Сонда бұл қу қозыларды қайдан әкеле жатыр?

«Е-е, білдім-білдім. Сауғалап, сауын айтып, әр қойшы, әр ағайыннан жинап-терген жетім қозылар-ау. Бәрі де жүз қойдан – 150 қозы алудың қамы да... Эй, құдай-ау, атақ қуу не істепейді дейсің адамға».

Алқара аспаннан самолеттің даусы естілді. Неге екені белгісіз Бархан дәл осы самолетке тас лақтырығысы келді-ақ. Сапырылысып жатқан жабағы бұлтты қекке қарап: «Ей аспан сенің, ей адам сенің күлгінде түп жоқ» – деп күрсінді.

Төл алу науқаны аяқталып, сақманшы қыздар ауылына қайтатын болды. Құм теңіздің ортасына адасып келіп қонған үш акку ұшатын болды; құм даланың бетінен ойда-жоқта сылдырап аққан үш бұлақ суалатын болды; аспаннан құлап түскен үш құс – үш жұлдыз секілді жапан дүзде жетімсіреп, жаһанның көп-көп қызығынан қаға беріс қалған қыстақты базарға айналдырған; сұығандай, ұмытылғандай жүдеу тарта беретін көнілдің көк тоңын жібіткен – үш тотыдан айырылатын болды. Құзде құдықшылар келіп, сезімнің шаң басып тұрган қос ішегін дыңғырлатып-дыңғырлатып кеткендей еді, ал қыздар сол иесіз қалған шешен домбыраны армансыз тартқан еді; бұл әлемде жақсылық-жамандық, уа құмырсқаның илеуіндегі қайнаған қаймана халық барын гәй-гәйлегендегі еді; Бархан мен Жұмагұлдің өгейсіген өмірін қағып-сілкіп күн нұрына жайып, дегдіктендегі еді; өздері де осына айрандай ұйыған семьяның шырықты тірлік, жас балаша талпынған ыстық жүрегінің жылуына бөленигендегі еді. Құм теңіздің ақ желкені секілді алыстан ағарандап, бірте-бірте мәңтіге ұмытылған – келте таныстық, қысқа білістіктің күрмеуге келмес жалғыз сәттілігі қинады да. Қиналмай қайтеді, сынғырлаған құлкі, әсем ән, «ой, ағай-ай!» деп наздана естілер үн баяғыша... мұнан отыз жыл бүрінғыдай... мұнартып, жұмбақ күйде сақиналанып тұрган көкжиекке сіңіп, бәлкім, бакильтыққа жұтылар... жоқ болар... Енді қайтып көре алмас, енді қайтып ести алмас арманды бейне, өкінішті шактары қандай көп еді адамның! Кімге ерте, кімдерге кеш келер болымсыз қуаныштың тәттілігі, ұмытылмастай құны да сол – қысқалығында ма екен. Пенде дегенің жалғыз аяқ жолмен жүреді, сосын әлденені тауып алады, бәлкім ол

күніне жұз рет көрген заты шығар, бұрын елеп ескермеген шығар, бірақ осыншалық қадір-қасиетін енді ғана анғарып, қуанышына шек қалмай алақайлайды.

Ол не сонда? Ол – өмірдің өзі екен? Дүниедегі ең құнды да, ең құнсыз да сол адамның өз өмірі-ау. Жас бала жарық дүниеге козін жұмып туды, бәлкім атысып-шабысқан сұрқиялық пен сұмдықты қөргісі келмегені де... Ал, сол бала ер жете келе, өмірдің бар керегар бақыты мен қайғысына еті үйрене келе – қимай қиналады. Жалғыз ғұмырды тастап, арғы дүниеге аттана алмай – көзін ашып өлеңді... Өліге де, тіріге де төсек болған қара жер ғана тентек пендесін теңестіреді. Бархан кейде қой жайып, анау сұлап жатқан бетпак дағалаға қарап отырып ойлайтын: «табиғаттан әділесіз не бар, бір жерге бар байлығын: сүйн, ағашын, тау-тас, аң-құс, орман-тогайын төгіп бере салады; енді бір жерді бір жұтым суға, тіс шұқыр ағашқа зарықтырып қояды; бір адамдарға көрікті де, талантты да аямай сыйлайды, енді біреуді... енді біреудің басын таз, аяғын ақсақ қылып қойдың соңына салады, қойманың құзетіне қояды. Әділесіздіктің өзі табиғаттан жүққан екен-ау».

Қыздар аттанатын болған соң, қоштасу дастарқаны жасалған. Жұмагүл осы үйде не бар, түгел жайып салып, өз әлінше ақ түйенің қарнын жарған екен. Науқан бастала жемге байлаған қарабас тоқтыны Бархан таңғы сағат алтыда алып сокқан. Буы бұркырап, төре табақ ет келгенде бәрі де жамыраса күліп, жыртық үйдің құдайы барды еске түсірген. Жәукемдеп ет туралға кіріскең Бархан бастың екі құлағын кесіп Екінші Қыз бен Үшінші қызға бөліп берді де таңдайын сыптырып алып Бақшагүлге: «Ал, айналайын, таңдайды саған берейін, тақылдаған шешен өзіңсің, алақаныңды тос», – деді күліп. Бақшагүл алақанын тосып, Бархан «ал ұста!» деп алғаш соғып қалғанда-ақ қақшып түсті.

– Түү, ағаның қолын жұлып әкете жаздадың гой, – деді Екінші қыз.

– Ағаңның қолын Бақшагүлді қойып, трактор да жұлып ала алмас, – деді Үшінші қыз. Таңдай жеп отырған Бақшагүл айтты:

– Ой, ағай-ай, сіздің көрсеткішізді қайталар бұл «Талды» совхозында бір қойшы шыға қоймас. Мақтанып, атақ-данқ

алам деп жанталасып жүрген Сейітқұлдың өзі 140 қозы ала алса, үлкен ерлік болар еді. Ал, сіздің отарда құдай біледі деп айтайдын, жүзінен 150-ден бірақ секіреді. Рекорд деген осы!

– Өздеріңің арқаларың, қарақтарым, – деді бастың мұжүірін әйеліне жөнелте беріп, – құтты қыздарым келгенде қойым егізден тапты. Жұмагүл риза – мен риза.

– Егер оқуға түсे алмасақ, келер жылы тағы да сізге келеміз, – деді Екінші қызы шын пейілмен.

– Оқуға түсуге жазсын. Мені қойшы... мен... ептеп-септеп отыра беремін ғой. Сендер болмасандар, басқасын жіберер. Ендігі тапсырар аманат – шамаларың келсе де, келмесе де оқындар. Тіпті мына женғен екеуміз үшін де оқындар.

– Ой ағай-ай, – деді Бақшагүл, – қай қазақ шыққан тауым аласа болсын дейді. Жолымыз болмай жүр де. Әйтпесе, мектепте төрт пен беске оқығанбыз. Мына екеуі мұғалім болсақ дейді, ал мен КазГУ-дің тарих факультетіне түскім келеді. Соңсоң жоғарғы партия мектебін бітіріп, осы ауданға секретарь болсам деймін. Егер алда-жалда түбі секретарь бола қалсам, ен әуелі сіз секілді цифр үшін емес, сана мен сапа үшін күресетін азаматтарды қолдан көтерер едім...

Ертеңінде қыздар совхоз арнайы жіберген машинаға отырып жатты.

Жұмагүл қыздарды шығарып салып тұрып, беттерінен алма-кезек сүйіп, көзіне жас алды. Бархан түндегі әңгімеден соң ләм деп аузын ашқан жоқ болатын. Ұмыт қалдырып, есіне түсіре алмай басы қатқан қимасын іздегендей менірейді де жүрді. Жылымық сәуле шалып, жіпсігендей болған көңілінен ел көшіп, жел кеүледі. Тағы да томага-тұйық, бітеу өмір басталарына іші үдай ашиды да.

Қозғала берген машинаның кабинасын тоқпақтап тоқтатқан Бақшагүл қораптан секіріп түсті де, құстай ұшып келіп Барханды құшақтай алды. Құшақтаған күйі бетінен сүйді, соңсоң, тағы еңкейіп бетінен сүйді! «Ағатайым, көріскенге жазсын», – деді. Соңсоң ағыл-тегіл жылап, жүгірген бойы машинаға қайта секіріп мінді... Әне, жаулығы желбіреп ұзап барады, ұзап барады... Енді бір сәтте құмға сініп, көзден тасаланды...

Үйінің бұрышынан тартылған сымды бар пәрменімен ұғылаған Барханның жанында долы да дабылды дауыл басталған еді...

Аспаннан тағы да самолет ұшты. Қайдан ұшты, қайда қонады, бәрі-бәрі жұмбақ...

«Самолетті қойши... Бұл жалғанда мәңгілік шешімін таптырмай кететін жалғыз-ақ жұмбақ бар. Ол – адам жаны, адамзаттың ойы десек, оған да шабуыл жасар күн алыс емес-ау. Егер ой аулайтын құрал табылса, ақырзаман орнағаны да, басқаны қойып, өзіңнің не істеп, не қоятыныңды бал ашып, біле аласың ба? Адам өткенімен емес, тек қана ертеңімен өмір сүретінін сезе тұра бүгінгінің – бір күнінің мұңсыз-қамсыз тыныштығын неге көксең береді екен? Ендеше, ертеден кешке дейін еңбек етіп, атар танды жүз беріп, аман-есен қарсы алсаң, одан үлкен бақыт бар ма? Бақыт деген не өзі? Бақыт дегеніміз атақ па, байлық па, әлде самолетке мініп, жер шарын шыр айналып шығу ма? «Мені жүрттың бәрі біледі, мен кереметпін» дейтін шақырымпаздарға, «мені тірі жан білмейді, мен жайғана қарапайым қойшымын» деп қарсы жар салуға хақымыз неге жоқ. Әлде менен басқа елдің бәрі «атағы, алтыны бардың кемтартарлығы білінбейді», деген қағида үшін құресе ме?

Бархан өз ойынан өзі шошынып қалды. Бес жылға бір-ақ қартайғандай талықсып ұйықтап кеткен еді. Оны бақыты мен қуанышы мәңгі алмасып отырап ертен, тағы да ертенгі мазасыз күн күтіп тұрған.

...Бархан тұс көрді: «Күмнан құйып жасаған терен зынданда шалқасынан тұсіп жатыр екен дейді. Сонсоң сол тұпсіз де, сұық... жанға жат зынданнан шығамын деп қаншама жанталасса да әурешілдік – қысыр үміттің қылша мойнында қыл арқан болып оралуыға еді. Тырнағының көбесі сөгіліп, дал болып қанағаша тырмысады, сұп-сұық, сұп-сұр қабырғаны тағы да тырмалап өрмелеген болады, сусып қайта тұседі, жұдышығымен тоқпактайды, аяғымен тепкілайді, бар даусымен айғайлайды – тіпті тісімен тістемек те болады, бәрі бекершілік. Осы кезде күм құдықтың... сонау... сонау ернеуінен Сейітқұл мен Әліқұл сығалайды; мұның төбесінен тас жаудырып, қарқылдап күледі екен дейді; бір қызығы әлгі жоғарыдан зулап төмен қарай құлаған тас қаншама құлдырап, Барханның үстінен жаңбырша жауып зымырағанымен, жетпей-ақ қойды... Бархан қорғанған күйі әні-міне мыжидымен бұғып көп отырды... Тас әлі құлап келеді... Осы кезде самолеттің ғүрілдеген даусы естілді. Сонсоң күм зынданың дәл аузына кеп тоқтаған әлгі вертолеттен бір адам сығалайды да, бұған қарай аппақ арқан лақтырады.

Басқыш арқаннан шап беріп ұстаған Бархан алқынып, жандармен жоғары көтеріле бастайды. Самолеттің есігін ашып, ішіне кірсе, қудая, әкесі отыр екен дейді. «Ұлым, шаршадың ба?», «Шаршадым, әке», «Ендеше кетейік, енді сені ешкім құм зынданға қамап ұстай алмайды» – дейді де вертолетін аспандатып, қалықтап ұша жөнелді. Әкесінің арқасында өмірінде тұнғыш рет аспанға ұшқан Бархан көкпенбек болп түрган көкке, соңсоң көк мұнардың астында тып-тыныш болып жайрап жатқан айналайын Жерге қарайды. «Биіктен қараса не нәрсе де кемшіліксіз, әдемі болып көрінеді білем. Сондықтан да мені байқамайды екен-ау» – деп ойлады. Самолеттің дөп-дөңгелек терезесінен өз қыстағым көріне ме деп көз талдыра үңіліп еді – тек қана кілкіп жатқан көк мұнар дүниені көрді. Көк мұнар дүние! «Құдая, биіктен қарағандарға мен тіпті құмырсқадай болып та көрінбейді екем ғой, бұған дейін қалай ғана байқамаганмын». Биікте жүргендеге көріну үшін – өзінің де сөзсіз биіктеуі керек екенін жаңа ғана ұққандай болған Бархан самолетті басқарып келе жатқан әкесіне: – Әке, мені қыстағыма апарып тастаңыз, – дейді. «Неге ұлым?». «Мен енді қалай ұшу керектігін және неге ұшу керектігін үйрендім», – дейді. Құлағында уілдеген мотор үні.

Шошып оянып еді, үйдін он жақ бұрышын әдетінше گүріл тербел түр екен. «Айнда-жылында түшіркеніп үйықтайын десен, естіп маза бермейді. Бармаймын не қылар екенсіңдер» – деп құбірледі де іргеге қарай аунап түсіп, басын бүркеніп жатып алды. Бұрыш тағы گүрілдеді. Енді Бархан дауыстап тұрып сыйгады да, келесі жамбасына аунап түсті. Сәтке сап болған сым темір тіпті ойбайлап қоймаған соң атып тұрып, тез-тез киінді. Далага шығып еді, Сейітқұл көйлегі ағарандап жүгіріп келе жатыр екен.

– Отағасы десе, сізді Әлекең мен совхоздың бас зоотехнигі шақырып жатыр.

– Тәулігіне бір сағат тыныш үйқыны да қимайды.

Әлгіндегі түстің әсерінен айыға алмай, мен-зен ҳалде Сейітқұлдың артынан дедек қағып ере берді. Қоңыласы самбырлап сөйлеп келе жатыр.

– Отағасы десе, мені кінәлай көрменіз, өзімді де сирағымнан суырып оятты.

«Апырай, осы жігіт мінезін ұстаптай-ақ қойды. Судағы балық секілді жалт-жалт, жылт-жылт... Сырттай қарасаң қойдан

жуас, дөңгеленген қара торы жігіт. Жұп-жұмыр жұмыртқадай-ақ. Бірақ ұстайтын жері жоқ» – деп ойлады Бархан көршісін өкшелей қуып келе жатып.

– Отағасы десе мен сіздің алдыңызда... мәңгі борыштымын.

Міне түн жамылып дегендейін...

Бархан оның сөзін естіген жоқ, өз ойымен өзі әуре... «Бастықтар неге шақырды екен?»

– Отағасы десе, биыл сіз ерледіңіз. Бүкіл ауданда алдыңызға түсер ешкім жоқ көрінеді.

«Бастықтар неге шақырды екен?»

Упр өз орнында әдетінше жамбастап жатыр. Оң иығын ала маддас құрып отырган ашарық, бадырақ көз бас зоотехник осы совхозға былтыр күзде ғана келген. Содан бері Барханның үшінші рет көруі. Пәлендей өзгермеген екен. Мал мамандарының көбі төртпақ, іркілдеген семіз болып келуші еді, осына отызың үстіндегі жігіттің бойына шыр жұқпай; жұлған тырнадай болып жүргеніне таң қалды. Барханның таң қалғаны ол ғана емес, Әліқұлдың бұл кіріп келгенде калбалактап, орнынан ұшып тұрып, кос қолын бірдей ұсынғаны, арқасынан қағып сол жағынан орын бергені, бала-шаға, бау-шарбак, үрім-бұтағынан түк қалдырмай жездей қақтап есендігін сұрағаны, сонсоң биылғы қыстан ырқ етпей шықаның, жалпы Бархан Егемқұловтың іштен қойши болып құтты таяғын ала туған сұнғыла таланттың жарты сағат бөстірген. Барханның таң қалғаны, бөлімше басқарушысы осыншалық керемет, ес білгелі естімеген мақтау сөздің құлағын онды-солды бұраған сайын, бас зоотехник басын шұлғи қостап, қолпаштап, ымырласып отырганы еді. «Қай жағымнан ықтап барып шығар екенсіндер» – деп ойлады. Ток етері Әліқұл алып-қашып ауыздығын шайнаған арғымағының басын мынандай қазыққа байлады. «Баганадан бері айналып шапқанша төтеден тартпаймысың осылай», – деді ішінен.

– Общем былай, жолдас, – деді Упр, – мына Сейітқұл деген жігіт қой өз ұяңдан ұшырған балапаның, сулы жерде асып, сусыз жерде қуырып жеуге хақын бар, колыңнан ешкім алмайды. Ендеше осы жаман ініңнің бағы тасып, тасы өрге домалап жатса – сенің де абырайың, бөтен шаңыраққа емес, ырыстың өз үйіне қонғаны.

«...Мынауың қалай-қалай орағытады», – деп ойлаған Бархан Әліқұлдан осыншалық жүйелі сөз күтпеген еді. Иланғандай ұйып тыңдады.

– Олай болған жағдайда понимаешь, екі торының өзгешелігі жоқ, сен – кім, ол – кім, жақтан басты айыра алмайсыз. «Алаштың аты озғанша, ауылдастың тайы озсын» деген қазак. Ендеше, мынау басы салбырап, жұн жеп, жабагы саңғытып отырған ініңіздің айқындаушы жылдағы көрсеткіші онбай тұр. Ал, біз, бүкіл аудан бұл жаманды үкілеп, үстіміздегі жылдықтың қорытындысында наградаға ұсынайық деп дабырлап, бәркін қара қазандай етіп алдық та, аяғы сымпиып қалдық... Эрине, Сейітқұл Тәңіркүлов күш-жігерін іркіп қалған жоқ, аянбай еңбек етті. Амал не, фактінің аты – факті: жүзінен 140-ак. Бізге керегі жүзінен – 150.

– Мениң қолымнан не келеді? – деді Бархан сиырдың сілекейіндегі созылып алған әңгімені тұжырығысы келіп.

– Тфу, Беке-ай! Тіпті кейде аяқ астынан аңқаусып қаласызы-ау, – деді Әліқұл быж-тыж болып. – Сіздің анау түйенің табанындағы қолыңыздан бәрі келеді. Ұзын сөздің қысқасы, ініңізге қырық қозыны қарызға бере тұрсаңыз, келесі жылы қайтарып береді...

Бархан төбесінен жай түскендей сұлқ қалды. Үйді үнсіздік жайлады.

– Аспаннан былғары жауса құлға оқшантайлақ тимейді деген осы, – деді де терен құрсінді. Барханның бұл сөзін тек бас зоотехник ұққандай, әрі-бері қипақтап, тамагын кенеп, сөз бастады.

– Отагасы десе, – (күдай-ау, деді ішінен Бархан. Бұл да: «отагасы десе», осы сөз менің түбіме жетер.) – Отагасы десе, сіздің ересен еңбегіңіз әлемге әйгілі, сіз жұдә, баяғыдан батырсыз. Бірақ мына қисынсыздықты сезесіз бе? Сіздің табысты еңбегіңіздің нәтижесі қағаз бетіне кептүсіп, жиналыстарда, пленумдарда айтылмаған, әншайінде қақсан, құлақ етін жейтін, яғни газет, радио да жұмған аузын ашпапты. Және де сіздің еңбек жолыңыз болғанымен, жариялыш атағи өсу жолыңыз жоқ, яғни мақтау грамотасы, медаль, ордендермен бұрындысонаңыз наградталмағансыз... Демек, көзге түспегенсіз.

– Кімнің аузына ілігіп, көзіне түсуім керек еді, – деп айқай

салды Бархан. – Астымда машина, үйімде телефоным тұр ма, қит еткенді ауданға жерден жеті қоян тапқандай жеткізіп отыратын.

– Отагасы десе, жәй айтыңыз, осы үйде санырау ешкім жоқ. Мен бар шынымды актардым. Бұл маган дейін жіберілген кемшілік. Енді постепенно-постепенно сіз бол, біз бол түзейміз. Ал, қазір көршілізге қырық қозы бермеуге амалыңыз жоқ. Қой – мемлекеттікі.

– Неге? Мен ғана ма?

– Отагасы десе, жат жүрттыққа дабырлағымыз келмеді. Сіз енді, былайша айтқанда, туған ағасы секілдісіз ғой. Ренжіменіз, өзіңізді ұсынбақ болдық, ешқандай тізімде жоқ, жоғары жақ бұрын білмейтін, аспанин түскен озат шопанды қайдан таптыңдар, – деп шыбын жанымызды шырқыратар болған соң, осындаш шарасызыңызға тіреліп...

– Сен бірден секіріп кетейін деп тұрсын, – деді манадан бері тісін шұқып, әңгімеге араласа қоймаған Әліқұл. – Көрсеткіштің біртіндеп эволюциялы өсіп отыруы абзал. Сонда ағайын, награда не саған, не оған жоқ... далада қалайын деп тұр.

– Отагасы десе, сіз өйтіп ауа жайылып кетпеніз, – деді бас зоотехник. – Мемлекеттің үлестіре алмай далада жатқан атақ-құрметі бар дейісіз бе?.. Қайдағыны айтады екенсіз. Жалпы естерінізде болсын, түймедейді түйедей ететін дәнене жоқ. Сейітқұл Тәніркұловтың бес жыл бойы көрнекті табысқа қалай жетіп, аудандағы ең озат шопан аталып келгенінен менің абсолютто хабарым шамалы. Үстіміздегі жылғы көрсеткіші сіздікіне жетпей тұр, отагасы. Ал, сіз жайлы бұдан бұрын ешкім білмей келгені және рас. Мұқым аудан бойынша социалистік жарыста озып шығып, озат шопан атанған малшы үкімет наградасына ұсынылуы керегі тағы рас. Сонда не істеу керек? Әрине, сіз мені кешіріп қойыңыз, отагасы. Сондықтан сізге де, бізге де шегінер жер қалмай тұр.

Бас зоотехник сөзін түйіліп барып, кілт ұзді де Әліқұлға қарады. Ол алдында мөлдіреп тұрган қырлы стақандағы араққа қолын енді ғана соза беріп еді, өкілдің сұықтау жүзінен тайсап, іркіліп қалған. Соңсоң согзан қолын не ары, не бері апара алмай сәл қаңтарылып қалды да жолай соғып, бауырсақ ала кетті. Зоотехник: – Жігітім, мынау асай-мұсайларды жиып ал,

тойға келгеніміз жоқ. Әлі ертерек... – деді сол салқын қалпын сақтап. Сейітқұл жозы үстіндегі аракты лып еткізіп, жинап-теріп әкетті. Әліқұл тамағын қырнап, бір нәрсе демек болды, бірақ шытынаған күйі дым сыйбады. Бархан суалған қара күрең жағын сипап, ой үстінде отырған.

– Не ақыл айтасыз, отағасы, – деген зоотехниктің сөзі жанаға қаймақши бастаған тыныштыққа тас лақтырды. Барханнан жауап болмаған соң:

– Сізді келесі жылы ұйымдаспақ жас шопандардың комсомол-жастар бригадасына ұстаз етсем деймін, отағасы, қарсы емессіз бе? – деді жүзін жылтыра.

– Оны уақыт көрсетер. – Бағанадан тілі кесілгендей жұмбақ отырған Барханның үзілген сымы қайта жалғанғандай болған соң, бәрі-бәрі елең етісті. – Алатын қозыларынды таңертен санап берем. Тек ақырығы рет болсын.

– Немене, бұрын да алып па еді, отағасы.

– Бірінші жылы – бес қозы, екінші жылы – он, үшінші жылы – жиырма, төртінші жылы – отыз, енді мінеки – өзің келіп, шырағым, қырық қозы сұрадын.

– Мынау сұмдық екен! – деді бас зоотехник ұялы көзі лап етіп. – Масқара екен!

– Ешқандай сұмдығы жоқ, қанша төл берді, ақшасын да, қосымша ақысын да Барханның өзіне жазып келеміз. Жалпы, ағайынның арасына жылбықсы бес қозы, он қозы деген сөз болып па? Ат та, атан да, алыс-беріске еленбей журе бермеуші ме еді. – Әліқұл атына қайта мінді.

– Адамды қаралайтын ондай ағайындықтың енесін ұрайын! Таңертен қырық емес, елу қозы санап берем. Шығатын тауына – шыға берсін, иығымды төсеймін! – деп есікті тарс жауып, бұлқан-талқан шыға жөнелді. Бұл Барханның Бархан болғалы өз байламын тік, бетің-жүзің демей, пышақ кесті айтқанытын.

Бархан сөзінде тұрды. Ертеңінде елу козыны санап берді. Әліқұл ауданға «Сейітқұл Тәнірқұлов әр жүз аналықтан – 150 қозы, әр бас қойдан 3,5 кг. жұн алып, міндеттемесін артығымен, абыройлы тұрде орындарды» деген мәлімет әкетті. Сол күні кешке облыстық, ал үш күннен соң орталық радиодан айтылып, құмның арасындағы ең шалғай қыстакқа тілшілер сауыт-сайманын арқалап, сау ете түскен.

Көп ұзамай сессияға аттанатын болды. Азamat жолға жүргелі жатқан соң, Бархан қош деп қалайын деп, көршісіне келді. Су жаңа кремплин костюмін киіп, жуынып-таранған Сейітқұл тығырышқтай әп-әдемі жігіт болып шыға келген екен. Төртбақ, жұмырденесі, дөңгелек жузі, көзіне міне орналасқан қою қара қасы – бәрі-бәрі жарасым тауып, ұлмай көрінетін озат пошымға енген. Әсіресе, қеудесінде сылдыраған орден, медаль көркіне көрік қосып, салиқалық танытқандай еді. Ол-пұлын жинастырып, сусылдаپ жүрген әйелі Данагулдің қимылына көз ілеспейді. Дәу қара чөмоданында не бары белгісіз, ыңырандырып апарып, «Москвичтің» жүк салғышына әрәп сиғызды.

– Қаладан не базарлық әкелейін, отағасы, – деді Сейітқұл ма-шинасын тілмен жалағандай етіп сүртіп тұрып.

– Не әкелесің... Есен-сая оралсаң – одан үлкен олжа бар ма?

– Е, аман болмағанда жау алар дейсіз бе? Қалаға жаңа бара жатқаным жоқ, – деп тойына сөйлемді, – елу қозының карымтасын қайтарам, отағасы. Ер мойнында кыл арқан шірімейді.

– Жо-жоқ, ол не дегенің. Азаматтың абыроойна садаға да. – Бархан бағанадан бері байқамапты, анадай жердегі құресінде Сейітқұлдың төрткөз, сарыаяқ иті ешкінің лағы секілді бір нәрсениң жұлғылап жатқан. Ол не болды? – деген әуестік женде, жемтікке жақындай берген Барханды ырылдаپ, маңайлатқысы келмеді. Бірақ иттің жұлғылап жатқаны қаракүйрық екенін жазбай таныған. Иә, былтыр жарасын емдеп жазған өзінің асыранды хайуаны! Жүргегі зырқ ете тұсті. Қапелімде аузына сөз түспей, дедиліп қалды да даусы қалтырап:

– Сей-іт-құл, – деді, – Жолдыаяқтың жеп жатқаны не?

– Қайдан қанғып жүргенін білмеймін, таңертен ерте тұрып, жол жүретін болған соң қора жақты болжасам, анау сіздің құм төбенізде қалқайып тұр. Малапулкамен құлақ шекесінен көздел, басып едім, қалпақтай ұшты. Ажал айдалап келген екен, былтыр оң аяғынан жарапаланып, қашып кетіп еді... (карқ-карқ күлді).

Барханның көзіне қан толып, басы айналғандай болды, енді-енді құлап кетердей буынын зорға бекітті де:

– Онда... құнәсіз сәбіде әкенінің құны қалып па еді! – деп айғай салды.

— Отағасы десе, немене даланың аңын да қызғандыңыз ба? Керек десеніз облыстық табиғат қорғау қоғамының мүшесімін...

— Ой, сенің... соқырлар қоғамының, паҳорон бюроның мұшесі шығарсың бәлкім, сенен ол да шығады. Тұрған жерінде атып тастайын ба осы, әбден жүйкелетіп біттің. — Ұмытыла берді. Ал дегенде жасқанып қалған Сейітқұл іле зде күшіне қайта мінді.

— Дауыс көтерменіз, отағасы. Заң кімнің жағында екенін ойлаңыз.

— Менің өз заңым бар. Оған ешкім қол сұға алмайды.

— Бархан шәнтиіп тұрған Сейітқұлдың жағасынан ала түсті де, омырауындағы наградаларды бытырлатып, жұлыш-жұлыш алды.

— Әкенің аузын ұрайын. «Өз асыраған күшігім өз басыма қарғыды» деген осы. Быртиып алып, ішің толған сасық құлық пен сұмдық. Қайтер екен, жас қой, ақыл кірер ме екен десе, қайтеді, әкемнің шоты шапқан сайын дамып... Міне, мына медаль да, мына орден де бәр-бәрі менікі. Мына маған тиесілі сый-құрмет! Сен ұрлап алдың, саған тартып әперді анау Упр ағаң. Енді, мен сенен тартып аламын оны. Бар, баратын жеріңе!— қарсыласып қолына жармаса берген Сейітқұлды шықшыттан бір періп құлатты да «Москвичтің» доңғалағын бір теуіп жүре берді. «Ойбай, өлтірді!» деп жау жеттілеп аттандаған Данагұл күйеуінің басын сүйеп, үйге алдып кетті. Осы көріністі басынан бағып тұрған Жұмагұл ара түскен жоқ, ерінің қырықтан асқандағы қауқарын тамашалай құліп, жоламаған. Ол тіпті Барханнан жылдар бойы сарғая, сағына күткен ашуды енді танып, жоғы табылғандай қуанған да еді.

Сейітқұл өз мұрның өзі періп қанатты да, омырауын сatalakтап сорғалатқан күйі, су жаңа костюмінің әр жерін өзі билғап, жыртып алып, ауданға тартқан.

Бархан мінез көрсетті...

Ала бұлтты аспаннан тағы бір самолет ұшты...

Бархан койдан шығып, расында шығарып тастап, ауылға көшетін болды. Тіпті сотталып кете жаздады. Себеп белгілі, онсыз да құлағалы тұрған тауға қой жайған соң оңсын ба. Бас зоотехник қанша барын салып, ара түскенімен, алып қала

алмады. Тек шығарып салып тұрып: «Қамықпаңыз аға, бір жыл дем алыңыз, мал бақпай отыра алмайтыныңды білем. Пәле-жалаңдан аман болсақ, келесі жазда үйымдасатын жас шопандардың бригадасына жетекші, яғни наставник қылып жіберем» – деді жұбатып. Алғашында бадырақ көз арық жігітті сұқаны сүймелеп еді, қазір іші жылышандай болды.

Совхоз жіберген машинаға жұғін тиеп жатқанда, өз орнына шопан болған қағылез жігіт «Урал» мотоциклін дырылдатып жетіп келді. Инерің көзінен өткендегі жылпылдар тұрған пысық екенін Бархан амандық айттықшанда-ақ танып үлгерген.

– Жасың нешеде, шырағым? – деді білекті сыбанып жіберіп, ешкім айтпай-ақ іске кіріспін кеткен бұйра бас жігітке.

– Жиырма бестемін, аға, – деп тақ ете қалды. «Менен жиырма, Сейітқұлдан он жас кіші екен» деп ойлады.

– Койға алғаш шығуың ба?

– Бұрын онынышы класты тәмәмдаған соң, екі жыл көмекші болдым, соңсоң ауылшаруашылық техникумын бітіріп, өзіңіздің жұртыңызға жолдамамен келдік дегендей...

– Оның жөн екен, бірақ қызмет істемедің бе? Дипломың бар гой.

– Ой, аға, веттехник болып жалтақтап, жек көрінішті болғанша, өз қотырымды өзім қасымаймын ба? Аға, сіздің біліміңіз қанша еді?

– Білімің қанша еді дегенше, құлығың қанша еді деп сұрамайсың ба? Шынымды айтсам, сегіз-ақ класс.

– Ал, анау көршіңіздіңі?

– Сейітқұлды айтасың ба? Ол онжылдықты бітірген.

Бұдан әрі екеуі де үнсіз жүк тиеп, сейлеспеді. Аттанар алдында Бархан:

– Ал, шырағым, жүр қорадағы қойды санап ал, – деді. Бірақ осы сөзді әлденендей бір терең өксікке толы, өкінішке толы көңілмен айтқандай болды. Аса бір қимасымен мәнгілікке қоштасардай қиналып айтты.

– Сізге сенем ғой, аға.

– Жоқ, ол болмайды, шырағым. Әкең болса да жауапты нәрсені түгендеп алу керек. – Қой – тауық емес.

– Аға, – деді жас шопан салмақпен. – Сіз аға, алданбасаңыз, алдамайды деп бас зоотехник айтқан маган. Екі кештің

арасында санап, әуре болып қайтеміз. Қараңғы түспей ауылға жетіп үлгерініздер.

– Ендеше не айтайын, шырагым. Ұстаған таяғың құтты болсын. Анау қоңсыласың тым жаман жігіт емес, тату-тэтті сыйласып тұрындар.

– Сізді қандай дәрежеде құрметтесе, сол үдеден мен де шығармын, аға. Болашақ көрсетер, бақ шаба ма, бап шаба ма...

Бархан көзі от шашып, атылатын арыстандай ырғып-ойнап тұрган бүйра бас, ат жақты жігітке үркे қарады.

Машинаға отыра беріп, Сейітқұлдың үйі жағына елеңдеп болжап еді, ешкімнің төбесі көрінбеді.

– Енендең ұрайын, қош деуге жарамадың-ау, – деп өкінгендей болды. Өкпеге қиса да, өлімге қиған жоқ. Сейітқұлдың ертенін ойлап, қатты аяды...

Барханның жүгін тиеген машина құмға сіңіп, көзден тасаланғанша, төбенің басына шығып, қасқайып қарап қалған жас шопан Сейітқұлдың үйін меңзеп: «Көрерміз! – деді даусын шығарып. – Көрерміз... кімнен кімнің озарын...»

Аспаннан тағы бір самолет ұшты...

Руза, 1976 ж.

Мазмұны

Атау-кере (Қауіпті будан) <i>Роман</i>	3
Бәрі де майдан. <i>Повесть</i>	216
Құм мінезі (Бархан). <i>Повесть</i>	332

«Ел-шежіре» қайырымдылық қоры» қоғамдық қорының
президенті Дидахмет Әшімханұлы

Оралхан Бекей

Шыгармалары

2-том

Роман, повестер

Редакторы Сәуле Укенова

Техникалық редакторы Ниязбай Оразымбет

Суретшісі Бауыржан Байділда

Компьютерде беттеген Гүлмира Өтенова

ИБ № 126

Теруге 10.05.2013 ж. берілді. Басуға 05.06.2013 ж. кол койылды.

Пішімі 84x108^{1/32}. Каріп түрі «Times New Roman».

Басылымы оффсеттік. Шартты баспа табағы 20.

Таралымы 2000 дана. Тапсырыс №

ISBN 978-601-7317-48-5



9 786017 317485

«Ел-шежіре» қоғамдық қоры. 050009. Алматы қаласы.
Абай даңғ. 143, 517 бөлме

«Полиграфкомбинат» ЖШС
Алматы қ., Мақатаев көшесі, 41